
HECTOPOBA HECTOPOBA ACTORNED.


947 H564



Omg. 11; 3//







Типографія Т. Рисъ, на Садовой, у Яузской части, д. Медынцевой.

## ПРЕДИСЛОВІЕ.

cresses, recreated murae our distribution or and real

varia au arodumi agores H. simmen sur commacroide

DESCRIPTION PRESENTATION, V. MODES NO DESCRIPTION OF THE PROPERTY.

RYBERT AN ALLEGORIE UNERSTEELEN TELEGORIE AFRICACION

violited authority at the constant statement concerns.

Лѣтопись Несторова принадлежить къ числу памятниковъ древнѣйшей нашей словесности, достойныхъ самаго подробнаго изученія: это главный и почти единственный источникъ нашихъ представленій о начальныхъ временахъ русской исторіи.

Такой памятникъ долженъ бы быть настольной книгой каждаго образованнаго Русскаго. Тъмъ болъе необходимо было бы учащимся имъть его постоянно подъ руками при изучении русской исторіи и литературы.

Но дать въ руки учащимся полный текстъ Несторовой Лѣтописи въ томъ видѣ, какъ онъ до сихъ поръ издавался, невозможно — по многимъ причинамъ. Тлавныя изъ нихъ двѣ: трудность языка древняго текста вообще, и нѣсколько встрѣчающихся въ Лѣтописи выраженій, неудобныхъ съ педагогической точки зрѣнія. По этимъ причинамъ, знакомство съ Несторовой Лѣтописью въ нашихъ учебныхъ заведеніяхъ ограничивалось двумя-тремя отрывками, помѣщаемыми въ Хрестоматіяхъ. Полнаго изданія Не-

стора, которое могло бы быть дано съ пользою въ руки учащимся, у насъ не существовало.

Настоящее изданіе Нестора имбеть въ виду пополнить этотъ важный пробълъ въ нашей учебной литературв. Оно назначается собственно для учащихся. Всв мъста Лътописи, которыя могли быть допущены въ учебномъ пособіи соображеніямъ педагогическимъ, исключены этомъ изданіи; болье трудныя слова и вы-• раженія объяснены, — при чемъ, ради облегченія учащихся, нъкоторыя формы приведены въ Словарт въ томъ самомъ видт, въ какомъ онт встртчаются въ текств; наконецъ, при мъстахъ темныхъ или испорченныхъ, указано (въ подстрочныхъ примъчаніяхъ) чтеніе, предложенное извъстными учеными: гг. Буслаевымъ, Миклошичемъ, Соловьевымъ и др. Кромъ того, въ видахъ удешевленія изданія, исключены нікоторыя мізста, которыя оказалось возможнымъ опустить, не нарушая последовательности летописнаго разсказа; таковы: отрывокъ молитвеннаго содержанія, вставленный въ Лаврентіевскомъ спискъ Лътописи вслъдъ за Поученіемъ Мономаха; ръчь греческихъ пословъ къ Владиміру, содержащая въ себъ краткое изложение событий Ветхаго и Новаго Завъта (съ которыми учащіеся гораздо подробнъе знакомятся изъ Священной Исторіи) и т. п. Зато найдено возможнымъ помъстить. Поучение Владиміра Мономаха своимь дътямь, находящееся въ Лаврентіевскомъ спискъ. Въ основаніе 1-го нашего изданія (1869 г.) принять быль тексть Літописи въ томъ видів, какъ онъ напечатань быль въ первый разъ Археографическою Коммиссіею. Но фотолитографическій снимокъ съ Лаврентіевскаго списка, изданный Археогр. Коммиссіей въ 1872 г., далъ возможность провірить и боліве сблизить печатный текстъ съ текстомъ подлинной рукописи. Такимъ образомъ по теперешнему нашему изданію учащіеся могуть знакомиться съ Літописью въ томъ самомъ видь, въ какомъ она дайствительно существуеть въ древныйшей изъ извъстныхъ рукописей. Отступать отъ подлинника мы позволяли себів только въ тіхъ случаяхъ, гдів очевидна ошибка писавшаго.

Историческіе факты, пропущенные въ Лаврентіевскомъ спискъ, но нужные для полноты разсказа о событіяхъ, внесены въ текстъ изъ другихъ списковъ, какъ это сдѣлано и Археографическою Коммиссіей, съ обозначеніемъ тѣхъ списковъ, изъ какихъ именно взяты эти дополненія. Эти списки означены литерами: Л (Лаврентіевскій), Л (Ипатьевскій), Х (Хлѣбниковскій), Р (Радзивиловскій), Т (Троицкій).

Мѣсто, гдѣ именно оканчивается Временникъ Нестора, опредѣлено согласно съ указаніями \*) Археографической Коммиссіи.

<sup>\*)</sup> См. Предисловіе къ Полному Собранію Русскихъ Лѣтописей, стр. XVIII.

Brochonalis (10 mainer) harasanis (1860 r.) upper itera (680 r.) upper itera (680 r.) upper itera (680 r.) upper our (680 r.) upper our (680 r.) upper our (680 r.) upper our (680 r.) upper iteration (680 r.) upper iterati

-normal and considering and antical antical and antical an

Misero, arib amendo casinenser en lipenemients Heceropa, surpiellando comando en presentanto. Apareorpasamentalista isonentecim.

nucen, cro. XVIII.

o. Ca. Ageandaoine, sa Heanomy Coopanim Pycosuxy Asto-



## несторова автопись.

Сеповъстнвреманьный таку в кудуесть пошларуска в активент в кудуруска в демана сталаесть.:.

Сеначнемъповъстьсню. По потопъ первіе сынове Ноеви раздълиша землю, Симъ, Хамъ, Афетъ. И яся въстокъ Симови: Персида, Ватрь, тоже и до Индикія въ долготу, и въ ширину и до Нирокурія, якоже рещи отъ въстока и до полуденья, и Сурія, и Мидіа по Ефратъ ръку, Вавилонъ, Кордуна, Асуряне, Мисопотамира, Аравія старъйшая, Елмаисъ, Инди, Аравія силная, Колія, Комагини, Финикія вся. Хамови же яся полуденьная страна: Еюнетъ, Ефивопья, прилежащія ко Индомъ, другая же Ефивопья, изъ нея же исходить рѣка Ефіопьская Чермна, текущи на въстокъ. Өива, Ливія прилежащи до Киринія, Мармарія, Сурьти, Ливія другая, Нумидья, Масурія, Мавританья противу сущи Гадиръ; сущимъ же ко востокомъ имать Киликію, Памъ-Филію, Писидію, Мосію, Лукаонію, Фругію, Камалію, Ликію, Карію, Лудью, Масію другую, Троаду, Еолиду, Вифунію, старую Фругію; и островы нѣки имать:

<sup>\*)</sup> Во всёхъ спискахъ, кромё Лаврентьевскаго, прибавлено: «черноризца Федосьева монастыря Печерьскаго». Въ одномъ Хлёбниковскомъ поставлено: «Нестера черноризца».

Саръдани, Критъ, Купръ, и ръку Гъону, зовемую Нилъ. Афету же яшась полунощныя страны и западныя: Мидія, Альванья, Арменія малая и великая, Кападокія, Фефлагони, Галатъ, Колхисъ, Воспоріи, Меоти, Дереви, Саръмати, Тавріани, Скубія, Фраци, Макидонья, Далматія, Молоси, Өесалья, Локрія, Педенія яже и Полопонисъ наречеся, Аркадія, Ипиронія, Илюрикъ, Словъне, Лухнитія, Анъдріакія, Оньдръятиньская пучина; имать же и островы: Вританію, Сикилію, Евію, Родока, Хіона, Лъзовона, Кофирана, Закунофа, Кефалинья, Ифакину, Керькуру, часть Асійскія страны, нарицаемую Онію, ръку Тигру, текущи межю Миды и Вавилономъ; до Понетьского моря на полънощныя страны, Дунай, Дьнъстръ, и Кавкаисинскія горы, рекше Угорьски, и оттудъ доже и до Днъпра; и прочая ръки: Десна, Припеть, Двина, Волховъ, Волъга, яже идеть на встокъ въ часть Симову. Въ Афетовъ же части съдять: Русь, Чюдь и с языци, Меря, Мурома, Весь, Моръдва, Заволочьская Чудь, Пермь, Печера, Ямь, Угра, Лптва, Зимътола, Корсь, Сътьгола, Любь; Ляхве же, и Пруси, Чудь присъдять къ морю Варяжьскому; по сему же морю съдять Варязи съмо ко въстоку до предъла Симова, по тому же морю съдять къ западу до землъ Агнянски и до Волошьски. Афетово бо и то колъно: Варязи, Свеи, Урмане, Готе, Русь, Агняне, Галичане, Волъхва, Римляне, Нъмцы, Корлязи, Веньдици, Фрягове и прочін; доже присъдять отъ запада къ полуденью и съсъдяться съ племянемъ Хамовымъ.

Симъ же, и Хамъ, и Афетъ, раздъливше землю, жребы метавше не преступати никомуже въ жребій братень, живяху кождо въ своей части. Бысть языкъ единъ и умножившемъся человъкомъ на земли, помы-

слиша создати столиъ до небесе, въ дни Нектана и Фалека; и собращася на мъстъ Сенаръ поли здати столпъ до небесе и градъ около его Вавидонъ, и создаща столпъ то за 40 лътъ, несвершенъ бысть. И сниде Господь Богъ видъти градъ и столпъ, и рече Господь: се родъ единъ и языкъ единъ. И съмъси Богъ языкы, и раздъли на 70 и 2 языка, и расъсъя по всей земли. По размъщеньи же языкъ, Богъ вътромъ великимъ разруши столиъ; и есть остановъ его промежю Асюра и Вавилона, и есть въ высоту и въ ширину локоть 5433, и въ лъта многа хранимъ останокъ. По разрушеньи же столпа и по раздъленьи языкъ, пріяша сынове Симови въсточныя страны, а Хамови сынове полуденьныя страны, Афетови же пріяша западъ и полунощныя страны. Отъ сихъ же 70 и 2 языку бысть языкъ Словънескъ отъ племени Афетова, Нарци, еже суть Словъне.

По мнозвхъ же времянвхъ свли суть Словвни по Дунаеви, гдв есть нынв Угорьска земля и Болгарьска. Отъ твхъ Словвнъ разидошася по землв и прозвашася имены своими, гдв свдше на которомъ мвств: яко пришедше свдоша на рвцв имянемъ Морава и прозвашася Морава, а друзіи Чеси нарекошася: а се ти же Словвни Хровате Бвліи, и Серебь, и Хорутане. Волхомъ бо нашедшемъ на Словвни на Дунайскія, свдшемъ въ нихъ и насилящемъ имъ, Словвни же ови пришедше свдоша на Вислв и прозвашася Ляхове, а отъ твхъ Ляховъ прозвашася Поляне, Ляхове друзіи Лутичи, ини Мазовшане, ини Поморяне. Такоже и ти Словвне пришедше и свдоша по Дивиру, и нарекошася Поляне, а друзіи Древляне, зане свдоша въ люсвхъ; а друзіи строша межю Припетью и Двиною, и нарекошася Дре-

говичи; иніи съдоша на Двинъ и нарекошася Полочане, ръчьки ради, яже втечеть въ Двину, имянемъ Полота, отъ сея прозвашася Полочане. Словъни же съдоша около езера Илмеря, прозвашася своимъ имянемъ, и сдълаша градъ, и нарекоша и Новъгородъ; а друзіи съдоша по Деснъ, и по Семи, по Сулъ, и нарекошася Съверъ. Тако разидеся Словъньскій языкъ; тъмже и грамота прозвася Словеньская.

Поляномъ же жившимъ особъ по горамъ симъ, бъ путь изъ Варягъ въ Греки; и изъ Грекъ по Дивпру, и верхъ Дибпра волокъ до Ловоти, по Ловоти внити въ Илмерь озеро великое, изъ него же озера потечеть Волховъ и вътечеть въ озеро великое Нево, того озера внидеть устье въ море Варяжьское, и по тому морю ити до Рима, а отъ Рима прити по тому же морю ко Царюгороду, а отъ Царягорода прити въ Понтъ море, въ не же втечеть Дивпръ рвка. Дивпръ бо потече изъ Оковьскаго (Волковьскаго) лъса, и потечеть на полъдне; а Двина изъ того же лъса потечеть, а идеть на полунощье, и внидеть въ море Варяжьское; изъ того же лъса потече Волга на въстокъ, и вътечеть семьюдесять жерель въ море Хвалисьское. Тъмже и изъ Руси можеть чти въ Болгары и въ Хвалисы, на въстокъ доити въ жребій Симовъ; а по Двинъ въ Варяги, изъ Варягъ до Рима, отъ Рима до племени Хамова. А Дивпръ втечеть въ Понетьское море жереломъ, еже море словеть Руское, по нему же училь святый Оньдръй, братъ Петровъ.

Якоже рѣша, Оньдрѣю учащю въ Синопіи и пришедшю ему въ Корсунь, увидѣ, яко изъ Корсуня близь устье Днѣпрьское, въсхотѣ поити въ Римъ и проиде въ вустье Днѣпрьское; оттоле поиде по Днѣпру горѣ,

и по приключаю приде и ста подъ горами на березъ. Заутра въставъ и рече къ сущимъ съ нимъ ученикомъ: «видите ли горы сія? яко на сихъ горахъ возсіяеть благодать Божья, имать градъ великъ быти, и церкви многи Богъ въздвигнути имать». Въщедъ на горы сія, благослови я, постави крестъ, и помоливъся Богу, и сълъзъ съ горы сея, идъже послъже бысть Кіевъ, и поиде по Днъпру горъ. И приде въ Словъни, идъже нынъ Новъгородъ; и видъ ту люди сущая, како есть обычаи имъ, и како ся мыють, хвощутся, и удивися имъ. Иде въ Варяги и приде въ Римъ, исповъда, елико научи и елико видъ, и рече имъ: «дивно видъхъ Словеньскую землю, идучи ми съмо; видъхъ бани древены, и пережьгуть è рамяно, совлокуться и будуть нази, и облъются квасомъ усніянымъ, и возмуть на ся прутье младое, быються сами и того ся добыють, егда влёзуть ли живи, и облъются водою студеною, тако ожіуть; и то творять по вся дни немучими никимъже, но сами ся мучать, и то творять мовенье собъ, а не мученье». Ты слышаще дивляхуся; Оньдрей же бывь въ Риме, приде въ Синопію.

Полемъ же жившемъ особъ и володъющемъ роды своими, иже и до сее братьъ бяху Поляне, и живяху кождо съ своимъ родомъ и на своихъ мъстъхъ, владъюще кождо родомъ своимъ. Быша 3 братья, единому имя Кій, а другому Щекъ, а третьему Хоривъ, сестра ихъ Лыбедъ. Сидяще Кій на горъ, гдъ же нынъ увозъ Боричевъ, а Щекъ съдяще на горъ, гдъ нынъ зовется Щековица, а Хоривъ на третьей горъ, отъ него же прозвася Хоревица; и створиша градъ во имя брата своего старъйшаго, и нарекоша имя ему Кіевъ. Бяше около града лъсъ и боръ великъ, и бяху ловяща

звърь; бяху мужи мудри и смыслени, нарицахуся Поляне, отъ нихъ же есть Поляне въ Кіевъ и до сего дне. Ини же не свъдуще рекоша, яяо Кій есть перевозникъ былъ; у Кіева бо бяше перевозъ тогда съ оноя стороны Днъпра, тъмь глаголаху: на перевозъ на Кіевъ. Аще бо бы перевозникъ Кій, то не бы ходилъ Царюгороду; но се Кій княжаще въ родъ своемь; приходившю ему по царю, якоже сказають, яко велику честь пріяль отъ царя, при которомъ приходивъ цари. Идущю же ему опять, приде къ Дунаеви, възлюби мъсто и сруби градовъ малъ, хотяше състи съ родомъ своимъ, и не даша ему ту близь живущіи; еже и донынъ наречють Дунайци городище Кіевець. Кіеви же пришедшю въ свой градъ Кіевъ, туживотъ свой сконча; а братъ его Щекъ и Хоривъ и сестра ихъ Лыбедь ту скончашася.

И по сихъ братьи держати почаша родъ ихъ княженье въ Поляхъ; въ Деревляхъ свое, а Дреговичи свое, а Словъни свое въ Новъгородъ, а другое на Полотъ, иже Полочане отъ нихъ же. Кривичи же съдять наверхъ Волги, и наверхъ Двины и наверхъ Днъпра, ихъ же градъ есть Смоленьскъ; туда бо съдять Кривичи. Таже Съверъ отъ нихъ на Бъльозеръ съдять Весь, а на Ростовьскомъ озеръ Меря, а на Клещинъ озеръ Меря же; по Оцъ ръцъ, гдъ потече въ Волгу же, Мурома языкъ свой, и Черемиси свой языкъ, Моръдва свой языкъ. Се бо токмо Словънескъ языкъ въ Руси: Поляне, Деревляне, Ноугородьци, Полочане, Дреговичи, Съверъ, Бужане, зане съдоша по Бугу, послъже Велыняне. А се суть иніи языци, иже дань дають Руси: Чюдь, Меря, Весь, Мурома, Черемись, Моръдва, Пермь, Печера, Ямь, Литва, Зимигола, Корсь, Норова, Либь; си суть свой языкъ имуще, отъ колъна Афетова, иже жіуть въ странахъ полунощныхъ.

Словъньску же языку, якоже рекохомъ, жіуще на Дунаи, придоша отъ Скубъ, рекше отъ Козаръ, рекомін Болгаре, съдоша по Дунаеви, населници Словъномъ быша. По семь придоша Угри Бъліи, наслъдиша землю Словеньску; си бо Угри почаша быти при Ираклін цари, иже находиша на Хоздроя царя Перьскаго. Въ си же времяна быша и Обри, ходиша на Ираклія царя и мало его не яша; си же Обръ воеваху на Словънъхъ и примучища Дульбы, сущая Словъны, и насилье творяху женамъ Дульбьскимъ: аще повхати будяше Обърину, не дадяше въпрячи коня, ни вола, но веляще въпрячи 3 ли, 4 ли, 5 ли женъ въ телъту и повезти Обървна; тако мучаху Дулвбы. Быша бо Объръ тъломъ велици и умомь горди, и Богъ потреби я, помроша вси, и не остася ниединъ Объринъ; есть притъча въ Руси и до сего дне: погибоша аки Обръ, ихъ же нъсть племени, ни наслъдъка. По сихъже придоша Печенъзи; паки идоша Угри Черніи мимо Кіевъ, послъже при Олзъ.

Поляномъ жіущемъ особъ, якоже рекохомъ, суще отъ рода Словъньска, и наръкошася Поляне, а Древяня же отъ Словънъ же, и нарекошася Древляне; Радимичи бо и Вятичи отъ Ляховъ. Бяста бо 2 брата въ Лясъхъ, Радимъ, а другій Вятко; и пришедъща съдоста, Радимъ на Съжю, прозващася Радимичи, а Вятъко съде съ родомъ своимъ по Оцъ, отъ него же прозващася Вятичи. И живяху въ миръ Поляне, и Деревляне, Съверъ, и Радимичь, и Вятичи, и Хрвате. Дулъби живяху по Бугу, гдъ нынъ Велыняне, а Улучи Тиверьци съдяху по Диъстру, присъдяху къ Дунаеви;

бъмножьство ихъ, съдяху бо по Днъстру оли до моря, суть гради ихъ и до сего дне, да то ся зваху отъ Грекъ Великая Скувь.

Имяху бо обычаи свои, и законъ отець своихъ и преданья, кождо свой нравъ. Поляне бо свой отець обычай имуть кротокъ и тихъ, и стыдънье къ снохамъ своимъ и къ сестрамъ, къ матеремъ и къ родителемъ своимъ, къ свекровемъ, и къ деверемъ велико стыдънье имъху; брачныи обычаи имяху: не хожаше зять по невъсту, но приводяху вечеръ, а завътра приношаху по ней что вдадуче. А Древляне живяху звъриньскимъ образомъ, жіуще скотьски: убиваху другъ друга, ядяху вся нечисто, и брака у нихъ не бываше, но умыкиваху уводы \*) дъвиця. И Радимичи, и Вятичи, и Съверъ одинъ обычай имяху: живяху въ дъсъ, якоже всякій звърь, ядуще все нечисто, срамословье въ нихъ предъ отъци и предъ снохами; браци не бываху въ нихъ, но игрища межю селы. Схожахуся на игрища, на плясанье, и на вся бъсовьская игрища, и ту умыкаху жены собъ, съ нею же кто съвъщашеся; имяху же по двъ и по три жены. Аще вто умряше, творяху трызну надъ нимъ, и по семь творяху кладу велику, и възложахуть и на кладу мертвеца сожьжаху, а по семь собравше кости, вложаху въ судину малу и поставяху на столив на путехъ, еже творять Вятичи и нынъ. Си же творяху обычая

<sup>\*)</sup> Г. Соловьевь читаеть «у воды», приводя эти слова въсвязь съ словами митрополита Кирилла: «Въ предълахъ Новогородскихъ невъсть водять къ воды и нынъ не велимъ тому тако быти или то проклинати повелъваемъ». Ист. Россіи, І. Прим. 65.

Кривичи, прочіи поганіи, не в'ядуще закона Божья, но творяще сами собъ законъ.

Глаголеть Георгій въ лѣтописаньи \*): ибо комуждо языку овъмъ исписанъ законъ есть, другимъ же обычаи; зане безаконьникомъ отечьствіе мнится. Мы же христіане, елико земль, иже върують въ святую Троицю, въ едино крещенье, въ едину въру, законъ имамъ единъ, елико во Христа крестихомся и во Христа облекохомся.

По сихъ же лътъхъ, по смерти братъъ сея, быша обидимы Древлями, инъми околними, и наидоша я Козаръ съдящая на горахъ сихъ въ лъсъхъ, и ръша Козари: «платите намъ дань». Съдумавше Поляне и вдаша отъ дыма мечь, и несоша Козари ко князю своему и къ старъйшинамъ, и ръша имъ: «се налъзохомъ дань ноу». Они же ръща имъ: «откуду»? они же ръща: «въ дъсъ на горахъ, надъ ръкою Днъпрьскою». Они же ръша: «что суть въдали»? они же показаща мечь. Ръша старци Козарьстін: «недобра дань, княже! мы ся доискахомъ оружьемь одиною стороною, рекше саблями, а сихъ оружье обоюду остро, рекше мечь; си имуть имати дань на насъ и на инъхъ странахъ». Се же сбысться все; не отъ своея воля рекоша, но отъ Божья повельныя. Яко при Фаравонь цари Еюпетьстымь, егда приведоша Моисъя предъ Фаравона, и ръша старъйшина Фараоня: се хочеть смирити область Еюпетьскую. Якоже и бысть; погибоша Еюптяне отъ Моисъя, а первое быша работающе имъ. Тако и си владъша, а послъже самъми владъють; якоже бысть, володъють Козары Русьскіе и до днешняго дне.

<sup>\*)</sup> Хронографъ Георгія Амартола.

Въ лъто 6360, индикта 15, наченшю Михаилу царствовати, начася прозывати Руска земля. О семь бо увъдахомъ, яко при семь цари приходища Русь на Царьгородъ, якоже пишется въ лътописаныи Гречьстъмъ: тъмже отселъ почнемъ и числа положимъ. Яко отъ Адама до потопа лътъ 2242; а отъ потопа до Оврама дътъ 1000 и 82; а отъ Аврама до исхоженья Монсвева лътъ 430; а отъ исхоженья Монсвева до Давыда лътъ 600 и 1; а отъ Давыда и отъ начала царства Соломоня до плъненья Герусалимля лътъ 448; а отъ плъненья до Олексанъдра лътъ 318; а отъ Олексанъдра до Рожества Христова лътъ 333; а отъ Христова Рожества до Костянтина лътъ 318: отъ Костянтина же до Михаила сего лътъ 542. А отъ перваго дъта Михаилова до перваго дъта Олгова, Рускаго князя, лътъ 29; а отъ перваго лъта Олгова, понеже съде въ Кіевъ, до первого лъта Игорева лътъ 31; а отъ перваго лъта Игорева до перваго лъта Святъславля лътъ 33; а отъ перваго лъта Святославля до перваго лъта Ярополча лътъ 28; а Ярополкъ княжи лътъ 8; а Володимеръ лътъ 37; а Ярополкъ княжи лътъ 40. Тъмже отъ смерти Святославли до смерти Ярославли лътъ 85; а отъ смерти Ярославли до смерти Святополчи лътъ 60. Но мы на прежнее возъвратимся, скажемъ, што ся удъя лъта си, якоже преже почали бяхомъ первое лъто Михандомъ, а по ряду положимъ числа.

Вълъто 6361. Вълъто 6362. Вълъто 6363. Вълъто 6364. Вълъто 6365. Вълъто 6366. Михаилъцарь изиде съ вои брегомъ и моремъ на Болгары; Болгаре же увидъвше, не могоша стати противу, креститися просиша и покоритися Грекомъ. Царь же крестикнязя ихъ и боляры вся, и миръ створи съ Болгары.

Въ лѣто 6367 Имаху дань Варязи изъ заморья на Чюди и на Словънехъ, на Мери и на всъхъ Кривичъхъ; а Козари имаху на Полянъхъ, и на Съверъхъ, и на Вятичъхъ, имаху по бълъй въверицъ отъ дыма.

Въ лъто 6368. Въ лъто 6369. Въ лъто 6370. Изъгнаша. Варяги за море, и не даша имъ дани, и почаша сами въ собъ володъти; и не бъ въ нихъ правды, и въста родъ на родъ, быша въ нихъ усобицъ, и воевати почаша сами на ся. Ръша сами въ себъ: «поищемъ собъ князя, иже бы володълъ нами и судилъ по праву». Идоша за море въ Варягомъ въ Руси, сице бо ся зваху тін Варязи Русь, яко се друзін зовутся Свіе, друзіи же Урмане, Анъгляне, друзіи Гъте; тако и си. Ръша Руси Чюдь, Словъни и Кривичи: «вся земля наша велика и обилна, а наряда въ ней нътъ; да поидъте княжить и володъти нами». И изъбращася 3 братья съ роды своими, пояща по собъ всю Русь, и придоша; старъйшій Рюрикъ съдъ въ Новъградъ, а другій Синеусь на Бъльозерь, а третій Изборьсть Труворь. Оть тъхъ прозвася Руская земля, Новугородьци: ти суть людье Ноугородьци отъ рода Варяжьска, преже бо бъща Словъни. По дву же лъту Синеусъ умре, и братъ его Труворъ, и прія власть Рюрикъ; и раздая мужемъ своимъ грады, овому Полотескъ, овому Ростовъ, другому Бълоозеро. И по тъмъ городомъ суть находници Варязи; а перьвіи насельници въ Новъгородъ Словъне, Полотьски Кривичи, въ Ростовъ Меря, въ Бъльозеръ Весь, въ Муромъ Мурома, и тъми всъми обладаше Рюрпкъ. И бяста у него два мужа, не племени его, но боярина, и та испросистася ко Царюгороду съ родомъ своимъ. И поидоста по Днъпру, и идуче мимо, и узръста на горъ градокт, и упрашаста, ръста: «чій се градокъ»? они же рѣша: «была суть 3 братья, Кій, Щекъ, Хоривъ, иже сдѣлаша градокъ ось, и изгибоша, а мы сѣдимъ, роды ихъ, сьде, платяче дань Козаромъ». Асколдъ же и Диръ остаста въ градѣ семъ, и многи Варяги скуписта, и начаста владѣти Польскою землею. Рюрику же княжащу въ Новѣгородѣ,

Въ лъто 6371, въ лъто 6372, въ лъто 6373, въ лъто 6374, иде Асколдъ и Диръ на Греки, и приде въ 14 лъто Михаила царя. Царю же отшедшю на Отаряны, дошедшю же ему Черные ръки, въсть епархъ посла къ нему, яко Русь на Царьгородъ идеть, и вратися царь. Си же внутрь Суду \*) вшедше, много убійство крестьяномъ створиша, и въ двою сотъ корабль Царьградъ оступиша. Царь же едва въ градъ вниде съ патреярхомъ съ Фотьемъ, къ сущей церкви святъй Богородицъ Влахърнъ, всю нощь молитву створиша, таже божественную святы Богородиця ризу съ пъсньми изнесъще, въ ръку омочиша. Тишинъ сущи, морю укротившюся, абье буря въста съ вътромъ, и волнамъ вельямъ въставшемъ засобь, безбожныхъ Руси корабля смяте, къ берегу приверже, и изби я, яко мало ихъ отъ таковыя бъды избъгнути; въсвояси възъвратишася.

Въ лъто 6375. Въ лъто 6376. Поча царствовати Василій.

Въ дъто 6377. Крещена бысть вся земля Болъгарьская.

Въ лѣто 6378. Въ лѣто 6379. Въ лѣто 6380. Въ лѣто 6381. Въ лѣто 6382. Въ лѣто 6383. Въ лѣто 6384. Въ лѣто 6385. Въ лѣто 6386. Въ лѣто 6387. Умершю Рюрикови, предасть княженье свое Олгови,

<sup>\*)</sup> Гавань. (Сравни Sund).

отъ рода ему суща, въдавъ ему сынъ свой на руцъ Игоря; бысть бо дътескъ вельми.

Въ дъто 6388. Въ дъто 6389. Въ дъто 6390. Поиде Олегъ, поимъ воя многи, Варяги, Чюдь, Словъни, Мерю, Весь, Кривичи, и приде къ Смоленьску съ Кривичи, и прія градъ, и посади мужь свой. Оттуда поиде внизъ, и взя Любець, и посади мужь свой. Придоста въ горамъ въ Кіевьскимъ, и увидя Олегъ, яко-Осколдъ и Диръ княжита, похорони вои въ додьяхъ, а другія назади остави, а самъ приде нося Игоря дътьска. И принлу подъ Угорьское, похоронивъ вои своя, и присла ко Асколду и Дирови, глаголя: «яко гость есмь, идемъ въ Греки отъ Олга и отъ Игоря княжича, да придъта къ намъ къ родомъ своимъ». Асколдъ же и Диръ придоста; выскакавъ же вси прочіи изъ лодья, и рече Олегь Асколду и Дирови: «вы нъста князя, ни рода княжа, но азъ есмь роду княжа», вынесоша Игоря, «и се есть сынъ Рюриковъ». И убиша Асколда и Дира, несоша на гору, и погребоша и на горъ, еже ся нынъ зоветь Угорьское, кдъ нынъ Олъминъ дворъ; на той могилъ поставилъ церковь святаго Николу, а Дирова могила за святою Ориною. Съде Олегъ княжа въ Кіевъ, и рече Олегъ: «се буди мати градомъ Рускимъ». Бъща у него Варязи и Словъни и прочи прозвашася Русью. Се же Олегъ начагороды ставити, и устави дани Словъномъ, Кривичемъ и Мери; и устави Варягомъ дань даяти отъ Новагорода гривенъ 300 на лъто, мира дъля, еже до смерти Ярославлъ даяше Варягомъ.

Въ дъто 6391. Поча Олегъ воевати Деревляны, и примучивъ и, имаше на нихъ дань по чернъ кунъ.

Въ лѣто 6392. Иде Олегъ на Сѣверяне, и побѣди Сѣверяны, и възложи на нь дань легъку, и не дастъ имъ Козаромъ дани платити рекъ: «азъ имъ противенъ, а вамъ нечему».

Въ лъто 6393. Посла Олегъ къ Радимичемъ ръка: «кому дань даете?» они же ръща: «Козаромъ». И рече имъ Олегъ: «не дайте Козаромъ, но мнъ дайте», и въдаша Ольгови по щълягу, якоже Козаромъ даху. И бъ обладая Олегъ Поляны и Деревляны, Съверены и Радимичи, а съ Уличи и Тъверци имяще рать.

Въ лъто 6394. Въ лъто 6395. Леонъ царствова, сынъ Васильевъ, иже Левъ прозвася и брать его Олександръ, иже царствоваста лътъ 20 и 6.

Въ лъто 6396. Въ лъто 6397. Въ лъто 6398. Въ льто 6399. Въ льто 6400. Въ льто 6401. Въ льто 6402. Въ лъто 6403. Въ лъто 6404. Въ лъто 6405. Въ лъто 6406. Идоша Угри мимо Кіевъ горою, еже ся зоветь нынъ Угорьское, пришедъще къ Днъпру, и сташа вежами; бъща бо ходяще аки се Половци. Пришедъ отъ встока и устремишася черезъ горы великія, и почаша воевати на жіущая ту Волхи и Словъни. Съдяху бо ту преже Словъни, и Волъхве пріяша землю Словъньску; посемъ же Угри прогнаша Волъхи, и наслъдиша землю, и съдоша съ Словъны, покоривше я подъ ся: оттолъ прозвася земля Угорьска. И начаша воевати Угри на Греки, и поплъниша землю Фрачьску и Макидоньску доже и до Селуня, начаша воевати на Марау и на Чехи. Бъ единъ языкъ Словънескъ: Словъни, иже съдяху по Дунаеви, ихъ же пріяша Угри, и Марава, Чеси, и Ляхове, и Поляне, яже нынъ зовомая Русь. Симъ бо первое преложены книги Маравъ, яже

прозвася грамота Словъньская, яже грамота есть въ Руси и въ Болгаръхъ Дунайскихъ.

Словъномъ жіущимъ крещенымъ, и княземъ ихъ, Рестиславъ, и Святополкъ, и Коцелъ послаша ко царю Михаилу, глаголюще: «земля наша крещена, и нъсть у насъ учителя, иже бы ны наказаль и поучаль насъ, и протолковалъ святыя книги; не разумъемъ ни Гречьску языку, ни Латыньску; они бо ны онако учать, а они бо ны и онако; тъмже не разумъемъ книжнаго образа, ни силы ихъ: и послъте ны учителя, иже ны могуть сказати книжная словеса и разумъ ихъ». Се слыша царь Михаилъ, и созва философы вся, и сказа имъ рфчи вся Словфньскихъ князь. И реша философи: «есть мужь въ Селуни, именемъ Левъ; суть у него сынове разумиви языку Словъньску, хитра два сына у него философа». Се слышавъ царь, посла по ня въ Селунь ко Лвови, глаголя: «посли къ намъ въскоръ сына своя Меоодія и Костянтина». Се слышавъ Левъ, въскоръ посла я, и придоста ко цареви, и рече има: «се прислалася ко мнъ Словъньска земля, просящи учителя собъ, иже бы моглъ имъ протодковати святыя книги; сего бо желають». Умолена быста царемъ, и послаша я въ Словъньскую землю къ Ростиславу, и Святонолку, и Къцьлови. Сима же пришедъшема, начаста съставливати писмена азъбуковьная Словвньски, и преложиста Апостолъ и Еуангелье: ради быша Словъни, яко слышаша величья Божья своимь языкомь: посемъ же преложиста Псалтырь и Охтаикъ, и прочая книги. Нъцін же начаша хулити Словеньскыя книгы, глаголюще: «яко не достоить никоторому же языку имъти букъвъ своихъ, развъ Евръй, и Грекъ, Латинъ, по Пилатоу

писанью, еже на крестъ Господни написа». Се же слышавъ папежь Римьскій, похули тёхъ, иже ропьщють на книги Словъньскія, река: «да ся исполнить книжное слово, яко въсхвалять Бога вси языци; другое же: вси възъглаголють языки величья Божья, якоже дасть имъ, святый Духъ отвъщевати; да аще кто хулить Словъньскую грамоту, да будеть отлучень отъ церкве, донде ся исправять; ти бо суть волци, а не овца, яже достоить отъ плода знати я, хранитися ихъ; вы же, чада Божья, послушайте ученья и не отрините наказанья церковнаго, якоже вы наказаль Менодій учитель вашь». Костянтинъ же възвратився въспять, и иде учить Болгарьскаго языка, а Менодій оста въ Моравъ. Посемъ же Коцелъ князь постави Мееедья епископа въ Паніи, на столъ святаго Онъдроника апостола единого отъ 70, ученика святаго апостола Павла. Меводій же посади 2 попа скоронисца зъло, н преложи вся книги исполнь отъ Гречьска языка въ Словънескъ 6-ю мъсяць, наченъ отъ марта мъсяца до двудесяту и 6-ю день октября місяца, оконьчавъ же достойно хвалу и славу Богу въздасть, дающему таку благодать епископу Менодью, настольнику Анъдроникову. Тъмже Словъньску языку учитель есть Анъдроникъ апостолъ: въ Моравы бо ходилъ, и апостолъ Павелъ училъ ту; ту бо есть Илюрикъ \*), его же доходиль апостоль Павель, ту бо бяша Словъни первъе. Тъмже Словъньску языку учитель есть Павель, отъ него же языка и мы есме Русь; тъмже и намъ Руси

<sup>\*)</sup> Далъе въ Лавр. недостаетъ нъсколькихъ листовъ. Недостающие годы 6407—6430 дополнены изъ списковъ Ипатьевскаго и Хлъбниковскаго.

учитель есть Павель апостоль, понеже училь есть языкь Словънескь, и поставиль есть епископа к намъстника по себъ Андроника Словъньску языку. А Словънескъ языкъ и Рускый одинъ, отъ Варягь бо прозващася Русью, а первъе бъща Словъне; аще и полями же прозващася занеже въ полъ съдяху, языкъ Словъньский бъ имъ единъ.

Въ лъто 6407. Въ лъто 6408. Въ лъто 6409. Въ лъто 6410. Леонъ царь ная Угръ на Болгары, Угре же нашедше всю землю Болгарьскую плъноваху; Семеонъ же увъдавъ на Угры възвратися, Угри противу поидоша и побъдиша Болгары, яко одва Семеонъ въ Деръстеръ убъжа.

Въ дъто 6411. Игореви възрастъщю, и хожаще по Олзъ и слушаще его; и приведоща ему жену отъ Плескова, именемь Ольгу.

Въ лъто 6412. Въ лъто 6413. Въ лъто 6414. Въ лъто 6415. Иде Олегъ на Грекы, Игоря оставивъ Кыевъ; поя же множьство Варягъ, и Словънъ, и Чюди, и Кривичи, и Мерю, и Поляны, и Съверо, и Деревляны, и Радимичи, и Хорваты, и Дулъбы, и Тиверци яже суть Толковины: \*) си вси звахуться Великая Скувъ. И съ съми всъми поиде Олегъ на конъхъ и въ кораблъхъ, и бъ числомъ кораблій 2000. И приде къ Царюграду, и Греци замкоша Судъ, а городъ затвориша. И вылъзе Олегъ на берегъ, и повелъ воемъ изъволочити корабля на берегъ, и повоева около города, и много убійство створи Грекомъ, и полаты многы разбиша, а церькви пожьгоша; а ихъ же имяху полоня-

<sup>\*)</sup> Строевъ читаетъ «Волыняне». Ср. выше стран. 7.

and I was

никы, овъхъ посъкаху, другыя же мучаху, иныя же разстръляху, а другыя въ море вметаша, и ина многа зла яворяху Русь Грекомъ, елико же ратніи творять. И повелъ Олегъ воемъ своимъ колеса изъдълати и въставити корабля на колеса; и бывшю покосну вътру, усияща прв \*) съ поля, и идяще къ городу. Видъвше же Грецъ убояшася и ркоша, выславше ко Ольгови: ине погубляй городъ, имемъся по дань, якоже хощеши». И стави Олегъ вои, и вынесоша ему брашна и вино, и не прія его; бъ бо устроено съ отравою. И убояшася Грецъ и ркоша: «нъсть се Олегъ, но святый Дмитрій, послань на ны отъ Бога». И запов'єда Олегь дань даяти на 2000 кораблій, по 12 гривнѣ на человъка, а въ корабли по 40 мужь; пящася Греци по се, и почаша Греци мира просити, дабы не воевалъ Грецькой земли. Олегъ же мало отступивъ отъ города, нача миръ творити съ царема Грецькыма, съ Леономъ и съ Александромъ, посла къ нима въ городъ Карла, Фарлофа, Велмуда, Рулава и Стемида, глаголя: «имъте ми ся по дань». И ркоша Грецъ: «чего хочете и дамы ти». И заповъда Олегъ дати воемъ па 2000 кораблій, по двънадьцать гривнъ на ключь, и потомъ даяти уклады на Рускіе городы: первое на Кіевъ, таже и на Черниговъ, и на Переяславль и на Полътескъ, и на Ростовъ, и на Любечь, и на прочая городы; по тъмь бо городомъ съдяху князья подъ Ольгомъ суще: «да «приходять Русь, хятоное \*\*) емлють, елико хотять, а

<sup>\*)</sup> Такъ было въ И., потомъ помарано, и внизу страницы приписано: «Парусы». Въ Х. «всияща пре»; въ Радз. и Татищ. «въсия парусы».

<sup>\*\*)</sup> Карамзинъ читаетъ «сольбное», т. е. то, что давалось посламъ на содержаніе. (И. Г. Р. І, прим. 312). Ниже, стр.

«иже придуть гостье, да емлють мъсячину на 6 мъ-«сяць, и хлъбъ, и вино, и мяса, и рыбы, и овощемъ, «и да творять имъ мовь \*), елико хотять; и поидуть «же Русь домови, да емлють у царя вашего на путь «брашно, и якоря, и ужа \*\*), и пръ \*\*\*), и елико «надобъ». И яшася Греци, и ркоша царя и боярьство все: «аще пріидуть Русь безъ купли, да не взимають «мъсячины; да запретить князь словомъ своимъ, при-«ходящимъ Руси здъ, да не творять пакости въ селъхъ «въ странъ нашей; приходящін Русь да витають у свя-«таго Мамы, и послеть царство наше, да испишють «имена ихъ, и тогда возмуть мъсячное свое, первое «отъ города Кіева, и пакы изъ Чернигова, и Перея-«славля, и прочін городи; и да входять въ городъ оди-«ными вороты съ царевымъ мужемъ, безъ оружья, мужь «50, и да творять куплю якоже имъ надобъ, не пла-«тяче мыта ни въ чемь же». Царь же Леонъ съ Олександромъ миръ створиста съ Ольгомъ, имъшеся по дань и ротъ заходивше межи собою, цъловавше сами крестъ, а Ольга водиша и мужій его на роту; по Рускому закону кляшася оружьемъ своимъ, и Перупомъ богомъ своимъ, и Волосомъ скотьимъ богомъ, и утвердиша миръ. И рече Олегъ: «исшійте пръ паволочиты Руси, а Словъномъ кропіинныя», и бысть тако; и повъсиша щиты своя въ вратъхъ, показующе побъду. И поиде отъ Царяграда. И въспяша Русь пръ паволочитые, а Словъне кропінныя, и раздра я вътръ; и ркоша Сло-

<sup>32,</sup> въ договоръ Игоря съ Греками, читаемъ слебное. (См. подъ годомъ 6453).

<sup>\*)</sup> Такъ было въ И., потомъ поправлено: «мовьници».

<sup>\*\*)</sup> Такъ было въ И., потомъ поправлено: «п ужища».

<sup>\*\*\*)</sup> Такъ было въ И., потомъ поправлено: «парусы».

вънъ: «имемъся своимъ тольстинамъ, не даны суть «Словъномъ пръ кропинныя». И приде Олегъ къ Кіеву, неся золото, и паволокы, и овощи, и вина, и всяко узорочье; и прозваща Ольга въщій: бяху бо людіе погани: и невъголоси.

Въ дъто 6416. Въ дъто 6417. Въ дъто 6418. Въ дъто 6419. Явися звъзда ведика на западъ, копъйнымъ образомъ.

Въ лѣто 6420. Посла Олегъ мужи свои построити мира и положити ряды межи Грекы и Русью; и посла глаголя равно другаго свѣщанія, бывшаго при тѣхъ же царихъ Лва и Александра.

«Мы отъ рода Рускаго, Карлы, Инегелдъ, Фарлофъ, Веремудъ, Рулавъ, Гуды, Руалдъ, Карнъ, Фрелафъ, Рюаръ, Актеву, Труанъ, Лидульфостъ, Стемидъ, иже послани отъ Олга великаго князя Рускаго, и отъ всъхъ, иже суть подъ рукою его, свътлыхъ бояръ, къ вамъ, Львови и Александру и Костянтину, великымъ о Бозъ самодержьцемъ, царемъ Грецкымъ, на удержаніе и на извъщение отъ многыхъ лътъ межю Христіяны и Русью бывшюю любовь, похотёньемъ нашихъ князь и по повельнію, и отъ вськъ, иже суть подъ рукою его сущихъ Руси. Наша свътлость боль инъхъ хотящихъ же о Бозъ удержати и извъстити такую любовь, бывшюю межю Христіяны и Русью, многажды право судихомъ, но точью простословесенъ, и писаніемь и клятвою твердою, кленшеся оружьемъ своимъ, такую любовь извъстити и утвердити по въръ и по закону нашему. Суть, яко понеже мы ся имали о Божіи въръ и любви, главы таковыя. По первому убо слову да умиримся съ вами Грекы, да любимъ другъ друга отъ всея душа и изволенья, и не вдадимъ, елико наше

изволеніе быти отъ сущихъ подъ рукою нашихъ князь свътлыхъ, никакому же съблазну или винъ; но потщимся, едико по силь, на схранение прочихъ и вьсегда лътъ съ вами Гревы исповъданіемь и написаніемь съ клятвою извъщаемую любовь непревратну и непостыжну. Такоже и вы, Греци, да храните таку же любовь къ княземъ свътлымъ нашимъ Рускымъ и къ всёмъ, иже суть подъ рукою свётлаго князя нашего, несъблазнену и непреложну всегда и въ вся лъта. А о головахъ, иже ся ключить проказа\*), урядимся сице: да елико явъ будеть показаніи явлеными, да имъють върное о тацъхъ явленіи; а ему же начнуть не яти въры, да не кленеться часть та, иже ищеть неятью въры, да егда кленется по въръ своей, будеть казнь, якоже явится съгръщение о семъ. Аще кто убіеть Крестьяна Русинъ или Христьянъ Русина, да умреть, идъже аще створить убійство. Аще ли убъжить створивый убійство, аще есть имовить, да часть его, сиръчь иже его будеть по закону, да возметь ближній убьенаго, а иже на убившаго \*\*) да имъеть толцъмь же \*\*\*) прибудеть по закону; аще ли есть неимовить створивый убойство и убъжавь, да держится тяжи, доньдеже обрящется, яко да умреть. Аще ли ударить мечемъ или бьеть кацъмъ любо съсудомъ, за то удареніе или убьеніе да вдасть литръ 5 сребра по закону Рускому; аще ли будеть неимовить тако створивый, да вдасть едико можеть и да сонметь съ себе

<sup>\*)</sup> Кар. переводить это мъсто такъ: «Въ случав же преступленія и вины, да поступаемъ тако».

<sup>\*\*)</sup> Въ Х. и Р. «ан жена убившаго». Миклошичь: «а иже убившаго иметь».

<sup>\*\*\*)</sup> Въ X. и Р. «толицемъ же»:

и ты самыя порты своя, въ нихъже ходять, а опрочъ да ротъ ходить своею върою, яко никакоже иному помощи ему, да пребываеть тяжа оттоль невзискаема о семь. Аще украдеть Русинъ что любо у Крестьянина, или пакы Христьянинъ у Русина, и ятъ будеть въ томъ часъ тать, егда татьбу створить, отъ погубившаго что любо, аще приготовится, татьбу творяй и убіенъ будеть: да не възыщется смерть его ни отъ Христьянъ, ни отъ Руси: но паче убо да възметь свое, иже будеть погубиль. И аще въдасть руць украдый да ять будеть тъмь же, у него же будеть украдено, и связанъ будеть, и отдасть то, еже смъ створить, и створить трижды о семъ. Аще ли кто, или Русинъ Хрестьяну, или Хрестьянъ Русину, мученія образомъ искусъ творити и насилье явъ, или възметь что любо дружинне, да въспятить троичь. Аще вывержена лодья будеть вътромъ великомъ на землю чюжю, и обрящються тамо иже отъ насъ Руси; да аще кто идеть снабдъти лодью съ рухломъ своимъ и отсылати накы на землю Крестьяньску, да проводимъ ю сквозъ всяко страшно мъсто, дондеже придеть въ безстрашно мъсто; аще ли таковая лодья, ли отъ буря или бороненія земнаго боронима, не можеть възборонитися въ своя си мъста, спотружаемъся гребцемъ тоя лодья мы Русь и допровадимъ съ куплею ихъ поздорову, ти аще ключится близъ земли Грецькы; аще ли ключится такоже проказа лодьи Рустъй, да проводимъ ю въ Рускую земьлю, и да продають рухло тоя лодья и аще что можеть продати отъ лодья, въволочимъ имъ мы Русь, да егда ходимъ въ Грекы, или съ куплею, или въ солбу \*),

<sup>\*)</sup> Такъ было въ И. Потомъ зачеркнуто и сверху написано: «посольствомъ».

къ цареви вашему, да пустимъ я съ честью проданое рухло лодья ихъ; аще ли ключится кому отъ тоя лодья въ ней убьену быти, или бьену быти отъ насъ Руси, или взяти что любо, да повиньни будуть то створшін преждереченою епитемьею. Отъ тъхъ аще полоняникъ обою страну держимъ есть, или отъ Руси, или отъ Грекъ, проданъ въ ину страну, оже обрящеться или Русинъ или Гречинъ, да искупять и възвратять скупленое лице въ свою страну, и възмуть цъну его купящін, или мниться \*) въ куплю на день челядиная цъна: такоже аще отъ рати ятъ будеть, отъ тъхъ Грекъ такоже да възвратится въ свою страну, и отдана будеть ціна его, якоже речено есть, якоже есть купля. Егда же требуеть на войну ити, егда же потребу творите, и си хотять почестити царя вашего, да аще въ кое время елико ихъ придеть и хотять остати у царя вашего, своею волею да будуть. О Руси о полоненьи, многажды отъ коея убо страны пришедшимъ въ Русь и продаемомъ въ Крестьяны, еще же и отъ Христіянъ подонныхъ многажды отъ коея любо страны приходящимъ въ Русь; се продаеми бывають по 20 золота и да придуть въ Грекы. О томъ аще украденъ будеть челядинъ Рускый, или въскочить, или по нужи проданъ будеть, и жаловати начнуть Русь, да покажеться таковое отъ челядина, да имуть и въ Русь; но и гостье погубиша челядинь, и жалують, да ищють и, обрътаемое да имуть е, аще ли кто искушенія сего не дасть створити, местникъ да погубить правду свою. О работающихъ въ Гръцъхъ Руси у Хрестьяньского царя, аще кто умреть, не урядивъ своего имънья, ци

<sup>\*)</sup> Миклошичь читаеть: «вивниться».

и своихъ не имать, да възвратить имънье къ малымъ ближикамъ въ Русь; аще ли створить обряжение, таковый възметь уряженое его, кому будеть писалъ наслъдити имънье, да наслъдить è отъ взимающихъ куплю Руси, отъ различныхъ ходящихъ въ Грекы и удолжающихъ. Аще злодъй възвратится въ Русь, да жалують Русь Хрестьяньскому царству, и ять будеть таковый и възвращенъ будеть не хотяй въ Русь. Си же вся да творять Русь Грекомъ, идъже аще ключится таково. На утвержение же и неподвижение быти межи вами Хрестьяны и Русью, бывшій миръ сь створихомъ Ивановомъ написаніемъ \*) на двою харотью, царя вашего и своею рукою, предлежащимъ честнымъ крестомъ и святою единосущною Троицею, едино истиньнаго Бога нашего, извъсти и дасть нашимъ словомъ; мы же кляхомся къ царю вашему, иже отъ Бога суще яко Божіе зданіе по закону, и по покону языка нашего, не переступати ни намъ ни иному отъ страны нашея, отъ уставленыхъ глаголовъ мира и любве. И таково написаніе дахомъ царства вашего на утверженіе, обоему пребывати таковому свъщанію на утверженіе и извъщеніе межи вами бывающаго мира, місяца себтября въ 2, а въ недълю 15, въ лъто созданія міру 6420».

Царь же Леонъ слы Рускыя почестивъ дарми, золотомъ, и паволоками, и фофудьями, и пристави къ нимъ мужи свои показати имъ церковъную красоту, и по-

<sup>\*)</sup> Кругъ (Krit. Vers. Zur Aufklär. der Byzant. Chronol., р. 79) утверждаетъ, что въ оригиналъ было написано: киноварномъ написаньемъ. Этого мнънія держались Кар. (И. Г. Р. І, 327) и г. Погодинъ («Несторъ», 134). Но Миклошичъ говоритъ, что въ сербскихъ граматахъ, по большей части слъдовавшихъ образцу греческихъ, иногда значится имя писца.

латы златыя, и въ нихъ сущая богатьства, злато много. и паволокы и каменье драгое, и страсти Господни, вънець и гвоздье и хламиду багряную, и мощи святыхъ, учаще я къ въръ своей и показающе имъ истинную въру; и тако отпусти я въ свою землю съ честью великою. Посланіи же Ольгомъ сли придоша къ Ольгови и поведаща вся речи обою царю, како створиша миръ, п урядъ положиша межю Грецькою землею и Рускою, и клятвы не переступати ни Грецемъ ни Руси. И живяще Олегъ миръ имън къ всъмъ странамъ, княжа въ Кіевъ. И приспъ осень, и помяну Олегъ конь свой, иже бъ поставилъ кормити, не всъда на нь. Бъ бопреже въпрошалъ волъхвовъ кудесникъ: «Отъ чето ми есть умьрети»? И рече ему одинь кудесника: «княже! конь, его же любиши и вздиши на центь ответого ти умрети». Олегь же пріниь въ умв, си рече жинколи же всяду на конь, ни вижю его боль того и повель кормити и не водити его къ нему, и пребывъ нъколко лътъ не дъя его, дондеже и на Трекы иде. И пришедшю ему къ Кіеву, и пребысть 4 лъта, на 5 лъто помяну конь свой, отъ него же бяху рекъли волъстви умрети Ольгови, и призва старъйшину конюхомъ, ркя: «кдъ есть конь мой, его же бъхъ поставиль кормити и блюсти его»? Онь же рече: «умерль есть. Олегъ же посмъяся и укори кудесника, ркя: «то ть неправо молвять вольсви, но все то льжа есть; конь умерль, а я живъ». И повель осъдлати конь: «да ть вижю кости его». И прівха на мъсто, идъже бяху лежаще кости его голы и лобъ голъ; и слъзъ съ коня, посмъяся ркя: «отъ сего ли лъба смерть мнъ взяти»? и въступи ногою на лобъ; и выникнучи змъя, и уклюну и въ ногу, и съ того разболъвся умьре. И

плакашася по немъ вси людіе плачемь великомь, и несоша и, и погребоша и на горъ, иже глаголеться Щековица, есть же могила его до сего дни, словеть мотила Олгова. И бысть всёхъ лёть его княженія 33. Се же дивно есть, яко отъ волъхвованія сбывается чародъйствомъ. Якоже бысть во царство Деметьяново, нъкый волхвъ, именемъ Аполонятянинъ \*), знаемъ бяше, шествуя и творя всюду въ городъхъ и въ селъхъ бъсовьская чюдеса. Отъ Рима бо пришедъ въ Узантію, умолень бывь отъ живущихь ту створити сія, отгна множьство змій и скоропія изъ града, яко не вырежатися человъкомъ отъ нихъ; яросты коньскую обуздавъ, егда схожахуся бояре. Такоже и въ Антіохію пришедъ и умоленъ бывъ отъ нихъ, томимомъ бо Антіохомъ отъ скорпій и отъ комаровъ, створи скорпій мъдянъ, и погребе и въ земли, и малъ столпъ мраморянъ постави надъ нимъ, и повелъ трость держати человъкомъ и ходити по городу, звати, тростемъ трясомомъ: безъ комара граду; тако изъщезоша изъ града комари и скорпія. Испросиша же и пакы о лежащимъ на градъ трусъ, въздохну, списа на дщицъ сія: увы тебъ, оканьный городе, яко потрясешися много, одержимъ будеши огнемъ, оплачеть же тя и при березъ сый Оронтій! О немь же и великый Анастасій Божія города рече: Аполонію же доже и донынѣ на нѣцѣхъ мъстъхъ сбываются створенаа, стоящая, ова на отвращеніе четвероногь, птица могущи вредити человъкы, другыя же на въздержаніе струямъ ръчнымъ, несдертекущимъ, но ина нъкая на тлънье и вредъ человъкомъ суща, на побъжение стоять; и неточью бо

<sup>\*)</sup> У Георгія Амартола: «Аполлоній Тіанскій».

за живота его така и таковая створиша бъсове его ради, но и по смерти его пребывающа въ гроба его знаменья творяху во имя его, а на прелещение оканнымъ человъкомъ, болма крадомымъ на таковая отъ дьявола. Кто убо что речеть о творящихъ волшевныхъ дъль, яко то таковый горазнъ бысть волшебнымъ прелщеніемъ, яко воину зазряше въдый Аполоніи, яко неистовьстве на ся философьскую хитрость имуща: подобашеть бо ему, рещи, якоже и азъ словомъ точью творити, ихъже хотяше, а не свершеніемъ творити повельваемая отъ него. Та же вся ослаблениемъ Божінть и твореніемъ бъсовьскымъ бываеть, таковыми вещьми искушатися нашея преславныя въры аще тверда есть искрь, пребывающи Господеви, ни не влекома врагомъ мечетныхъ ради чюдесъ и сотонинъ дълъ, творимомъ отъ рабъ и слугъ злобы его. И еще именемъ Господнимъ пророчьствоваща нѣціи, яко Валамъ, и Сауль, и Каіяфа, и бъсь пакы изгнаша, яко Іюда и сынове Скевови. Убо и на недостойніи благодатьствуеть многажды, да етеры сдътельствуеть. Ибо Валаамъ чюжь бъ обоихъ, житья и въры, но обаче свъдътельствова въ немъ благодать инъхъ ради смотрънія. И Фараонъ таковый бъ: но и тому предбудущая показа. И Навъходъносоръ законопреступный: но и сему пакы по мнозъхъ сущихъ послъди же родъхъ откры, тъмь являя, яко мнози прекостьни имуще умъ, предъ образомъ Христовымъ знаменають, иною кознью на предесть человъкомъ не разумъющимъ добраго; якоже бысть Симонъ волъхвъ, и Менандръ, и ини; таковыхъ ради, по истинъ, рече: не чудесы прельщати.

Въ лъто 6421. Поча княжити Игорь по Ользъ. Въ се же время поча царствовати Костянтинъ, сынъ Леон-

товъ, зять Романовъ. И Деревляне заратишася\*) отъ Игоря до Олговъ смерти

Въ лѣто 6422. Иде Игорь на Древляны, и побѣдивъ възложи на ня дань болшю Ольговы. Въ то же лѣто приде Семеонъ Болгарьскый на Царьградъ, и створивъ миръ, иде въсвояси.

Въ лѣто 6423. Пріидоша Печенѣзи первое на Рускую землю, и створивше миръ съ Игоремъ, идоша къ Дунаю. Въ си же времена приде Семеонъ илѣняя Фракію, Греци же послаша по Печенѣгы, Печенѣгомъ же пришедшимъ и хотящимъ на Семеона, разсваришася Грецкыя воеводы; видѣвше Печепѣзи, яко сами на ся рать имуть, отъидоша въсвояси, а Болгаре съ Грекы съступишася и посѣчени быша Греци. Семеонъ же прія градъ Оньдърѣянь, иже первое Орестовъ городъ нарицашеся, сына Агамемнонъ, иже первое въ трехъ рѣкахъ купався, недуга избы, ту сего ради градъ въ свое имя нарече. Послѣдѣ же Андрѣянъ кесарь обновивы и, въ свое имя нарече Андрѣянъ, мы же зовемъ Ондрѣянемъ градомъ.

Въ лѣто 6224. Въ лѣто 6425. Въ лѣто 6426. Въ лѣто 6427. Въ лѣто 6428. Поставьленъ Романъ царемъ въ Грѣцѣхъ. Игорь же воеваше на Печенѣгы.

Въ лѣто 6429 \*\*). Въ лѣто 6430. Въ лѣто 6431. Въ лѣто 6432. Въ лѣто 6433. Въ лѣто 6434. Въ лѣто 6435. Въ лѣто 6436. Въ лѣто 6437. Приде Семевонъ на Царьградъ, и поплъни Фракію и Макидонью,

<sup>\*)</sup> Г. Соловьевь читаеть «затворишася», т. е. не стали пускать къ себъ за данью ни князя, ни мужей его. Такое чтеніе подтверждаеть г. Соловьевь предлогомь от, не идущимъ къ заратишася.

<sup>\*\*)</sup> Отсюда снова продолжается Лаврентіевскій списокъ.

и приде ко Царюграду въ силъ въ велицъ, въ гордости, и створи миръ съ Романомъ царемъ, и възратися въсвояси.

Въ лѣто 6438. Въ лѣто 6439. Въ лѣто 6440. Въ лѣто 6441. Въ лѣто 6442. Первое придоша Угре на Царьградъ, и плѣноваху всю Фракію; Романъ же створи миръ со Угры.

Въ дъто 6443. Въ дъто 6444. Въ дъто 6445 Въ дъто 6446. Въ лъто 6447. Въ лъто 6448. Въ лъто 6449. Иде Игорь на Греки; яко послаша Болгаре въсть ко царю, яко идуть Русь на Царьградъ скедій 10 ты. сящь. Иже поидоша и приплуша, и почаша воевати Вифиньскія страны, и воеваху по Понту до Ираклія и до Фафлогоньски земли, и всю страну Никомидійскую поплънивше, и Судъ весь пожьгоша. Ихъ же емше, овъхъ растинаху, другія аки странь поставляюще и стръляху въ ня, изимахуть, опаки руцъ съвязывахуть, гвозди жельзный посреди главы въбивахуть ихъ; много же святыхъ церквій огневи предаша, манастыръ • и села пожьгоша, и имънья не мало обою страну взяша. Потомъ же пришедъщемъ воемъ отъ въстока, Памьфиръ деместикъ съ 40-ми тысящь, Фова же патрекій съ Макидоны, Өедоръ же стратилать съ Өраки, съ ними же и сановьници боярьстіи обидоша Русь около. Съвъщаща Русь, изидоша въружившеся на Греки, и брани межю ими бывши зьли, одва одолъща Грьци; Русь же възратишася къ дъружинъ своей къ вечеру, на ночь влъзоша въ додью и отбъгоша. Өеофанъ же сустръте я въ лядехъ со огнемъ, и пущати нача трубами огнь на лодь Рускія, и быть видъти страшно чюдо. Пусь же видящи пламянь, вметахуся въ воду морьскую, хотяще убрести, и тако прочіи възъвратишася въсвояси. Тѣмже пришедшимъ въ землю свою, и повѣдаху кождо своимъ о бывшемъ и о лядьнѣмь огни: «якоже молонья», рече, «иже на небесѣхъ, Грьци имуть у собе, и се пущающа жежагаху насъ; сего ради не одолѣхомъ имъ». Игорь же пришедъ нача совкупляти воѣ многи, и посла по Варягимноги за море, вабя е на Греки, паки хотѣ поити на ня.

Въ лъто 6450. Семеонъ иде на Храваты, и побъ-женъ бысть Храваты, и умре, оставивъ Петра князя, сына своего, Болъгаромъ. (Въ се же лъто родися Святославъ у Игоря. И. Х.).

Въ лъто 6451. Паки придоша Угри на Царьградъ, миръ створивше съ Романомъ, возъвратишася въсвояси.

Въ дъто 6552. Игорь же совкупивъ вои многи, Варяги, Русь, и Поляны, Словъни, и Кривичи, и Тъверьцъ, и Печенъти, и тали у нихъ поя, поиде на Греки въ лодьяхъ и на конихъ, хотя мьстити себе. Се слышавше Корсунци, послаша къ Роману глаголюще: «се иде Русь безъ числа корабль, покрыли суть море корабли». Такоже и Болгаре послаша въсть, глаголюще: «идуть Русь, и наяли суть къ собъ Печенъги». Се слышавъ царь, посла къ Игорю дучів боляре моля и глаголя: «не ходи, но возьми дань, юже ималь Олегь, придамъ и еще къ той дани». Такоже и къ Пъченъгомъ посла паволоки и злато много. Игорь же дошедъ Дуная, созва дружину и нача дунати, повъда имъ рѣчь цареву. Рѣша же дружина Игорева: «да аще сице глаголеть царь, то что хочемъ болъ того не бившеся имати злато, и сребро, и павологи? егда кто въсть, кто одольеть, мы ли, онъ ли? ли съ моремъ кто свътенъ? се бо не по земли ходимъ, по по глубинъ морьстъй; обыча смерть всъмъ». Послуша ихъ-Игорь, и повелъ Печенъгомъ воевати Болъгарьску землю; а самъ вземъ у Грекъ злато и паволоки и на всявоя, и възратися въснять, и приде къ Кіеву въсвояси.

Въ лъто 6453. Присла Романъ, и Костянтинъ, и Стефанъ слы къ Игореви построити мира первого; Игорь же глагола съ ними о миръ. Посла Игорь мужъ своя къ Роману, Романъ же созва боляре и сановники. Приведоша Рускія слы, и вельша глаголати, исати обомихъ ръчи на харатьъ, равно другога свъщанья, бывшаго при цари Романъ, и Костянтинъ, и Стефанъ, христолюбивыхъ владыкъ:

«Мы отъ рода Рускаго съли и гостье, Иворъ, солъ Игоревъ великаго князя Рускаго, и объчін сли: Вуефасть Святьславль, сынь Игоревь, Искусеви Ольги княгини, Слуды Игоревъ, нети Игоревъ, Улъбъ Володиславль, Каницаръ Передъславинъ, Шихъбернъ, Сфандъръ жены Ульбль, Прасьтынь Турдуви, Либиаръ Фастовъ, Гримъ Сфирьковъ, Прастенъ, Акунъ, нети Игоревъ, Кары Тудковъ, Каршевъ, Туръдовъ, Егри Евлисковъ, Войковъ, Истръ Аминодовъ, Прастънъ Берновъ, Явтягъ Ганаровъ, Шибридъ Алданъ Колъклековъ, Стегги Етоновъ, Сфирка Алвадъгудовъ, Фудри Туадовъ, Мутуръ Утинъ, купець Адунь, Адулбъ, Иггивладъ, Ольбъ, Фрутанъ, Гомолъ, Куци; Емигъ, Туръбидъ, Фуръствиъ, Бруны, Роалдъ, Гунастръ, Фрастънъ, Игелъдъ, Туръбернъ, Моны, Руалдъ, Свъньстиръ, Алданъ, Тилена, Пубъксарь, Вузлъвъ, Синко, Боричь, посланіи отъ Игоря великого князя Рускаго, и отъ всякоя княжья, и отъ всёхъ людій Рускія земля. И отъ тъхъ заповъдано обновити ветъхій миръ, ненавидящаго добра и враждолюбьца дьявола разорити

отъ многъ лътъ, и утвердити любовь межю Греки и Русью. И великій князь нашь Игорь, и боляре его, и людье вси Рустій послаша ны къ Роману, и Костянтину, и къ Стефану, къ ведикимъ царемъ Гречьскимъ, створити любовь съ самъми цари, со всъмь болярьствомъ, и со всеми людьми Гречьскими на вся лета, дондеже съяеть солнце и весь міръ стоить. И иже помыслить отстраны Рускія разрушити таку любовь, и едико ихъ крещенье пріяди суть, да пріимуть месть отъ Бога Вседержителя, осуженья на погибель въ весь въкъ, въ будущій; и елико ихъ есть не хрещено, да не имуть помощи отъ Бога, ни отъ Перуна, да не ущитятся щиты своими, и да посъчени будуть мечи своими, отъ стрълъ, и отъ иного оружья своего, и да будуть раби въ весь въкъ, въ будущій. А великій князь Рускій и боляре его да посылають въ Греки къ великимъ царемъ Гречьскимъ корабли, елико хотять, со слы и съ гостьми, якоже имъ уставлено есть. Ношаху сли печати злати, а гостье сребрени; нынъ же увъдъль есть князь вашь посылати грамоту ко царству нащему: иже посылаеми бывають отъ нихъ сли и гостье, да приносить грамоту, пишюче сице: яко послахъ корабль селько. И отъ тъхъ да увъмы и мы, оже съ миромь приходить. Аще ли безъ грамоты придуть, и преданы будуть намъ, да держимъ и хранимъ, дондеже възвъстимъ князю вашему; аще ли руку не дадять и противятся, да убьени будуть, да не изищется смерть ихъ отъ князя вашего; аще ли убъжавше въ Русь придуть, мы напишемъ ко князю вашему: яко имъ любо, тако створять. Аще придуть Русь безъ купли, да не взимають мъсячина. Да запретить князь сломъ своимъ и приходящимъ Руси сдъ, да не творять безчинья въ селъхъ, ни въ странъ нашей. И приходящимъ имъ, да витають у святаго Мамы; да послеть царство наше, да испишеть имяна ваша, тогдавозмуть мъсячное свое, съли слебное, а гостье мъсячное, первое отъ города Кіева, паки изъ Чернигова и Переяславля. Да входять въ городъ одинъми вороты со царевымъ мужемъ безъ оружья мужь 50, и да творять куплю якоже имъ надобъ, паки да исходять; и мужь царства нашего да хранить я, да аще кто отъ-Руси или отъ Грекъ створи криво, да оправляеть то. Входяще же Русь въ градъ, да не имъють волости купити паволокъ лише по 50 золотникъ; и отъ тъхъ паволокъ аще кто крынеть, да показываеть цареву мужю, и то е запечатаеть и дасть имъ. И отходящем Руси отсюда взимають отъ насъ еже надобъ брашно на путь, и еже надобъ лодьямъ, якоже уставлено есть преже, и да возъвращаются съ спасеніемъ въ страну свою, да не имъють власти зимовати ў святаго Мамы. Аще ускочить челядинь отъ Руси, по не же придуть въ страну царствія нашего, и отъ святаго Мамы, аще будеть, да поимуть п; аще ли не обращется, да на роту идуть наши Хрестеяне Руси по въръ ихъ, а не Хрестеяній по закону своему: ти тогда взимають отъ насъ цъну свою, якоже уставлено есть преже, 2 паволоцъ за челядинъ. Аще ли кто отъ людій царства нашего, ли отъ города нашего, или отъ инъхъ городъ, ускочить челядинъ нашь къ вамъ, и принесеть что, да въспятять и опять; а еже что принеслъ будеть все цъло, и да возьметь отъ него золотника два. Аще ли кто покусится отъ Руси взяти что отъ людій царства нашего, иже то створить, покажнень будеть вельми; аще ли взяль будеть, да заплатить сугубо. И аще

створить Грьчинъ Русину, да пріиметь ту же казнь, якоже пріядъ есть и онъ. Аще ли ключится украсти Русину отъ Грекъ что, или Грьчину отъ Руси, достойно есть да възворотити неточью едино, но и цъну его; аще украденое обрящеться продаемо, да вдасть и цъну его сугубо, и то показненъ будеть по закону Гречьскому, по устау и по закону Рускому. Елико Хрестеянъ отъ власти пашея плънена приведуть Русь, ту аще будеть уноша, или дъвица добра, да вдадять златникъ 10 и поимуть и; аще ли есть средовъчь, да вдасть золотникъ 8, и поимуть и; аще ли будеть старъ, или дътещь, да вдасть златникъ 5. Аще ли обрящются Русь работающе у Грекъ, аще ли суть плъньници, да искупають е Русь по 10-златникъ, аще ли купилъ буде Грьчинъ, подъ хрестомь достоить ему да возметь цъну свою, елико же даль будеть на немь. А о Корсуньстъй странъ, елико же есть городовъ на той части, да не имать волости князь Рускій да воюеть на тѣхъ странахъ, и та страна не покаряется вамъ; тогда аще просить вой у насъ князь Рускій, да воюеть, да дамъ ему, елико ему будеть требъ. И о томъ аще обрящють Русь кубару Гречьскую въвержену на коемъ любо мъстъ, да не преобидять ея; аще ли отъ нея возметь кто что, ли человъка поработить, или убъеть, да будеть повиненъ закону Руску и Гречьску. Аще обрящеть въ вусть Днипрьскомь Русь Корсуняны рыбы ловяща, да не творять имъ зла никакоже. И да не имъють власти Русь зимовати въ вустьи Днъпра, Бъльбережи, ни у святаго Ельферья: но егда придеть осень, да идуть въ домы своя въ Русь. А о сихъ, оже то приходять Черніп Болгаре, воюють въ странт Корсуньстый, и велимъ князю Рускому, да ихъ не пу-

щаеть: пакостять странв его. Ци аще ключится проказа никака отъ Грекъ, сущихъ подъ властью царства нашего, да не имать власти казнити я, но повелъньемь царства нашего да пріиметь, якоже будеть створиль. Аще убьеть Хрестеянинъ Русина, или Русинъ Хрестеянина, и да держимъ будеть створивый убійство отъ ближнихъ убьенаго, да убьють и. Аще ли ускочить створивый убой и убъжить, аще будеть имовить, да возмуть имънье его ближьній убъенаго; аще ли есть неимовить и ускочить же, да ищють его, дондеже обрящется: аще ли обрящется, да убъенъ будеть. Ци аще ударить мечемъ, или копьемъ, или кацъмъ любо оружьемъ Русинъ Грьчина, или Грьчинъ Русина, да того дъля гръха заплатить сребра литръ 5, по закону Рускому; аще ли есть неимовить, да како можеть втолько же проданъ будеть, ако да и порты, въ нихъ же ходять, да и то съ него сняти, а опроцъ да на роту ходить по своей въръ, яко не имъя ничтоже, ти тако пущенъ будеть. Аще ли хотъти начнеть наше царство отъ васъ вои на противящаяся намъ, да пишемъ къ великому князю вашему, и послеть къ намъ, едико же хочемъ: и оттолъ увъдять ины страны, каку любовь имъють Грьци съ Русью. Мы же съвъщаньемь все написахомъ на двою харатью, и едина харатья есть у царства нашего, на ней же есть крестъ и имена наша написана, а на другой сли ваши и гостье ваши. А отходяче сломъ царства нашего, да допроводять къ великому князю Рускому Игореви и къ людемъ его; и ти пріимающе харатью, на роту идуть хранити истину, яко мы свъщахомъ, напсахомъ харатью сію, на ней же суть имяна наша паписана. Мы же, елико насъ хрестилися есмы, кляхомъся церковью святаго Ильъ въ сборнъй церкви, и предлежащемъ честнымъ крестомъ, и харатьею сею, хранити все, еже есть написано на ней, не преступити отъ него ничтоже; а иже преступить се отъ страны нашея, ли князь, ли инъ кто, ли крещенъ или некрещенъ, да не имуть помощи отъ Бога, и да будеть рабъ въ весь въкъ въ будущій, и дазаколенъ будеть своимъ оружьемъ. А некрещеная Русь полагають щиты своя и мечь свов наги, обручь свов и (прочая) оружья, да кленутся о всемь, яже суть написана на харатьи сей, хранити отъ Игоря и отъ всъхъ болярь и отъ всёхъ людей отъ страны Рускія, въ прочая льта и вонну. Ащели же кто отъ князь или отъ людій -Рускихъ, ли хрестеянъ, или нехрестеянъ, преступить се, еже есть писано на харатын сей, будетъ достоинъ своимъ оружьемь умрети, и да будеть клять отъ Бога и отъ Перуна, яко преступи свою клятву. Да аще будеть добръ, Игорь великій князь да хранить си любовь правую, да не разрушится, дондеже солнце сьяеть и весь міръ стопть, въ нѣнѣшнія вѣки и въ будущая».

Посланіи же сли Игоремъ придоша къ Игореви со слы Гречьскими, новъдаща вся ръчи царя Романа. Игорь же призва слы Гречьскія, рече имъ: «глаголите, что вы казалъ царь?» И ръша сли цареви: «се посла ны царь, радъ есть миру, хощеть миръ имъти со княземъ Рускимъ и любъве; твои сли водили суть царъ наши ротъ, и насъ послаша ротъ водить тебе и мужътвоихъ». Объщася Игорь сице створити. Заутра призва Игорь слы, и приде на холмъ, кдъ стояше Перунъ, покладоша оружье свое, и щитъ и золото, и ходи Игорь ротъ и люди его, елико поганыхъ Руси; а хрестеяную Русь водиша ротъ въ церкви святаго Ильи, яже есть надъ ручаемъ, конець Пасынъчъ бесъды и Козаръ: се

бо бъ сборная церкви, мнози бо бъща Варязи хрестеяни. Игорь же утвердивъ миръ съ Греки, отпусти слы, одаривъ скорою и челядью и воскомъ, и отпусти я; сли же придоша ко цареви, повъдаща вся ръчи Игоревы и любовь яже къ Грекомъ. Игорь же нача княжити въ Кіевъ, миръ имъя ко всъмъ странамъ. И присиъ осень, нача мыслити на Деревляны, хотя примыслити большюю дань.

Въ лъто 6453. Въ се же лъто рекоша дружина Игореви: «отроци Свѣньлъжи изодѣлися суть оружьемъ и порты, а мы нази; поиди, княже, съ нами въ дань, да и ты добудеши и мы». Послуша ихъ Игорь, иде въ Дерева въ дань, и примышляше къ первой дани, насиляще имъ, и мужи его; возъемавъ дань, поиде въ градъ свой. Идущю же ему въспять, размысливъ рече дружинъ своей: «идъте съ данью домови, а я возъвращюся, похожю и еще». Пусти дружину свою домови, съ маломъ же дружины возъвратися, желая больша имънья. Слышавше же Деревляне, яко опять идеть, сдумавше со княземъ сроимъ Маломъ: «аще ся въвадить волкъ въ овцъ, то выносить все стадо, аще не убьють его; тако и се, аще не убьемъ его, то вся ны погубить», послаша къ нему глаголюще: «почто идеши опять? поималь еси всю дань». И не послуша ихъ Игорь, и вышедше изъ града Изъкоръстъня Деревляне убиша Игоря и дружину его; бъ бо ихъ мало. И погребенъ бысть Игорь; есть могила его у Искоръствия града въ Деревъхъ и до сего дне. Вольга же бяше въ Кіевъ съ сыномъ своимъ съ дътьскомъ Святославомъ, н кормилець его Асмудъ, воевода бъ Свънелдъ, то же отець Мистишинъ. Ръша же Деревляне: «се князя убихомъ Рускаго; поимемъ жену его Вольгу за князь свой

Маль, и Святослава, и створимь ему якоже хощемъ». И послаша Деревляне лучьшіе мужи, числомъ 20, въ лодын Ользъ, и присташа подъ Боричевымъ въ лодьи. Бъ бо тогда вода текущи въздолъ горы Кіевьскія, и на Подольи не съдяху людье, но на горъ; градъ же бѣ Кіевъ, идѣже есть нынѣ дворъ Гордятинъ и Нифовъ, а дворъ княжь бяше въ городъ, идъже есть нынъ дворъ Воротиславль и Чюдинъ, а перевъсище бъ внъ града, и бъ внъ града дворъ другый, идъже есть дворъ Демьстиковъ, за святою Богородицею надъ горою дворъ теремный, бъ бо ту теремъ каменъ. И повъдаща Ользъ, яко Деревляне придоша, и возва е Ольга къ собъ: «добри гостье придоша»; и ръша Деревляне: «придохомъ, княгине». И рече имъ Ольга: «да глаголете, что ради придосте съмо?» Ръша же Древляне: «посла ны Дерьвьска земля, рькуще сице: мужа твоего убихомъ, бяще бо мужь твой аки волкъ восхищая и грабя, а наши князи добри суть, пже распасли суть Деревьску землю; да пойди за князь нашь за Малъ»; бъ бо имя ему Малъ, князю Дерьвьску. Рече же имъ Ольга: «люба ми есть ръчь ваша, уже мив мужа своего не кресити; но хочю выпочтити наутрія предъ людьми своими, а нына пдате въ лодью свою и лазите въ лодьи величающеся, азъ утро послю по вы, вы же рыцъте: не ъдемъ на конъхъ, ни пъши идемъ, но понесъте ны въ лодьъ; и възнесуть вы въ лодьи»; и отпусти я въ лодью. Ольга же повелъ ископати яму велику и глубоку, на дворъ теремьствиь, внъ града. И заутра Волга, съдящи въ теремѣ, посла по гости, и придоша къ нимъ глаголюще: «зоветь вы Ольга на честь велику». Они же ръша: «не ъдемъ на конихъ, ни на возъхъ, ни пъши идемъ,

понесъте ны въ лодьи». Ръша же Кіяне: «намъ неволя; князь нашь убьень, а княгини наша хоче за вашь князь»; и понесоша я въ лодьи. Они же съдяху въ перегъбъхъ въ великихъ сустугахъ гордящеся; и принесоша я на дворъ къ Ользъ, несъще вринуша е въ яму и съ лодьею. Принивъши Ольга и рече имъ: «добра ли вы честь?» они же ръща: «пущи ны Игоревы смерти»; и повелѣ засып ати яживы, и посыпаша я. Пославши Ольга къ Деревляномъ, рече имъ: «да аще мя просите право, то пришлите мужа нарочиты, да въ велицъ чти приду за вашь князь, еда не пустять мене людье Кіевьстіи». Се слышавше Деревляне, избраша лучьшіе мужи, иже дерьжаху Деревьску землю, и послаша по ню. Деревляномъ жепришедъщимъ, поведъ Ольга мовь створити, ръкуще сице: «измывшеся придите ко мнъ». Они же пережьгоша истопку, и влъзоша Деревляне, начаша ся мыти; и запроша о нихъ истобъку, и повелъ зажечи я отъ дверій, ту изгоръша вси. И посла къ Деревляномъ, рькущи сице: «се уже иду къ вамъ, да пристроите меды многи въ градъ, идъже убисте мужа моего, да поплачюся надъ гробомъ его, и створю трызну мужю своему». Они же то слышавше, съвезоша меды многи звло, възварища. Ольга же, поимше мало дружины, легъко идущи приде къ гробу его, плакася по мужи своемъ; и повелъ людемъ своимъ съсути могилу велику, яко соспоша, и повелъ трызну творити. По семь съдоща Деревляне пити, и повелъ Ольга отрокомъ своимъ служити предъ ними; рѣша Деревляне къ Ользъ: «кдъ суть дружина наша, ихъ же послахомъ по тя?» она же рече: «идуть по мит съ дружиною мужа моего». Яко упишася Деревляне, повелъ отрокомъ своимъ пити на ня, а сама отъиде кромѣ, и повелѣ дружинѣ сѣчи Деревляне. И исѣкоша ихъ 5000; а Ольга возъвратися Кіеву, и пристрои вои на прокъ ихъ.

Княженья Святославля. Въ лъто 6454. Ольга съсыномъ своимъ Святославомъ собра вои многи и храбры, и иде на Дерьвьску землю. Изидоша Деревляне противу; съмъщемъся объма полкома на скупь, суну копьемъ Святославъ Деревляны, и копье летъ сквозъ уши коневи, удари въ ноги коневи, бъ бо дътескъ. И рече Свънелдъ и Асмолдъ: «князь уже почалъ; потягнъте, дружина, по князъ». И побъдиша Деревляны, Деревляне же побътоша и затворишася въ градъхъ своихъ. Ольга же устремися съ сынойъ своимъ на Искоростънь городъ, яко тъ бяху убили мужа ея, и ста около города съ сыномъ своимъ, а Деревляне затворишася въ градъ и боряхуся кръпко изъ града, въдъху бо, яко сами убили князя и на что ся предати. М стоя Ольга лъто, не можаше взяти града, и умысли сице: посла ко граду глаголющи: «что хочете досъдъти? а вси гради ваши предашася мнъ, и ялися по дань, и дълають нивы своя и землъ своя; а вы хочете изъмерети гладомъ, не имучеся подань». Деревляне же рекоша: «ради ся быхомъ яли по дань, но хощеши мьщати мужа своего». Рече же имъ Ольга: «яко азъ мьстила уже обиду мужа своего, когда придоша Кіеву, второе, и третьее, когда творихъ трызну мужеви своему; а уже не хощю мьщати, но хощю дань имати помалу, смирившися съ вами поиду опять». Режоша же Деревляне: «што хощеши у насъ? ради даемъ медомь и скорою». Она же рече имъ: «нынъ у васъ нъсть меду, ни скоры, но мало у васъ прошю:

дайте ми отъ двора по 3 голуби да по 3 воробьи: азъ бо не хощю тяжьки дани възложити, якоже и мужь мой, сего прошю у вась мало, вы бо есте изънемогли въ осадъ; да сего у васъ прошю мала». Деревляне же ради бывше, и собраша отъ двора по 3 голуби и по З воробы, и послаша къ Ользъ съ поклономъ. Вольга же рече имъ: «се уже есть покорилися мнъ и моему дътяти, а идъте въ градъ, а язъ заутра отступлю отъ города и поиду въ градо-сь». Деревляне же ради бывше внидоша въ градъ, и повъдаща людемъ. и обрадоващася людье въ градъ. Волга же раздая воемъ по голуби комуждо, а другимъ по воробьеви, и повелъ комуждо голуби и къ воробьеви привязывати църь, обертывающе въ платки малы, нитъкою поверзывающе къ коемуждо ихъ; и повелъ Ольга, яко смерчеся, пустити голуби и воробы воемь своимъ. Голуби же и воробьеве полетжша въ гнъзда своя, ови въ голубники, врабътве же подъ стртхи: и тако възгарахуся голубьници, ово клъти, ово вежъ, ово ли одрины, и не бъ двора идъже не горяше, и не бъ льзъ тасити, вси бо двори възгоръщася. И побътоща людье изъ града, и повелъ Ольга воемъ своимъ имати è; яко взя градъ и пожьже и, старъйшины же града изънима, и прочая люди овыхъ изби, а другія работъ предасть мужемъ своимъ, а прокъ ихъ остави платити дань. И възложиша на ня дань тяжьку, 2 части дани идета Кіеву, а третьяя Вышегороду къ Ользъ, бъ бо Вышегородъ градъ Вользинъ. И иде Вольга по Дерьвьстъй земли съ сыномъ своимъ и съ дружиною, уставляющи уставы и уроки; суть становища ев и ловища. И приде въ градъ свой Кіевъ съ сыномъ своимъ Святославомъ, и пребывши лъто едино.

Въ лѣто 6455, иде Вольга Новугороду и устави по Мьстѣ повосты \*\*) и дани, и по Лузѣ оброки и дани; ловища ея суть по всей земли, знамянья и мѣста и повосты, и сани ее стоять въ Плесковѣ и до сего дне, и по Днѣпру перевѣсища и по Деснѣ, и есть село ее Ольжичи и доселѣ. И изрядивши възратися къ сыну своему Кіеву и пребываще съ нимъ въ любъви.

Въ лъто 6456. Въ лъто 6457. Въ лъто 6458. Въ лъто 6459. Въльто 6460. Въ льто 6461. Въ льто 6462. Въ лъто 6463. Иде Ольга въ Греки и приде Царюгороду. Бъ тогда царь имянемь Цъмьскій; \*\*) и приде къ нему Ольга, и видъвъ ю добру сущю зъло лицемъ и смыслену, удививъся царь разуму ея, бесъдова къ ней и рекъ ей: «подобна еси царствовати въ градъ съ нами». Она же разумъвши рече ко царю: «азъ погана есмь, да аще мя хощеши крестити, то крести мя самъ; аще ли, то не крещюся», и крести ю царь съ патреархомъ. Просвъщена же бывъши, радовашеся душею и тъломъ; и поучи ю патреархъ о въръ, рече ей: «благословена ты въ женахъ Рускихъ, яко возлюби свъть, а тьму остави; благословити тя хотять сынове Рустін въ последній родъ внукъ твоихъ». И заповъда ей о церковномь уставъ, о молитвъ и о постъ, о милостыни и о въздержаньи тъла чиста; она же поклонивши главу, стояще аки губа напаяема, внимающи ученья; поклонившися патреарху, глаголющи: «молитвами твоими, владыко, да схранена буду отъ съти непріязньны». Бъ же речено имя ей вокре-

<sup>\*)</sup> Такъ въ Лавр. спискъ. Во всъхъ другихъ «погосты».

<sup>\*\*)</sup> Очевидно, ошибка. Въ другихъ спискахъ «Костянтинъ, сынъ Леонтовъ». Іоаннъ Цимисхій вступилъ на престолъ въ 969 г.

щеньи Олена, якоже и древняя цариця, мати великаго Костянтина. Благослови ю патреархъ и отпустию. И по крещеныи возва ю царь и рече ей: «хощю тя пояти собъ женъ». Она же рече: «како хочеши мя пояти, крестивъмя самъ и нарекъмя дъщерью! а въхрестеянехъ того нъсть закона, а ты самъ въси». И рече царь: «переклюкала мя еси, Ольга»; и дасть ей дары многи, злато и сребро, паволоки и съсуды различныя, и отпусти ю, нарекъ ю дъщерью собъ. Она же хотящи домови, приде къ патреарху, благословенья просящи на домъ, и рече ему: «людье мои пагани и сынъ мой, дабы мя Богъ съблюдъ отъ всякого зла». И рече патреархъ: «чадо върное! во Христа крестилася еси и во Христа облечеся, Христосъ имать схранити тя: якоже схрани Еноха въ первыя роды, и потомъ Ноя въ ковчезъ, Аврама отъ Авимелеха, Лота отъ Содомлянъ, Монсъя отъ Фараона, Давыда отъ Саула, 3 отроци отъ пещи, Данила отъ звърій, тако и тя избавить отъ непріязни и отъ сътій его»; благослови ю патреархъ, и иде съ миромъ въ свою землю, и приде Кіеву. Се же бысть, якоже при Соломант приде царица Евіоньская къ Соломану, слышати хотящи премудрости Соломани, и многу мудрость видъ и знамянья: такоже и си блаженая Ольга искаше доброъ мудрости Божьи, но она человъчьски, а си Божья. Ищющи бо мудрости обрящють. Премудростъ на исходищихъ поется, на путехъ же деръзновенье водить, на краихъ же забральныхъ проповъдаеть, во вратъхъ же градныхъ дерзающи глаголеть; елико бо лътъ незлобивін держатся по правду, не постыдятся. Си боотъ възраста блаженая Ольга искаше мудростью что есть луче всего въ свътъ семь, налъзе бисеръ много-

цъньныхъ, еже есть Христосъ. Рече бо Соломанъ: желанье благовърныхъ наслажаеть душю; и приложиши сердце твое въ разумъ; азъ любящая мя люблю, и ищющій мене обрящють мя. Господь рече: приходящая ко мив не иженуть вонь. Си же Ольга приде Кіеву, и присла къ ней царь Гречьскій, глагодя: «яко много дарихъ тя; ты бо глаголаше ко мнъ, яко аще возъвращюся въ Русь, многи дары прислю ти, челядь, и скъру, и вои въ помощь». Отвъщавши Ольга и рече въ сломъ: «аще ты», рьци, «такоже постоиши у мене въ Почайнъ, якоже азъ въ Суду, то тогда ти дамь»; н отпусти слы сь рекъши. Живяше же Ольга съ сыномъ своимъ Святославомъ, и учащеть и мати креститися, и не брежаше того ни во уши пріимати; но аще кто хотяше креститися, не браняху, но ругахуся тому. Невърнымъ бо въра хрестьяньска уродьство есть; не смыслиша бо, пи разумъща во тымъ ходящін, п не въдять славы Господня, одобъльша бо сердца ихъ, ушима тяжько слышати, очима видъти. Рече бо Соломанъ: дъла нечестивыхъ далече отъ разума; понеже звахъ вы и не послушасте мене, прострохъ словеса и не внимасте, но отметасте моя свъты, моихъ же обличеній не внимасте; възпенавидеша бо премудрость, а страха Господня не изволиша, ни хотяху моихъ внимати свъть, подражаху же мон обличенья. Якоже бо Ольга часто глаголашеть: «азъ, сыну мой, Бога познахъ и радуюся; аще ты познаеши, и радоватися почнешь». Онъ же не внимаше того, глаголя: «како азъ хочю инъ законъ пріяти единъ? а дружина сему смъятися начнуть». Она же рече ему: «аще ты крестишися, вси имуть тоже створити». Онъ же не послуша матере, творяше норовы поганьскія, не вѣдый, аще

кто матере не послушаеть, въ бѣду впадаеть; якоже рече: аще кто отца, ли матере не послушаеть, но смерть пріиметь. Се же ктому гнѣвашеея на матерь. Соломанъ бо рече: кажай злыя пріемлеть собѣ досаженье, обличаяй нечестиваго поречеть собе; обличенья бо печестивымъ мозолье суть; не обличай злыхъ, да не възненавидять тебе. Но обаче любяще Ольга сына своего Святослава, ръкущи: «воля Божья да будеть; аще Богъ хощеть помиловати рода моего и землѣ Рускіѣ, да възложить имъ на сердце обратитися къ Богу, якоже и мнѣ Богъ дарова». И се рекши, моляшеся за сына и за люди по вся нощи и дви, кормящи сына своего до мужьства его и до взраста его.

Въ лъто 6464. Въ лъто 6465. Въ лъто 6466. Въ лъто 6467. Въ лъто 6468. Въ лъто 6469. Въ лъто 6470. Въ лъто 6471. Въ лъто 6472. Князю Святославу възрастъщю и възмужавшю, нача вои совкупляти многи и храбры, и легъко ходя аки нардусъ, войны многи творяще. Ходя возъ по собъ не возяще, ин котъла, ни мясъ варя, по потонку изръзавъ кониму ли, звърину ли, или говядину, на углехъ испекъ ядяще, ин шатра имяще, но подъкладъ постлавъ и съдло въ головахъ; такоже и прочіи вои его вси бяху. Посылаще къ странамъ глаголя: «хочю на вы ити». И иде на Оку ръку и на Волгу, и налъзе Вятичи, и рече Вятичемъ: «кому дань даете»? опи же ръща: «Козаромъ по щълягу отъ рала даемъ».

Въ лъто 6473. Иде. Святославъ на Козары Слышавше же Козари, изидоша противу съ княземъ своимъ-Каганомъ, и сструпишася битъ; и бывши брани, одолъ Святославъ Козаромъ и градъ ихъ Бълувъжю взя. Ясы побъди и Касогы. Въ лъто 6474. Вятичи побъди Святославъ, и дань на нихъ възложи.

Въ лъто 6475. Иде Святославъ на Дунай на Болгары. Вившемъся обоимъ, одолъ Святославъ Болгаромъ, и взя городъ 80 по Дунаеви; съде княжа ту въ Переяславци, емля дань на Грьцъхъ.

Въ лъто 6476. Придоша Печенъзи на Руску землю первое, а Святославъ бяше Переяславци; и затворися Волга въ градъ со унуки своими, Ярополкомъ и Ольгомъ и Володимеромъ, въ градъ Кіевъ. И отступиша градъ въ силъ велицъ, безчислено множьство около града, и не бъ льзъ изъ града вылъзти, ни въсти послати; изнемогаху же людье гладомъ и водою. Собравшеся людье оноя страны Дивпра въ лодьяхъ, объ ону страну стояху, и не бѣ льзѣ внити въ Кіевъ ниединому ихъ, ни изъ града къ онъмъ. Въстужища людье въ градъ и ръша: «не ли кого, иже бы моглъ на ону страну дойти и речи имъ: аще кто не приступить съ утра, предатися иманъ Печенъгомъ»? И рече единъ отровъ: «азъ преиду»; и ръша: «иди». Онъ же изиде изъ града съ уздою, и ристаше сквозъ Печенъги, глатоля: «не видъ ли коня никтоже»? бъ бо умъя Печенъжьски, и мняхуть и своего. Яко приближися къ ръщъ, сверга порты сунуся въ Днъпръ и побреде, видъвше же Печеньзи, устремишася на нь стрыляюще его, и не могоша ему ничтоже створити. Они же видъвше съ оноя страны, и прівхаша въ лодьи противу ему, и взяща и въ лодью, и привезоща и къ дружинъ; и рече имъ: саще не подъступите заутра къ городу, предатися хотять людье Печенътомъ». Рече же воевода ихъ, лиянемъ Прътичь: «подъступимъ заутра въ лодьяхъ,

и попадше \*) княгиню и княжичъ умчимъ на сю страну; аще ли сего не створимъ, погубити ны имать Святославъ». Яко бысть заутра, вседъще въ лодью протіу свъту и въструбиша вельми, и людье въ градъ кликнуша; Печенъзи же мнъша князя пришедша, побътоша разпо отъ града; и изиде Ольга со унуки и съ людии къ лодъв. Видъвъ же се князь Печенъжьскій, възратися единъ къ воеводъ Прътичю и рече: «кто се приде»? и рече ему: «лодья оноя страны». И рече князь Печенъжьскій: «а ты князь ли если»? онъ же рече: «азъ есмь мужь его, и пришель есмь въ сторожбхъ, по миъ идеть полкъ со княземъ безъ числа множьство»; се же рече, грозя имъ. Рече же князь Печенъжьскій къ Прътичю: «буди ми другь»; онъ же рече: «тако створю». И подаста руку межю собою, и въдасть Печенъжьскій князь Прътичю конь, саблю, стрълы, онъ же дасть ему бронъ, щить, мечь. Отступиша Печенъзи отъ града, и не бяше льзъ коня напоити, на Лыбеди Печенъзи. И послаша Кіяне къ Святославу, глаголюще: «ты, княже, чюжея земли ищеши и блюдеши, а своея ся охабивъ, малы \*\*) бо насъ не взяша Печенъзи, матерь твою и дъти твои; аще не поидеши, ни обраниши насъ, да паки ны возмуть, аще ти не жаль отчины своея, ни матере стары суща, и дътій своихъ». То слышавъ Святославъ, вборзъ всъде на конъ съ дружиною своею, и приде Кіеву, цълова матерь свою и дъти своя, и съжалися о обывшемъ отъ Печенътъ, и собра вои, и прогна Печенъти въ поли, и бысть миръ.

<sup>\*)</sup> Въ нъкот. спискахъ, «подъпадше». См. въ Словаръ.

<sup>\*\*)</sup> Къ Ипат. спискъ «малъ».

Въ лъто 6477. Рече Святославъ къ матери своей и къ боляромъ своимъ: «нелюбо ми есть въ Кіевъ быти, хочю жити въ Переяславци на Дунаи, яко то есть середа въ земли моей, яко ту вся благая сходятся: отъ Грекъ здато, наводоки, вина, овощеве рознодичныя, изъ Чехъ же, изъ Угоръ сребро и комони, изъ Руси же скора и воскъ, медъ и челядь». Рече ему Волга: «видиши мя болное сущю, камо хощеши отъ мене ити»? бъ бо разбодълася уже; рече же ему: « погребъ мя, иди же яможе хочеши». По трехъ днехъ умре Ольга, и плакася по ней сынъ ея, и внуци ея, • и людье вси плачемъ великомь, несоща и погребоща ю на мъстъ; и бъ заповъдала Ольга не творити трызны надъ собою, бъ бо имущи презвутеръ, сей похорони блаженую Ольгу. Си бысть предътекущія крестьяньстъй земли аки деньница предъ солнцемь и аки зоря предъ свътомъ, си бо сьяше аки луна въ нощи, тако и си въ невърныхъ человъцъхъ свътящеся аки бисеръ въ калъ; качьни бо бъща, гръхъ неомовени крещеньемь святымь. Си бо омыся купълью святою, и совлечеся гръховнов одеже ветхаго человъка Адама, и въ новый Адамъ облечеся, еже есть Христосъ. Мы же рцемъ къ ней: радуйся, Руское познанье къ Богу; начатокъ примиренью быхомъ. Си первое вниде въ царство небесное отъ Руси, сію бо хвалять Рустіе сынове аки началницю: ибо по смерти моляше Бога за Русь. Праведныхъ бо душа не умирають: якоже рече-Соломанъ: похваляему праведному възвеселятся людье, безсмертье бо есть память его, яко отъ Бога познавается и отъ человъкъ. Се бо вси человъци прославляють, видяще лежаща я въ теле на многа лета; рече бо Пророкъ: прославляющая мя прославлю. О сяковыхъ бо Давыдъ глаголаше: въ память праведникъ будеть, отъ слуха зла не убоится; готово сердце его уповати на Господа, утвердися сердце его и не подвижется. Соломанъ бо рече: праведници въвъки жіуть, и отъ Господа мьзда имъ есть и строенье отъ Вышняго; сего ради пріимуть царствіе красотъ и вънець добротъ отъ руки Господня, яко десницею покрыеть я и мышцею защитить я. Защитилъ бо есть сію блажену Вольгу отъ противника и супостата дьявола.

Въ лъто 6478. Святославъ посади Ярополка въ Кіевъ, а Ольга въ Деревъхъ. Въ се же время придоша людье Ноугородьстіи, просяще князя собъ: «аще не поидете къ намъ, то налъземъ князя собъ;» и рече къ нимъ Святославъ: «абы пошелъ кто къ вамъ». И отпръся Ярополкъ и Олегъ; и рече Добрыня: «просите Володимера». Володимеръ бо бъ отъ Малуши, ключницъ Ользины; сестра же бъ Добрыня, отець же бъ има Малкъ Любечанинъ, бъ Добрына уй Володимеру. И ръша Ноугородьци Святославу: «въдай ны Володимера:» онъ же рече имъ: «вото вы есть.» И пояща Ноугородьци Володимера къ собъ, и иде Володимеръ съ Добрыною уемь своимь Ноугороду, а Святославъ Переяславьцю.

Въ лѣто 6479. Приде Святославъ въ Переяславець, и затворишася Болгаре въ градѣ. И излѣзоша Болгаре на сѣчю противу Святославу, и бысть сѣча велика, и одоляху Болъгаре; и рече Святославъ воемъ своимъ: «уже намъ сдѣ пасти; потягнемъ мужьски, братья и дружино!» И къ вечеру одолѣ Святославъ, и взя градъ копьемъ, и посла къ Грекомъ, глаголя: «хочю на вы ити, взяти градъ вашь, яко и сей.» И рѣша Грьци: «мы недужи противу вамъ стати, но возми дань на

насъ, и на дружину свою, и повъжьте ны колько васъ, да вдамы по числу на главы.» Се же рѣша Грьци, льстяче подъ Русью; суть бо Греци лстиви и до сего дни. И рече имъ Святославъ: «есть насъ 20 тысящь,» и прирече 10 тысящь, бѣ бо Руси 10 тысящь толко. И пристроиша Грьци 100 тысящь на Святослава, и не даша дани; и пойде Святославъ на Греки, и изидоша противу Руси. Видъвше же Русь убояшася зъло множьства вой, и рече Святославъ: «уже намъ нъкамо ся дъти, волею и неволею стати противу: да не посрамимъ землъ Рускіъ, но ляжемъ костьми, мертвыи бо срама не имамъ, аще ли побъгнемъ, срамъ имамъ, ни имамъ убъжати; но станемъ кръпко, азъ же предъ вами поиду, аще моя глава ляжеть, то промыслите собою;» и рѣша вои: «идѣже глава твоя, ту и свои главы сложимъ.» И исполчишася Русь, и бысть стча велика, и одолт Святославъ, и бъжаща Грьци; и поиде Святославъ ко граду, воюя и грады разбивая, яже стоять и до днешняго дне пусты. И созва царь боляре своя въ полату, и рече имъ: «что створимъ, яко не можемъ противу ему стати?» И ръша ему боляре: «посли къ нему дары, искусимъ и, любынивы ли есть здату, ли паволокамь?» И посла къ нему злато, и паволоки, и мужа мудра, ръща ему: «глядай взора, и лица его, и смысла его;» онъ же вземъ дары, приде къ Святославу. Повъдаща Святославу, яко придоша Грьци съ поклономъ, и рече: «въведъте я съмо.» Придоша и поклонишася ему, положиша преди имъ злато и паволоки; и рече Святославъ, кромъ зря, отрокомъ своимъ: «схороните.» Они же придоша ко царю, и созва царь боляры, рѣша же посланіи: «яко придохомъ къ нему и вдахомъ дары, и не

зръ на ня, и повелъ схоронити». И рече единъ: «искуси и еще, посли ему оружье». Они же послушаша его, и послаща ему мечь и ино оружье, и принесоща къ нему; онъ же пріимъ, нача хвалити и любити, и цълова царя. Придоша опять ко царю, и повъдаща ему вся бывшая, и ръша боляре: «лють се мужь хоче быти, яко имънья не брежеть, а оружье емлеть; имися по дань». И посла царь, глаголя сице: «не ходи къ граду, возми дань, еже хощеши», за маломъ бо бъ не дошелъ Царяграда. И въдаша ему дань; имашеть же и за убьеныя, глаголя: «яко родъ его возметь». Взя же и дары многы, и взъратися въ Переяславець съ похвалою великою. Видъвъ же мало дружины своея, рече въ собъ: «еда како прельстивше изъбьють дружину мою и мене», бъща бо многи погибли на полку; и рече: «поиду въ Русь, приведу болъ дружинъ». И посла слы ко цареви въ Деревьстръ, бо бъ ту царь, рька сице: «хочю имъти миръ съ тобою твердъ и любовь». Се же слышавъ царь, радъ бысть и посла къ нему дары больша первыхъ. Святославъ же прія дары и поча думати съ дружиною своею, рька сице: «аще не створимъ мира со царемъ, а увъсть царь, яко мало насъ есть, пришедше оступять ны въ градъ; а Руска земля далеча, а Печенъзи съ нами ратьни, а кто ны поможеть? но створимъ миръ со царемъ, се бо ны ся по дань яли, и то буди доволно намъ; аще ли почнеть не управляти дани, да изнова изъ Руси, совкупивше вои множайша (первыхъ), поидемъ Царюгороду». Люба бысть ръчь си дружинъ, и послаша лъпшіъ мужи ко цареви; и придоша въ Деревъстръ, и повъдаща цареви. Царь же наутрія призва я, и рече царь: «да глаголють сли Рустіи.» Они

же рѣша: «тако глаголеть князь нашь, хочю имѣти любовь со царемь Гречьскимъ свершеную прочая вся лѣта.» Царь же радъ бысть, повелѣ писцю писати вся рѣчи Святославлѣ на харатью; нача глаголати солъ вся рѣчи, и нача писець писати. Глагола сице:

«Равно другаго свъщанья, бывшаго при Святославъ велицъмь князи Рустъмь и при Свънальдъ, писано при Өефелъ Синкелъ и къ Ивану, парицаемому Цъмьскію, царю Гречьскому, въ Дерестръ, мъсяца іюля, индикта въ 14, въ лъто 6479. Азъ Святославъ князь Рускій, якоже кляхься, и утвержаю на свъщань семь роту свою. Хочю имъти миръ и свершену любовь со всякомь \*\*) и великимь царемъ Гречьскимъ, съ Васильемъ и Костянтиномъ, и съ богодохновеными цари, и со всъми людьми вашими, и иже суть подо мною Русь, боляре и прочіи, до конца въка. Яко николиже помышлю на страну вашю, ни сбираю вои, ни языка ни иного приведу на страну вашю и елико есть подъ властью Гречьскою, ни на власть Корсуньскую и елико есть городовъ ихъ, ни на страну Болгарьску; да аще инъ кто номыслить на страну вашю, да и азъ буду противень ему пборюся сънимъ. Якоже кляхъся ко царемъ Гречьскимъ, и со мною боляре и Русь вся, да схранимъ правая съвъщанья. Аще лиотъ тъхъ самъхъ прежереченыхъ не съхранимъ, азъ же и со мною и подо мною: да имъемъ клятву отъ Бога, въ его же въруемъ, въ Перуна и въ Волоса скотья бога, и да будемъ колоти \*\*) яко золото, и своимъ

<sup>\*)</sup> Г. Срезневскій читаеть «*Пванъмь*». Ошибку переписчика онь объясняеть догадкою, что договорь Святослава могь быть писань глаголицею. «Изв. 11 отд. Ак. Наукъ» VII, 346.

<sup>\*\*)</sup> Въ И. и X. «золотъ». Г. Буслаевъ («О вліяніи христі-

оружьемь да исъчени будемъ. Се же имъйте во истину, якоже створихомъ нынъ къ вамъ, написахомъ на харатьи сей и своими печатьми запечатахомъ».

Створивъ же миръ Святославъ съ Греки, поиде въ лодьяхъ къ порогомъ, и рече ему воевода отень Свънделъ: «поиди, княже, на конихъ около, стоять бо Печенъзи въ порозъхъ». И не послуша его, поиде въ лодьяхъ, и послаша Переяславци къ Печенъгомъ, глаголюще: «се идеть вы Святославъ въ Русь, вземъ имънье много у Грекъ и полонъ безчисленъ, съ маломъ дружины». Слышавше же се Печенизи, заступиша пороги, и приде Святославъ къ порогомъ, и не бъльзъ проити порогъ; и ста зимовати въ Бълобережьи, и не бъ у нихъ брашна уже, и бъгладъ великъ, яко по полугривнъ глава коняча, и зимова Святославъ ту. Веснъ же приспъвъши,

Въ лъто 6480, поиде Святославъ въ пороги, и нападе на нь Куря князь Печенъжьскій, и убища Святослава. Взяща главу его и во лбъ его съдълаща чашю, оковавше лобъ его, и пьяху по немь. Свъналдъ же приде Кіеву къ Ярополку. И всъхъ лътъ княженья Святославля лътъ 20 и 8.

Въ лъто 6481. Нача княжити Ярополкъ.

Въ лѣто 6482. Въ лѣто 6483. Ловъ дѣющю Свѣналдичю, именемъ Лютъ, ишедъ бо изъ Кіева гна по звѣри въ лѣсѣ; и узрѣ и Олегъ и рече: «кто се есть»? И рѣша ему: «Свѣналдичь», и заѣхавъ уби и, бѣ бо ловы дѣя Олегъ. И о томъ бысть межю ими ненависть Ярополку на Ольга, и молвяще всегда Ярополку Свѣ-

анства на слав. языкъ», стр. 13) объясняетъ такъ: «да изсохнемъ, сгоримъ отъ небеснаго огня».

налдъ: «поиди на братъ свой и примп волость его», хотя отмьстити сыну своему.

Въ лъто 6484. Въ лъто 6485. Поиде Ярополкъ на Олга, брата своего, на Деревьску землю, и изиде противу его Олегъ, и вполчитася; ратившемася полкома, побъди Ярополкъ Ольга. Побъгъшю же Ольгу съ вои своими въ градъ, рекомый Вручій, бяше черезъ гроблю мость ко вратомъ граднымъ, теснячеся другь друга пихаху въ гроблю; и спехнуща Ольга съ мосту въ дебрь, падаху людье мнози, и удавиша кони человъци. И въшедъ Ярополкъ въ градъ Ольговъ, перея власть его и посла искать брата своего; искавъше его не обрътоша, и рече единъ Деревлянинъ: «азъ видъхъ, яко вчера спехнуша съ мосту». И посла Ярополкъ искать брата, и влачиша трупье изъ гробли отъ утра и до полудне, и налѣзоша и Ольга высподи трупья, внесоша и, и положиша и на ковръ. И приде Ярополкъ, надъ немъ плакася, и рече Свъналду: «вижь сего ты, еже еси хотълъ». И погребоша Ольга на мъстъ у города Вручога, и есть могила его и до сего дне у Вручего. И прія власть его Яронолкъ. У Ярополка же жена Грекини бъ, и бяше была черницею; бъ бо привелъ отець его Святославъ, и вда ю за Ярополка, красоты ради лица ея. Слышавъ же се Володимиръ въ Новъгородъ, яко Ярополкъ уби Ольга, убоявся бъжа за море; а Ярополкъ посадники своя посади въ Новъгородъ, и бъ володъя единъ въ Руси.

Въ лъто 6486. Въ лъто 6487. Въ лъто 6488. Приде Володимиръ съ Варяги Ноугороду, и рече посадникомъ Ярополчимъ: «идъте къ брату моему и рцъте ему: Володимиръ ти иде на тя, пристраивайся противу бить». И съде въ Новъгородъ, и посла ко Рогь-

володу Полотьску, глаголя: «хочю пояти дъчерь твою собъ женъ». Онъ же рече дъчери своей: «хочеши за Володимера»? она же рече: «не хочю розути робичича, но Ярополка хочю». Бѣ бо Рогъволодъ пришелъ изъ заморья, имяще власть свою въ Полотьскъ, а Туры Туровъ, отъ него же и Туровци прозвашася. И придоша отроци Володимерови, и повъдаща ему всюръчь Рогънъдину, дъчери Рогъволожъ, князя Полотьскаго; Володимеръ же собра вои многи, Варяги и Словъни, Чюдь и Кривичи, и поиде на Рогъволода. Въ се же время хотяху Рогьнъдь вести за Ярополка; и приде Володимеръ на Полотескъ, и уби Рогъволода и сына его два и дъчерь его поя женъ, и поиде на Ярополка. И приде Володимеръ Кіеву съ вои многи, и не може Ярополкъ стати противу, и затворися Кіевъ съ людми своими и съ Блудомъ; стояще Володимеръ обрывся на Дорогожичи, межю Дорогожичемъ и Капичемъ, и есть ровъ и до сего дне. Володимеръ же посла къ Блуду, воеводъ Ярополчю, съ лестью глаголя: «попріяй ми, аще убью брата своего, имъти тя хочю во отца мъсто, и многу честь возьмешь отъ мене; не язъ бо почаль братью бити, но онь, азъ же того убоявься придохъ на нь». И рече Блудъ къ посломъ Володимеримъ: «азъ буду тобъ въ сердце и въ пріязньство». О злая лесть человъчьска! Якоже Давыдъ глаголеть: ядый хлъбъ мой възвеличилъ есть на мя лесть. Се бо лукавьствоваше на князя своего лестью. И паки: языки своими льстяхуся; суди имъ, Боже, да отпадуть отъ мыслій своихъ, по множьству нечестья ихъ изриния, яко прогнъваща тя, Господи. И паки то же рече Давыдъ: мужь въ крови льстивъ не припловить дній своихъ. Се есть съвъть золъ, иже свъщевають на кровопролитье; то суть неистовіи, иже пріемше отъ князя или отъ осподина своего честь, ли дары, ти мыслять о главъ князя своего на погубленье, горьше суть бъсовъ таковіи: якоже Блудъ преда князя своего, и пріимъ отъ него чьти многи, се бо бысть повиненъ крови той. Се бо Блудъ затворися съ Ярополкомъ, льстя ему, слаше къ Володимеру часто, веля ему пристряпати \*) къ граду бранью, а самъ мысля убити Ярополка; гражены же не бъ льзъ убити его: Блудъ же не възмогъ, како бы погубити и, замысли лестью, веля ему не излазити на брань изъ града; льстяче же Блудъ Ярополку: «Кіяне слются къ Володимеру», глаголюще: «приступай къ граду, яко предамы ти Ярополка»; побътни за градъ. И послуша его Ярополкъ, п съть предъ нимъ, затворися въ градъ Родьни на усть ръки (Рси), а Володимеръвниде въ Кіевъ, и осъде Ярополка въ Роднъ, и бъ гладъ великъ въ немь; есть притча и до сего дне: бъда аки въ Роднъ. И рече Блудъ Ярополку: «видиши, колько вой у брата твоего? нама ихъ не перебороти; твори миръ съ братомъ своимъ»; льстя подъ нимъ се рече; и рече Ярополкъ: «такъ буди». И посла Блудъ къ Володимеру, сице глагодя: «яко сбысться мысль твоя, яко приведу къ тобъ Ярополка, и пристрой убити и». Володимеръ же то слышавь, въшедъ въ дворъ теремный отень, о немъ же преже сказахомъ, съде ту съ дружиною своею; и рече Блудъ Ярополку: «поиди къ брату своему и рьчь ему: что ми ни вдаси, то язъ пріиму». Поиде же Ярополкъ, рече же ему Варяжько: «не ходи, княже, убь-

<sup>\*)</sup> Въ Ипат. спискъ «приступати». Такъ читаютъ Карамзинъ (И. Г. Р. I, прим. 422) и г. Соловьевъ (И. Р. I, гл. VI).

ють тя; побъгни въ Печенъги и приведени воя»; и не послуша его. И приде Ярополкъ къ Володимеру, яко полъзе въ двери, и подъяста и два Варяга мечьми подъ назусъ, Блудъ же затвори двери и не да по немъ ити своимъ; и тако убъенъ бысть Ярополкъ. Варяжько же видъвъ, яко убъенъ бысть Ярополкъ, бъжа съ двора въ Печенъти (и много воева съ Печенъты на Володимера И. Х. Р.), и одва приваби и, заходивъ къ нему ротъ. По семь ръша Варязи Володимеру: «се градъ нашь; и мы пріяхомъ п; да хочемъ имати окупъ на нихъ, по 2 гривнъ отъ человъка». И рече имъ Володимеръ: «пождъте, да же вы куны сберуть, за мъсяць». Ждаша за мъсяць, и не дасть имъ, и ръша Варязи: «сольстилъ еси нами, да покажи ны путь въ Греки»; онъ же рече имъ: «идъте». И избра отъ нихъ мужи добры, смыслены и храбъры, и раздая имъ грады; прочіи же идоша Царюграду въ Греки. И посла предъ ними слы, глаголя сице царю: «се идуть къ те-Варязи, не мози ихъ держати въ градъ, оли то створять ти зло, яко и сдъ, но расточи я разно, а съмо не пущай ни единого». И нача княжити Володимеръ въ Кіевъ единъ, и постави кумиры на холму внъ двора теремнаго: Перуна древяна, а главу его сребрену, а усъ златъ, и Хърса, Дажьбога, и Стрибога, и Симарытла, и Мокошь. Жряху имъ, наричюще я богы, привожаху сыны своя и дъщери, и жряху бъсомъ, оскверняху землю теребами своими, и осквернися кровьми земля Руска и холмъ-отъ. Но преблагій Богъ не хотя смерти гръшникомъ, на томъ холмъ нынъ церкви стоить, святого Василья есть, якоже последи скажемъ. Мы же на преднее възратимся. Володимеръ же посади Добрыну уя своего въ Новъгородъ; и пришедъ Добрына Ноугороду, постави кумира надърѣкою Волховомъ, и жряху ему людье Ноугородьстінаки Богу.

Въ лѣто 6489. Иде (Володимеръ) къ Ляхомъ и зая грады ихъ, Перемышль, Червенъ и ины грады, иже суть и до сего дне подъ Русью. Въ семъ же лѣтѣ и Вятичи побѣди, и възложи на нь дань отъ плуга, якоже и отець его имаше.

Въ лъто 6490. Заратишася Вятичи, и иде на ня Володимиръ, и побъди е второе.

Въ лъто 6491. Иде Володимеръ на Явтяги, и побъди Явтяги, и взя землю ихъ. И иде Кіеву, и творяше потребу кумиромъ съ людин своими; и ръша старци и боляре: мечемъ жребій на отрока и дівицю; на него же падеть, того заръжемъ богомъ». Бяше Варягь единь, и бъ дворь его, идъже есть церкви Святая Богородица, юже сдъла Володимеръ: бъ же Варягъ то пришель изъ Грекъ, держаше въру хрестеяньску, и бъ у него сынъ красенъ лицемъ и душею, на сего паде жребій по зависти дьяводи. Не терпяшеть бодьяволь, власть имы надо всёми, и се бящеть ему аки тернъ въ сердци, тъщашеся потребити оканьный и наусти люди. Ръша пришедше посланіи къ нему: «яко паде жребій на сынъ твой, изволища бо и бози собъ; да створимъ потребу богомъ». И рече Варягъ: суть то бози, но древо; днесь есть, а утро изъгнъеть; не ядять бо, ни пьють, ни молвять, но суть дълани руками въ деревъ; а Богъ есть единъ, ему же служать Грьци и кланяются, иже створиль небо иземлю, звъзды, и луну, и солнце, и человъка, далъ есть ему жить на земли; а си бози что сдълаша? сами дълани суть; не дамъ сына своего бъсомъ». Они же шедше повъдаща людемъ; они же вземие оружье, поидоша

на нь и розъяша дворъ около его, онъ же стояше на сѣпѣхъ съ сыномъ своимъ. Рѣша ещу: «вдай сына своего, да вдамы богомъ.» Онъ же рече: «аще суть бози, то единого собе послють бога, да имуть сынъ ной; а вы чему претребуете?» И кликнуша, и посткоша съни подъ нима, и тако побиша я, и не свъсть никто же, гдъ положиша я. Бяху бо тогда человъци невъголоси и погани; дьяволь радовашеся сему, не въдый, яко близъ погибель хотяше быти ему. Тако бо тщашеся погубити родъ хрестеяньскій, но прогонимъ бяще хрестомъ честнымъ и въ онъхъ странахъ; сдъ же мняшеся оканьный: яко сдъ ми есть жилище, сдъ бо не суть апостоли учили, ни пророци прорекли, — не въдый Пророка глаголюща: и нареку не люди моя люди моя; о апостолъхъ бо рече: во всю землю изидоша въщанья ихъ, и въ конець вселеныя глаголи ихъ. Аще и тъломъ апостоли не суть сдъ были, но ученья ихъ аки трубы гласять по вселенъй въ церквахъ; имь же ученьемь побъжаемъ противнаго врага, попирающе подъ нози; якоже попраста и си отпиника \*) пріемше вънець небесный съ святыми мученики и праведники.

Въ лъто 6492. Иде Володимеръ на Радимичи. Бъ у него воевода Вольчій Хвость, и посла ѝ Володимеръ передъ собою, Вольчья Хвость; съръте è на ръцъ Пищанъ и побъди Радимичъ Вольчій Хвость; тъмь и Русь корятся Радимичемъ, глаголюще: Пищаньци вольчья хвоста бъгають. Быша же Радимичи отъ рода Ляховъ; прешедъще ту ся вселища, и платять дань Руси, повозъ везуть и до сего дне.

Въ дъто 6493. Иде Володимеръ на Болгары съ Добрыною съ уемъ своимъ въ додьяхъ, а Торъки бере-

<sup>\*)</sup> Въ другихъ спискахъ «отечьника».

гомъ приведе на конихъ, и побъди Болгары. Рече Добрына Володимеру: «съглядахъ колодникъ, оже суть вси въ сапозъхъ; симъ дани намъ не даяти, поидемъ искатъ лапотниковъ». И створи миръ Володимеръ съ Болгары, и ротъ заходиша межю собъ, и ръша Болгаре: «толи не будеть межю нами мира, оли же камень начнеть плавати, а хмель почнеть тонути». И приде Володимеръ Кіеву.

Въ лъто 6494. Придоша Болъгары въры Бохъмичъ, глаголюще: «яко ты князь еси мудръ и смысленъ. не въси закона: по въруй въ законъ нашь и поклонися Бохъмиту». И рече Володимеръ: «како есть въра ваша?» Они же ръша: «въруемъ Богу, а Бохмитъ ны учитъ, глаголя: свинины не ясти, вина не пити, а по смерти дасть Вохмить комуждо по семидесять женъ красныхъ, избереть едину красну и всъхъ красоту възложить на едину, та будеть ему жена; на семъ свътъ аще буде вто убогъ, то и тамо»; и ина многа лесть, ея же не лзъ псати срама ради. Володимеръ же слушаше ихъ сладко; но се ему бъ нелюбо, о неяденьи мясъ свиныхъ, а о питьи отинудь; рька: «Руси есть веселье питье, не можемъ безъ того быти». Потомъ же придоша Нъмьци, глаголюще: «придохомъ посланіи отъ папежа»; и ръща ему: «реклъ ти тако папежь: земля твоя яко и земля наша, а въра ваша не яко въра наша: въра бо наша свътъ есть, кланяемся Богу, иже створиль небо и землю, звъзды, мъсяць и всяко дыханье, а бози ваши древо суть». Володимеръ же рече: «кака заповъдь ваша?» они же ръша: «пощенье по силь: аще кто пьеть или ясть, то все въ славу Божью, рече учитель нашь Павель». Рече же Володимерь Нъм. цемъ: «идъте онять, яко отци наши сего не пріяли

суть». Се слышавше Жидове Козарьстіи придоша, рекуще: «слышахомъ, яко приходиша Болгаре и Хрестеяне, учаще тя ктоже въръ своей; Хрестеяне бо върують, его же мы распяхомъ, а мы въруемъ единому Богу Аврамову, Исакову, Яковлю». И рече Володимеръ: «что есть законъ вашь»? они же ръша: «обръзатися, свинины не ясти, ни заячины, суботу хранити». Онъ же рече: «то гдъ есть земля ваша?» они же ръша: «въ Ерусалимъ». Онъ же рече: «то тамо ли есть (и нынъ И.)?» они же ръша: «разъгнъвася Богъ на отци наши, и расточи ны по странамъ гръхъ ради нашихъ, и предана бысть земля наша Хрестеяномъ». Онъ же рече: «то како вы инъхъ учите, а и сами отвержени отъ Бога и расточени? аще бы Богъ любилъ васъ и законъ вашь, то не бысте расточени по чюжимъ землямъ; еда намъ тоже мыслите пріяти». По семь же прислаша Грьци къ Володимеру философа, глаголюще сице: «слышахомъ, яко приходили суть Болгаре, учаще тя пріяти въру свою, ихъ же въра оскверняеть небо и землю, иже суть прокляти паче всъхъ человъкъ, уподоблешеся Содому и Гомору, на не же пусти Господь каменье горюще, и потопи я, и погрязоша; яко и сихъ ожидаеть день погибели ихъ, егда придеть Богь судить земли и погубить вся творящая безаконья и скверны дъющія; слышахомъ же и се, яко приходища отъ Рима поучить васъ къ въръ своей, ихъ же въра маломь съ нами разъвращена, служать бо опръсноки, рекше оплатки, ихъ же Богъ не преда, но повелъ хлъбомъ служити; и преда апостоломъ, пріемъ хлъбъ: се есть тъло мое, ломимое за вы; такоже и чашю пріемъ, рече: се есть кровь моя новаго завъта; си же того не творять, суть не исправили въ-

ры». Рече же Володимеръ: «придоша ко мнъ Жидове, глаголюще, яко Нъмци и Грьци върують, его же мы распяхомъ». Философъ же рече: «въистину въ того въруемъ, то бо пророци проръцаху, яко Богу родитися, а друзіи распяту быти и погребену, а въ 3-й день воскреснути и на небеса взити; они же пророки избиваху, другія претираху; егда же сбысться прореченье сихъ, съниде на землю, и распятье прія, и въскресъ, на небеса взиде; на сихъ же ожидаще покаянья за 40 и за 6 лътъ, и не покаяшася, и посла на ня Римляны, грады ихъ разбиша, и самы расточиша по странамъ, и работають въ странахъ». Рече же Володимеръ: «то что ради сниде Богъ на землю, и страсть такои прія?» Отвъщавъ же философъ рече: «аще хощеши послушати, да скажю ти изъ начала, чьсо ради сниде Богъ на землю». Володимеръ же рече: «послушаю радъ». И нача философъ глаголати сице:

«Въ начало створи Богъ небо и землю въ первый день» и проч.

Здёсь слёдуеть изложение Священной Исторіи Ветхаго Завёта и жизни Спасителя. Повёствованіе это оканчивается слёдующими словами:

«Поставиль же есть Богь единь день, въ неже хощеть судити, пришедъ съ небесе, живымъ и мертвымъ, и въздати комуждо по дѣломъ его: праведнымъ царство небесиое, и красоту неизреченьну, веселье безъ конца, и пе умирати въ вѣки, грѣшникомъ мука огнена, и червь неусыпаяй, и муцѣ не будеть конца. Спца же будуть мученья, иже пе вѣруеть къ Боу нашему Исусу Христу; мучими будуть въ огни, иже ся пе крестить».

И се рекъ, показа Володимеру запону, на ней же бъ написано судище Господне, показываще ему одесну праведныя въ весельи предъидуща въ рай, а ошююю гръщники идуща въ муку; Володимеръ же вздохнувъ рече: «добро симъ одесную, горе же симъ ощююю». Онъ же рече: «аще хощеши одесную съ праведными стати, то крестися». Володимеръ же положи на сердци своемъ, рекъ: «пожду и еще мало», хотя испытати о всъхъ върахъ. Володимеръ же сему дары многи вдавъ, отпусти и съ честью великою.

Въ лъто 6495. Созва Володимеръ боляры своя и старци градьсків, и рече имъ: «се приходиша ко мнв Болгаре, рькуще: пріими законъ нашъ; по семь же приходиша Нёмци, и ти хваляху законъ свой; по сихъ придоша Жидове. Се же послъже придоша Грьци, хуляще вси законы, свой же хваляще, и много глаголаша сказающе отъ начала міру, о бытьи всего міра; суть же хитро сказающе, и чюдно слышати ихъ, любо комуждо слушати ихъ, и другій свъть повъдають быти: да аще кто, дъеть, въ нашю въру ступить, то паки, умеръ, станеть и не умрети ему въвъки; аще ли въ инъ законъ ступить, то на ономъ свътъ въ огнъ горъти. Да что ума придасте? что отвъщаете?» И ръша бояре и старци: «въси, княже, яко своего никтоже не хулить, но хвалить; аще хощеши испытати гораздо, то имаши у собе мужи: пославъ испытай когождо ихъ службу, и како служить Богу». И бысть люба ртчь князю и всемъ людемъ; избраща мужи добры и смыслены, числомъ 10, иръща имъ: «идъте первое въ Болгары, и испытайте первое въру ихъ». Они же идоша, и пришедше видъща скверньная дъла и кланянье въ ропати; придоша въ землю свою. И рече имъ Володимеръ: «идъте паки въ Нъмци, съглядайте такоже, и оттудъ идъте въ Греки». Они же придоша въ Нъмци, и съглядавше церковную службу ихъ, придоша Царюгороду, и внидоша ко царю; царь же испыта, коея

ради вины придоша, они же сповъдаща ему вся бывшая. Се слышавъ царь, радъ бывъ, и честь велику створи имъ во отъ же день. Наутрія посла къ патреарху, глаголя сице: «придоша Русь, пытающе въры нашея; да пристрой церковь и крилось, и самъ причинися въ святительскія ризы, да видять славу Бога нашего». Си слышавъ патреархъ, повелъ создати крилосъ, по обычаю створиша праздникъ, и кадила вожьгоша, пънья и лики съставища. И иде съ ними въ церковь, и поставиша я на пространьнъ мъстъ, показающе красоту церковную, пънья и службы архіеръйски, престоянье дьяконъ, сказающе имъ служенье Бога своего; они же во изумъньи бывше, удивившеся, похвалиша службу ихъ. И призваша е царя Васплій и Костянтинъ, ръста имъ: «идъте въ землю вашю», и отпустиша я съ дары велики и съ честью. Они же придоша въ землю свою, и созва князь боляры своя и старца. Рече Володимеръ: «се придоша посланіи нами мужи, да слышимъ отъ нихъ бывшее»; и рече: «скажите предъ дружиною». Они же ръща: «яко ходихомъ въ Болгары, смотрихомъ, како ся покланяють въ храмъ, рекше въ ропати, стояще безъ пояса; поклонився сядеть, и глядить стмо и онамо яко бъщень, и нъсть веселья въ нихъ, но печаль и смрадъ великъ, нъсть добро законъ ихъ. И придохомъ въ Нъмци, и видъхомъ въ храмъхъ многи службы творяща, а красоты не видъхомъ никоея же. И придохомъ же въ Греям, и ведоша ны, идъже служать Богу своему, и не свъмы, на небъ ли есмы были, ли на земли: нъсть бо на земли такаго вида, ли красоты такоя, и недоумъемъ бо сказати; токмо то въмы, яко онъдъ Богъ съ человъки пребываеть, и есть служба ихъ паче

всёхъ странъ. Мы убо не можемъ забыти красоты тоя; всякъ бо человъкъ аще укусить сладка, послъди горести не пріимаеть, тако и мы не имамъ сдъ быти». Отвъщавше же боляре рекше: «аще бы лихъ законъ Гречьскій, то не бы баба твоя пріяда Ольга, яже бъ мудръйши всъхъ человъкъ». Отвъщавъ же Володимеръ рече: «кдъ крещенье пріимемъ»? они же рекоша: «гдъ ти любо». И минувшю льту,

Въ лъто 6496, пде Володимеръ съ вои на Корсупь градъ Гречьскій, и затворишася Корсуняне въсградъ; и ста Володимеръ объ онъ полъ города въ лимени, дали града стрълище едино, и боряхуся кръпко изъ града, Володимеръ же объстоя градъ. Изнемогаху въ градъ людье, и рече Володимеръ къ гражаномъ: «аще ся не вдасте, имамъ стояти и за 3 лъта». Они же не послушаша того, Володимерь же изряди вов свов, и повелъ приспу сыпати къ граду. Симъ же спущеимъ, Корсуняне подъкопавше ствну градьскую, крадуще сыплемую перьсть, и ношаху въ собъвъ градъ, сыплюще посредъ града; воини же присыпаху болъ, а Володимеръ стояше. И мужь Корсунянинъ стръли, имянемъ Настасъ, напсавъ сице на стрель: «пладязи, яже суть за тобою отъ въстока, изъ того вода идеть по трубъ; конавъ переими». Володимеръ же се слышавъ, возръвъ на небо, рече: «аще се ся сбудеть, и самъ ся крещю». И ту абье повелъ конати преки трубамъ, и преяща воду; людье изнемогоша водною жажею и предашася. Вниде Володимеръ въ градъ и дружина его, и посла Володимеръ ко цареви Василью и Костянтину, глаголя сице: «се градъ ваю славный взяхъ; слышю же се, яко сестру имата дъвою, да аще еъ не вдаста за мя, створю граду вашему, якоже и сему створихъ». И

слышаста царя, быста печальна, въздаста въсть, сице глаголюща: «не достоить хрестеяномъ за поганыя дати; аще ся крестиши, то и се получишь, и царство небесное пріимеши, и съ нами единов рникъ будеши; аще ли сего не хощеши створити, не можемъ дати сестры своее за тя». Си слышавъ Володимеръ, рече посланымъ отъ царю: «глаголите царема тако: яко азъ крещюся; яко испытахъ преже сихъ дній законъ вашь, и есть ми любо въра ваша и служенье, еже бо ми сповъдаша посланіи нами мужи». И си слышавша царя, рада быста и умолиста сестру свою, имянемъ Аньну, и посласта къ Володимеру, глаголюща: «крестися, и тогда послевъ сестру свою къ тобъ». Рече же Володимеръ: «да пришедъще съ сестрою вашею крестять мя». И послушаета царя, посласта сестру свою, сановники нъкія и прозвутеры; она же не хотяше ити: «яко въ полонъ», рече, «иду, лучи бы ми сдѣ умрети». И ръста ей братья: «еда како обратить Богъ тобою Рускую землю въ покаянье, а Гречьскую землю избавишь отъ лютыя рати; видиши ли, колько зла створиша Русь Грекомъ? и нынъ, аще не идеши, тоже имуть створити намъ»; и одва ю принудиша. Она же съдъщи въ кубару, цъловавши ужики своя, съ плачемь поиде чрезъ море; и приде къ Корсуню, и изидоша Корсуняне съ поклономъ, и въведоша ю въ градъ, и посадиша ю въ полатъ. По Божью же устрою, въ се время разболься Володимерь очима и не видяще ничтоже, тужаще велми; и посла къ нему царица, ръкуще: «аще хощеши избыти бользни сея, то въскоръ крестися, аще ли, то не имаши избыти сего». Си слышавъ Володимеръ, рече: «да аще истина будеть, то поистинъ великъ Богъ будеть хрестеянескъ»; и повелъ хрести-

67

тися. Епископъ же Корсуньскій съ попы царицины, огласивъ, крести Володимира; яко възложи руку на нь, абье прозръ. Видивъ же се Володимеръ напрасное ицъленье, и прослави Бога, рекъ: «топерво увъдъхъ Бога истиньнаго». Се же видъвше дружина его, мнози крестишася. Крести же ся въ церки святого Василья, и есть церки та стоящи въ Корсунъ градъ, на мъстъ посреди града, идъже торгъ дъють Корсуняне; полата же Володимеря съ края церкве стоить и до сего дне, а царицина полата за олтаремъ. По крещеньи же приведе царицю на браченье. Се же не свъдуще право глаголють, яко крестилься есть въ Кіевъ; и ини же ръша: Василиви; друзіи же инако скажють. Крещену же Володимеру, предаша ему въру крестеяньску, рекуще сице: «да не прельстять тебе нъціи отъ еретикъ, но въруй, сице глаголя:

«Върую во единого Бога Отца Вседержителя Творца небу и земли, до конца въру сію». (Слъдуетъ изложеніе догматовъ православной въры).

Володимеръ же посемъ поемъ царицю, и Настаса, и поны Корсуньски, съ мощии святого Климента и Фифа, ученика его, поима съсуды церковьныя, иконы на благословенье себъ. Постави же церковь въ Корсунъ на горъ, иже съсыпаша средъ града, крадуще приспу, яже церки стоить и до сего дне. Взя же ида мъдянъ двъ капищи, и 4 конъ мъдяны, иже и нынъ стоять за святою Богородицею; якоже невъдуще мнять я мрамаряны суща. Вдасть же за въно Грекомъ Корсунь опять царицъ дъля, а самъ приде Кіеву. Яко приде, повелъ кумиры испроврещи, овы осъчи, а другія огневи предати; Перуна же повелъ привязати коневи къхвосту, и влещи съ горы по Боричеву на Ручай, 12

мужа \*) пристави тети жезльемь. Се же не якодреву чюющю, но на поруганье бъсу, иже прелщаше симь образомь человжкы, да възмездье пріиметь отъ человътъ. Велій еси, Господи, чюдная дъла твоя! вчера чьстимъ отъ человъкъ, а днесь поругаемъ. Влекому же ему по Ручаю къ Днипру, плакахуся его певърніи людье, еще бо не бяху пріяли святаго крещенья; и привлекие, вринуша и въ Днъпръ. И пристави Володимеръ, рекъ: «аще кдв пристанеть вы, то отръвайте его отъ берега, дондеже порогы проидеть: тогда охабитеся его»; они же повельная створиша. Яко пустиша и проиде сквозъ порогы, изверже и вътръ на рѣнѣ, и оттолѣ прослу Перуняна рѣнь, якоже и до сего дне словеть. По семь же Володимиръ посла по всему граду глаголя: «аще не обрящеться кто ръцъ, богать ли, ли убогь, или нищь, ли работникъ, противенъ мнъ да будеть». Се слышавше людье, съ радостью идяху, радующеся и глаголюще: «аще бы се не добро было, не бы сего князь и боляре пріяли». Наутрія же изиде Володимеръ съ попы царицины и съ Корсуньскыми на Дънъпръ, и снидеся безъ числа людій: влізоша въ воду и стояху овы до шіе, адрузін до персій, младін же оть берега, друзін же млади держаще, свершеніи же бродяху; попове же стояще молитвы творяху. И бяше си въдъти \*\*) радость на небеси и на земли, толико душь спасаемыхъ; а дьяволъ стеня глаголаше: увы мнъ, яко отсюда прогонимъ есмь! сдъ бо мняхъ жилище имъти, яко сдъ не суть ученья апостольска, ни суть вѣдуще Бога, но

<sup>\*)</sup> Здёсь въ Л. рукописи начинается другой почеркъ.

<sup>\*\*)</sup> Въ Ипат. «видити».

веселяхься о службъ ихь, еже служаху мнъ; и се уже побъженъ есмь отъ невъгласъ, а не отъ апостолъ, ни отъ мученикъ, не имамъ уже царствовати въ странахъ сихъ. Крестившимъ же ся людемъ, идоша кождо въ домы своя. Володимеръ же радъ бывъ, яко позна Бога самъ и людье его, възръвъ на небо рече: «Боже, створивый небо и землю! призри на новыя люди сія, и дажь имъ, Господи, увъдъти тобе истиньнаго Бога, якоже увъдъша страны хрестьяньскыя; утверди и въру въ нихъ праву и несовратьну, и мнъ помози, Господи, на супротивнаго врага, да надъяся на тя и на твою державу, побъжю козни его». И се рекъ, повелъ рубити церкви и поставляти по мъстомъ, идъже стояху кумири; и постави церковь святаго Василья на холив, идвже стояще кумиръ Перунъ и прочіи, идіже творяху потребы князь и людье; и нача ставити по градомъ церкви и попы, и люди на крещенье приводити по всёмъ градомъ и селомъ. Пославъ нача поимати у нарочитое чади дъти, и даяти нача на ученье книжное; матере же чадъ сихъ плакаху по нихъ, еще бо не бяху ся утвердили върою, но акы по мертвеци плакахуся. Симъ же раздаяномъ на ученье книгамъ, събысться пророчество на Русьстъй земли, глаголющее: во оны дніи услышать глусіи словеса книжная, и яснъ будеть языкъ гугнивыхъ. Си бо не бъща преди слышали словесе книжного, но по Божью строю, и по милости своей помилова Богъ, якоже рече Пророкъ: его же аще хощю помилую. Помилова бо ны пакы банею бытья и обновленьемъ духа, по изволенью Вожью, а не по нашимъ дъломъ. Благословенъ Господь Исусъ Христосъ, иже възлюби новыя люди, Русьскую землю, просвъти ю крещеньемь святымь.

Тъньже и мы припадаемъ къ нему, глаголюще: споди Исусе Христе! что ти въздамы о всъхъ, яже въздасть намъ, гръшникомъ намъ сущемъ? недоумъемъ противу даромъ твоимъ въздаянья въздати; велій бо еси и чюдна дъла твоя, величью твоему нъсть конца, въ родъ и родъ въсхвалить дъла твоя. Реку же съ Давыдомь: придъте, възрадуемъся Господеви, въскликнемъ Богу и Спасу нашему, варимъ лице его исповъданьемь, исповъдающеся ему, яко благъ, яко въ въкы милость его, яко избавилъ ны есть отъ врагъ нашихъ, рекъше отъ идолъ суетныхъ. И пакы рцъмъ съ Давыдомь: въспойте Господеви пъснь нову, воспойте Господеви вся земля; въспойте Господеви, благословите имя его, благовъстите день отъ дне съпасенья его, възвъстите во языцъхъ славу его, въ всъхъ языцъхъ чюдеса его; яко велій Господь и хваленъ зъло, и величью его нъсть конца. Колика ти радость! не единъ, ни два спасаетася. Рече бо Господь: яко радость бываеть на небеси о единомь гръшницъ кающемься; се же не единъ, ни два, но безчисленое множьство въ Богу приступища, святымь врещеньемь просвъщени. Якоже и Пророкъ рече: въскроплю на воду чисту, и очиститеся и отъ идолъ ващихъ и отъ гръхъ вашихъ. Пакы другій Пророкъ рече: кто яко Богъ отъемьля гръхы и преступая неправды? яко хотяй милостивъ есть; то обратить и ущедрить ны, и погрузить гръхы наша въ глубинъ. Ибо Павелъ глаголеть: братья! елико насъ крестися въ Исуса Христа, въ смерти его престихомъся и погребохомся убо съ нимь крещеньемь въ смерть; да якоже въста Христосъ отъ мертвыхъ съ славою отчею, якоже и мы въ обновленьи житья поидемъ. И пакы: ветхая мимоидоша,

и се быша новая; нынъ приближися намъ спасенье, нощь успе, а день приближися: имъ же приведенье обрътохомъ върою въ благодать сію, имъ же хвалимъся и стоимъ; нынъже свободихомъся отъ гръха, поработившеся Господеви, имате плодъ вашь въсвященье. Тъмже долъжни есмы работати Господеви, радующеся ему; рече бо Давыдъ: работайте Господеви съ страхомъ и радуйтеся ему съ трепетомъ. Мы же възоньемъ къ Господу Богу нашему, глаголюще: благословенъ Господь, иже не дасть насъ въ ловитву зубомъ ихъ; съть скрушися, и мы избавлени быхомъ отъ прельсти дьяволя. И погибе память его съ шюмомъ, Господь въ въкы пребываеть, хвалимъ отъ Русьскыхъ сыновъ, пъваемъ въ Тронци; а демони проклинаеми отъ благовърныхъ мужь и отъ върныхъ женъ, иже пріяли суть крещенье и покаянье въ отпущенье гръховъ, новіи людье хрестьяньстіи, избраніи Богомь. Володимеръ просвъщенъ самъ, и сынове его, и земля его. Бѣ бо у него сыновъ 12: Вышеславъ, Изяславъ, Ярославъ, Святополкъ, Всеволодъ, Святославъ, Мьстиславъ, Борисъ; Глъбъ, Станиславъ, Позвиздъ, Судиславъ. И посади Вышеслава въ Новъгородъ, а Изяслава Полотьскъ, а Святополка Туровъ, а Ярослава Ростовъ; умершю же старъйшему Вышеславу Новъгородъ, посадиша Ярослава Новъгородъ, а Бориса Ростовъ, а Глъба Муромъ, Святослава Деревъхъ, Всеволода Володимери, Мьстислава Тмуторокани. И рече Володимеръ: «се недобро, еже малъ городъ около Кіева». И нача ставити городы по Десив, и по Востри, и по Трубежеви, и по Суль, и по Стугнь; и поча нарубати мужъ дучьшів отъ Словень, и отъ Кривичь, и отъ Чюди, и отъ Вятичь, и отъ сихъ насели грады; бъ бо

рать отъ Печенътъ, и бъ воюяся съ ними и одоляя имъ.

Въ лъто 6497. По семь же Володимеръ живяще въ законъ хрестьяньстъ, помысли создати церковь пресвятыя Богородица, пославъ приведе мастеры отъ Грекъ.
И начешню же здати, и яко сконча зижа, украси ю
иконами, и поручи ю Настасу Корсунянину, и попы
Корсуньскыя пристави служити въ ней, вдавъ ту все
еже бъ взядъ въ Корсуни, иконы, и съсуды, и кресты.

Въ лѣто 6499. Володимеръ заложи градъ Бѣлъгородъ, и наруби въ не отъ инѣхъ городовъ, и много людій сведе въ онь; бѣ бо любя градъ съ.

Въ лъто 6500. Иде на Хорваты. Пришедшю бо ему съ войны Хорватьскыя, и се Печенъзи придоша по оной сторонъ отъ Сулы; Володимеръ же поиде противу имъ, и сръте и на Трубежи на бродъ, кдъ пынъ Переяславль. И ста Володимеръ на сей сторонъ, а Печенъзи на оной, и не смяху си на ону страну, ни они на сю страну. И прівха князь Печенвжьскый къ ръкъ, возва Володимера и рече ему: «выпусти ты свой мужь, а я свой, да ся борета; да аще твой мужь ударить моимь \*), да не воюемъ за три лъта, аще ли нашь мужь ударить, да воюемъ за три лъта»; и разидостася разно. Володимеръ же приде въ товары, посла биричи по товаромъ, глаголя: «нъту ли такого мужа, иже бы ся яль сь Печенъжиномь?» и не обрътеся никдъже. Заутра прітхаща Печентви и свой мужь приведоша, и въ нашихъ не бысть. И поча тужити Володимеръ, сля по всемъ воемъ, и приде единъ старъ

<sup>\*)</sup> Т. е. ударить имъ объземлю. См. далъе: «удари имъ о землю».

мужь ко князю и рече ему: «княже! есть у мене единъ сынъ меншей дома, а съ четырми есмь вышелъ, а онъ дома; отъ дътьства бо его нъсть кто имъ ударилъ: единою бо ми и сварящу, и оному мънущю усніе, разгивавься на мя, преторже череви рукама». Князь же се слышавъ радъ бысть, посла по нь, и приведоша и ко князю, и князь повъда ему вся; се же рече: «княже! не въдъ, могу ли ся, \*) и да искусить мя: нъту ли быка велика и силна?» И налъзоша быкъ великъ и силенъ, и повелъ раздраждити быка; возложиша на нь жельза горяча, и быка пустиша, и побъже быкъ мимо и, и похвати быка рукою за бокъ, и выня кожю съ мясы, елико ему рука зая; и рече ему Володимеръ: «можеши ся съ нимъ бороти». И наутрія придоша Печенъзи, почаша звати: «нъ ли мужа? се нашь доспълъ». Володимеръ же повелъ той нощи облещися въ оружье; и приступиша ту обои. Выпустиша Печенъзи мужь свой, бъ бо превеликъ зъло и страшень; и выступи мужь Володимерь, и узръ и Печенъзинъ и посмъяся, бъ бо середній тъломь. И размъривше межи объма полкома, пустиша я къ собъ, и ястася, почаста ся кръпко держати, и удави Печенъзина въ руку до смерти и удари имь оземлю; и кликнуша, и Печенъзи побътоша, и Русь погнаша по нихъ съкуще, и прогнаша я. Володимеръ же радъ бывъ, заложи городъ на бродъ томь и нарече и Переяславль, зане перея славу отрокъ отъ. Володимеръ же великимь мужемь створи того и отца его. Володимеръ же възвратися въ Кыевъ съ побъдою и съ славою великою.

Въ лъто 6502. Въ лъто 6503. Въ лъто 6504. Володимеръ видъвъ церковь свершену, вшедъ въ ню и

<sup>\*)</sup> Въ И. и Х. «могу ли съ него».

помолися Богу, глаголя: «Господи Боже! призри съ небесе и вижь, и посъти винограда своего, и сверши, яже насади десница твоя, новыя люди си, имъ же обратиль еси сердце въ разумъ, познати тебе. Бога истинного; и призри на церковь твою си, юже создахъ недостойный рабъ твой, въ имя рожьшая тя Матере Приснодъвыя Богородица; аже кто помолиться въ церкви сей, то услыши молитву его молитвы ради пречистыя Богородица». И помолившюся ему, рекъ сице: «даю церкви сей святьй Богородици отъ имънья моего и отъ градъ моихъ десятую часть». И положи написавъ клятву въ церкви сей, рекъ: «аще кто сего посудить, да будеть проклять». И вдасть десятину Настасу Корсунянину, и створи праздникъ великъ въ тъ день боляромъ и старцемъ людьскымъ, и убогимъ раздая имънье много. По сихъ же придоша Печенъзи къ Василеву, и Володимеръ съ малою дружиною изыде противу, и съступившимся, и не могъ стериъти противу, подъбътъ ста подъ мостомъ, одва укрыся противныхъ; и тогда объщася Володимеръ поставити церковь Василевъ святаго Преображенья, бъ бо въ тъ день Преображенье Господне, егда си бысть свча. Избывъ же Володимеръ сего, постави церковь, и створи праздникъ великъ, варя 300 проваръ меду, и съзываше боляры своя, и посадникы, старъйшины по всъмъ градомъ, и люди многы, и раздая убогымъ 300 гривенъ. Праздновавъ князь дній 8, и възвращашеться Кыеву на Успенье святыя Богородица, и ту пакы стваряше празднивъ великъ, сзывая безчисленое множьство народа. Видя же люди хрестьяны суща, радовашеся душею и тъломь, и тако по вся лъта творяше. Бъ бо любя словеса книжная, слыша бо единою Еуангелье

чтомо: блажени милостивіи, яко ти помиловани будуть; и пакы: продайте имънья ваша и дадите нищимъ; и пакы: не скрывайте собъ скровищь на земли, идъже тля тлить и татье подъконовають, но скрывайте собъ скровище на небесъхъ, идъже ни тля тлить, ни татье крадуть. И Давыда глаголюща: блаженъ мужь милуя и дая. Соломона же слыша глаголюща: вдаяй нищему, Богу взаимъ даеть. Си слышавъ, повелъ всякому нищему и убогому приходити на дворъ княжь и взимати всяку потребу, питье и яденье, и отъ скотьниць кунами. Устрои же и се, рекъ: «яко немощніи и болнін не могуть дользти двора моего». Повель пристроити кола; въскладше хлъбы, мяса, рыбы, овощь розноличный, медъ въ бчелкахъ, а въ другыхъ квасъ, возити по городу, въпрашающимъ: «кдъ болніи и нищь, не могы ходити?» тъмъ раздаваху на потребу. Се же накы творяше людемъ своимъ по вся недъля, устави на дворъ въ гридьницъ пиръ творити и приходити боляромъ, и гридемъ, и съцьскымъ, и десяцьскымъ, и нарочитымъ мужемъ, при князи и безъ князя: бываше множьство отъ мясъ, отъ скота и отъ звърины, бяше по изобилью отъ всего. Егда же подъпьяхуться, начьняхуть роптати на князь, глаголюще: «зло есть нашимъ головамъ! да намъ ясти деревяными лъжицами, а не сребряными». Се слышавъ Володимеръ, повель исковати лжиць сребрены ясти дружинь, рекъ сице: «яко сребромь и златомь не имамъ налъзти дружины, а дружиною надъзу сребро и злато, якоже дъдъ мой и отець мой доискася дружиною злата и сребра». Бъ бо Володимеръ любя дружину, и съ ними думая о строи земленъмь, и о ратехъ, и уставъ земленъмь; и бъ живя съ князи окодними миромь, съ Болеславомь, Лядьскымь, и съ Стефаномь Угрьскымь, и съ Андрихомь Чешьскымь, и бъмиръ межю ими и любы. Живяше же Володимеръ въ страсъ Божьи, и умножишася разбоеве, и ръша епископи Володимеру: «се умножишася разбойници; почто не казниши ихъ?» Онъ же рече имъ: «боюся гръха». Они же ръша ему: «ты поставленъ еси отъ Бога на казнь злымъ, а добрымъ на милованье; достоить ти казнити разбойника, но со испытомъ». Володимеръ же отвергъ виры, нача казнити разбойникы, и ръша епископи и старци: «рать многа: оже вира, то на оружьи и на конихъ буди»; и рече Володимеръ: «тако буди». И живяше Володимеръ по устроенью отьню и дъдню \*).

Въ лъто 6505. Володимеру же шедшю Новугороду по верховьніт вот на Печенть, от бо рать велика безперестани, въ се же время увъдти Печентя, яко князя нту, придоша и сташа около Бълагорода. И не дадяху выльти изъ города, и бысть гладъ великъ въ городъ, и не от лат Володимеру помочи: не от бо вой у него, Печентъ же множьство много. И удолжися остоя въ городъ, и от гладъ великъ, и створиша втче въ городъ, и ртша: «се уже хочемъ померети отъ глада, а отъ князя помочи нту; да луче ли ны померети? вдаимыся Печентомъ, да кого живять, кого ли умертвять; уже помираемъ отъ глада»; и тако свтъ створиша. Вт же единъ старець не былъ

<sup>\*) «</sup>Владиміръ отвергъ виры, по потому тѣ же епископы, вмѣстѣ съ старцами, сказали ему: «рать сильная теперь; если придется вира, то пусть пойдет на оруже и на коней». Владиміръ отвѣчаль; «пусть будетъ такъ»; и сталь онъ жить опять по устроенію отцовскому и дѣдовскому». (Соловьева И. Р. т. I, гл. VII). Ср. Кар. И. Г. Р. I, прим. 480.

на въчи томь, и впраша: «что ради въче было?» и людье повъдаща ему, яко утро хотять ся людье передати Печенътомъ. Се слышавъ, посла по старъйшины градьскыя, и рече имъ: «слышахъ, яко хочете ся передати Печенътомъ»; они же ръша: «не стерпять людье глада». И рече имъ: «послушайте мене, не передайтеся за 3 дни, а я вы что велю, створите». Они же ради объщашася послушати, и рече имъ: «сберъте аче и по горсти овса, или пшеницъ, ли отрубъ»; они же шедше ради снискаша. И повелѣ женамъ створити цъжь, въ немь же варять кисель, и повель ископати колодязь, и вставити тамо кадь, инальяти цъжа кадь. И повелъ другый колодязь ископати, и вставити тамо кадь, и повелъ искати меду; они же шедте взяша меду лукно, бъ бо погребено въ княжи медуши; и повелъ розсытити велми, и въльяти въ кадь въ друзъмь колодязи. Утро же повелъ послати по Печенъгы; и горожане же ръша шедше къ Печенъгомъ: «поимъте къ собъ таль нашь, а вы поидете до 10 мужь въ градъ, да видите, что ся дъеть въ градъ нашемь». Печенъзи же ради бывше, мняще, яко предатися хотять, пояша у нихъ тали, а сами избраща лучьшів мужи и послаща въ градъ, да разглядають въ городъ, что ся дъеть. И придоша въ городъ, и рекоша имъ людье: «почто губите себе? коли можете престояти насъ? аще стоите за 10 лътъ, что можете створити намъ? имъемъ бо кормлю отъ землъ; аще ли не въруете, да узрите своима очима». И приведоша я къ кладязю, идъже цъжь, и почерноша ведромь и льяша въ латки: и яко свариша кисель, и поимше придоша съ ними къ другому кладязю, и почерноша сыты, и почаша ясти сами первое, потомь же Печенъзи. И удивишася, и рекоша:

ø

«не имуть въры наши князи, аще не ядять сами». Людье же нальяща корчагу цъжа и сыты отъ колодязя, вдаща Печенътомъ; они же пришедше повъдаща вся бывшая. И варивше яща князи Печенъзьстіи, и подивищася, и поимше тали своя и онъхъ пустивше, въстаща отъ града, въсвояси идоща.

Въ лѣто 6506. Въ лѣто 6507. Въ лѣто 6508. Преставися Малъфрѣдь. Въ се же лѣто преставися и Рогънѣдь, мати Ярославля.

Въ лъто 6509. Представися Изяславъ, отець Брячиславль, сынъ Володимерь.

Въ лъто 6510. Въ лъто 6511. Преставися Всеславъ, сынъ Изяславль, внукъ Володимерь.

Въ лѣто 6512. Въ лѣто 6513. Въ лѣто 6514. Въ лѣто 6515. Пренесени святіи въ святую Богородицю.

Въ лъто 6516. Въ лъто 6517. Въ лъто 6518. Въ лъто 6519. Преставися цариця Володимеряя Анна.

Въ лѣто 6520. Въ лѣто 6521. Въ лѣто 6522. Ярославу же сущю Новѣгородѣ, и урокомъдающю Кыеву двѣ тысячѣ гривнѣ отъ года до года, а тысячю Новѣгородѣ гридемъ раздаваху; а тако даяху посадници Новъгородъстіи, а Ярославъ сего не даяше отцю своему. И рече Володимеръ: «требите путь и мостите мостъ», хотяшеть бо на Ярослава ити, на сына своего, но разболѣся.

Въ лъто 6523. Хотящю Володимеру ити на Ярослава, Ярославъ же пославъ за море, приведе Варягы, бояся отца своего: но Богъ не вдасть дьяволу радости. Володимеру бо разболъвшюся, въ се же время бяше у него Борисъ; Печенъгомъ идущемъ на Русь, посла

противу имъ Бориса, самъ бо боляше велми, въ ней же болъсти и скончася мъсяца іуля въ 15 день. Умре же на Берестовъмь, и потаиша и, бъ бо Святополкъ Кыевъ. Ночью же межю каттии проимавше помостъ, обертъвше въ коверъ, и ужи съвъсиша на землю; възложьше и на сани, везъще поставища и въ святъй Богородици, юже бъ създаль самъ. Се же увъдъвъше людье, безъ числа снидошася и плакашася по немь, боларе акы заступника ихъ земли, убозіи акы заступника и кормителя; и вложиша и въ корсту мороморяну, схраниша тъло его съ плачемь, блаженаго князя. Се есть новый Костянтинъ великого Рима, иже крестивъ ся самъ и люди своя: тако и сь створи, подобно ему. Дивно же есть се, колико добра створиль Русьстъй земли, крестивъ ю. Мы же, хрестьяне суще, не въздаемъ почестья противу оного възданью. Аще бо онъ не крестиль бы насъ, то нынъ были быхомъ въ предьсти дьяволи, якоже и прародители наши погынуша. Да аще быхомъ имълипотщанье и мольбы приносили Богу за нь, въ день преставленья его, и видя бы Богъ тщанье наше къ нему, прославилъ бы и: намъ бо достоить за нь Бога молити, понеже тъмь Бога познахомъ. Но дажь ти Господь по сердцю твоему, и вся прошенья твоя исполни, его же желаше царства небеснаго: дажь ти Господь вънець съ праведными, въ пищи райстъй веселье и ликъствованье съ Аврамомь и съ прочими патріархы; якоже Соломонъ рече: умершю мужю праведну, не погыбаеть упованье. Сего бо въ память держать Русьстіи людье, поминающе святое крещенье, и прославляють Бога въ молитвахъ и въ пъснехъ и въ псалитхъ, поюще Господеви новіи людье, просвъщени святымь Духомь,

чающе надежи великаго Бога и Спаса нашего Исуса Христа, въздати комуждо противу трудомъ, неиздреченьную радость, юже буди улучити всъмъ хрестьяномъ.

0 убъеньи Борисовъ. Святополкъ же съде Кыевъ по отци своемь, и съзва Кыяны, и нача даяти имъ имънье; они же пріимаху, и не бъ сердце ихъ сънимь, яко братья ихъ бъща съ Борисомь. Борису възъвратившюся съ вои, не обрътшю Печенътъ, въсть приде къ нему: «отець ти умерелъ». И плакася по отци велми, любимъ бо бъ отцемь своимь паче всъхъ; и ста на Льтв \*) пришедъ. Рѣша же ему дружина отьня: «се дружина у тобе отыня и вои; поиди, сяди Кыевъ на столъ отъни»; онъ же рече: «не буди мнъ възняти рукы на брата своего старъйшаго; аще и отець ми умре, то сь ми буди въ отца мъсто». И се слышавше вои, разидошася отъ него, Борисъ же стояше съ отрокы своими. Святополкъ же исполнивъся безаконья, Каиновъ смыслъ пріимъ, посылая къ Борису, глаголаше: «яко съ тобою хочю любовь имъти, и къ отыню придамь ти»; а дьстя подъ нимь, како бы и погубити. Святополкъ же приде ночью Вышегороду, отай призва Путшю и Вышегородьскый болярьци, и рече имъ: «пріяете ли ми всѣмь сердцемь?» Рече же Путьша съ Вышегородьци: «можемъ главы своя сложити за тя». Онъ же рече имъ: «не повъдуче никому же, шедше убійте брата моего Бориса»; они же вскоръ объщащася ему се створити. О сяковыхъ бо Соломонъ рече: скори суть пролити кровь безъ правды; ти бо обыщаются крови, сбирають собъ здая; сихъ путье

<sup>\*)</sup> Въ др. сп. «на Альтъ».

суть скончавающихъ безаконье, нечестьемь бо свою душю емлють. Посланіи же придоша на Льто ночью, и подъступиша ближе, и слышаша блаженаго Бориса поюща заутреню; бѣ бо ему вѣсть уже, яко хотять погубити и. И вставъ нача пъти, глаголя: Господи! что ся умножиша стужающій мив? мнози въстають на мя; и пакы: яко стрълы твоя уньзоша во мнъ, яко азъ на раны готовъ, и болъзнь моя предо мною есть; и пакы глаголаше: Господи! услыши молитку мою, и не вниди въ судъ съ рабомъ своимъ, яко не оправдится предъ тобою всякъ живый, яко погна врагъ душю мою. И кончавъ оксансалма, увидъвъ, яко послани суть губить его, нача пъти псалтырю, глаголя: яко обидоша ми унци тучни, и сборъ здобивыхъ осъде мя; Господи Боже мой, на тя уповахъ, и спасимя и отъ всъхъ гонящихъ избави мя. По семь же нача канунъ пъти; таче кончавъ заутреню, помолися глаголя, зря на икону на образъ Владычнь, глаголя сице: «Господи Исусе Христе! иже симь образомь явися на земли спасенья ради нашего, изволивъ своею волею пригвоздити на крестъ руцъ свои, и пріимъ страсть гръхъ ради нашихъ, тако и мене сподоби пріяти страсть; се же не отъ противныхъ пріимаю, но отъ брата своего, и не створи ему, Господи, въ семь гръха». И помодившюся ему, възлеже на одръ своемь. И се нападоша акы звърье дивіи около шатра, и насунуша и копьи, и прободоша Бориса, и слугу его, падша на немь, прободоша съ нимь; бъ бо се любимъ Борисомь. Бяше отрокъ сь родомь сынъ Угърескъ, именемь Георги, его же любляше повелику Борисъ, бъ бо възложиль на нь гривну злату велику, въ ней же предстояше предъ нимь; избиша же и ины отрокы Бори-

совы многы. Георгеви же сему не могуще вборзъ сняти гривны съ шів, усвкнуша главу его, и тако сняша; и тъмьже послъже не обрътоша тъла сего въ трупіи. Бориса же убивше оканьніи, увертъвше въ шатеръ, въздоживше на кола, повезоша и, и еще дышющю ему. Увъдъвше же се оканьный Святополкъ, яко еще дышеть, посла два Варяга прикончать его; онъма же пришедшема и видившема, яко еще живъ есть, единъ еюизвлекъ мечь, проньзе и къ сердцю. И тако скончася блаженый Борисъ, вънець пріемъ отъ Христа Бога съ праведными, причеться съ пророкы и апостолы, съликы мученичьскыми водваряяся, Авраму на лонъ почивая, видя неиздреченьную радость, въспъвая съ ангелы и веселяся въ лику святыхъ. И положища тело его, принесше отай Вышегороду, у церкве святаго Василья. Оканьній же си убійцъ придоша къ Святополку, акъ хвану имуще, безаконьници. Суть же имена симъ законопреступникомъ: Путьша, и Талець, Еловить, Ляшько; отець же ихъ сотона. Сици бо слугы бъси бывають; бъси бо на злое посылаеми бывають, ангели на благое посылаеми. Ангель бо человъку зла не створяеть, но благое мыслить ему всегда, паче же хрестьяномъ помагають и заступають отъ супротивнаго дьявола; а бъси на злое всегда ловять, завидяще ему, понеже видять человъка Богомь почьщена, и завидяще ему, на зло слеми скорисуть. Золь бо человъкъ, тщася на злое, не хужи есть бъса; бъси бо Бога боятся, а золь человъкъ ни Бога боится, ни человъкъ ся стыдить; бъси бо креста ся боять Господня, а человъкъ золъ ни креста ся боить.

Святополкъ же оканьный помысли въ собъ, рекъ: «се убихъ Бориса; како бы убити Глъба?» И пріемъ

помысль Кайновь, съ лестью посла въ Глебу, глаголя сице: «поиди вборзъ, отець тя зоветь, не сдравить бо велми». Глъбъ же вборзъ всъдъ на конъ, съ малою дружиною поиде, бъ бо послушливъ отцю. И пришедшю ему на Волгу, на поли потчеся конь въ рвъ, и наломи ему ногу мало; и приде Смоленьску, и поиде отъ Смоленьска яко зрвемо, и ста на Смядинв въ насадв. Въ се же время пришла бъ въсть къ Ярославу отъ Передъславы о отни смерти, и посла Ярославъ въ Глъбу, глаголя: «не ходи, отець ти умерль, а брать ти убьень отъ Святополка». Се слышавъ Глъбъ възни велми съ слезами, плачася по отци, паче же по брать, и нача молитися съ слезами, глагодя: «увы мнь, Госноди! луче бы ми умрети съ братомь, нежели жити на свъть семь; аще бо быхъ, брате мой, видълъ лице твое ангельское, умерль быхь съ тобою: нынъ же что ради остахъ азъ единъ? кдъ суть словеса твоя, яже глагола къ мив, брате мой любимый? нынв уже не услышю тихаго твоего наказанья: да аще еси получилъ дерзновенье у Бога, молися о мнъ, да и азъ быхъ ту же страсть пріяль; луче бо ми было съ тобою жити, неже въ свъть семь прелестивнь». И сице ему молящюся съ слезами, се внезапу придоша посланіи отъ Святополка на погубленье Глібу, и ту абье посланіи яша корабль Глебовь, и обнажиша оружье. Отроци Глебови уныша; оканьный же посланый Горясъръ повелъ вборзъ заръзати Глъба; поваръже Глъбовь, именемь Торчинь, вынезь ножь, заръза Глъба. Акы агня непорочно принесеся на жертву Богови, въ воню благоуханья, жертва словесная, и прія вѣнець; вшедъ въ небесныя обители, и узръ желаемаго брата своего, и радовашеся съ нимь неиздреченьною радостью,

юже улучиста братолюбьемь своимь. Се жоль добро и коль красно, еже жити братома вкупъ! Оканьніи же възвратишася въспять, якоже рече Давыдъ: да възвратятся гръшници въ адъ. Онъмъ же пришедшимъ, и повъдаща Святополку: «яко створихомъ повельная тобою». Онъ же се слышавъ, възнесеся сердце его болма, не въдый Давыда глаголюща: что ся хвалиши о злобъ, силный? безаконье весь день умысли языкъ твой. Глъбу же убъену бывшю и повержену на брезъ межи двъма колодама, посемь же вземше везоша и, и положиша и у брата своего Бориса у церкве святаго Василья. И съвкуплена тёломь, паче же душама, у Въладыкы Всецаря пребывающа, въ радости безконечнъй, во свътъ неиздреченьнъмь, подающа ицълебныя дары Русьстви земли, и инвив приходящимъ страннымъ съ върою даета ицъленье: хромымъ ходити, слъпымъ прозрънье, болящимъ цълбы, окованымъ разръшенье, темницамъ отверзенье, печалнымъ утъха, напастнымъ избавленье; и еста заступника Русьстви земли, и свътилника сіяюща и молящася воину къ Владыцъ о своихъ людехъ. Тъмже и мыдолжни есмы хвалити достойно страстотерпца Христова, молящеся прилежно къ нима, рекуще: радуйтася, страстотерица Христова Русьскыя земля, яже ицъленье подаета приходящимъ къ вамъ върою и любовью. Радуйтася, небесная жителя, въ плоти ангела быста, единомысленая служителя, верста единообразна, святымъ единодушьна: тъмь стражющимъ всъмъ ицъленье подаета. Радуйтася, Борисе и Глъбе богомудрая, яко потока точита отъ владязя воды живоносныя; истекають върнымъ людемъ на ицъленье. Радуйтася, лукаваго змія поправша, свътозарна явистася, яко свътиль озаряюща

всю землю Русьскую, всегда тму отгоняща, являющася върою неуклоньною. Радуйтася, недреманьное око, стяжавша душа на свершенье Божье, святыхъ заповъди пріимше въ сердци своемь, блаженая. Радуйтася, брата вкупь, въ мъстьхъ златозарныхъ, въ сельхъ небесныхъ, въ славъ неувядающей, ея же по достоянью сподобистася. Радуйтася, Божьими свътдостьми явъ облистаеми, всего міра обиходита, бъсы отгоняща, недугы ицъляюща, свътилника предобрая, заступника теплая, суща съ Богомь, божественами лучами ражизаема вонну, добляя страстьника, душа просвъщающа върнымъ людемъ: възвысила бо есть ваю свътоносная любы небесная, тъмь красныхъ всъхъ наслъдоваста въ небеснъмь житьи, славу, и райскую пищю, и свътъ разумный красныя радести. Радуйтася, яко вся напаяюща сердца, горести и бользни отгоняща, страсти здыя ицъляюща, каплями кровными святыми очервивша багряницю, славная; ту же красно носяща, съ Христомь царствуета всегда, молящася за новыя люди хрестьяньскыя и сродникы своя, земля бо благословися ваю кровью; и мощьми лежаща, духомь божественымь просвъщаета: въ ней же съ мученикы яко мученика за люди своя молитася. Радуйтася, свътлъи звъздъ, заутра въсходящіи. Но христолюбивая страстотериця и заступника наша! покорита поганыя подъ нозъ княземъ нашимъ, молящася къ Владыцъ Богу нашему мирно пребывати въ совокупленіи и въ сдравіи, избавяща отъ усобныя рати и отъ пронырьства дьяволя. Сподобита же и насъ, поющихъ и почитающихъ ваю честное торжьство, въ вся въкы до скончанья.

Святополкъ же сь оканьный и злый уби Святослава, пославъ къ горъ Угорьстъй, бъжащю ему въ Угры;

и нача помышляти: «яко избью всю братью свою, и пріцму власть Русьскую единь». Помысливъ высокоумъемь своимь, не въдый, яко Богъ даеть власть, ему же хощеть; поставляеть бо царя и князя Вышній; ему же хощеть, дасть. Аще бо кая земля управится предъ Богомь, поставляеть ей царя или князя праведна, любяща судъ и правду, и властеля устраяеть, и судью правящаго судъ. Аще бо князи правьдиви бывають въ земли, то многа отдаются согръщенья; аще ли зли и лукави бывають, то болше зло наводить Богъ на землю, понеже то глава есть земли; тако бо Исаія рече: согръшиша отъ главы и до ногу, еже есть отъ царя и до простыхъ людій. Лють бо граду тому, въ немь же князь унъ, любяй вино пити съ гусльми и съ младыми свътникы. Сяковыя бо Богъ даеть за гръхы, а старыя и мудрыя отъиметь, якоже Исаія глаголеть: отъиметь Господь отъ Герусалима кръпкаго исподина, и человъка храбра, и судью, и пророка, и смърена старца, и дивна свътника, и мудра хитреца, разумна, послушлива; поставлю уношю князя имъ, и ругателя обладающа ими. Святополкъ же оканный начакняжити Кыевъ. Созвавъ люди, нача даяти овъмъ корзна, а другымъ кунами, и раздая множьство. Ярославу же не въдущю отынъ смерти, Варязи бяхумнози у Ярослава, и насилье творяху Новгородцемъ, и женамъ ихъ. Вставше Новгородци, избиша Вярягы во дворъ Поромони, и разгиъвася Ярославъ, и шедъ нарокомъ, съде въ дворъ; пославъ къ Новгородцемъ, рече: «уже мнъ сихъ не кръсити». И позва къ собъ нарочитыт мужи, иже бяху иссткли Варягы, обльстивъ и истче. Въ ту же нощь приде ему въсть изъ Кыева отъ сестры его Передъславы: «си отець ти

умерль, а Святополкъ съдить ти Кыевъ, убивъ Бориса, а на Глъба посла; а блюдися его поведику»: Се слышавъ, печаленъ бысть о отци и одружинъ; заутра же собравъ избытовъ Новгородець, Ярославъ рече: «о люба моя дружина, юже вчера избихъ, а нынъ быша надобъ». И утре слезъ, и рече имъ на въчи: «отець мой умерль, а Святополкь съдить Кыевъ, избивая братью свою». И ръша Новгородци: «аще, княже, братья наша исъчена суть, можемъ по тобъ бороти». И събра Ярославъ Варягъ тюсячю, а прочихъ вой 40 тысящь, и поиде на Святополка, нарекъ Бога, рекъ: «не я почахъ избивати братью, но онъ: да будеть отместьникъ Богъ крове братья моея, зане безъ вины пролья кровь Борисову и Гльбову праведною: еда и мнъ сіе же створить? но суди ми, Господи, по правдъ, да скончается злоба гръщнаго». И поиде на Святополъка; слышавъ же се Святополкъ, идуща Ярослава, пристрои безъ числа вои, Руси и Печенътъ, пизиде противу Любчю, объ онъ полъ Днъпра, а Ярославъ объ сю.

Начало княженья Ярославля Кыевъ. Вълъто 6524. Приде Ярославъ, и сташа противу оба-полъ Днъпра, и не смяху ни си онъхъ, ни они сихъ начати, и стояща мъсяцъ 3 противу собъ. И воевода нача Святополчь, ъздя възлъ берегъ, укаряти Новгородцъ, глатоля: «что придосте съ хромьцемь симь, о вы илотници суще? а приставимъ вы хоромомъ рубити нащимъ». Се слышавше Новгородци, ръща Ярославу: «яко заутра перевеземъся на нъ; аще кто не поидеть съ нами, сами потнемъ». Бъ бо уже възаморозъ. Святополкъ стояще межи двъма озерома, и всю нощь иилъ бъ съ дружиною своею; Ярославъ же заутра испол-

чивъ дружину свою, противу свъту перевезеся. И выстът на брегъ, отринуша лодъв отъ берега, и поидоша противу собъ, и сступишася на мъстъ; бы съча зла, и не бъ лзъ озеромь Печенъгомъ помагати, и притиснуща Святополка съ дружиною къ озеру, и въступища на ледъ, и обломися съ ними ледъ, и одалати нача Ярославъ, Святополкъ же бъжа въ Ляхы, Ярославъ же съде Кыевъ на столъ отъни и дъдни; и бы тогда Ярославъ Новътородъ лътъ 28.

Въ лъто 6525. Ярославъ иде въ Кыевъ, и погоръша церкви.

Въ лъто 6526. Приде Болеславъ съ Святополкомь на Ярослава съ Ляхы; Ярославъ же совокупивъ Русь, и Варягы, и Словънъ, поиде противу Болеславу и Святополку, приде Волыню, и сташа оба-полъ ръкы Буга. И бъ у Ярослава кормилець и воевода, именемь Буды; нача укаряти Болеслава, глаголя: «да то ти прободемъ тръскою черево твое тольстое». Бъ бо Болеславъ великъ и тяжекъ, яко и на кони не могы съдъти, но бяше смыслень; и рече Болеславь кь дружинь своей: «аще вы сего укора не жаль, азъ единъ погыну». Всъдъ на конь, вбреде въ ръку и по немь вои его, Ярославъ же не утягну исполчитися, и побъди Болеславъ Ярослава; Ярославъ же убъжа съ 4-ми мужи Новугороду, Болеславъ же вниде въ Кыевъ съ Святополкомь. И рече Болеславъ: «разведъте дружину мою по городомъ на покоръмъ»; и бысть тако. Ярославу же прибъгшю Новугороду, и хотяше бъжати за море, и посадникъ Коснятинъ, сынъ Добрынь, съ Новгородьци расъкоша лодьъ Ярославлъ, рекуще: «хочемъ ся и еще бити съ Болеславомь и съ Святополкомь». Начаша скоть събирати отъмужа по 4 куны, а отъ старостъ по 10 гривенъ, а отъ бояръ по 18 гривенъ; и приведоша Варягы; вдаша имъ скотъ, и совокупи Ярославъ воя многы. Болеславъ же бъ Кыевъ съдя; оканьный же Святополкъ рече: «елико же Ляховъ по городу, избивайте я»; и избиша Ляхы. Болеславъ же побъже изъ Кыева, възма имънье и бояры Ярославлъ и сестръ его, и Настаса пристави Десятиньнаго ко имънью, бъ бо ся ему ввърилъ лестью, и людій множьство веде съ собою, и городы Червеньскыя зая собъ, и приде въ свою землю. Святополкъ же нача княжити Кыевъ, и поиде Ярославъ на Святополка, и бъжа Святополкъ въ Печенъты.

Въ лъто 6527. Приде Святополкъ съ Печенъты въ силъ тяжьцъ, и Ярославъ собра множьство вой, и взиде противу его на Льто. Ярославъ ста на мъстъ, идъже убиша Бориса, въздъвъ рудъ на небо, рече: «кровь брата моего вопьеть къ тобъ, Владыко! мьсти отъ крове праведнаго сего, якоже мьстиль еси крове Авелевы, положивъ на Каинъ стенанье и трясенье; тако положи и на семь». Помоливъся и рекъ: «брата моя! аще еста и стошла тъломь отсюда, но молитвою помозъта ми на противнаго сего убійцю и гордаго». И се ему рекшю, поидоша противу собъ, и покрыша поле Летьское обои отъ множьства вой. Бъ же пятокъ тогда; въсходящю солнцю, и сступишася обои, бысть съча зда, яка же не быда въ Руси, и за рукы емлюче съцяхуся, и сступашася трижды, яко по удольемъ крови тещи; къ вечеру же одолъ Ярославъ, а Святополкъ бъжа. И бъжащю ему, нападе на нь бъсъ, и раслабъща кости его, не можаше съдъти, и несяхуть и на . носилъхъ; принесоша и къ Берестью, бъгающе съ нимь, онъ же глаголаше: «побъгнъте со мною, женуть по

насъ». Отроци же его всылаху противу, «еда кто женеть по насъ», и не бъ никого же въ слъдъ гонящаго, и бъжаху съ нимь; онъ же въ немощи лежа, въсхопивъся глаголаше: «осе женуть, побъгнъте». Не можаше терпъти на единомь мъстъ, и пробъжа Лядьскую землю, гонимъ Божьимъ гнъвомъ, прибъжа въ пустыню межю Ляхы и Чехы, испреверже злѣ животъ свой. Его же по правдъ, яко неправедна, суду нашедшю на нь, по отшествіи сего свъта пріяша мукы оканьнаго: показоваше явъ посланая пагубная рана, въ смерть немилостивно въгна, и по смерти въчно мучимъ есть связанъ. Есть же могыла его въ пустыни и до сего дне, исходить же отъ нея смрадъ золъ. Се же Богъ показа на наказанье княземъ Русьскымъ, да аще сін еще сице же створять, се слышавше, ту же казнь пріимуть; но и болши сся, понеже въдая се, створять тако же зло убійство. 7 бо мьстій прія Каинъ, убивъ Авеля, а Ламехъ 70; понеже бъ Каинъ не въдый мыщенья пріяти отъ Бога, а Ламехъ въдый казнь, бывши на прародителю его, створи убійство. Рече бо Ламехъ къ своима женома: мужа убихъ въ вредъ мнъ, и уношю въ язву мнъ; тъмьже, рече, 70 мьстій на миж, понеже, рече, въдая створихъ. Се Ламехъ уби два брата Енохова: се же Святополкъ новый Авимелехъ, иже изби братью свою, сыны Гедеоны; и сь бысть. Ярославъ же съде Кыевъ, утеръ пота съ дружиною своею, показавъ побъду и трудъ Beликъ.

Въ лъто 6528. Родися у Ярослава сынъ, и нарече имя ему Володимеръ.

Въ лъто 6529. Приде Брячиславъ, сынъ Изяславдь, внукъ Володимърь, на Новъгородъ, и зая Новъгородъ,

и поимъ Новгородцѣ и имѣнье ихъ, поиде Полотьску опять; и пришедшю ему къ Судомири рѣцѣ, и Ярославъ изъ Кыева въ 7 день постиже и ту, и побѣди Ярославъ Брячислава, и Новгородцѣ вороти Новугороду, а Брячиславъ бѣжа Полотьску.

Въ лъто 6530. Приде Ярославъ въ Берестію. Въ си же времена Мьстиславу сущю Тмутороканю, поиде на Касогы. Слышавъ же се князь Касожьскый Редедя, изиде противу тому, и ставшема объма полкома противу собъ, и рече Редедя къ Мьстиславу: «что ради губивъ дружину межи собою? но съидевъ ся сама боротъ; да аще одолжени ты, то возмени имжные мое, и жену мою, и дъти моъ, и землю мою; аще ли азъ одолъю, то възму твое все»; и рече Мьстиславъ: «тако буди». И рече Редедя къ Мьстиславу: «не оружьемь ся быевъ, но борыбою». И ястася бороти кръпко, надолзъ борющемася има, нача изнемагати Мьстиславъ: бъ бо великъ и силенъ Редедя; и рече Мьстиславъ: «о, Пречистая Богородице! помози ми; аще бо одолью сему, сзижю церковь во имя твое». И се рекъ удари имь о землю, и вынзе ножь, заръза Редедю; шедъ въ землю его, взя все имънье его, жену его и дъти его, и дань възложи на Касогы. И пришедъ Тьмуторованю, заложи церковь святыя Богородица, и созда ю, яже стоить и до сего дне Тьмуторокани.

Въ лѣто 6531. Поиде Мьстиславъ на Ярослава, съ Козары и съ Касогы.

Въ лѣто 6532. Ярославу сущю Новѣгородѣ, приде Мьстиславъ изъ Тьмутороканя Кыеву, и не пріяша его Кыяне: онъ же шедъ сѣде на столѣ Черниговѣ, Ярославу сущю Новѣгородѣ тогда. Въ се же лѣто

въсташа вълъсви въ Суждали, избиваху старую чадъпо дьяволю наущенію и бъсованью, глаголюще, яко си держать гобино. Бъ мятежь великъ и голодъ по всей той странь: идоша по Волзь вси людье въ Болгары, и привезоша жито, и тако ожиша. Слышавъ же Ярославъ волхвы, приде Суздалю; изъимавъ волхвы, расточи, а другыя показни, рекъ сице: «Богъ наводить по гръхомъ на куюждо землю гладомъ, или моромъ, ли ведромь, ли иною казнью, а человъкъ не въсть ничтоже». И възвративъся Ярославъ, приде Новугоду, и посла за море по Варягы; и приде Якунъ съ Варягы, и бъ Якунъ слъпъ, \*) луда бъ у него золотомь истъкана. И приде къ Ярославу; иде Ярославъ съ Якуномь на Мьстислава, Мьстиславъ же слышавъ взиде противу има къ Листвену. Мьстиславъ же съ вечера исполчивъ дружину, и постави Съверъ въ чело противу Варягомъ, а самъ ста съ дружиною своею по кридома. И бывши нощи, бысть тма, молонья и громъ и дождь; рече Мьстиславъ дружинъ своей: «поидемъ на нѣ». И поиде Мьстиславъ и Ярославъ противу собъ и сступися чело Стверъ съ Варягы, и трудишася Варязи съкуще Съверъ, и по семь наступи Мьстиславъ со дружиною своею и нача съчи Варяги, и бы съча силна; яко посвътяше молонья, блещашеться оружье, и бъ гроза велика, и съча силна и страшна. Видъвъ же Ярославъ, яко побъжаемъ есть, побъже съ Якуномъ, княземь Варяжьскымъ, и Якунъ ту отбъже луды златов; Ярославъ же приде Новугороду, а Якунъ. иде за море. Мьстиславъ же, о-свътъ заутра, видъвъ лежачів свчены отъ своихъ Свверъ и Варягы Ярославлъ, и рече: «кто сему не радъ? се лежитъ Съве-

<sup>\*)</sup> Не следуеть ли читать: "и бе Якунь сь льпой?

рянинъ, а се Варягъ, а дружина своя цѣла». И посла Мьстиславъ по Ярославѣ глаголя: «сяди въ своемь Кыевѣ, ты еси старѣйшій братъ, а мнѣ буди си сторона»; и не смяше Ярославъ ити въ Кыевъ, дондеже смиристася. И сѣдяше Мьстиславъ Черниговѣ, и Ярославъ Новѣгородѣ, и бѣяху Кыевѣ мужи Ярославли. Семь же лѣтѣ родися у Ярослава другый сынъ, и нарече имя ему Изяславъ.

Въ лѣто 6534. Ярославъ совокупи воя многы, и приде Кыеву, и сотвори миръ съ братомь своимъ Мьстиславомь у Городьца. И раздѣлиста по Днѣпръ Русьскую землю; Ярославъ прія сю сторону, а Мьстиславъ ону; и начаста жити мирно и въ братолюбствѣ, и уста усобица и мятежь, и бысть тишина велика въ земли.

Въ лъто 6535. Родися 3-й сынъ Ярославу, и нарече имя ему Святославъ.

Въ лъто 6536. Знаменье явися на небеси, яко видъти всей земли.

Въ лъто 6537. Мирно бысть.

Въ лъто 6538. Ярославъ Белзы взялъ. И родися Ярославу 4-й сынъ, и нарече имя ему Всеволодъ. Семь же лътъ иде Ярославъ на Чюдь, и побъди я, и постави градъ Юрьевъ. Въ се же время умре Болеславъ великый въ Лясъхъ, и бысть мятежь въ земли Лядьскъ: вставше людье избиша епископы, и попы, и бояры своя, и бысть въ нихъ мятежь.

Въ лъто 6539. Ярославъ и Мьстиславъ собраста вой многъ, идоста на Ляхы, и заяста грады Червеньскыя опять, и повоеваста Лядьскую землю, и многы Ляхы приведоста, и раздъливша я, Ярославъ\*) посади по Рси, и суть до сего дне.

<sup>\*)</sup> Въ Ипат.: «посади своя».

Въ дъто 6540. Ярославъ поча ставити городы по Ръси. Въ дъто 6541. Мьстиславичь Еустафій умре.

льто 6542. Въ льто 6543. Въ льто 6544. Мьстиславъ изиде на ловы, разболься и умре, и положиша и въ церкви у святаго Спаса, юже самъ заложиль; бъ бо въздано ея при немь възвыше яко на кони стояще досящи. Бъ же Мьстиславъ дебелъ тъломь, черменъ лицемь, великыма очима, храборъ на рати, милостивъ, любяще дружину повелику, имънья не щадяше, ни питья, ни ъденья браняше. По семь же перея власть его всю Ярославъ, и бысть самовластець Русьстви земли. Иде Ярославъ Новугороду, и посади сына своего Володимера Новъгородъ, епископа постави Жидяту; и въ се время родися Ярославу сынъ, нарекоша имя ему Вячеславъ. Ярославу же сущю Новътородъ, въсть приде ему, яко Печенъзи остоять Кыевъ; Ярославъ събра вой многъ, Варягы и Словъни, приде Кыеву и вниде въ городъ свой. И бъ Печенътъ безъ числа. Ярославъ выступи изъ града и исполчи дружину, постави Варягы посредь, а на правый сторонъ Кыяне, а на лъвъмь крилъ Новгородци. Сташа предъ градомь, Печенъзи приступиша, и почаша, и сступишася на мъстъ, идъже стоить нынъ святая Софья митрополья Русьская; бъ бо тогда поле внъ града; и бысть свча зла, и одва одолв въ вечеру Ярославъ. И побътоша Печенъзи разно, и не въдяху ся камо бъжати, тоняху въ Сътомли, инъ же въ инъхъ ръкахъ, а прокъ ихъ пробътоша и до сего дне. Въ се же лъто всади Ярославъ Судислава въ порубъ, брата своего, Плесковъ; оклеветанъ къ нему.

Въ лъто 6545. Заложи Ярославъ городъ великый, у него же града суть Златая врата; заложи же и

церковь святыя Софья, митрополью, и по семь церковь на Золотыхъ воротъхъ святое Богородицъ Благовъщенье, по семь святаго Георгія манастырь и святыя Ирины. И при семь нача въра хрестьяньнска плодити ся и раширяти, и черноризьци почаша множитися, и манастыревъ починаху быти. И бъ Ярославъ любя церковные уставы, попы любяше поведику, излиха же черноризьцъ, и книгамъ прилежа и почитая е часто въ нощи и въ дне: и собра письцъ многы, и превладаще отъ Грекъ на Словъньское писмо, и списаща книгы многы, и сниска, ими же поучащеся върніи людье, наслажаются ученья божественнаго. Якоже бо се нъкто землю разореть, другый же насъеть, ини же пожинають ѝ ядять пищю бескудну: тако и сь; отець бо сего Володимеръ взора и умягчи, рекше крещеньемь просвътивъ: сь же насъя книжными словесы сердца върныхъ людій, а мы пожинаемъ, ученье пріемлюще книжное. Велика бо бываеть полза отъ ученья книжного; книгами бо кажеми и учими есмы пути покаянью, мудрость бо обрътаемъ и въздержанье отъ словесъ книжныхъ; се бо суть ръкы, напаяюще вселеную, се суть исходища мудрости: книгамъ бо есть неисчетная глубина, сими бо въ печали утъшаеми есмы, си суть узда въздержанью. Мудрость бо велика есть, яко же и Соломонъ хваля е глаголаше: азъ премудрость вселихъ, свътъ, разумъ и мысль, азъ призвахъ страхъ Господень; мои съвъти, моя мудрость, мое утверженье, моя кръпость; мною цареве царствують, а силніц пишють правду, мною вельможа величаются и мучители держать землю; азъ любящая мя люблю, ищющи мене обрящють. Аще бо поищеши въ книгахъ мудрости прилежно, то обрящеши велику ползу

души своей; иже бо книгы часто чтеть, то бесъдуеть съ Богомь, или святыми мужи; почитая пророческыя бесъды, и еуангельскія ученья и апостолская, житья святыхъ отецъ, въспріемлеть душа велику ползу. Ярославъ же се, якоже рекохомъ, любимъ бъ книгамъ; многы написавъ положи въ святъй Софьи церкви, юже созда самъ; украси ю златомь и сребромь и ссуды церковными, въ ней же обычныя пъсни Богу въздають, въ годы обычныя. И ины церкви ставляше по градомъ и по мъстомъ, поставляя попы и дая имъ имънья своего урокъ, веля имъ учити люди, понеже тъмъ есть поручено Богомь, и приходити часто къ церквамъ; и умножишася прозвутери, людье хрестьяньстін. Радовашеся Ярославъ, видя множьство церквій и люди хрестьяны зъло; а врагъ сътовашеться, побъжаемъ новыми людьми хрестьянскыми.

Въ лъто 6546. Ярославъ иде на Ятвягы.

Въ дъто 6547. Священа бысть церкы святыя Богородиця, юже созда Володимеръ, отець Ярославль, митрополитомь Өеопомтомь.

Въ дъто 6548. Ярославъ иде на Литву.

Въ лъто 6549. Иде Ярославъ на Мазовъшаны въ лодьяхъ.

Въ лѣто 6550. Иде Володимеръ, сынъ Ярославль, на Ямь, и побѣди я; и помроша кони у вой Володимерь, яко и еще дышющимъ конемъ, съдираху хзы съ нихъ, толикъ бо бѣ моръ въ конихъ.

Въ лъто 6551. Посла Ярославъ сына своего Володимера на Грькы, и вда ему вой многъ, а воеводьство поручи Вышатъ, отцю Яневу. И пойде Володимеръ въ лодьяхъ, и придоша въ Дунай, поидоша ко Царюграду; и бысть буря велика, и разби корабли Руси,

и княжь корабль разби вътръ, и взя князя въ корабль Иванъ Творимиричь, воеводы Ярославля. Прочіи же вои Володимери ввержени быша на брегъ, числомъ 6000, и хотяще поити на Русь, и не идяще съ ними никтоже отъ дружины княжее. И рече Вышата: «азъ. поиду съ ними»; и высъде изъ корабля къ нимъ, рекъ: «аще живъ буду, то съ ними, аще погыну, то съ дружиною»: и поидоша хотяще въ Русь. И бысть въсть Грькомъ, яко избило море Русь, и посла царь, именемь Мономахъ, по Руси олядій 14; Володимеръ же видъвъ съ дружиною, яко идуть по немь, въспятивъся изби оляди Гречьскыя, и възвратися въ Русь, ссъдавшеся въ кораблъ своъ. Вышату же яша съ извержеными на брегъ, и приведоша я Царюграду и сяъпиша Руси много; по трехъ же лътъхъ миру бывшю, пущень бысть Вышата въ Русь къ Ярославу. Въ си же времена вдасть Ярославъ сестру свою за Казимира, и вдасть Казимиръ за въно людій 8 сотъ, еже бѣ полонилъ Болеславъ, побѣдивъ Ярослава.

Въ лъто 6552. Выгребоша 2 внязя Ярополка и Ольга, сына Святославля, и крестиша кости ею, и положиша я въ церкви святыя Богородица. Въ се же лъто умре Брячиславъ, сынъ Изяславль, внукъ Володимерь, отець Всеславль, и Всеславъ, сынъ его, съде на столъ его; его же роди мати отъ вълхвованья, матери бо родивши его, бысть ему язвено на главъ его, рекоша бо волсви матери его: «се язвено навяжи на нь. да носить е до живота своего,» еже носить Всеславъ и до сего дне на собъ: сего ради немилостивъ есть на кровыпролитье.

Въ лѣто 6553. Заложи Володимеръ святую Софью Новѣгородѣ.

Въ лъто 6554. Въ лъто 6555. Ярославъ иде на Мазовшаны, и побъди е, и князя ихъ уби Моислава, и покори я Казимиру.

Въ дъто 6556. Въ дъто 6557. Въ дъто 6558. Преставися жена Ярославдя княгыни (февраля въ 10. И.)

Въ лъто 6559. Постави Ярославъ Ларіона митрополитомь Русина \*) въ святъй Софьи, собравъ епископы.

И се да скажемъ, что ради прозвася Печерскый манастырь: Боголюбивому князю Ярославу любящю Берестовое, и церковь ту сущюю Святыхъ Апостолъ, и попы многы набдящю, въ нихъ же бъ презвутеръ, именемь Ларіонъ, мужь благъ, книженъ и постникъ; хожаще съ Берестоваго на Дибиръ, на холмъ, кдъ нынъ ветхый манастырь Печерьскый, ту молитву творяше: бъ бо ту льсь великъ. Ископа печерку малу, двусажену, и приходи съ Берестоваго, отпъваше часы и модящеся ту Богу втайнъ. По семь же Богъ князю вложи въ сердце, и постави и митрополитомь въ святъй Софьи; а си печерка тако оста. И не по мнозвхъ дняхъ бъ нъкый человъкъ, именемь мирскымь, отъ града Любча; и възложи сему Богъ въ сердце въ страну ити, онъ же устремися въ Святую Гору, и видъ ту манастыря суща, и обиходивъ, възлюбивъ чернечьскый образь, приде въ манастырь ту, и умоли игумена того, дабы на нь възложилъ образъ мнишьскый. Онъ же послушавъ его, постриже и, нарекъ имя ему Антоній, наказавъ его и научивъ чернечьскому образу, и рече ему: «иди въ Русь опять, и буди благословленье отъ Святыя Горы», и рече ему, яко «отъ

<sup>\*)</sup> Въ Ипат. «митрополитомъ Руси».

тебе мнози черньци быти имуть;» благослови и и отпусти его, рекъ ему: «иди съ миромь.» Антоній же приде Кыеву, и мысляше, кдъ бы жити, и ходи по манастыремъ, и не възлюби, Богу не хотящю, и поча ходити по дебремъ и по горамъ, ища кдъ бы ему Богъ показаль; и приде на холмъ, идъже бъ Ларіонъ ископалъ печерку, и възлюби мъсто се, и вселися въ не, и нача молитися Богу со слезами, глаголя: «Господи! утверди мя въ мъстъ семь, и да будеть на мъстъ семь благословенье Святыя Горы и моего игумена, иже мя постригалъ». И поча жити ту, моля Бога, ядый хльбъ сухъ, и то черезъ день, и воды въ мъру вкушая, копая печеру, и не да собъ упокоя день и нощь, въ трудъхъ пребывая, въ бдъньи и въ молитвахъ. По семь же увъдъща добріи человъци, и приходяху къ нему, приносяще же ему, еже на потребу бъ; и прослу якоже великый Антоній, приходяще къ нему просяху у него благословенья. По семь же преставльшюся великому князю-Ярославу, прія власть сынь его Изяславь и съде Кыевъ, Антоній же прославлень бысть въ Русьскъй земли; Изяславъ же увъдъвъ житье его, приде съ дружиною своею, прося у него благословенья и молитвы. И увъданъ бысть всъми великый Антоній и чтимъ, и начаша приходити къ нему братья, и нача пріимати и постригати я; и собрася братьи къ нему числомь 12. Ископаша печеру велику, и церковь, и кельи, яже суть и до сего дне въ печеръ подъ ветхымь манастыремь. Совъкупленъ же братьи, рече имъ Антоній: «се Богъ васъ братья совъкупи, и отъ благословенья есте Святыя Горы, имь же мене постриже игуменъ Святыя горы, а язъ васъ постригаль; да буди благословенье на

васъ перво отъ Бога, а второе отъ Святыя Горы»; и се рекъ имъ: «живъте же собъ, и поставлю вы игумена, а самъ хочю въ ону гору ити единъ, якоже и преже бяхъ обыклъ, уединивъся (жити)». И постави имъ игуменомь Варлама, а самъ иде въ гору и ископа печеру, яже есть подъ новымь манастыремь, въ ней жа сконча животъ свой, живъ въ добродътели, не выходя изъ печеры лътъ 40 никдъже, \*) въ ней же лежать мощъ его и до сего дне. Братья же съ игуменомь живяху, и умножившимся братьи въ печеръ, и помыслиша поставити внъ печеры манастырь; и приде пгуменъ и братья ко Антонью, и рекоша ему: «отче! умножилося братьъ, а не можемъ ся вмъстити въ печеру; да бы Богъ повелълъ и твоя молитва, да быхомъ поставили церковьцю внѣ печеры;» и повелѣ имъ. Антоній. Они же поклонишася ему, и поставища церковьцю малу надъ пещерою во имя святыя Богородица Успенье. И нача Богъ умножати черпоризцъ, молитвами святыя Богородица, и съвътъ створиша братья со игуменомь поставити манастырь; и идоша братья ко Антонью и ръша: «отче! братья умножаются, а хотъли быхомъ поставити манастырь». Антоній же радъ бывъ, рече: «благословенъ Богъ о всемь, и молитва святыя Богородица и сущихъ отець иже въ Святъй Горъ да будеть съ вами». И се рекъ, посла единого брать в Изяславу князю, река тако: «княже мой! се Богъ умножаеть братью, а мъстъце мало; да бы ны даль гору ту, яже есть надъ печерою;» Изяславъ же слышавъ и радъ бысть, посла мужь свой, и вда имъ гору ту. Игуменъ же и братья заложища

<sup>\*)</sup> Кубаревъ полагаетъ, что надобно здѣсь читать не сорокъ, а многал, сокращенно написанное въ видѣ буквы М подъ титломъ.

церковь велику и манастырь огородиша съ столиьемь, кельъ поставиша многы, церковь свершиша и иконами украсиша. И оттолъ почася Печерскый монастырь; имьже бъща жили черньци преже въ печеръ, а отъ того прозвася Печерскый манастырь; есть же манастырь Печерскый отъ благословенья Святыя Горы пошель. Манастыреви же свершену, игуменьство держащю Варламови, Изяславъ же постави манастырь святаго Дмитрія, и выведе Варлама на игуменьство къ святому Динтрію, хотя створити вышній сего манастыря, надъяся богатьству. Мнози бо манастыри отъ цесарь и отъ бояръ и отъ богатьства поставлени, но не суть таци, каци суть поставлени слезами, пощеньемь, молитвою, бдіньемь: Антоній бо не имі злата, ни сребра, но стяжа слезами и пощеньемь, якоже глаголахъ. Варламу же шедъшю къ святому Динтрію, свътъ створше братья, идоша къ старцю Антонью и рекоша: «постави намъ игумена». Онъ же рече имъ: «кого хощете?» Они же ръша: «кого хощеть Богъ и ты». И рече имъ: «кто болій въ васъ, акъ же Өеодосій, послушьливый, кроткый, смфреный; да сь будеть вамъ игуменъ». Братья же ради бывше, поклонишася старцю, и поставина Өеодосья игуменомь братьт, числомь 20. Өеодосу же пріемшю мавастырь, поча имъти въздержанье, и велико пощенье, и молитвы съ слезами; и совокупляти нача многы черпоризьци, и совокупи брать в числомь 100. И нача искати правила чернечьскаго, и обрътеся тогда Михаилъ чернець манастыря Студійскаго, иже бъ пришель изъ Грекъ съ митрополитомь Георгіемь, и нача у него искати устава чернець Студійскыхъ; и обръть у него, и списа, и устави въ манастыри своемь како пфти прныя манастырьская, и поклонъ какъ держати, и чтенья почитати, и стоянье въ церкви, и весь рядъ церковный, трянезѣ сѣданье и что ясти въ кыя дни, все съ уставленьемь. Өеодосій все ти изъобрѣтъ, предасть манастырю своему. Отъ того же манастыря переяша вси манастыреве уставъ: тѣмьже почтенъ есть манастырь Печерьскый старѣе всего. Өеодосьеви же живущю въ манастыри, и правящю добродѣтелное житье и чернечьское правило, и пріимающю всякого приходящаго къ нему, къ нему же и азъ придохъ худый и недостойный рабъ, и пріятъ мя лѣтъ ми сущю 17 отъ роженья моего. Се же написахъ и положихъ, въ кое лѣто почалъ быти манастырь и что ради зоветься Печерьскый; а о Өеодосовѣ житьи пакы скажемъ.

Въ лѣто 6560. Преставися Володимеръ, сынъ Яросиавль старѣйшій, Новѣгородѣ, и положенъ бысть въ святѣй Софьи, юже бѣ самъ создалъ.

Въ лъто 6561. Отъ Всеволода родися сынъ, и нарече имя ему Володимеръ, отъ царицъ Гръкынъ.

Въ лъто 6562. Преставися великый князь Русьскый Ярославъ. И еще бо живущю ему, наряди сыны своя, рекъ имъ: «се азъ отхожю свъта сего, сынове мои; имъйте въ собъ любовь, понеже вы есте братья единого отца и матере; да аще будете въ любви межю собою, Богъ будеть въ васъ, и покорить вы противныя подъ вы, и будете мирно живуще; аще ли будете ненавидно живуще въ распряхъ и которающеся, то погыбнете сами и погубите землю отець своихъ и дъдъ своихъ, иже налъзоша трудомь своимь великымь; но пребывайте мирно, послушающе братъ брата; се же поручаю въ собъ мъсто столъ старъйшему сыну моему и брату вашему Изяславу Кыевъ, сего послу-

шайте, якоже послушаете мене, да то вы будеть въ мене мъсто; а Святославу даю Черниговъ, а Всеволоду Переяславль, (а Игорю Володимерь T.), а Вячеславу Смолинескъ». И тако раздёли имъ грады, заповъдавъ имъ не преступати предъла братня, ни сгонити, рекъ Изяславу: «аще кто хощеть обидъти брата своего, то ты помагай его же обидять»; и тако уряди сыны своя пребывати въ дюбви. Самому же болну сущю и пришедшю Вышегороду, разболься велми, Изяславу тогда сущю Новъгородъ, а Святославу Володимери, Всеволоду же тогда сущю у отця, бъ бо любимъ отцемь паче всее братьи, еже имяше присно у собе. Ярославу же приспъ конець житья, и предасть душю свою въ суботу 1 поста святаго Өеодора. Всеволодъ же спрята тъло отца своего, възложьше на сани везоша и Кыеву, попове поюще обычныя пъсни, плакашася по немь людье; принесше положиша и въ рацъ мороморянъ, въ церкви святое Софьъ, и плакася по немь Всеволодъ и людье вси. Живе же всъхъ лътъ 70 и 6.

Начало княженья Изяслава Кыевь. Пришедъ Изяславъ съде Кыевъ, Святославъ Черниговъ, Всеволодъ Переяславли, Игорь Воледимери, Вячеславъ Смолиньскъ. Въ се же лъто иде Всеволодъ на Торкы, и побъди Торкы. Въ семь же лътъ приходи Болушь съ Половьци, и створи Всеволодъ миръ съ ними, и возвратишася вспять, отнюду же пришли.

Въ лѣто 6564. Въ лѣто 6565. Преставися Вячеславъ, Сынъ Ярославль, Смолиньскъ, и посадиша Игоря Смолиньскъ, изъ Володимеря выведше.

Въ лъто 6566. Побъди Изяславъ Голяди.

Въ лѣто 6567. Изяславъ, Святославъ и Всеволодъ высадиша стрыя своего изъ поруба \*), сидѣ бо лѣтъ 20 и 4, заводивъше кресту: и бысть черицемь.

Въ лъто 6568. Преставися Игорь, сынъ Ярославль. Въ семь же лътъ Изяславъ, и Святославъ, и Всеволодъ, и Всеславъ, совокупивше вои безчислены, поидоша на конихъ и въ лодьяхъ, безчислено множьство, на Торкы. Се слышавше Торци, убояшася, пробъгоша и до сего дне, и помроша бъгаючи, Божьимъ гнъвомь гоними, ови отъ зимы, друзіи же гладомь, ини же моромь и судомь Божьимъ. Тако Богъ избави хрестьяны отъ поганыхъ.

Въ лъто 6569. Придоша Половци первое на Русьскую землю воевать, Всеволодъ же изиде противу имъ, мъсяца февраля въ 2 день; и бившимъся имъ, побъдища Всеволода, и воевавше отъидоша. Се бысть первое зло отъ поганыхъ и безбожныхъ врагъ. Бысть же князь ихъ Искалъ (Сокалъ. И.).

Въ лѣто 6570. Въ лѣто 6571. Судиславъ преставися, Ярославль братъ, и погребоща и въ церкви святаго Георгія. Въ се же лѣто Новѣгородѣ иде Волховъ вспять, дній 5; се же знаменье не добро бысть, на 4-е бо лѣто пожже Всеславъ градъ.

Въ лъто 6572. Бъжа Ростиславъ Тмутороканю, сынъ Володимерь, внукъ Ярославль, (и съ нимъ бъжа Поръй и Вышата, сынъ Остромирь воеводы Новгородьского; и пришедъ выгна Глъба изъ Тмутороканя, а самъ съде въ него мъсто. Иде Святославъ на Ростислава къ Тмутороканю И.), Ростиславъ же отступи кромъ изъ града, не убоявъся его, но не хотя противу стры-

<sup>\*)</sup> См. подт. годомъ: 6544.

своему оружья взяти. Святославъ же пришедъ GRM Тмутороканю, посади сына своего пакы Гльба, възвратися опять; Ростиславъ же пришедъ пакы, выгня Гльба, и приде Гльбъ къ отцю своему, Ростиславъ же съде Тмуторокани. Въ се же лъто Всеславъ рать почалъ. Въ си же времена бысть знаменье на западъ, звъзда превелика, лучъ имущи акы кровавы, въсходящи съ вечера по заходъ солнечнъмь, и пребысть за 7 дній; се же проявляше не на добро: по семь бо быша усобицъ много и нашествіе поганыхъ на Русьскую землю, си бо звъзда бъ акы кровава, проявляющи кровипролитье бяще. Предъ симь же временемь солнце премънися, и не бысть свътло, но акы мъсяць бысть; его же невъгласи глаголють снъдаему сущю. Се же бывають сица знаменья не на добро, мы бо по сему разумъемъ, яко же древле, при Антіосъ въ Герусалимъ, случися внезапу по всему граду за 40 дній явдятися на вздусъ на конихъ рищющимъ, въ оружьи, златы имуща одежь, и полкы обояявляемы \*) и оружьемъ двизающимся; се же проявляше нахоженье Антіохово на Герусалимъ. По семь же при Неронъ цари вътомь же Герусалимъ возсія звъзда, на образъ конійный, надъ градомъ; се же проявляще нахоженье рати отъ Римлянъ. И наки сице же бысть при Устиньянъ цари, звъзда возсія на западъ, испущающи луча, юже прозываху блистаницю, и бысть блистающи дній 20; по семь же бысть звъздамъ теченье съ вечера до заутрья, яко мнъти всъмъ, яко падають звъзды, и пакы солнце безъ лучь сьяше; се же проявляше крамолы, недузи, человъкомъ умертвіе бяще. Посемь же

<sup>\*)</sup> Ипат. «полкы обоявляющемъ».

бысть при Костянтинъ иконоборци, сына Леонова, теченье звъздное бысть на небъ, отторваху бо ся на землю, яко видящимъ мнъти кончину; тогда же въздухъ възліяся повелику. Въ Суріи же бысть трусъ великъ, земли разсъдшися трій поприщь, изиде дивно изъ землъ мъска, человъчьскымь гласомь глаголющи и проповъдающи наитье языка; еже и бысть: наидоша бо Срацини на Палестиньскую землю. Знаменья бо въ небеси, или звъздахъ, ли солнци, ли птицами, ли етеромь чимъ, не благо бывають, но знаменья сиця на зло бывають: ли проявленье рати, ли гладу, ли смерть проявъляеть.

Въ лъто 6574. Ростиславу сущю Тмуторокани, емлющю дань у Касогъ и у инъхъ странахъ, сего же убоявшеся Грьци, послаша съ лестью Котопана; оному же пришедшю къ Ростиславу и ввърившюся ему, чтяшеть и Ростиславъ. Единою же пьющю Ростиславу съ дружиною своею, рече Котопанъ: «княже! хочю на тя пити»; оному же рекшю: «пій», онъ же испивъ половину, а половину дасть князю пити; дотиснувъся палцемь въ чашю, бъ бо имъя подъ ногтемъ растворенье смертное, и вдасть князю, урекъ смерть до дне семаго. Оному же испившю, Котопанъ же пришедъ Корсуню повъдаше, яко въ сій день умреть Ростиславъ, якоже и бысть; сего же Котопана побиша каменьемь Корсуньстіи людье. Бѣ же Ростиславъ мужь добль, ратенъ, възрастомь же лъпъ и красенъ лицемь, и милостивъ убогымъ: и умре мъсяца февраля въ 3 день, и тамо положенъ бысть въ церкви святыя Богородица.

Въ лѣто 6575. Заратися Всеславъ, сынъ Брячиславль, Полочьскъ, и зая Новъгородъ; Ярославичи же тріе, Изяславъ, Святославъ, Всеволодъ, совокупивше

вои, идоша на Всеслава, зимъ сущи велицъ. И придоша ко Мъньску, и Мъняне затворишася въ градъ; си же братья взяща Мънескъ, исъкоша мужъ, а жены и дъти вдаша на щиты, и поидоша къ Немизъ; и Всеславъ поиде противу. И совокупишася обой на Немизъ, мъсяца марта въ 3 день, и бяше снъть великъ, поидоша противу собъ; и бысть съча зла, и мнози падоша, и одолжша Изяславъ, Святославъ, Всеволодъ, Всеславъ же бъжа. По семь же, мъсяца іуля въ 10 день, Изяславъ, Святославъ, Всеволодъ цъловавше кресть честный къ Всеславу, рекше ему: «приди къ намъ, яко не створимъ ти зла»; онъ же надъявъся цълованьи креста, и пріъхавъ въ лодьи черезъ Дибиръ, Изяславу же въ шатеръ предъидущю, и такояша Всеслава на Рши у Смолиньска, преступивше крестъ. Изяславъ же приведъ Всеслава Кыеву, всади и въ порубъ съ двѣма сынома.

Въ лъто 6576. Придоша иноплеменьници на Русьску землю, Половьци мнози, Изяславъ же, и Святославъ, и Всеволодъ изидоша противу имъ на Льто; и бывши нощи, подъидоша противу собъ, гръхъ же ради нашихъ попусти Богъ на ны поганыя; и побъгоша Русьскый князи, и побъдиша Половьци. Наводить бо Богъ по гнъву своему иноплеменьникы на землю, и тако скрушенымъ имъ въспомянутся къ Богу; усобная же рать бываеть отъ соблажненья дьяволя. Богъ бо не хощеть зла человъкомъ, но блага; а дьяволъ радуется злому убійству и кровипролитью, подвизая свары и зависти, братоненавидънье, клеветы. Земли же согръшивши которъй любо, казнить Богъ смертью, ли гладомъ, ли наведеньемъ поганыхъ, ли ведромъ \*), ли гусъницею,

<sup>\*)</sup> Во встхъ др. сп., кромт Л., «вредомъ».

ли инъми казньми, аще ли покаявшеся будемъ въ немъ же ны Богъ велить жити. Глаголеть бо Пророкомъ намъ: обратитеся ко мнъ всъмъ сердцемь вашимъ, постомъ и плачемъ. Да аще сице створимъ, всъхъ гръхъ прощени будемъ но мы на злое възвращаемся, акы свинья въ калъ гръховнъмь присно валяющеся, и тако пребываемъ. Тъмже Пророкомъ намъ глаголеть: разумъхъ, рече, яко жестокъ еси, и шія жельзная твоя; того ради удержахъ отъ васъ дождь, предълъ единъ одождихъ, а другаго не одождихъ, исше, и поразихъ вы зноемь и различными казньми; то и тако не обратистеся ко мнъ. Сего ради винограды вашъ, и смоковье ваше, нивы и дубравы ваша истрохъ, глаголеть Господь, а злобъ вашихъ не могохъ истерти; послахъ на вы различныя бользни и смерти тяжкыя, и на скоты казнь свою послахъ, то и ту не обратистеся, но ръсте: мужаемъся. Доколъ не насытистеся злобъ вашихъ? Вы бо уклонистеся отъпути моего, глаголеть Господь, и соблазнисте многы: сего ради буду свъдътель скоръ на противьныя, и на кленущаяся именемь моимъ во лжю, и на лишающая мьзды наимника, насильствующая сиротъ и вдовици, и на укланяющая судъ кривъ. Почто не сдержастеся о гръсъхъ вашихъ, но уклонисте законы моя и не схранисте ихъ? Обратитеся ко мынь, и обращюся къ вамъ, глаголеть Господь, и азъ отверзу вамъ хляби небесныя и отвращю отъ васъ гнъвъ мой, дондеже все обилуеть вамъ; и не имуть изнемощи виногради ваши, ни нивы. Но вы отяжаете на мя словеса ваша, глаголюще: суетенъ работаяй Богу; усты же чтуть мя, а сердце ихъ далече отстоить мене. Того ради ихже просимъ и не улучимъ: будеть бо, рече, егда призовете мя, азъ же

не послушаю васъ, взищете мене зли, и не обрящете; не всхотъша бо ходити по путемъ моимъ, да того ради затворяется небо, ово лиздъотверзается, градъвъ дождя мъсто пуская, ово ли мразомь плоды узнабляя и землю зноемь томя, нашихъ ради злобъ. Аще ли ся покаемъ отъ здобъ нашихъ, то акы чадомъ своимъ дасть намъ вся прошенья, и одождить намъ дождьранъ и позденъ, и наполнятся гумна ваша пшеницъ, пролъются точила винная и масльная, и въздамъ вамъ за лъта яже пояща прузи, и хрустове, и гусъниця; сила моя великая, юже послахъ на вы, глаголеть Господь Вседержитель. Си слышаще, въстягнемъся на добро, взищъте суда, избавите обидимаго; на покаянье придемъ, не въздающе зла за зло, ни клеветы за клевету, но любовью прилъпимся Господъ Бозъ нашемь, постомъ и рыданьемъ, слезами омывающе вся прегръшенья, не словомь нарицяющеся хрестьяни, а поганьскы живуще. Се бо не погански ли живемъ, аще усръсти върующе? Аще бо кто усрящеть черноризца, то възвращается, ли единець, ли свинью: то не поганьскы ли се есть? Се бо подьяволю наученью кобь сію держать, друзін же и закыханью върують, еже бываеть на здравье главъ. Но сими дьяволъ лстить, и другыми нравы, всячьскыми лестьми превабляяны отъ Бога, трубами и скоморохы, гусльми и русальи. Видимъ бо нгрища утолочена, и людій много множьство, яко упихати начнуть другь друга, позоры джюще отъ бъса замышленаго дъла, а церкви стоять; егда же бываеть годъ молитвы, мало ихъ обрътается въ церкви. Да сего ради казни пріемлемъ отъ Бога всячскыя, и нахоженье ратныхъ, по Божью повельныю, пріемлемъ

казнь гръхъ ради нашихъ. Мы же на предълежащее възвратимся.

Изяславу же со Всеволодомъ Кыеву побъгшю, а Святославу Чернигову, и людье Кыевстіи прибъгоша Кыеву, и створиша въче на торговищи, и ръша пославшеся ко князю: «се Половци росулися по земли; дай, княже, оружье и копи, и еще бьемся съ ними». Изяславъ же сего не послуша. И начаша людіе говорити на воеводу на Коснячька; идоша на гору, съ въча, и придоша на дворъ Коснячковъ, и не обрътшеего, сташа у двора Брячиславля и рѣша: «поидемъ, высадимъ дружину свою изъ погреба». И раздълищася надвое: половина ихъ иде къ погребу, а половина ихъ иде по мосту; си же придоша на княжь дворъ. Изяславу же съдящу на сънехъ съ дружиною своею, начаша прътися со княземъ, стояще долъ, князю же изъ оконця зрящю и дружинъ стоящи у князя; рече Тукы, братъ Чюдинь, Изаславу: «видиши, княже, людье възвыли; посли, атъ Всеслава блюдуть». И се ему глаголющю, другая половина людій приде отъ погреба, отворивше погребъ; и рекоша дружина князю: «се зло есть; посли ко Всеславу, атъ призвавше лестью ко оконцю, произуть и мечемь»; и не послуша сего князь. Людье же кликнуша и идоша къ порубу Всеславлю; Изяславъ же се видъвъ, со Всеволодомъ побъгоста съ двора, людье же высъкоша Всеслава изъ поруба, въ 15 день семтября, и поставиша и средъ двора къняжа; дворъ жь княжь разграбиша, безчисленое множьство здата и сребра, кунами и бълью. Изяславъ же бъжа въ Ляхы. По семь же Половцемъ воюющимъ по землъ Русьстъ, Святославу сущю Черниговъ, и Половцемъ воюющимъ около Чернигова, Святославъ же

собравъ дружины нъколико, изиде на нь ко Сновьску. И узрѣша Половци идущь полкъ, пристроишася противу; и видъвъ Святославъ множьство ихъ, и рече дружинъ своей: «потягнъмъ, уже намъ нелзъ камо ся дъти», удариша въ конъ, и одолъ Святославъ въ трехъ тысячахъ, а Половець бъ 12 тысячъ, и тако бьеми, а друзіи потопоша въ Сньви, а князя ихъ яша рукама, въ 1 день ноября; и възвратися съ побъдою въ градъ свой Святославъ. Всеславъ же съде Кыевъ. Се же Богь яви силу крестную, понеже Изяславъ цъловавъ крестъ, и и и; тъмже наведе Богъ поганыя, сего же явъ избави крестъ честный: въ день бо Въздвиженья Всеславъ взодхнувъ рече: «о кресте честный! понеже къ тобъ въровахъ, избави мя отъ рва сего». Богъ же показа силу крестную показаньемъ землъ Русьстви, да не преступають честнаго креста, цъловавше его; аще ли преступить кто, то и здъ пріиметь казнь, и на придущемь въцъ казнь въчную. Понеже велика есть сила крестная: крестомь бо побъжени бывають силы бъсовьскыя, кресть бо княземъ въ бранехъ пособить, въ бранехъ крестомъ согражаеми върніи людье побъжають супостаты противныя, крестъ бо вскоръ избавляеть отъ напастій призывающимъ его съ върою; ничтоже ся боять бъси, токмо креста, аще бо бывають отъ бъсъ мечтанья, знаменавше лице крестомь прогоними бывають. Всеславъ же съде Кыевъ мъсяць 7.

Въ лъто 6577. Поиде Изяславъ съ Болеславомь на Всеслава, Всеславъ же поиде противу; и приде Бълугороду Всеславъ, и бывши нощи, утаивъся Кыянъ бъжа изъ Бълагорода Полотьску. Заутра же видъща людье князя бъжавща, възвратищася Кыеву и створи-

ша въче, послашася къ Святославу и къ Всеволоду, глаголюще: «мы уже зло створили есмы, князя своего прогнавше, а се веде на ны Лядьскую землю; а поидъта въ градъ отца своего; аще ли не хочета, то намъ неволя: зажгоше градъ свой, ступимъ въ Гречьску землю». И рече имъ Святославъ: «въ послевъ къ брату своему; аще поидеть на вы съ Ляхы губити васъ, то въ противу ему ратью, не давъ бо погубити града отца своего; аще ли хощеть съ миромь, то въ малъ придеть дружинъ»; и утъщиста Кыяны. Святославъ же и Всеволодъ посласта къ Изяславу, глаголюще: «Всеславъ ти бъжалъ, а не води Ляховъ Кыеву, противна бо ти нъту; аще ли хощеши гнъвъ имъти и погубити градъ, то въси, яко нама жаль отня стола». То слышавъ Изяславъ, остави Ляхы и поиде съ Болеславомъ, мало Ляховъ поимъ; посла же сына своего Мьстислава Кыеву. И пришедъ Мьстиславъ истче иже бъща высъкли Всеслава, числомъ 70 чади, а другыя слъпиша, другыя же безъ вины погуби, не испытавъ. Изяславу же идущю къ граду, изидоша людье противу съ поклономъ, и пріяша князь свой Кыяне; и съде Изяславъ на столъ своемь, мъсяца мая въ 2 день. И распуща Ляхы на покориъ; избиваху Ляхы отай; възвратися въ Ляхы Болеславъ, въ землю свою. Изяславъ же възгна торгъ на гору, и прогна Всеслава изъ Полотьска, посади сына своего Мьстислава Полотьскъ; онъ же вскоръ умре ту; и посади въ него мъсто брата своего Святополка, Всеславу же бъжавшю.

Въ лъто 6578. Родися у Всеволода сынъ, и нарекоша именемъ Ростиславъ. Въ се же лъто заложена бысть церкы святаго Михаила, въ монастыръ Всеволожи.

Въ лъто 6579. Воеваша Половци у Растовьця и у Неятина. Въ се же лъто выгна Всеславъ Святополка изъ Полотьска. Въ же лъто побъди Ярополкъ Всеслава у Голотичьска. Въ си времена приде волхвъ, прелщенъ бъсомъ; прищедъ бо Кыеву глаголаше сице, повъдая людемъ, яко на пятое лъто Днъпру потещи всиять и землямъ преступати на ина мъста, яко стати Гречьскы земли на Русьской, а Русьскъй на Гречьской, и прочимъ землямъ измънитися; его же невъгласи послушаху, върнін же насмъхаются, глаголюще ему: «бѣсъ тобою играеть на нагубу тобѣ». Се же и бысть ему: въ едину бо нощь бысть безъ въсти. Бъси бо подътокше на зло вводять, посемъ же насмисаются ввергъше и въ пропасть смертную, научивше глаголати, якоже се скажемъ, бъсовьское наущенье и дъйство. Вывши бо единою скудости въ Ростовьстъй области, встаста два волхва отъ Ярославля, глаголюща: «яко въ свъвъ, кто обилье держить»; и поидоста по Волзъ, кдъ придуть въ погость, туже нарицаху лучьшів жены, гнаголюща, яко си жито держить, а си медъ, а си рыбы, а си скору. И привожаху къ нима сестры своя, матере и жены своя; она же въ мечтъ проръзавше за плечемь, выимаста любо жито, любо рыбу, и убивашета многы жены, имънье ихъ отъимашета собъ. И придоста на Бълоозеро; и бъ у нее людій нъ 300. Въ се же время приключися прити отъ Святослава дань емлющю Яневи, сыну Вышатину; повъдаша ему Бълозерци, яко два кудесника избила уже многы жены по Вользъ и по Шекснъ и пришла еста съмо. Янь же испытавъ, чья еста смерда, и увъдъвъ, яко своего князя, пославъ къ нимъ иже около ею суть, рече имъ: «выдайте волхва та съмо, яко смерда еста моего князя»; они же сего не нослушаща. Янь же поиде самъ безъ оружья, и ръща ему отроци его: «не ходи безъ оружья, осоромять тя»; онъ же повель взяти оружья отрокомъ, и бъста 12 отрока съ нимь, и поиде къ нимъ по лъсу. Они же сташа исполчившеся противу. Яневи же идущю съ топорцемъ, выступиша отъ нихъ 3 мужи, придоша къ Яневи, рекуще ему: «вида идеши на смерть, не ходи»; оному повелъвшю обити я, къ прочимъ же поиде. Они же сунушася на Яня, единъ гръшися Яня топоромъ, Янь же оборотя топоръ удари и тыльемь, повель отрокомъ съчи я; они же бъжаща въ лъсъ, убища же ту попина Янева. Янь же вшедъ въ градъ къ Бѣлозерцемъ, рече имъ: «аще не имате волхву сею, не иду отъ васъ и за лъто». Бълозерци же шедше яша я, и приведоша ъкъ Яневи, и рече има: «что ради погубиста толико человъкъ?» Онъма же рекшема: «яко ти держать обилье, да аще истребивъ сихъ, будеть гобино: аще ди хощеши, то передъ тобою вынемевъ жито, ли рыбу, ли ино что». Янь же рече: «по истиив лжа то: створиль Богь человъка отъ землъ, сставленъ костьми и жылами отъ крове, нъсть въ немь ничтоже; и не въсть ничтоже, но токъмо единъ Богъ въсть». Она же рекоста: «въ въвъ, како есть человъкъ створенъ». Онъ же рече: «како?» Она же рекоста: «Богъ мывъся въ мовници и вспотивъси, отреся ветъхомъ, и верже съ небесе на землю: и распръся сотона съ Богомь, кому въ немь створити человъка? и створи дьяволъ человъка, а Богъ душю въ не вложи; тъмже аще умреть человъкъ, въ землю идеть тъло, а душа къ Богу». Рече има Янь: «по истинъ прельстиль вась есть бъсь: коему Богу въруета?» Она же рекоста: «антихристу».

Онъ же рече има: "то кдъ есть?» Она же рекоста: «съдить въ безднъ». Рече има Янь: «какый то Богъ, съдя въ бездиъ? то есть бъсъ, а Богъ есть на небеси съдя, на престолъ, славимъ отъ ангелъ, иже предстоять ему со страхомъ, не могуще на нь зръти; сихъ бо ангель свержень бысть, егоже вы глаголета антихрестъ, за величанье его низъверженъ бысть съ небесе, и есть въ безднъ, якоже то вы глаголета, жда, егда придеть Богъ съ небесе, сего имъ антихриста свяжеть узами и посадить и, емъ его съ слугами его и иже къ нему върують: вама же и здъ муку пріяти отъ мене, и по смерти тамо». Онъма же рекшема: «нама бози повъдають: не можеши нама створити ничтоже», онъ же рече има: «лжють вама бози». Она же рекоста: «нама стати предъ Святославомь, а ты не можьшь створити ничтоже». Янь же повель бити я, и потергати брадъ ею. Сима же тепенома и брадъ ею поторганъ проскъпомъ, рече има Янь: «что вама бози молвять»? Онъма же рекшема: «стати намъ предъ Святославомь», и повелѣ Янь вложити рубль въ уста има, и привязати я къ упругу, и пусти предъ собою лодьт, и самъ по нихъ иде. Сташа на устьи Шексны, и рече има Янь: «что вамъ бози молвять?» Она же ръста: «сице нама бози молвять, не быти нама живымъ отъ тобе». И рече има Янь: «то ти вама право повъдали». Она же рекоста: «но аще на пустиши, много ти добра будеть; аще ли наю погубиши, многу печаль пріимеши и зло». Онъ же рече има: «аще ваю пущю, то зло ми будеть отъ Бога». И рече Янь повозникомъ: «ци кому васъ кто родинъ убъенъ отъ сею?» Они же реша: «мнъ мати, другому сестра, иному роженье». Онъ же рече имъ: «мьстите своихъ». Они же

поимше, убиша я и повъсиша е на дубъ: отмьстье пріимша отъ Бога по правдъ. Яневи же идущю домови, въ другую нощь медвъдь въздъзъ, угрызъ ею и снъсть; и тако погыбнуста наущеньемь бъсовьскымь, инъмъ въдуще, а своее пагубы не въдуче. Аще ли быста въдала, то не быста пришла на мъсто се, идъже ятома има быти; аще ли и ята быста, то почто глагодаста: «не умрети нама», оному мыслящю убити я? Но се есть бъсовьское наученье: бъси бо не въдять мысли человъчьское, но влагають помыслъ въ человъка, тайны не свъдуще. Богъ единъ свъсть помышленья человъчьская, бъси же не свъдають ничтоже; суть бонемощни и худи взоромь. Яко и се скажемъ о взоръ нхъ и о омраченьи ихъ. Въ си бо времена, въ лъта си, приключися нъкоему Новгородцю прити въ Чюдь, и приде къ кудеснику, хотя волхвованья отъ него; онъ же, по обычаю своему, нача призывати бъсы въ храмину свою. Новгородцю же съдящу на порозъ тоя жехрамины, кудесникъ же лежаше оцъпъ, и шибе имъ бъсъ; кудесникъ же вставъ рече Новгородьцю: «бози не смъють прити, нъчто имаши на собъ, его же боятся». Онъ же помянувъ на собъ крестъ, и отшедъ постави кромъ храмины тое; онъ же нача опять призывати бъсы, бъси же метавше имь, повъдаща, что ради пришель есть. По семь же поча прашати его: «что радибоятся его, егоже се носимъ на собъ креста?» Онъ же рече, что есть знаменье небеснаго Бога, его же наши бози боятся. Онъ же рече: «то каци суть бози ваши, кдъ живуть?» Онъ же рече: «въ безднахъ; суть же образомь черни, крилаты, хвосты имуще, всходять же и подъ небомъ, слушающе вашихъ ботовъ; ваши бо ангели на небеси суть, аще кто ум-

реть отъ вашихъ людій, то възносимъ есть на небо; аще ли отъ нашихъ умираеть, то носимъ къ нашимъ богомъ въ бездну». Якоже и есть: гръшници бо въ адъ суть, ждуще мукы въчныя, а праведници въ небеснъмь жилищъ водваряются со ангелы. Сиця ти есть бъсовьская сила, и лъпота, и немощь; тъмъ же прелщають человъкы, веляще имъ глагодати видънья, являющеся имъ несвершенымъ върою, являющеся во снъ, инъмъ въ мечтъ, и тако волхвують наученьемь бъсовьскымь. Паче же женами бъсовьская вольшвенья бывають, искони бо бъсъ жену предсти, си же мужа; тако (въ) вси роди много волхвують жены чародъйствомъ, и отравою, и инъми бъсовьскыми козньми. Но и мужи предщени бывають отъ бъсовъ невърніи; яко се въ первыя роды при апостолъхъ бо бысть Симонъ волхвъ, иже творяше волшьствомъ псомъ глаголати человъчьскы, и самъ премъняшеться, ово старъ, ово молодъ, ово ли и иного премъняше во иного образъ, въ мечтаньнін сице творяше; Анни и Мамврій волъшвеньемь чюдеса творяшеть противу Моисіови, но вскоръ не възмогоста противу Монсіови; но и Конобъ творяше, мечтанье бъсовьско, яко и по водамъ ходити, ина мечтанья творяше бъсомь дстимъ, на пагубу собъ и инъмъ. Сиць бъ волхвъ всталъ при Глъбъ Новъгородъ; глаголеть бо людемъ, творя ся акы Богъ, многы прельсти, мало не всего града: глаголашеть бо, яко провъдь вся, и хуля въру хрестьяньскую, глаголашеть бо: «яко переиду по Волхову предъ встми». И бысть мятежь въградъ, и вси яша ему въру, ихотяху погубити епископа; епископъ же вземъ крестъ и облекъся въризы, ста рекъ: «иже хощеть въру яти волхву, то да идеть за нь; аще ли въруеть кто, то ко кресту да идеть».

И раздѣлишася надвое: князь бо Глѣбъ и дружина его идоша и сташа у епископа, а людье вси идоша за волхва; и бысть мятежь великъ межи ими. Глѣбъ же возма топоръ подъ скутомъ, приде къ волхву и рече ему: «то вѣси ли, что утро хощеть быти, и что ли до вечера?» Онъ же рече: «провѣжь вся». «И рече Глѣбъ: «то вѣси ли, что хощеть быти днесь?» «Чюдеса велика створю» рече. Глѣбъ же вынемь топоръ, ростя и, и паде мертвъ, и людье разидошася; онъ же погыбе тѣломь и душею, предавъся дьяволу.

Въ лъто 6580. Пронесошася святая страстотериця Бориса и Глъба. Совокупившеся Ярославичи, Изяславъ, Святославъ, Всеволодъ, митрополитъ же тогда бъ Георги, епископъ Петръ Переяславьскый, Михаилъ Юрьевьскый, Өеодосій же игумень Печерьскый, Софроній святаго Михаила игумень, Германь игумень святаго Спаса, Никола игуменъ Переяславьскый, и вси игумени, и створше праздникъ, праздноваща свътло, преложиша я въ новую церковь, юже сдёла Изяславъ, яже стоить и нынъ. И вземше первое Бориса въ древянъ рацъ, Изяславъ, Святославъ, Всеволодъ, вземше на рама своя понесоща, предъидущимъ черноризцемъ, свъщъ держаще въ рукахъ, и по нихъ дьякони съ кадилы, и посемь презвитери, и по нихъ епископи съ митрополитомь; по сихъ съ ракою идяху. И принесще въ новую церковь, отверзоша раку, исполнися благоуханья церкы, вонъ благы; видъвше же се, прославиша Бога. И митрополита ужасть обиде, бъ бо нетвердъ върою къ нима; и падъ ниць, просяще прощенья. Цъловавше мощи его, вложиша и въ раку камену. Посемь же вземше Гльба въ рацъкамень, вставиша на сани, и емше за ужа везоша, и яко быша

въ дверехъ, ста рака, и не иде. И поведъща народу възвати: «Господи помилуй», и повезоща и; и положища я мъсяца мая 2 день. И отпъвше литургію, объдаща братья на скупь, кождо съ бояры своими, съ любовью великою. И бъ тогда держа Вышегородъ Чюдинъ, а церковь Лазорь. Посемь же разидошася въсвояси.

Въ лъто 6581. Въздвиже дьяволь котору въ братьи сей Ярославичихъ. Бывши распри межи ими, быста съ себе Святославъ со Всеволодомь на Изяслава; изиде Изяславъ изъ Кыева, Святославъ же и Всеволодъ внидоста въ Кыевъ, мъсяца марта 22, и съдоста на столъ на Берестовомь, преступивше заповъдь отню. Святославъ же бъ начало выгнанью братню, желая болшее власти; Всеволода бо предсти, глагодя: «яко Изяславъ сватится со Всеславомъ, мысля на наю; да аще его не варивъ, имать насъ прогнати;» и тако взостри Всеволода на Изяслава. Изяславъ же иде въ Ляхы со имъньемъ многымъ, глаголя: «яко симь налъзу вои»; еже все взяша Ляхове у него, показавше ему путь отъ себъ. А Святославъ съде Кыевъ, прогнавъ брата своего, преступивъ заповъдь отню, паче же Божью. Велій бо есть гръхъ преступающю заповъдь отда своего: ибо исперва преступиша сынове Хамови на землю Споову, и по 400 авть отмыщенье пріяша отъ Бога; отъ племене бо Сиоова суть Еврви, же \*) избивше Хананъйско племя, вспріяща свои жребій и свою землю. Пакы преступи Исавъ заповъдь отца своего, н прія убійство; не добро бо есть преступати предъла чюжего. Въ се же лъто основана бысть церкы Печерьская, игуменомь Өеодосьемь и епископомь Миха-

<sup>\*)</sup> И. и Х. «иже».

иломь, митрополиту Георгію тогда сущю въ Грьцѣхъ, Святославу Кыевѣ сѣдящю.

Въ лъто 6582. Өеодосій игуменъ Печерьскый преставися. Скажемъ же о успеньи его мало. Өеодосій бо обычай имяще, приходящю постному времени, въ недълю Масленую вечеръ, по обычаю цъловавъ братью всю и поучивъ ихъ, како проводити постное время въ модитвахъ нощныхъ и дневныхъ, блюстися отъ помыслъ скверньныхъ, отъ бъсовьскаго насъянья. «Бъси бо», рече, «насъвають черноризцемъ помышленья, похотънья лукава, вгажающе ему помыслы, и тъми врежаеми бывають имъ молитвы; да приходящая таковыя мысли възбраняти знаменьемъ крестнымъ, глагодюще сице: Господи Исусе Христе, Боже нашь, помилуй насъ, аминь. И къ симъ воздержанье имъти отъ многаго брашна; въ яденьи бо мнозъ и питьи безмърнъ въздрастають помысли лукавіи, помысломъ же въздрастьшимъ стваряется гръхъ. «Тъмже», рече, «противитеся бъсовьскому дъйству и пронырьства ихъ, блюстися оть лености и оть многаго сна, бодру быти на пенье церковное, и на преданья отечьская, и почитанья книжная; паче же имъти въ устъхъ Псалтырь Давыдовъ подобаеть черноризцемъ: симь бо прогонити бъсовьское унынье, паче же имъти къ собъ любовь всъмъ шимъ и къ старъйшимъ покоренье и послушанье, старъйшимъ же къ меншимъ любовь и наказанье, и образъ бывати собою въздержаньемь и бдёньемь, хоженьемь, и сифреньемь; тако наказывати менша, и утъшати я, и тако проводити ностъ». Глаголеть бо сице: «яко Богъ далъ есть намъ 40 дніи сію на очищенье души; се бо есть десятина даема отъ тъла Богу: дній бо есть отъ года до года 300 и 60 и 5, а отъ

дній десятый день въздаяти Богови десятину, еже есть пость 40-тный; въ ня же дни очистившися душа, празднуеть свътло на Вскресенье Господне, веселящися о Бозъ. Постное бо время очищаеть умъ человъку. Пощенье бо исперва проображено бысть: Адаму первое не вкушати отъ древа единого; постивъбося Монси дній 40, сподобися пріяти законъ на горъ Синайстьй, и видь славу Божью; постомъ Самоила мати роди; постившеся Ниневгитяне гнъва Божья избыша; постився Данилъ видънья велика сподобися; постивъся Илья акы на небовзять бысть, въ пищю породную; постившеся 3 Отроци угасиша силу огньную; постивъся и Господь 40 дній, намъ показая постное время; постомь Апостоли искорениша бъсовьское ученье; постомъ явишася Отци наши акы свътила вь міръ, иже сіяють и по смерти, показавше труды великыя и вздержанье, яко се великый Антоній, и Еувимій, и Сава, и прочіи Отци, ихъ же мы поревнуемъ, братья». И сице поучивъ братью, цъловавъ вся по имени, и тако изидяще изъ монастыря, взимая мало коврижекъ; вшедъ въ печеру, и затворяше двери печеръ и засыпаше перстью, и не глаголаше никомуже, аще ли будяше нужьное орудье, то оконцемъ малымъ бесъдоваши, въ суботу ли въ недълю; а во ины дни пребываше въ постъ и въ молитвахъ, вздержася кръпко. И приходяще въ манастырь въ пятокъ на канунъ Лазаревъ; въ сь бо день кончается постъ 40 дній, начинаемъ отъ перваго понедълника наставши Өеодоровы недъли, кончаваеть же ся въ пятокъ Лазаревъ; а етрастьная недъля уставлена есть поститися страстій ради Господень. Өеодосьеви же пришедшю, по обычаю, цълова братью и празднова съ ними недълю Цвътную,

и дошедъ велика дне Вскресенья, по обычаю праздновасвътло, впаде въ болъзнь. Разболъвшю бо ся ему и болъвшю дній 5, по семь бывшю вечеру, повель изнести ся на дворъ, братья же вземше и на сани, поставиша и прямо церкви: онъ же повелъ звати братью всю, братья же ударивше въ било, и собращася вси. Онъ же рече имъ: «братья моя, и отци мои, и чадамоя! се азъ отхожю отъ васъ, якоже яви ми Господь въ постное время, въ печеръ сущю ми, изити: отъ свъта сего; вы же кого хощете игуменомъ имъти собъ, да и азъ благословленье подаль быхъему?» Они же рекоша: «ты еси намъ всвмъ отець, да его же изводиши самъ, то намъ буди отець и игуменъ; и послушаемъ его яко и тобе». Отець же нашь Өеодоси рече: «шедше кромъ мене нарьцъте, его же хощете, кромъ двою брату Николы и Игната; въ прочихъкого хощете отъ старъйшихъ и до меншихъ». Они послушавше его, отступивше мало къ церкви, сдумавше послаша брата два, глаголюще сице: «его же изволить Богъ и твоя честная молитва, его же тобъ любо, того нарци». Өеодосій же рече имъ: «да аще отъ мене хощете игумена пріяти, то азъ створю вамъ не по своему изволенью, но по божью строенью»; и нарече имъ Іякова презвитера. Братьи же нелюбо бысть, глаголюще: «яко не здъ есть постригань;» бъ бо Іяковъпришель съ Летьца съ братомъ своимъ Пауломъ. И начаша братья просити Стефана деместника, суща тогда ученика Өеодосьева, глаголюще: «яко сесь взрослъ есть подъ рукою твоею, и у тобе послужиль есть; сего ны вдай». Рече же имъ Өеодосій: «се азъ, по Божьюповедънью, нареклъ бяхъ Іякова; се же вы свою волю створити хощете». И послушавъ ихъ, предасть имъ

Стефана, да будеть имъ игуменъ; и благослови Стефана, и рече ему: «чадо! се предаю ти манастырь, блюди со опасеньемь его, и яже устроихъ въ службахъ, то держи; преданья манастырьская и устава неизмъняй, но твори вся по закону и по чину манастырьску». И по семь вземше и братья, несошавъ келью и положиша на одръ. И шестому дни наставшю, болну сущю велми, приде къ нему Святославъ съ сыномъ своимъ Глебомъ; и седящема у него, рече ему Өеодосій: «се отхожю свъта сего, и се предаю ти манастырь на сблюденье, еда будеть что смятенье въ немь; и се поручаю игуменьство Стефану, недай его въ обиду». Князь же цъловавъ его, и объщася пещися манастыремъ, и иде отъ него. Семому же дни пришедшю, призва Стефана и братью, уже изнемагающю, и нача имъ глаголати сице: «аще по моемь отшествіи свъта сего, аще буду Богу угодиль и пріяль мя будеть Богъ, то по моемь отшествии манастырь ся начнеть строити и прибывати въ немъ: то въжьте, яко пріяль мя есть Богь; аще ли, по моей смерти, оскудъвати начнеть манастырь черноризци и потребами манастырьсками, то въдуще буди, яко не угодилъ есмь Богу». И се ему глаголющю, плакахуся братья, глаголюще: «отче! молися за ны къ Богу; въмы бо, яко-Богъ труда твоего не презрить». И пресъдящи братьъ. нощь ту у него, и наставшю дни осмому, въ 2 суботу по Пасцъ, въчасъ 2 дне, предасть душю въруцъ Божіи, мъсяця мая въ 3 день, индикта въ 11 лъто; плакашася по немь братья. Бъ же Өеодосій заповъдаль положити ся въ печеръ, идъже показа труды многы, рекъ сице: «въ ночь похороните тъло мое», якоже и створиша; вечеру бо приспъвшю, братья взем-

ше тъло его, и положиша и въ печеръ, проводивше съ пъсньми, съ свъщами, честно, на хвалу Богу нашему Исусу Христу, Стефану же предержащю манастырь, и блаженое стадо, еже бъсовокупиль Өеодосій, такы черньцѣ яко свѣтила въ Руси сьяють: ови бо бяху постници крънци, ови же на бдънье, ови на кланянье кольньное, ови на пощенье чрезъ день и чрезъ два дни, ини же ядуще хлъбъ съ водою, ини зелье варено, друзіи сыро. Въ любви пребывающе, меншін покаряющеся старъйшимъ и не смъюще предъ ними глаголати, но все съ покореньемь и съ послушаньемь великымъ: такоже и старъйшіи имяху любовь къ меншимъ, наказаху, утъшающе, яко чада възлюбленая. Аще который брать въ етеро прегръшенье впадаше, утъшаху и епитемью единого брата раздъляху 3 ли, 4, за великую любовь: такова бо бяше любы въбратьи той, вздержанье велико. Аще брать етеръ выидяше изъ манастыря, вся братья имяху о томь печаль велику, посылаючи по нь, призываху брата къ монастырю; шедше вси вланяхуся игумену, и моляху игумена, и прінмаху брата въ манастырь съ радостью. Таци бо бъща любовници, и въздержьници, и постници, отъ нихъ же намъню нъколико мужь чюдныхъ. Яко се первый Демьянъ презвутеръ: бяше тако постникъ и въздержникъ, яко развъ хлъба ти воды ясти ему до смерти своея. Аще кто коли принесяще дътищь боленъ, кацъмь любо недугомь одержимъ принесяху въ манастырь, ли свершенъ человъкъ, кацъмъ любо недугомъ одержимъ, приходяще въ манастырь къ блаженому досью: повелъваше сему Дамьяну молитву створити. болящему; и абье створяще молитву и масломь помазаше, и пріимаху ицъленье приходящій къ нему. Раз-

болъвшю же ся и конець пріяти лежащю ему въ немощи, приде ангелъ къ нему въ образъ Оеодосьевъ, даруя ему царство небесное за труды его; посемь же приде Өеодосій съ братьею, и присъдяху у него, оному же изнемагающю, възрѣвъ на игумена рече: забывай, игумене, еже еси объщаль»; и разумъвь великый Өеодосій, яко видънье видъль, и рече ему: «брате Дамьяне! еже есмь объщаль, то тибуди». Онъ же сомжаривь очи, предасть духь въ руцъ Божіи: нгуменъ же и братья похорониша тъло его. Такъ бъ и другый братъ, именемь Еремія, иже помняще крещенье землъ Русьскыя. Сему бъ даръдарованъ отъ Бога: проповъдаще предибудущая, и аще кого видяше въ помышленьи, обличаще и втайнъ и наказаще блюстися отъ дьявола; аще который братъ умышляше пти изъ манастыря, и узряше и, пришедъ къ нему, обличаше мысль его и утъшаше брата; аще къ нему что речаше, ли добро, ли зло, сбудящется старче слово. Бъ же и другый старець, именемь Матеъй: бъ проворливъ. Единою бо ему стоящю въ церкви на мъстъ своемь, възведъ очи свои, позръ по братьи, иже стоять поюще по объма странама: видъ обиходяща бъса, въ образѣ Ляха, въ лудѣ, и посяща въ приполѣ цвѣткы, иже глаголется лёпокъ. И обиходя подлё братью, взимая изъ лона лъпокъ, вержаще на кого любо: аще прилняше кому цвътокъ въ поющихъ отъ братья, мало постоявъ и раслабленъ умомь, вину створь каку любо, изидяще изъ церкви, шедъ въ келью, и усняще, и не възвратяшется въ церковь до отпътья; аще ли вержаше на другаго, и не прилняше къ нему цвътокъ, стояше кръпокъ въ пъньи, дондеже отпояху утренюю, и тогда изидише въ келью свою. Се же вида старець,

повъдаще братьи своей. Пакы же видъ старецы се: по обычаю бо сему старцю отстоявшю утренюю, предъ зорями, идоща по кельямъ своимъ, се же старець послъ исхожаше изъ церкви. Идущю же ему единою, съде опочивая подъ биломъ, бъ бо келья его подалъ церкве, видъ се, яко толпа поиде отъ воротъ; възведъ очи свои, видъ единого съдяща на свиньи, а другыя текуща около его. И рече имъ старець: «камо идете?» и рече съдя на свиньи бъсъ: «по Михаля по Тольбековича». Старець же знаменася крестнымь знаменьемь, и приде въ келью свою; яко бысть свътъ, и разумъ старець, рече кслейнику: «иди, впрашай, е ли Михаль въ кельи?» и ръша ему: «яко давъ скочилъ», рече, «со столпья по заутрени». И повъда старець видънье се игумену и братьи. При семь бо старци Өеодосій преставися, и бысть Стефанъ игуменъ, и по Стефанъ Никонъ, сему и еще сущю старцю. Единою ему стоящю на утрени, возведъ очи свои, хотя видъти игумена Никона: и видъ осла стояща на игумени мъстъ, и разумъ, яко не всталъ есть игуменъ. Такоже и ина многа видънья провидъ старець, и почи въ старости добрѣ въ манастыри семь. Яко се бысть другый черноризець, именемь Исакій: яко же и еще сущю ему въ мірѣ, въ житьи мирьстьмь, и богату сущю ему, бѣ бо купець родомъ Торопечанинъ, и помысли быти мнихъ, и раздая имънье свое требующимъ и манастыремъ, и иде къ великому Антонью въ печеру, моляся ему, дабы и створиль черноризцемь; и пріять и Антоній, взложи на нь порты чернецьскыя, нарекъ имя ему Исакій, бъ бо имя ему Чернь. Се же Исакій вспріять житье кръпко: облече бо ся во власяницю, и поведъ купити собъ козедъ, и отдра мъ-

хомъ козелъ и облече на власяницю, и осше около его кожа сыра; и затворися въ печеръ, въ единой улици, въ кельици малъ, яко четырь лакотъ, и ту моляше Бога со слезами; бъ же ядь его проскура едина, и та же черезъ день, воды въ мъру пьяше. Приносящеть же ему веливый Антоній, и подаваше ему оконцемъ, яко ся виъстяше рука: тако прінмаше пищю. И того створи лътъ 7: на свътъ не вылазя, ни на ребръхъ не легавъ, но съдя мало прінмаше сна. И единою, по обычаю, наставшю вечеру, поча кланятися, поя псалмы, оли и до полунощья; яко трудяшется, съдяше на съдалъ своемь. Единою же ему съдящю, по обычаю, и свъщю угасившю, внезапу свъть восья, яко отъ солнца восья въ печеръ, яко зракъ вынимая человъку; и поидоста 2 уноши къ нему красна и блистаста лице ею акы солнце, и глаголаста къ нему: «Исакіе! въ есвъ ангела, а се идеть къ тобъ Христосъ; падъ поклонися ему». Онъ же не разумъ бъсовьскаго дъйства, ни памяти прекреститися; выступя и поклонися, акы Христу, бъсовьску дъйству. Бъси же кликнуща и ръша: «нашь еси, Исакіе, уже»; введше и въ кельицю, и посадиша и, и начаша садитися около его, и бысть полна келья ихъ и улица печерская. И рече единъ отъ бъсовъ, глаголемый Христосъ: «възмъте сопъли, бубны и гусли, и ударяйте; атъ ны Исакій сплящеть». И удариша въ сопъли, въ гусли и въ бубны, начаша имъ играти; и утомивше и, оставища и де живого и отъидоша, поругавшеся ему. Заутра же бывшю свъту и приспъвшю вкушенью хлъба, приде Антоній по обычаю ко оконцю, и глагола: «Господи благослови, отче Исакіе»! и не бысть отвъта; и рече Антоній: «се уже преставился есть». И посла въ манастырь по Өеодосья

и по братью. И отконавше, кдъ бъ загражено устье, пришедше взяща и, мертва мняще, вынесше положища и предъ пещерою; и узръща яко живъ есть, и реченгумень Өеодосій: «яко се имать быти отъ бъсовьскаго дъйства;» и положиша и на одръ; служаще около его Антоній. Въ си же времена приключися прити Изяславу изъ Ляховъ, нача гнъватися Изяславъ на Антонья изъ Всеслава; и присла Святославъ, въ ночь поя Антонья Чернигову. (Антоній же пришедъкъ Чернигову), възлюби Болдины горы, исконавъ печеру, ту ся всели; есть ту манастырь святое Богородици, Волдиныхъ горахъ, и до сего мъста. Оеодосій же увъдавъ, яко Антоній шелъ Чернигову, шедъ съ братьею взя Исакія, и принесе и къ собъ въ келью и служаще около его; бъ бо раслабленъ тъломь, яко не мощи ему обратитися на другую страну, ни встати, ни съдъти, но лежаше на единой сторонъ, подъ ся плеваше, многажды и червье въкыняхуся\*) подъ бедру ему. Өеодосій же самъ своима рукама омываше и спряташеть и за 2 лътъ (створи се около его. Се же бысть чюдно н дивно: яко за двъ лътъ лежа сій, ни хлъба вкуси ни воды, ни отъ какаго брашна ни овоща, ни языкомъ проглагола, но нъмъ и глухъ лежа за двъ лътъ \*\*). Өеодосій же моляше Бога за нь, и молитву творяше надъ нимь день и нощь, дондеже на 3-ее лъто проглагола, и слыша, и на ногы нача встаяти, акы младенець, и нача ходити. И не брежаще въ церковь ходити, нужею привлечахуть и къ церкви; и по семь научи на тряпезницю ходити, и посажащеть и кромъ

7

<sup>\*)</sup> Въ одномъ спискъ «вивтахуся». Миклошичъ читаетъ «выкиняхуся».

<sup>\*\*)</sup> Вставка изъ Ипат. списка.

братьи, положаху предъ нимь хльбъ, и не възмяще его, но ли вложити въруцъ ему. Осодосій же рече: «положите хлъбъ предъ нимь, а не вкладайте въ рукы ему, атъ самъ йсть», и не преже \*) за недилю ясти, и помалу оглядавъся кусаше хлъба; тако научися ясти. И тако избави Өеодосій отъ козни дьяволя. Исакій же вспріять въздержанье пакы жестоко. • Феодосью же преставльшюся, и Стефану въ него мъсто бывшю, Исакій же рече: «се уже предстиль мя еси быль, дьяволе, съдяща на единомь мъстъ; а уже не имамъ ся затворити въ печеръ, но имамъ тя побъдити ходя въ манастыръ.» И облечеся въ власяницю, и на власяницю свиту вотоляну, и нача уродство творити; и помагати поча поваромъ, варя на братью. И на заутреню входя преже всёхъ, стояще крепко и неподвижимо; егда же приспъяще зима и мрази лютіп, станяше въ прабошняхъ въ черевьяхъ въ протоптаныхъ, яко примерзняшета нозъ его къ камени, и не двигаше ногама, дондеже отпояху заутреню. И по заутрени идяще въ поварьницю, и приготоваще огнь, воду, дрова; и придяху прочіи повари отъ братьъ. Единъ же поваръ бъ, такоже бъ именемь тъмь же Исакій, и рече посмихаяся Исакію: «оно ти съдить вранъ черный, иди, ими и»; онъ же поклонивъся ему до землъ, шедъ я ворона и принесе ему предо всъми повары, и ужасошася, повъдаша игумену и братьи; и начаша братья чтити и. Онъ же, не хотя славы человъчьскыя, нача уродьство творити, пакостити нача ово игумену, ово братьи, ово пірьскымъ челов комъ, (да) друзін раны ему даяху; и поча по міру ходити, такоже уродомь ся творя. Вселися въ печеру, въ ней же преже

<sup>\*)</sup> Въ Ипат. «не бреже».

быль, уже бо Антоній преставился; и совъкупи къ собъ уныхъ, и вскладаше на нь порты чернечьскыя, даово отъ игумена Никона пріимаше раны, ово отъ родитель тъхъ дътьскыхъ, се же то все терияше, пріимаше раны и наготу, студень, день и нощь. Въ едину бо нощь вжегь пещь въ истобцъ у пещеры: яко разгоръся пещь, бъ бо утла, и нача палати пламень утлизнами; оному же нъчимъ заложити, вступль ногама босыма ста на пламени, дондеже изгоръ пещь, излъзе. И ина многа повъдаху о немь, а другое и самовидець быхъ. И тако взя побъду на бъсы, яко мухы нивочтоже имяще страшенья ихъ, и мечтанья ихъ, глаголашеть бо къ нимъ: «аще мя бъсте предстиди въ печеръ первое, понеже не въдяхъ козній вашихъ и лукавьства; нонѣ же имамъ Господа Исуса Христа и Бога моего и молитву отца моего Өеодосья, надъюся\*). имамъ побъдити». Многажды бо бъси пакости дъяху ему, и глаголаху: «нашь еси, и поклонился еси нашему старъйшинъ и намъ;» онъ же глаголаше: «вашь старъйшина антихресть есть, а вы бъсы есте», знаменаше лице свое крестнымъ образомъ: и тако изчезняху. Овогда же пакы въ нощи прихожаху къ нему, страхъ ему творяче вь мечтъ, яко се многъ народъ съ мотыками и лыскаръ, глаголюще: «раскопаемъ печеру сію, и сего загребемъ здъ»; ини же глаголаху: «бъжи, Исакіе, хотять загрести», онъ же глагодаше къ нимъ: «аще бысте человъци, то въ дне бы есте пришли, а вы есте тма, и во тмѣ ходите, и тма вы ятъ», и знамена я крестомъ, изчезнуша. Другоици бострашахуть и въ образъ медвъжи, овогда же лютымъ звъремь, ово въломъ, ово змів полозяху къ нему, овоя

<sup>·\*)</sup> Въ Ипат. «надъюся на Христа».

ли жабы, мыши и всякъ гадъ. Не могоша ему ничтоже створити, и ръша ему: «Исакіе! побъдиль еси насъ.» Онъ же рече: «якоже бъсте мене вы побъдили, въ образъ Исусъ Христовъ и въ ангельстъмь, недостоини суще того видънья; но се по истънъ являетеся топерво во образъ звъринъмь и скотьемь, и змъями, и гадомь, аци же и сами есте»; и оттолъ не бысть ему пакости отъ бъсовъ. Якоже самъ повъдаще се: «яко се бысть ин за 3 лъта брань си». Потомъ поча жити крыплы и въздержанье имыти, пощенье, бдынье; и тако живущю ему, сконча житье свое. И разболься въ печеръ, и несоша и болна въ манастырь, и до осмаго дне о Господъ скончася; игуменъ же Іоанъ и братья спрятавше твло его, и погребоша и. Таци ти быша черноризци Өеодосьева манастыря, иже сіяють и по смерти яко свътила, и молять Бога за сдъ сущюю братью, и за мірьскую братью, и за приносящая въ манастырь, въ немъ же и донынъ добродътелное житье живуть, обще вси вкупь, въ пъньи и въ молитвахъ и послушаньи, на славу Богу всемогущему, и Өеодосьевами молитвами сблюдаеми, ему же слава, аминь.

Въ лѣто 6583. Почата бысть церкы Печерьская надъ основаньемь Стефаномь игуменомь: изъ основанья бо Оеодосій почаль, а на основань Стефанъ поча; и кончана бысть на третьее лѣто, мѣсяца іуля 11 день. Въ се же лѣто придоша сли изъ Нѣмець къ Святославу, Святославъ же, величаяся, показа имъ богатьство свое; они же видѣвше безчисленое множьство, злато, и сребро, и паволокы, и рѣша: «се нивъчтоже есть, се бо лежить мертво; сего суть кметье луче, мужи бо ся доищють и болше сего». Сице ся похва-

ли Іезекій, царь Іюдъйскъ, къ сломъ царя Асурійска, его же вся взята быша въ Вавилонъ: тако и по сего смерти все имънье расыпася разно.

Вь дъто 6584. Ходи Володимеръ, сынъ Всеволожь, и Олегъ, сынъ Святославль, Ляхомъ въ помочь на Чехы. Сего же лъта преставися Святославъ, сынъ Ярославль, мъсяца декабря 27, отъ ръзанья желве, и положенъ Черниговъ у святаго Спаса; и съде по немь Всеволодъ на столъ, мъсяца генваря (въ 1 день. Въ се же лъто родися у Володимера сынъ Мьстиславъ, внукъ Всеволожь И. Х.)

Въ дъто 6585. Поиде Изяславъ съ Ляхы, Всеволодъ же поиде противу ему. Съде Борисъ Черниговъ мъсяца мая 4 день, и бъсть княженья его 8 дній, и бъжа Тмутороканю къ Романови. Всеволодъ же (иде) противу брату Изяславу на Волынь, и створиста миръ, и пришедъ Изяславъ съде Кыевъ, мъсяца іуля 15 день; Олегъ же, сынъ Святославль, бъ у Всеволода Черниговъ.

Въ лъто 6586. Бъже Олегъ Святославль Тмутороканю оть Всеволода, мъсяца априля (въ 10 день И. Х. Р. Т.) Въ се же лъто убьенъ бысть Глъбъ, сынъ Свытославль, въ Заволочіи. Бъ бо Глъбъ милостивъ убогымъ и страннолюбивъ, тщанье имъя къ церквамъ, теплъ на въру и кротокъ, взоромъ красенъ: его же тъло положено бысть Черниговъ за Спасомъ, мъсяца іуля 23 день. Съдящю Святонолку въ него мъсто Новъгородъ, сыну Изяславлю, Ярополку съдящю Вышегородъ, а Володимеру съдящю Смолиньскъ, приведе Олегъ и Борисъ поганыя на Русьскую землю, и поидоста на Всеволода съ Половци. Всеволодъ же изиде противу има на Съжицъ, и побъдиша

Половци Русь, и мнози убъени быша ту: убъенъ бысть Иванъ Жирославичь и Тукы, Чюдинь братъ, Поръй, ини мнози, мъсяца августа въ 25. Олегъ же и Борисъ придоста Чернигову, мняще одолѣвше, а землъ Русьскъй много зло створше, проливше кровь хрестьяньску, ея же крове взищеть Богь отъ руку ею, и отвътъ дати има за погубленье душа хрестьяньскы. Всеволодъ же приде къ брату своему Изяславу Кіеву, цъловавшася и съдоста; Всеволодъ же исповъда вся бывшая. И рече ему Изяславъ: «брате! не тужи; видиши ли, колико ся мнъ сключи? первое, не выгнаша ли мене и имънье мое разграбиша? и пакы кую вину вторую створиль бъхъ, не изгнанъ ли бъхъ отъ брату своею? не блудиль ли бъхъ по чюжимъ землямъ, имънья лишенъ быхъ? не створихъ зла ничтоже. И нынъ, брате, не туживъ; аще будеть нама причастье въ Русскъй земли, то объма, аще лишена будевъ, то оба, азъ сложю главу свою за тя». И се рекъ, утъши Всеволода, и повелъ сбирати вои отъ мала до велика; и поиде Изяславъ съ Ярополъкомъ, сыномъ своимъ, и Всеволодъ съ Володимеромъ, сыномъ, своимъ. И поидоша къ Чернигову, и Черниговци затворишася въ градъ; Олегъ же и Борисъ бякста.\* Учениговцемъ же не отворившимся, приступиша граду; Володимеръ же приступи ко вратомъ всточ-

граду, володимеръ же приступи ко вратомъ всточнымъ, отъ Стрежени \*\*) и отя врата и отвориша градъ околній и пожгоша и, людемъ же вбътшимъ въ дънъшній градъ. Изяславъ же и Всеволодъ слышаста, яко идеть Олегъ и Борисъ противу, Изяславъ же и Все-

<sup>\*)</sup> Въ Ипат.; «бяшета въ Черниговъ».

<sup>\*\*)</sup> Ръчка Стрижень течетъ въ самомъ Черниговъ. (Ср. Солов. И. Р. П. Прим. 68).

володъ уранивше поидоста отъ града противу Олгови. Рече же Олегъ къ Борисови: «не ходивъ противу, не можевъ стати противу четыремъ княземъ; но послевъ съ молбою къ строема своима.» И рече ему Борисъ: «ты готова зри, азъ имъ противенъ всвиъ»; похваливъся велми, не въдый, яко Богъ гордымъ противится, смфренымъ даеть благодать, да не хвалится силный силою своею. И поидоста противу, и бывшимъ имъ на мъстъ у села на Нежатинъ нивъ, и сступившимся обоимъ, бысть стча зла: первое убиша Бориса, сына Вячеславля, похвалившагося велми; Изяславу же стоящю въ пъщихъ, и внезапу приъхавъ единъ, удари и копьемъ за плече; тако убьенъ бысть Изяславъ, Ярославль. Продолжь же бывши стчи, побтже Олегь въ малъ дружинъ, и одва утече; бъжа Тмутороканю. Убьенъ бысть князь Изяславъ мѣсяца октямбря въ 3 день, и вземше тело его, привезоша и въ лодьи и поставиша противу Городьцю; изиде противу ему весь городъ Кыевъ, и възложивще тъло его на сани повезоша и, съ пъсними поцове и черноризци понесоша и въ градъ, и не бъ дзъ слышати пънья во плачи, велицъ вопли, плакабося по немь весь градъ Кіевъ; Ярополкъ же идяше по немь, плачася съ дружиною своею: «отче, отче мой! что еси пожиль безъ печали на свътъ семь, многы напасти пріимъ отъ людій и отъ братья своея? се же погыбе не отъ брата, но за брата своего положи главу свою». И принесше положиша тъло его въ церкви святыя Богородица, вложивъше и въ раку мраморяну. Бъ же Изяславъ мужь взоромъ красенъ и тъломъ великъ, незлобивъ нравомъ, криваго ненавидъ, любя правду; не бъ бо въ немь исти, но простъ мужъ умомъ, не вздая зла

за зло. Колико бо ему створиша Кіяне! самого выгнаша, а домъ его разграбиша, и не взда противу тому зла; аще ли кто дъеть: «высъчець исъче», \*) то не сь то створи, не сынъ его. Пакы же брата его прогнаста и, и ходи по чюжей земли, блудя; и съдящю ему пакы на столъ своемь, Всеволоду пришедшю побъжену къ нему, не рече ему: «колико отъ ваю пріяхъ?» не вдасть зла за зло, но утъши, рекъ: «елиа же ты, брате мой, показа ко миъ любовь, введе мя на столъ мой и нарекъ мя старъйшину собъ, се азъ не помяну злобы первыя, ты ми еси брать, а я тобъ, и положю главу свою за тя», еже и бысть; не рече бо ему: «колико зла створиста мив: и се понъ тобъ ся сключи», не рече: «се кромъ мене», но на ся перея печаль братню, показая любовь велику, свершая Апостола глаголюща: утвшайте печалныя. По истинъ, аще что створилъ есть въ свътъ семь етеро согръщение, отдасться ему, занеже положи главу свою за брата своего, не желая болшее волости, ни имънья хотя болша, но за братню обиду. О сяковыхъ бо Господь рече: да кто положить душю свою за другы своя. Соломонъ же рече: братья въ бъдахъ пособива бывають, любы бо есть выше всего. Якоже Іоанъ глаголеть: Богъ любы есть, пребываяй въ любви, въ Бозъ пребываеть и Богъ въ немь пребываеть; о семь свершается любы, да достоянье имамы въ день судный, да якоже онъ есть, и мы есмы въ міръ семь; боязни нъсть въ любви, но свершена любы вонъ измещеть боязнь, яко боязнь мученье имать, бояйжеся нъсть

<sup>\*)</sup> Въ Л. написано: «дъстьвы. съчець исъче». Въ И.: «дъсть: кіянъ исъклъ, которъи же высадили Всеслава изъ поруба». Въ Х.: «молвить: кіане и проч.»

свершенъ въ любви; аще кто речеть: любьлю Бога, а брата своего ненавижю, ложь есть, не любяй бо брата своего, его же видить, Бога, его же не видить, какоможеть любити? сію заповъдь имамы отъ него, да любяй Бога любить брата своего. Въ любовь бо всесвершается: любве ради и гръси расыпаются, любвебо ради сниде Господь на землю и распяться за ны гръшныя, вземъ гръхы наша, пригвозди на крестъ, давъ намъ крестъ свой на прогнанье ненависти бъсовьское; любве ради Мученици продьяща крови своя; любве же ради сій князь пролья кровь свою за братасвоего, свершая заповъдь Господню. Всеволодъ же съде Кыевъ, на столъ отца своего и брата своего, переима власть Русьскую всю; и посади сына своего Володимера Черниговъ, а Ярополка Володимери, придавъ ему Туровъ.

Въ лѣто 6587. Приде Романъ съ Половци къ Воину, Всеволодъ же ста у Переяславля и створи миръ съ Половци; и възвратися Романъ съ Половци вспять, бывшю ему убища и Половци мѣсяца августа 2 день, — суть кости его и доселѣ (тамо лежаче И.) сына Святославля, внука Ярославля, — а Олга емше поточища и за море Царюграду. Всеволодъ же посади посадника Ратибора Тмуторокани.

Въ лѣто 6588. Заратишася Торци Переяславьстіи на Русь, Всеволодъ же посла сына своего Володимера, Володимеръ же шедъ побъди Търкы.

Въ лъто 6589. Бъжа Игоревичь Давыдъ съ Володаремь Ростиславичемь, мъсяца мая 18 день; и придоста Тмутороканю, и яста Ратибора, и съдоста Тмуторокани.

Въ лъто 6590. Осень умре Половечьскый князь.

Въ дъто 6591. Приде Олегъ изъ Грекъ Тмутсроканю, и я Давыда и Володаря Ростиславича, и съде Тмуторокани; исъче Козары, иже бъща свътници на убъенье брата его и на самого, а Давыда и Володаря пусти.

Въ лъто 6592. Приходи Ярополкъ ко Всеволоду на Великъ день. Въ се же время выбътоста Ростиславича 2 отъ Ярополка, и пришедше прогнаста Ярополка; и посла Всеволодъ Володимера, сына своего, и выгна Ростиславича, и посади Ярополка Володимери. Въ се же лъто Давыдъ зая Грькы въ Олешьи, и зая у нихъ имънье; Всеволодъ же пославъ приведе и, и вда ему Дорогобужь.

Въ лѣто 6593. Ярополкъ же хотяше ити на Всеволода, послушавъ злыхъ свѣтникъ; се увѣда Всеволодъ, посла противу ему сына своего Володимера, Ярополкъ же оставивъ матерь свою и дружину Лучьскъ, бѣжа въ Ляхы. Володимеру же пришедшю Лучьску, и вдашася Лучане; Володимеръ же посади Давыда Володимери, въ Ярополка мѣсто, а матерь Ярополчю, и жену его, и дружину его приведе Кыеву, и имѣнье вземъ его.

(Въ дъто 6594. Всеволодъ заложи церковь святаго Андръя, при Иванъ преподобномь митрополитъ; створи у церкви тоя манастырь, въ немъ же пострижеся дщи его дъвою, именемъ Янька. Сія же Янка, совокупивши черноризици многи, пребываше съ ними по манастырьскому чину И.).

Въ лѣто 6594. Приде Ярополкъ изъ Ляховъ, и створи миръ съ Володимеромь, и иде Володимеръ вспять Чернигову: Ярополкъ же сѣде Володимери. И пересѣдѣвъ мало дни, иде Звенигороду; и не дошедшю ему

града, и прободенъ бысть отъ проклятаго Нерадьця, отъ дьяволя наученья и отъ злыхъ человъкъ. Лежащю и ту на возъ \*), саблею съ коня прободе и, мъсяца ноямбря въ 22 день: и тогда въздвигнувъся Ярополкъ, выторгну изъ себе саблю и возпи великымь гласомь: «охъ, то тъ мя враже улови». Бъжа Нерадець трьклятый Перемышлю къ Рюрикови, и Ярополка вземше отроци на конь передъ ся, Радъко, Вънкина, иніи мнози, несоша и Володимерю, а оттуду Кыеву. Изиде противу ему благовърный князь Всеволодъ съ своима сынъма, съ Володимеромь и Ростиславомь, и вси боляре, и блаженый митрополить Іоань съ черноризци и съ прозвутеры, и вси Кіяне ведикъ плачь створиша надъ нимь, со псалмы и пъснии проводища и до святаго Дмитрея, спрятавше тъло его, съ честью положиша и въ рацъ мраморянъ въ церкви святаго апостола Петра, юже (бъ) самъ началъ здати прежь, мъсяца декабря въ 5 день. Многы бъды приимъ, безъ вины изгонимъ отъ братья своея, обидимъ, разграбленъ, прочее и смерть горкую пріять: но въчнъй жизни и покою сподобися. Такъ бяше блаженый сь князь тихъ, кротъкъ, смъренъ, и братолюбивъ, десятину дая святьй Богородици отъ всего своего имънья, по вся лъта, и моняше Бога всегда, глаголя: Господи Боже мой! пріими молитву мою, и дажь ми смерть, якоже двъма братома монма Борису и Глъбу, отъ чюжю руку, да омыю гръхы вся своею кровью, избуду суетнаго сего свъта и мятежа, съти вражіи; его же прошенья не лиши его благый Богъ, въспрія благая она, ихже око не видъ, ни ухо слыша, ни на сердце человъку

<sup>\*)</sup> Ипат.: «Князю же Ярополку лежащу на санкахъ».

не взиде, еже уготова Богъ любящимъ его. (Въ се же лъто ходи Всеволодъ къ Перемышлю И. Х.).

Въ лъто 6595. Въ лъто 6596. Священа бысть церкы святаго Михаила манастыря Всеволожа, митрополитомь Иваномь, а игуменьство тогда держащю того манастыря Лаз(ореви. Томъ же дътъ иде Святополкъ изъ Новагорода Турову на княженье. У се же лъто умре Никонъ Печерьскій игуменъ. Въ се же лъто взяша Болгаре Муромъ.

Въ лъто 6597. Священа бысть церкви Печерь)ская\*) святыя Богородица манастыря Өеодосьева, Ісаномь митрополитомь, и Лукою Бълогородьскымь епископомь, Исаіемь (епискупомь Ростовьскимь, и Иваномь И.) Черниговьскымь епископомь, (и Антоньемь Гурьговьскимь мгуменомь И.) при благородьнёмь князи Всеволоде державному Русьскыя земля, и чадома его Володимера и Ростислава, воеводьство держащю Кыевьскыя тысяща Яневи, игуменьство держащю Іоану. Въ се же лъто преставися Іоанъ митрополить: бысть же Іоанъ мужь хытръ книгамъ и ученью, милостивъ убогымъ и вдовицямъ, ласковъ же ко всякому, богату и убогу, смфренъ же и кротокъ, модчаливъ, ръчистъ же книгами святыми, утъшая печалныя, и сякого не бысть преже въ Руси, ни по немь не будеть сякъ. Въ се лъто иде Янъка (въ Греки, дщъ И.) Всеволожа, нареченая преже; приведе Янка митрополита Іоана; его же (видъвше И.) людье всп рекоша: «се намъ \*\*) пришелъ»; отъ года бо до года пребывъ, умре; бъ же се мужь книженъ, но умомъ простъ и просторъщи. \*\*\*) Въ се же лъто священа бысть

<sup>\*)</sup> Въ Лавр.: Лазъская и проч. Явный пропускъ. Дополнено изъ Ипат.

<sup>\*\*)</sup> Въ друг.: стихахъ «Навье». Въ Ипат.: «мертвецъ».

<sup>\*\*\*)</sup> Въ Ипат.: «не книженъ, и умомъ простъ, и просторъкъ».

щеркы святаго Михаила (Переяславлескія И.) Ефремомъмитрополитомь тоя церкы, юже бѣ создаль велику сущю, бѣ бо преже въ Переяславли митрополья, и пристром ю великою пристроею, украсивъ ю всякою красотою, церковными ссуды. Бѣ бо тогда многа зданья въздвиже: докончавъ церковь святаго Михаила, заложищерковь на воротѣхъ городныхъ во имя святаго мученика Феодора и посемь святаго Андрѣя, у церкве отъворотъ, и строенье баньное, сего же не бысть преже въ Руси; и градъ бѣ заложилъ каменъ, отъ церкве святаго мученика Феодора: (и въкраси городъ Переяславьскый зданьи церковными И.) и прочими зданьи.

Въ лъто 6599. Игуменъ и черноризци свътъ створше, ръша: «не добро есть лежати отцю нашему Өеодосьеви кромъ манастыря церкве своея, понеже тоесть основаль церковь и черноризци совокупиль»: свъть створше повельша устройти мъсто, идъже положити мощъ его. И приспъвшю празднику Успенья Богородицъ, треми деньми, повелъ игуменъ рушити кать мощт его, отца нашего Оеодосья, его же повельнью быхъ азъ грышный первое самовидець; еже скажю, не слухомъ бо слышавъ, но самъ о семь началникъ. Пришедшю же игумену ко мнъ и рекшю ми: «поидевъ въ печеру къ Оеодосьеви», азъ же пришедъ и соигуменомъ, не свъдущю никому же, разглядавша, кудъ копати, и знаменавша мъсто, кдъ копати, кромъ устья. . Рече же ко инъ йгуменъ: «не мози повъдати никому же,... но поими его же хощеши, да ти поможеть». Азъ же пристроихъ 7 дній рогаліе, ими же копати. И въ вторникъ, вечеръ, пояхъ съ собою 2 брата, не въдущю никому же, придохъ въ печеру и отпъвъ псалмы, почахъ копати; трудивъся вдахъ другому брату, копа-

хомъ до полуночья; трудихомся, и не могуче ся докопати, начахъ тужити, еда како на страну конаемъ. Азъ же вземъ рогалью, начахъ копати рамено, и друту моему опочивающю передъ пещерою, и рече ми: «удариша въ било»; и азъ въ то чинъ прокопахъ на мощъ Оеодосьевы; оному глаголющю ко мнъ: «удариша въ било», мив же рекущю: «прокопахъ уже». Егда же прокопахъ, обдержашеть мя ужасть и начахъ звати: Господи помилуй! О се чинь же съдяста 2 брата въ манастыри, еда игуменъ утаивъся, нъскымим пренесеть его отай, къ печеръ зряща: егда удариша въ било, видъста 3 столны ако дугы зарны, и стоявше придоша надъ верхъ церкве, идъже положенъ бысть Өеодосій. Въ се же время видъ Стефанъ, иже бысть въ него мъсто игуменъ, въ се же время бысть епископъ, видъ въ своемь манастыри чрезъ поле зарю велику надъ печерою; мнъвъ яко несуть Өеодосья, бъ бо ему възвъщено преже днемь единъмь, и сжаливъси, яко безъ него преносять и, всъдъ на конь вборзъ повха, поимъ съ собою Климента, его же пгумена постави въ свое мъсто, и идяста видуче зарю велику; яко придоста близь, видъста свъщъ многы надъ печерою, и придоста къ печеръ, не видъста ничтоже, и придоста дну въ печеру, намъ съдящемъ у мощій его. Егда бо прокопахъ, послахъ къ игумену: «приди, да вынемемъ и», игуменъ же приде съ двъма братома; прокопахъ велми, и влъзохомъ и лежащь мощьми, но сстави не распалися бъща, и власи главніи притяскли бяху; взложьше и на вариманътью, и вынесоща и предъ пещеру. На другый же день собрашася епископи, Ефремъ Переяславьскый, Стефанъ Володимерьскый, Іоанъ Черниговьскый, (Мартинъ Гургевьскый)

игумени отъ всъхъ манастыревъ съ черноризци придоша, и людье благовърніи, и взяша мощь Феодосьевы съ темьяномъ и съ свещами, и принесше положища и въ церкви своей ему, въ притворъ на деснъй странъ, мъсяца августа въ 14 день, въ день четвертъкъ, въ часъ 1 дне, индикта 14 лъта; праздноваща свътло въ тъдень. Се же повъмь мало нъчто, еже ся събысть прореченье Өеодосьево: игуменьство бо Өеодосью держащю, въ животъ своемь правящю стадо, порученое ему Богомь, черноризци, нетокмо бо си едины, но и мирьскыми печашеся о душахъ ихъ, како быша спаслися, паче же о духовныхъ сынъхъ своихъ, утъшая и наказая приходящая къ нему, другоиця въ домы ихъ приходя и благословленье имъ подавая. Единою бо ему пришедшю въ домъ Яневъ къ Яневи и къ подружью Марьи, Өеодосій бо бъ любя я, занеже живяста по заповъди. Господни и въ любви межи собою пребываста; единою же ему пришедшю къ нима, и учашеть я о милостыни къ убогымъ, о царьствін небеснъмь, еже пріяти праведникомъ, а гръшникомъ муку, о смертнимь часи. И се сму глаголющю о положеним тъла въ гробъ има, рече ему Яневая: «кто въсть, кдъ си мя положать?» Рече же ей Өеодосій: «по истинъ идъже лягу азъ, ту и ты положена будеши». Сеже събысться. Игумену же бо преставльшюся преже, о 18 лъто се сбысться: въ се бо лъто преставися Яневая, именемь Марья, мъсяца августа 16 день, и пришедше черноризьци, пъвше обычныя пъсни, и принесше и положиша ю въ церкви святыя Богородиця, противу гробу Өеодосьеву, на шюей странъ. Өеодосій бо положенъ бысть въ 15, а си въ 16. Се же сбысться прореченье блаженаго отца нашего Оеодосья, доб-

раго пастуха, иже пасяше словесныя овця нелицемърно, съ кротостью и съ расмотрѣньемь, блюда ихъ и бдя за не, моляся за порученое ему стадо и за люди хрестьяньскыя, за землю Русьскую, иже и по отшествіи твоемь отъ сея жизни молишися за върныя и за своя ученикы, иже взпрающе на раку твою, поминають ученье твое и въздержанье прославляють Бога. Азъ же гръшный твой рабъ и ученикъ недоумъю, чимь похвалити добраго твоего житья и въздержанья. Но се реку мало нъчто: Радуйся, отче нашь и наставниче, мирьскыя плища отринувъ, молчанье възлюбивъ, Богу послужилъ еси въ тишинъ, въ мнишьскомь житьи, всяко собъ принесенье божественное принеслъ еси, пощеньемь превозвышься плотьскыхъ страстій, и сласти възненавидъвъ, красоту и желанье свъта сего отринувъ, вслъдуя стопамъ, высокомысленымъ Отцемъ ревнуя молчаньемъ, възвышаяся смъреньемъ и украшаяся, въсловесть книжныхъ веселуяся. Радуйся, укртплься надежею, въчныхъ благъ пріимъ, умертвивъ плотьскую похоть, источникъ безаконья и мятежь, преподобне, бъсовъскыхъ козній избъть и отъ съти его,. съ праведными, отче, почилъ еси, въспріимъ противу. трудомъ своимъ възьмездье. Отцемъ наследникъ бывъ, последовавъ ученью ихъ и нраву ихъ, въздержанью ихъ, и правило ихъ правя: Паче же ревноваше великому Өеодосью нравомь и житьемь, подобяся житью его и въздержанью ревпуя, последьствуя обычаю его и преходя отъ дъла въ дъло уньшее, и обычныя молбы Богу въздая, въ воню благоуханья принося кадило молитвеное, темьянъ благовоньный: побъдивъ мирьскую поміродержьця князя въка сего, супротивника. хоть и

поправъ дьявола и его козни; побъдникъ явися, противнымь его стръламъ и гордымъ помысломъ ставъ супротивно, укръпивъся оружьемь крестнымъ и върою непобъдимою, Божьею помощью. Молися за мя, отче честный, избавлену быти отъ съти непріязнины, и отъ противника врага сблюди мя твоими молитвами. Въ се же лъто знаменье въ солнци: яко погыбнути ему, и мало ся его оста, акы мъсяць бысть въ часъ 2 дне, мъсяца маія 21 день. Въ се же лъто бысть Всеволоду ловы дъющю звъриныя за Вышегородомъ, заметавшимъ тенета и кличаномъ кликнувшимъ, спаде превеликъ змій отъ небесе; ужасошася вси людье. Въ се же время земля стукну, яко мнози слышаша. Въ се же лъто волхвъ явися Ростовъ, иже вскоръ погыбе.

Въ лъто 6600. Предивно бысть Полотьскъ: въ мечтв ны бываше въ нощи тутънъ, станяше по улици, яко человъци рищюще бъси; аще кто вылъзяще изъ хоромины, хотя видъти, абье уязвенъ будяще невидимо отъ бъсовъ язвою, и съ того умираху; и не смяху излазити изъ хоромъ; посемь же пачаша въ дне являтися на конихъ, и не бъ ихъ видъти самъхъ, но конь ихъ видъти коныта; и тако уязвляху люди Полотьскыя и его область; тъмъ и человъци глаголаху: яко навье быоть Полочаны; се же знаменье поча быти отъ Дрьютьска. Въ си же времена бысть знаменье въ небеси: яко кругъ бысть посредъ неба превеликъ. Въ се же лъто ведро бяше, яко изгараше земля, и мнози борове възгарахуся сами и болота; многа знаменья бываху по мъстомъ, и рать велика бяше отъ Половець п отвсюду: взяша 3 грады, Пъсоченъ, Переволоку, и многа села воеваща, по объма странома. Въ се же лъто воеваща Половци Ляхы, съ Василькомь Ростиславичемь. Въ се желъто умре Рюрикъ, сынъ Ростиславль. Въ си же времена мнози человъци умираху различными недугы, якоже глаголаху продающе корсты, яко продахомъ корсты отъ Филипова дне до мясопуста 7 тысячь; се же бысть за гръхы наша, яко умножишася гръси наши и неправды; се же наведе на ны Богъ, веля намъ имъти покаянье и въстягнутися отъ гръха, и отъ зависти, и отъ прочихъ злыхъ дълъ непріязнинъ.

Въ дъто 6601, индикта 1 дъто. Преставися ведижый князь Всеволодъ, сынъ Ярославль, внукъ Володимерь, мъсяца априля въ 13 день, а погребенъ бысть 14 день, недъли сущи тогда страстнъй и дни сущю четвертку, въ онь же положенъ бысть въ гробъ въ велицъй црькви святыя Софья. Сій бо благовърный жнязь Всеволодъ бъ издътьска боголюбивъ, любя правду, набдя убогыя, въздая честь епископомъ и презвутеромъ, излиха же любяше черноризци, подаяше требованье имъ; бъ же и самъ въздержася отъ пьянства и отъ похоти, темь любимъ бъ отцемь своимъ, яко глагодати отцю къ нему: «сыну мой! благо тобъ, яко слышю о тобъ кротость, и радуюся, яко ты покоиши старость мою; аще ти подасть Богъ пріяти власть стола моего, по братьи своей, съ правдою, а не съ насильемь, то егда Богъ отведеть тя отъ житья сего, да ляжеши, идъже азъ лягу, у гроба моего, пенеже люблю тя паче братьи твоее». Се же сбысться отца его, якоже глаголаль бъ: сему пріимшю послъже всея братья столь отца своего, по смерти брата своего, се же Кыевъ княжа быша ему печали болше, паче неже съдящю ему въ Переяславли: съдящю бо ему Кыевъ, шечаль бысть ему отъ сыновець своихъ, яко начаша Несторова летопись.

ему стужати, хотя власти, (и овъ сея, овъ же другов; се же смиривая ихъ, раздаваше волостъ И.) имъ; въ сихъпечали всташа и недузи ему; приспъваше старость къ симъ; и нача любити смыслъ уныхъ, свътъ творя съ ними; си же начаша заводити и негодовати дружины своея первыя, и людемъ не доходити княже правды, начаша тіуни грабити, людій продавати, сему не свъдущю въ бользнъхъ своихъ. Разбольвшюся ему велми, посла по сына своего Володимера Чернигову; пришедшю Володимеру, видъвъ и велми болна суща, и плакавъся; пресъдящю Володимеру и Ростиславу сыну его меншему, пришедшю же часу преставися тихо и кротко и приближися ко отцемъ своимъ, княживъ лътъ 15 Кыевъ, а въ Переяславли лъто, а въ Черниговъ лъто. Володимеръ же плакавъся съ Ростиславомъ, братомъ своимъ, спрятаста тъло его; и собрашася епископи, и игумени и черноризьци и попове, и боляре, и простіи людье, вземше тіло его, со обычными пъснии положиша и въ святъй Софыи, якоже рекохомъ преже. Володимеръ же нача размышляти, река: «аще сяду на столъ отца своего, то имамъ рать съ Святополкомъ взяти, яко есть столъ преже отъ отца его былъ». И размысливъ посла по Святополка Турову, а самъ иде Чернигову, а Ростиславъ Переяславлю. И минувшю Велику дни, прешедши празднъй недъли, въ день антипаскы, мъсяца априля въ 24 день, приде Святополкъ Кыеву; изидоша противу ему Кіяне съ поклономъ и пріяша и съ радостью; съде на столъ отца своего и строя \*) своего. Въ се время поидоша Половци на Русьскую землю; слышавше, яко-

<sup>\*)</sup> Въ др. сп. «стрыя».

умерль есть Всеволодь, послаша слы къ Святонолку о миръ. Святополкъ же не сдумавъ съ болшею дружиною отнею и строя своего, но свътъ створи съ пришедшими съ нимъ, изъимавъ слы всажа и въ истобъку; слышавше же се Половци, почаща воевати. И придоша Половци мнози, и оступиша Торційскый градъ. Святополкъ же пусти слы Половецьскый, хотя мира; и не всхотъща Половци мира, и ступища Половци воюючи. Святополкъ же поча сбирати вое, хотя на не. И ръша ему мужи смысленіи: «не кушайся противу имъ, яко мадо имаши вои». Онъ же рече: «имъю отровъ своихъ 700, иже могуть противу имъ стати». Начаша же друзіи несмысленіи глаголати: «поиди, княже»; смысленіи же глаголаху: «аще бы пристроиль и 8 тысячь, не лихо то есть, наша вемля оскудъла есть отъ рати и отъ продажь; но послися къ брату своему Володимеру, дабы ти помоглъз Святополкъ же послушавъ ихъ, посла къ Володимеру, дабы момоглъ ему; Володимеръ же собра вои евои, и посла по Ростислава брата своего Переяславлю, веля ему помагати Святополку. Володимеру же пришедшю Кіеву, совокупистася у святаго Михаила, и взяста межи собою распря и которы; и уладившеся, цъловаста крестъ межи собою. Половцемъ воюющимъ по земли, и ръша има мужи смысленіи: «почто вы распря имате межи собою? а поганіи губять землю Русьскую; посліди ся уладита, а нонъ поидита противу поганымъ, любо съ миромъ, любо ратью». Володимеръ хотяше мира, Святополкъ же хотяше рати; и поиде Святополкъ, и Володимерь, и Ростиславь къ Треполю. Придоша къ Стужьнъ. Святополкъ же, и Володимеръ, и Ростиславъ созваша дружину свою на свъть, хотяче поступити 10\*

черезъ ръку, и начаша думати. Глаголаше Володимеръ: «яко сдъ стояче черезъ ръку, въ грозъ сей, створимъ миръ съ ними»; и пристояху совъту сему смысленіи мужи, Янь и прочіи. Кіяне же не всхотъща, но рекоша: «хочемъ ся бити; поступимъ на ону сторону рѣки»; възлюбиша съвѣтъ ось, и преидоша Стугну ръку; бъ бо наводнилася велми тогда. Святополкъ же, и Володимеръ, и Ростиславъ исполчивше дружину, поидоша; и идяше на деснъй сторонъ Святополкъ, на шюей Володимеръ, посредъ же бъ Ростиславъ; минувше Треполь, проидоша валь. И се Половци идяху противу, и стръдци предъ ними: нашимъ же ставшимъ валомъ, поставиша стяги свои, и поидоша стръщи изъ валу; и Половци пришедше къ валови, поставиша стягы свов, и налегша первое на Святополка и взломиша полкъ его. Святополкъ же стояше кръпко, и побътоша людье, не стерпяче ратныхъ противленья; и побъже Святополкъ. Потомъ наступиша на Володимера, и бысть брань люта; побъже и Володимеръ съ Ростиславомъ. Прибътоша къ ръцъ Стугнъ, и вбреде Володимеръ съ Ростиславомъ, нача утапати Ростиславъ предъ очима Володимерима; и хотъ похватити брата своего, и мало не утопе самъ; и утопе Ростиславъ, сынъ Всеволожь. Володимеръ пребредъ ръку съ малою дружиною, мнози бо падоша отъ полка его, и боляре его ту падоша; и перешедъ на ону сторону Дивпра, плакася по брать своемь и по дружинь своей; пришедъ Чернигову печаленъ зъло. Святополкъ же вбъже въ Треполь и затворися ту, и бъ ту до вечера, и на ту ночь приде Кіеву. Половци же видъвше, сдолъвше, пустиша по земли воююче, а друзіи възвратишася къ Торцьскому. Си же ся злоба сключи въ день Възне-

сенья Господа нашего Исуса Христа, мъсяца мая въ 26. Ростислава же искавше обрътоша въ ръцъ; вземше принесоша и Кіеву, и плакася по немь мати его, и вси людье пожалишаси по немь повелику, уности его ради; и собращася епискени и понове и черноризци, пъсни обычныя пъвше, положища и у церкви святыя Софыи, у отца своего. Половцемъ же осъдящемъ Торцьскый, противящимъ же ся Торкомъ и връпко борющимъся изъ града, убиваху многы отъ противныхъ; Половци же начаша налегати, и отъимаху воду, и изнемагати начаша людье въ градъ водною жажею и голодомъ. И прислаша Торци къ Святополку, глаголюще: «аще не пришлеши брашна, предатися имамъ»; Святополкъ же посла имъ, и не бълзъвкрастися въ градъ, множьствомь вой ратныхъ. Стояше около града недъль 9, и раздълишася надвое: одина сташа у града, рать борюще, а друзіи поидоша Кыеву, пустиша на воропъ межи Кіевъ и Вышегородъ. Святополкъ же выиде на Желаню, и поидоша противу собъ обои; и съступишася, и укръпися брань; побътоша наши предъ иноплеменьникы, падаху язвени предъ врагы нашими, и мнози погыбоша мертви, паче неже у Трыноля. Святополкъ же приде Кіеву самъ третій, а Половци возвратишася къ Торцьскому. Быша же си здая мъсяца іудя въ 23. Назаутріе, яже въ 24, въ святою мученику Бориса и Глъба, бысть плачь въ градъ, а не радость, гръхъ ради нашихъ ведикихъ и неправды, за умноженье безаконій нашихъ. Се бо на ны Богъ попусти поганымъ, не яко милуя ихъ, но насъ кажа, да быхомъ ся востягнули отъ злыхъ дёль, симь казнить ны нахоженьемь поганыхъ, се бо есть батогъ его, да негли

встягнувшеся вспомянемъся отъ здаго пути своего. Сего ради въ праздникы Богъ намъ наводить сътованье: якоже ся створи въ се лъто первое зло Възнесенье Господне, еже у Трыполя, второе же въ праздникъ Бориса и Глъба, еже есть праздникъ новый Русьскыя земля. Сего ради Пророкъ глаголаше: преложю праздникы ваша въ плачь и пъсни ваша въ рыданье земли вашей; \*) опустъща села наша и городи наши, быхомъ бъгаючи предъ врагы нашими. Якоже Пророжь глаголаше: падете предъ врагы вашими, поженуть вы ненавидящій вась, и побъгнете никому женущю васъ; скрушю руганье гордыни вашея; и будеть въ тщету крыпость ваша, убьеть вы приходяй мычь, \*\*) будеть земля ваша пуста, и двори ваши пусти будуть; яко вы худи есте и дукави, и азъ поиду къ вамъ яростью дукавою, тако глаголеть Господь Богъ Израилевъ. Идъ \*\*\*) лукавіи сынове Измаилеви пожигаху села и гумна, и многы церкви запалиша огнемь, да не чюдится никтоже о семь: идъже множьство гръховъ, ту видънья всякого показанье. Сего ради вседеная предасться, сего ради гнъвъ простреся, сего ради земля мучена бысть: ови ведуться полонени, друзіи посъкаеми бывають, (друзіи на месть даеми бывають И.), горкую смерть пріемлюще, друзіи трепечють, зряще убиваемыхъ, друзін гладомъ умаряеми и водною жажею; едино пръщенье, едина казнь, многовещныя \*\*\*\*) имуще раны, различныя печали и страшны мукы, овы вяжемы и пятами пхаеми, и на зимъ держими и ураняеми:

<sup>\*)</sup> Въ Ипат.: «Створи бо ся плачь великъ у землъ нашей».

<sup>\*\*)</sup> Въ Лавр.: «приходя вмъста». Исправлено по Ипат.

<sup>\*\*\*)</sup> Ипат.: «Ибо».

<sup>\*\*\*\*)</sup> Ипат.: «многовъно».

м се пристранъе и страшнъе, яко на хрестьяньстъ родъ страхъ и колебанье, бъда упространися. Праведно и достойно есть, тако да накажемъся, тако въру имемъ, кажеми есмы: подобаше намъ (преданымъ быти И.) въ рукы языку странну и безаконьнъйшю всея земля. Рцъмъ велегласно: праведенъ еси, Господи, и прави суди твои. Рцемъ по оному разбойнику: мы достойная яже сдъяхомъ пріяхомъ. Рцъмъ и со Іовомъ: яко Тосподеви любо бысть, тако и бысть; буди имя Господне благословено въ въбы. Да хоженьемь поганыхъ м мучими ими Владыку познаемъ, его же мы прогнъвахомъ: прославлени бывше, не прославихомъ, почтени бывше, не почтохомъ, освятившеся, не разумъхомъ, куплени бывше, не поработахомъ, породивъшеся, не яко отца постыдъхомъся. Согръшихомъ и казними есмы, якоже створихомъ, тако и стражемъ: городи вси опустъща, села опустъща; прейдемъ поля, идъже пасоми бъща стада конь, овця и волове, все тоще нонъ видимъ, нивы поростъше звъремъ жилища быша. Но обаче надъемъся на милость Божью: кажеть бо ны добръ блатый Владыка, не по безаконью нашему: створи намъ и по гръхомъ нашимъ въздасть намъ: тако подобаеть благому Владыцъ казати; не по множьству гръховъ, тако Господь створи намъ: созда, падшая вставить, Адамле преступленье прости, баню нетлънья дарова и свою кровь за ны издья. Якоже ны видъ неправо пребывающа, нанесе намъ сущюю рать и скорбь, да (и) не хотяще всяко въ будущій въкъ обрящемъ милость: душа бо, сдъ казнима, всяко милость въ будущій въкъ обрящеть и лготу отъ мукъ, не мьстить бо Господь дважды о томь. О неиздреченьному человъколюбью! экоже видъ ны не волею къ нему обращающася: о

The fig. of the manufacture of the policy of the late.

тмами любве еже къ намь! понеже хотяще уклонихомься оть заповъдій его, се уже не хотяще тершимь се съ нужею, (и) понеже не волею, се уже волею. Гдъ бо бъту насъ умиленье? нонъ же вся полна суть слезь. Гдъ бъ въ насъ въздыханье? нонъ же плачь. по всемъ улицамъ упространися, избывныхъ ради, иже избиша безаконьніи. Половци воеваша много и възвратишася въ Торцьскому, и изнемогоша людье въ градъ гладомь, и предашася ратнымь; Половци же, пріимшеградъ, запалиша и огнемъ, люди раздълиша и ведоша въ вежъ къ сердоболемъ своимъ и сродникомъ своимъ, много роду хрестьяньска; стражюще, печални, мучими, зимою оцепляеми, въ алчи и въ жажи и въ беде опустнъвше лици, почернъвше тълесы; незнаеміи страною, языкомъ испаненымъ, нази ходяще и боси, ногы имуще сбодены терньемъ, со слезами отвъщеваху другъ къ другу, глаголюще: «азъ бъхъ сего города», и другі: «а язъ сея вси»; тако съупрашаются со слезами, родъ свой повъдающе, и вздышюче, очи возводяще на небо въ Вышнему, свъдущему тайная. Да нивто жедерзнеть рещи: яко ненавидими Богомь есмы! Да не будеть. Кого бо тако Богь любить, якоже ны взлюбилъ есть? кого тако почель есть, якоже ны прославиль есть и възнесль? Никого же. Имъже паче ярость. свою въздвиже на ны, яко паче всъхъ почтени бывше, горъе всъхъ сдъяхомъ гръхы, якоже паче всъхъ просвъщени бывше, Владычню волю въдуще и презръвше, въ лъпоту паче инъхъ казними есмы. Се боазъ гръшный и много и часто Бога прогнъваю, и часто согрѣшаю по вся дни. Въ се же дѣто преставися Ростиславъ, сынъ Мьстиславль, внукъ Изяславль, мъсяца октямбря въ 1 день; а погребенъ бысть ноямбря: въ 16, въ церкви святыя Богородиця Десятиньныя.

(Въ лъто 6602. Створи миръ съ Половцъ Святополкъ, и поя жену дщерь Тугортоканю, князя Половецьскаго. И.). Томъ же леть приде Олегь съ Половци, изъ Тъмутороканя приде Чернигову, Володимеръ жезатворися въ градъ, Олегъ же приде къ граду и пожже около града, и монастыръ пожже; Володимеръ жествори миръ съ Олгомъ, и иде изъ града на столъ отень Переяславлю, а Олегь вниде въ градъ отца своего. Половци же начаша воевати около Чернигова, Олгови не взбранящю, бъ бо самъ повелълъ имъ воевати. Се уже третьее наведе поганыя на землю Русьскую; его же гръха дабы и Богъ простиль, занеже много хрестьянъ изгублено бысть, а друзіи полонени: и расточени по землямъ. Въ се же лъто придоша прузи на Русьскую землю, мъсяца августа въ 26, поъдоша всяку траву и многа жита; и не бъ сего слышано въ днехъ первыхъ въ земли Русьств, яже видъста очи наши, за гръхы наша. Въ се же лъто преставися епископъ Володимерскый Стефанъ, мъсяца априля въ 27 день, въ часъ 6 нощи, бывъ прежеигуменъ Печерьскому манастырю.

Въ дъто 6603. Идоша Половци на Грькы съ Девгеневичемъ, воеваша по Гречьстъй земли; и царь я Девгенича, и повелъ и слъпити. Въ то же лъто придоша Половци, Итларь и Кытанъ, къ Володимеру на миръ: приде Итларь въ градъ Переяславль, а Кытанъ ста межи валома съ вои, и вда Володимеръ Кытанови сына своего Святослава въ тали, а Итларь бысть въградъ съ лъпшею друженою \*). Въ то же время бяшепришелъ Славята изъ Кыева къ Володимеру отъ Свя-

<sup>\*)</sup> Въ Ипат.: «съ лучшею дружиною».

тополка (на нъкое орудье И.); и начаша думати дружина Ратиборя со княземъ Володимеромъ о погубленьи Итларевы чади. Володимеру же не хотящю сего створити, отвъща бо: «како се могу створити, ротъ съ ними ходивъ»? отвъщавше же дружина, рекоша Володимеру: «княже! нъту ти въ томъ гръха; да они всегда къ тобъ ходяче ротъ, губять землю Русьскую и кровь хрестьяньску проливають безперестани»: И послуша ихъ Володимеръ, и въ ту нощь посла Володимеръ Славяту съ нъколикою дружиною и съ Торкы, межи валы; выкрадше первое Святослава, потомъ убиша Кытана и дружину его избиша. Вечеру сущю тогда суботному, а Итлареви въ ту нощь лежащю у Ратибора на дворъ съ дружиною своею и не въдуче, что ся надъ Кытаномь створи, наутрія же въ неділю, заутрени суще тодинъ, пристрои Ратиборъ отрокы въ оружьи, истобку пристави истопити имъ. И присла Володимеръ отрока своего Бяндюка по Итлареву чадь, и рече Бяндюкъ Итлареви: «зоветь вы князь Володимеръ, реклъ тако: обувшеся, въ теплъ избъ заутрокавше у Ратибора, прівдите ко мнв». И рече Итларь: «тако буди». Яко вльзоша въ истобку, тако запрени быша; възльзше на истобку, проконаша и верхъ, и тако Ольбегъ Ратиборичь пріима лукъ свой и наложивъ стрълу, удари Итларя въ сердце, и дружину его всю избиша; и тако злъ испроверже животъ свой Итларь, въ недълю сыропустную, въ часъ 1 дне, мъсяца февраля въ 24 день. Святополкъ же и Володимеръ посласта къ Ольтови, веляста ему поити на Половци съ собою; Олегъ же объщавься съ нима, и пошедъ, не иде съ нима въ путь единъ. Святополкъ же и Володимеръ идоста на вежъ, и взяста вежъ, полониша скоты и конъ,

вельблуды и челядь, и приведоста и въ землю свою; и начаста гнъвъ имъти на Олга, яко не шедшю ему съ нима на поганыя. И посла Святополкъ и Володимеръ къ Олгови, глаголюще сице: «се ты не шелъ еси съ нама на поганыя, иже погубили суть землю Русьскую; а се у тобе есть Итларевичь, любо убій, любо и дай нама, то есть ворогъ Русьстви земли». Олегъ же сего не послуша, и бысть межи ими ненависть. Въ се же лъто придоша Половци къ Гургеву, и стояща около его лъто все, и мало не взяща его, Святополкъ же омири е; Половци же не идоша за Рось, Гюргевци же выбътоша и идоша Кыеву. Святопольть же повель рубити городъ на Вытечевъ холму, въ свое имя нарекъ Святополчь городъ, и повелъ епископу Марину съ Юргевци състи ту, и Засаковцемъ, и прочимъ отъ инъхъ градъ; а Гюргевъ зажгоша Половци тощь. Сего же льта исходяща, иде Давыдъ Святославичь изъ Новагорода Смолиньску; Новгородци же идоша Ростову по Мьстислава Володимерича, поемше ведоша и Новугороду, а Давыдови рекоша: «не ходи къ намъ»; пошедъ Давыдъ, воротися Смолиньску и съде Смолиньскъ, а Мьстиславъ Новъгородъ съде. Въ се же время приде Изяславъ, сынъ Володимерь, изъ Курска къ Мурому; пріяша и Муромци, и посадника я Олгова. Въ се же лъто придоша прузи, (мъсяца августа И.) въ 28, и покрыша землю, и бъ видъти страшно, идяху къ полунощнымъ странамъ, ядуща траву Manpoca. And Ammenta and a magness

Въ лъто 6604. Святополкъ и Володимеръ посласта къ Олгови, глаголюща сице: «поиди Кыеву, да порядъ положимъ о Русьстъй земли, предъ епископы и предъ игумены, и предъ мужи отець нашихъ, и предъ людми

градьскыми, да быхомъ оборонили Русьскую землюоть поганыхь». Олегь же въспріимь смысль буій и словеса величава, рече сице: «нъсть мене льпо судити епископу, ли игуменомъ, ли смердомъ»; и не въсхотъ ити къ братома своима, послушавъ злыхъ свътникъ. Святополкъ же и Володимеръ рекоста къ нему: «да се ты ни на поганыя идеши, ни на свъть къ нама, то ты мыслиши на наю и поганымъ помагати хочеши; а Богъ промежи нами будеть». Святополкъ же и Володимеръ идоста на Олга Чернигову; Олегъже выбъже изъ Чернигова, мъсяца мая въ 3 день, въ суботу. Святополкъ же и Володимеръ (гнаста по немь, Олегъ же вбъже въ Стародубъ и затворися ту; Святополкъ же и Володимеръ И.) оступиста и въ градъ, быяхутся изъ города крънко, а си приступаху къ граду, и язвени бываху мнози отъ обоихъ; и бысть межюими брань люта, и стояща около града дній 30 и 3, и изнемагаху людье въ градъ. И вылъзе Олегъ изъ града, хотя мира, и вдаста ему миръ, рекъще сице: «иди къ брату своему Давыдови, и придъта Кіеву на столь отець нашихъ и дъдъ нашихъ, яко то есть старъйшей градъ въ земли во всей Кыевъ, ту достойноснятися и порядъ положити»; Олегъ же объщася се створити, и на семь цъловаща крестъ. Въ се же время приде Бонякъ съ Половци къ Кыеву, въ недълю, отъ вечера, и повоева около Кыева и пожже на Берестовъмь дворъ княжь. Въ се же время воева Куря съ Половци у Переяславля, и Устье пожже, мъсяца мая 24 день. Олегъ же выйде изъ Стародуба и приде-Смолиньску, и не пріяша его Смолняне, и иде къ Рязаню; Святополкъ же и Володимеръ придоста всвояси. Сего же мъсяца приде Тугорканъ, тесть Свято-

чолчь, (въ Переяславлю И.), мъсяца мая 30, и ста около трада, а Переяславьци затворишася въ градъ. Святополкъ же и Володимеръ поидоста на нь, по сей сторонъ Днъпра, и придоста къ Зарубу, перебродистася, м не очютиша ихъ Половци, Богу схраньшю ихъ, и исполчившеся поидоста къ граду; гражане же узръвше, ради поидоша къ нима, а Половци стояху на оной сторонъ Трубежа, исполчившеся. Святополъкъ же м Володимеръ вбредоста въ Трубежь къ Половцемъ, Володимеръ же хотъ нарядити полкъ, они же не послушаша, но удариша въ конъ къ противнымъ; се видъвше Половци, и побъгоша, а наши погнаша въ следь ратныхъ, секуще противыныя. И сдея Господы въ тъ день спасенье велико, мъсяца іулія въ 19 день побъжени быша иноплеменьници, и князя ихъ убиша Тугоркана, и сына его, и ини князи, мнози врази наши ту падоша; назаутрье же налъзоша Тугоркана мертвого, и взя и Святополкъ акы тьстя своего и врага, привезше и къ Кыеву погребоша и на Берестовъмь, межю путемъ идущимъ на Берестово и друтымь въ манастырь идуще. И въ 20 того же мъсяца, въ пятокъ, приде второе Бонякъ безбожный, шелудивый, отай, хыщникъ, къ Кыеву внезапу, и мало въ градъ не въбхаша Половци, и зажгоша болонье около града, и възвратишася въ манастырь, и въжгоша Стефановъ манастырь и деревнъи Герьманы. И придоша въ манастырь Печерьскый, намъ сущимъ по кельямъ почивающимъ по заутрени, и кликнуша около манастыря, и поставиша стяга два предъ враты манастырьскыми, намъ же бъжащимъ за домъ манастыря, а другимъ възбътшимъ на полати; безбожныъ же сынове Измаилеви высъкоша врата манастырю и

поидоша по кельямъ, высъкающе двери, и износяху аще что обрътаху въ кельи; посемь въжгоша домъсвятыя Владычицъ нашея Богородицъ, и придоша къцеркви, и зажгоша двери еже къ угу устроеніи, и вторыя же къ съверу; влъзше въ притворъ у гроба Өеодосьева, емлюще иконы, зажигаху двери и укаряху Бога и законъ нашь. Богъ же терпяше, еще боне скончалися бяху гръси ихъ и безаконья ихъ; тъмь глаголаху: «кдъ есть Богь ихъ? да номожеть имъ и избавить я», и ина словеса хулная глаголаху на святыя иконы, насмихающеся, не въдуще, яко Богъ кажеть рабы своя напастми ратными, да явятся якозлато искушено въ горну: хрестьяномъ бо многыми скорбьми и напастьми внити въ царство небесное, а поганымъ и ругателемъ на семь свътъ пріимшимъ веселье и просторонство, а на ономь свътъ пріимуть муку съ дьяволомъ, уготованіи огню вѣчному. Тогда же зажгоша дворъ красный, его же поставиль благовърный князь Всеволодъ на холму, наръцаемъмъ Выдобычи: то все оканніи Половци запалиша огнемь. Тъмже и мы, послъдующе пророку Давыду, вопьемъ: Господи Боже мой! положи яко коло яко огнь предълицемь вътру, иже попаляеть дубравы, тако пожениши я бурею твоею, исполни лица ихъ досаженья, себо оскверниша и пожгоша святый домъ твой, и манастырь Матере твоея, и трупье рабъ твоихъ: убиша бо нъколико отъ братья нашея оружьемь безбожним. сынове Измаилеви, пущени бо на казнь хрестьяномъ. Исшьли бо суть си отъ пустыня Нитривьскыя, межю встокомь и съверомь; исшьли же суть ихъ кольнъ 4: Торкъмени и Печенъзи, Торци, Половци. Меоодій же свъдътельствуеть о нихъ, яко 8 колънъ пробъгли

суть, егда исвче Гедеонь, да 8 ихъ бржа въ пустыню, а 4 исвче. Друзіи же глаголють: сыны Амоновы. Се же нъсть тако: сынове бо Моавли Хвалиси, а сынове Аммонови Болгаре, а Срацини отъ Измаиля творятся Сарини, и прозваща имена собъ Саракыне, рекше: Сарини есмы. Тъмьже Хвалиси и Болгаре суть отъ дочерю Лотову; а Измаиль роди 12 сына, отъ нихъ же суть Торкъмени, и Печенъзи, и Торци, и Кумани, рекше Половци, иже исходять отъ пустынъ; и по сихъ 8 колънъ къ кончинъ въка изидуть, заклепени въ горъ Александромъ Македоньскымъ, нечистыя человъкы.

Поученье. Азъ худый дедомъ своимъ Ярославомъ, благословленымъ, славнымъ, нареченъмь въ крещеніи Василій, Русьскымь именемь Володимиръ, отцемь възлюбленымь и матерью своею Мьномахы . . . . . . . . . \*) и хрестьяныхъ людій дёля, колико бо сблюдъ по милости своей и по отни модитвъ отъ всъхъ бъдъ. Съдя на санехъ, помыслихъ въ души своей и похвалихъ Бога, иже мя сихъ дневъ гръшнаго допровади. Да дъти мои, или инъ кто, слышавъ сю грамотицю, не посмъйтеся, но ому же любо дътій моихъ, а приметь е въ сердце свое и не лънитися начнеть, такоже и тружатися. Первое, Бога дъля и душа своея, страхъ имъйте Божій въ сердци своемь и милостыню творя неоскудну, то бо есть начатокъ всякому добру. Аще ли кому не люба грамотиця си, а не поохритаються, но тако се рекуть: на далечи пути, да на санехъ съдя, безлъпицю си молвилъ. Усрътоша бо мя слы отъ братья моея на Волзъ, ръша: «потъснися къ

<sup>\*)</sup> Здёсь въ подлиннике пропускъ, въ 41/2 строки.

намъ, да выженемъ Ростиславича и волость ихъ отъимемъ; иже ли не поидеши съ нами, то мы собъ будемъ, а ты собъ»; и ръхъ: «аще вы ся и гнъваете, не могу вы я ити, ни креста переступити». И отрядивъ я, вземъ Псалтырю въ печали, разгнухъ я, и то ми ся выня: вскую печалуеши, душе? вскую смущаеши мя? и прочая. И потомь собрахъ словца си любая, и складохъ по ряду, и написахъ: аще вы послъдняя не люба, а передняя приимайте. Вскую печална еси; душе моя? вскую смущаеши мя? упова на Бога, яко исповъмся ему. Не ревнуй лукавнующимъ, ни завиди творящимъ безаконье. Зане лукавнующии потребятся, тярпящій же Господа, ти обладають землею. И еще мало, и не будеть гръшника; взищеть мъста своего, и не обрящеть. Кротціи же наследять землю, насладяться на множьствъ мира. Назираеть гръшный праведнаго, и поскрегчеть на нь зубы своими; Господь же носмъется ему, и прозрить, яко придеть день его. Оружья извлекоша гръшьници, напряже лукъ свой истръляти нища и убога, заклати правыя сердцемь. Оружье ихъ внидеть въ сердця ихъ, и луци ихъ скрушатся. Луче есть праведнику майое, паче богатства гръшныхъ многа. Яко мышца гръшныхъ скрушится, утвержаеть же праведныя Господь. Яко се гръшници погыбнуть: праведныя же милуя и даеть. Яко благословящій его наслъдять землю, кленущій же его потребятся. Отъ Господа стопы человъку исправятся. Егда ся падеть и не разбьеться, яко Господь подъемлеть руку его. Унъ бъхъ и сстаръхся, и не видъхъ праведника оставлена, ни съмени его просяща хлъба. Весь день милуеть и взаимъ даеть праведный, и племя его благословлено будеть. Уклонися отъ зла, створи добро,

взищи мира и пожени, и живи въ въкы въка. Внегда стати человъкомъ, убо живы пожерли ны быша; внегда прогнъватися ярости его на ны, убо вода бы ны потопила. Помилуй мя, Боже, яко попра мя человъкъ; весь день боряся, стужи ми. Попраша мя врази мои, яко мнози борющися со мною свыше. Возвеселится праведникъ, и егда видить месть; руцъ свои умыеть въ крови гръшника. И рече убо человъкъ: аще есть плодъ праведника, и есть убо Богъ судяй земли. Измій мя отъ врагъ моихъ, Боже, и отъ встающихъ на мя отъими мя. Избави мя отъ творящихъ безаконье и отъ мужа крови спаси мя; яко се уловиша душю мою. И яко гнъвъ въ ярости его, и животъ въ воли его; вечеръ водворится плачь, а заутра радость. Яко лучьши милость твоя паче живота моего; и устнъ мои похвалита тя. Яко благословлю тя въ животъ моемь, и оимени твоемь въздею руце мои. Покры мя отъ соньма лукаваго, и отъ множьства дёлающихъ неправду. Възвеселитеся вси праведніи сердцемь. Благословлю-Господа на всяко время, воину хвала его, и прочая. Якоже бо Василій учаше: собравь ту уноша, душа чисты, нескверныни тълеси, худу, кротку бесъду и въ мъру слово Господне, яди, питью безъ плища ведика быти; при старыхъ молчати, премудрыхъ слушати, старъйшимъ покарятися, съ точными и меншіими любовь. имъти; безъ луки бесъдующе, а много разумъти; не свервновати словомь, ни хулити бесвдою, не обилосмъятися, срамлятися старъйшихъ, къ женамъ нельпымъ не бесъдовати, долу очи имъти, а душю горъ, пребъгати, не стръкати учить легкыхъ, власти ни въ кую же имъти, еже отъ всъхъ честь. Аще ли кто васъ можеть инъмъ услъти, отъ Бога мьзды да часть.

и въчныхъ благъ насладится. О Владычице Богородице! отъими отъ убогаго сердца моего гордость и буесть, да не възношюся суетою міра сего въ пустошнъмь семь житьн. Научися, върный человъче, быти благочестнодълатель, научися, по евангельскому словеси, очима управленье, языку удержанье, уму смъренье, тълу порабощенье, гнъву погубленье, помыслъ чистъ имъти, понужаяся на добрая дъла, Господа ради: лишаемъ не мьсти, ненавидимъ любо гонимъ терпи, хулимъ моли, умертви гръхъ, избавите обидима, судите сиротъ, оправдайте вдовицю. Придъте, да сожжемъся, глаголеть Господь: аще будуть гръси ваши яко оброщени, яко снъть обълю я, и прочее. Вссіяеть весна постная, и цвътъ покаянья; очистимъ собе, братья, отъ всякоя крови плотьскыя и душевныя, Свътодавцю вопьюще рцжмъ: слава тобъ, человъколюбче! По истинъ, дъти моя, разумъйте, како ти есть человъколюбець Богъ милостивъ и премилостивъ: мы человъци гръшни суще и смертни, то оже ны зло створить, то хощемъ и пожрети и кровь его прольяти вскоръ; а Госнодь нашь, владъя и животомъ и смертью, согръшенья наша выше главы нашея терпить, и накы и до живота нашего, яко отець чадо свое любя, быя, и пакы привлачить е къ собъ. Такоже и Господь нашь показалъ ны есть на врагы побъду, 3-ми дълы добрыми избыти его и побъдити его: покаяньемъ, слезами и милостынею; да то вы, дъти мои, не тяжька заповъдь Вожья, оже тъми дълы, 3-ми избыти гръховъ своихъ и царствія не лишитися. А Бога дёля не лёнитеся, молю вы ся, не забывайте 3-хъ дъль тъхъ: не бо суть тяжка; ни одиночьство, ни черничьство, ни голодъ, яко иніи добріи терцять, но малымъ дёломь улу-

чити милость Божью. Что есть человъкъ, яко помниши и? Велій еси, Господи, и чюдна діла твоя, никакъже разумъ человъческъ не можеть исповъдати чюдесъ твоихъ, и пакы речемъ: велій еси, Господи, и чюдна дъла твоя, и благословено и хвално имя твое въ въкы по всей земли. Иже кто не похвалить, ни прославляеть силы твоея и твоихъ великыхъ чюдесъ и доброть, устроеныхъ на семь свъть: како небо устроено, како ли солнце, како ли луна, како ли звъзды и тма и свътъ, и земля на водахъ положена, Господи, твоимъ промысломъ! звърье розноличніи, и птица и рыбы, украшено твоимъ промысломъ, Господи! И сему чюду дивуемъся, како отъ персти создавъ человъка, како образи розноличній въ человъчьскыхъ лицихъ, аще и весь міръ совокупить, не вси въ одинъ образъ, но кый же своимъ лиць образомъ, по Божіи мудрости; и сему ся подивуемы, како птица небесныя изъ идуть, и первъе наши руцъ, и не ставятся на одиной земли, но и силныя и худыя идуть по встмъ землямъ, Божіимь повелъньемь, да наполнятся лъси и поля: все же то даль Богь на угодье человъкомъ, на снъдь, на веселье. Велика, Господи; милость твоя на насъ, яже та угодья створилъ еси человъка дъля гръшна. И ты же птицъ небесныя умудрены тобою, Господи, егда поведиши, то вспоють и человъкы веселять тобъ; и егда же не повелиши имъ, языкъ же имъюще онъмъють: а благословенъ еси, Тосподи, и хваленъ зъло! Всяка чюдеса и ты доброты створивъ и сдълавъ, да иже не хвалить тебъ, Господи, и не въруеть всъмь сердцемъ и всею душею во имя Отца и Сына и Святаго Духа, да будеть проклять. Си словца прочитаюче, дъти моя, божественая, похвалите Бога,

давшаго намъ милость свою, и се отъ худаго моегобезумья наказанье; послушайте мене, аще не всегопріимете, то половину. Аще вы Богъ умякчить сердце, и слезы своя испустите о гръсъхъ своихъ, рекуще: «якоже блудницю и разбойника и мытаря помиловаль еси, тако и насъ гръшныхъ помилуй»; и въ церкви то дъйте и ложася. Не гръшите ни одину женочь, аще можете, поклонитися до земли, али вы ся начнеть не мочи, а трижды; а того не забывайте, не лънитеся, тъмь бо ночнымь поклономь и пъньемь . человъкъ побъжаеть дьявола, и что въ день согръшить, а тъмъ человъкъ избываеть. Аще и на кони ъздяче не будеть ни съ кымъ орудья, аще инъхъ молитвъ не умъете молвити, а «Господи помилуй» зовъте безпрестани, втайнъ; та бо есть молитва всъхъ лъпши, нежели мыслити безлъпицю, ъздя. Всего же паче убогыхъ. не забывайте, но едико могуще по сидъ кормите, и придавайте сиротъ, и вдовицю оправдите сами, а не вдавайте силнымъ погубити человъка. Ни права, ни крива не убивайте, ни повелъвайте убити его; аще будеть повиненъ смерти, а душа не погубляете никакоя же хрестьяны. Ръчь молвяче, и лихо, и добро, не кленитеся Богомь, ни хреститеся, нъту бо ти нужа никоея же; аще ли вы будеть крестъ цъловати къ братьи, или къ кому, али управивъше сердце свое, на немъ жеможете устояти, тоже цълуйте и цъловавше блюдъте, да не приступни погубите душъ своеъ. Епископы и попы и игумены, съ любовью взимайте отъ нихъ благословленье, и не устраняйтеся отъ нихъ, и по силълюбите и набдите, да прінмете отъ нихъ молитву отъ-Бога. Паче всего гордости не имъйте въ сердци и въ умъ, но рцъмъ: смертни есмы, днесь живи, а заутра

въ гробъ; се все, что ны еси вдалъ, не наше, но твое, поручилъ ны еси на мало дній. И въ земли не хороните, то ны есть ведикъ гръхъ. Старыя чти яко отца, а молодыя яко братью. Въ дому своемь не лънитеся, но все видите; не зрите на тивуна, ни на отрока, да не посмъются приходящій къ вамъ, и дому вашему, ни объду вашему. На войну вышедъ, не дънитеся, не зрите на воеводы, ни питью ни тденью не лагодите, ни спанью; и сторожѣ сами наряживайте, и ночь отвсюду нарядивше около вои тоже лязите, а рано встанъте; а оружья не снимайте съ себе, вборзъ не розглядавше, ленощами внезапу бо человеть погыбаеть. Лжъ блюдися и пьяньства и блуда, въ томъ бо душа погыбаеть и тъло. Куда же ходяще путемъ по своимъ землямъ, не дайте пакости дъяти отрокомъ, ни своимъ, ни чюжимъ, ни въ селъхъ, ни въ житъхъ, да не кляти васъ начнуть. Куда же поидете, идъже станете, напойте, накормите унеина; и болъ же чтите гость, откуду же къ вамъ придеть, или простъ, или добръ, или солъ, аще не можете даромъ, брашномъ и питьемь; ти бо мимоходячи прославять человъка по всъмъ землямъ, любо добрымъ, любо злымъ. Болнаго присътите; надъ мертвеця идъте, яко вси мертвени есмы; и человъка не минъте не привъчавше, добро слово ему дадите. Жену свою любите, но не дайте имъ надъ собою власти. Се же вы конець всему, страхъ Божій имъйте выше всего. Аще забываете всего, а часто прочитайте: и миж будеть безъ сорома, и вамъ будеть добро. Его же умъючи, того не забывайте добраго, а его же не умъючи, а тому ся учите; якоже бо отець мой, дома съдя, изумъяще 5 языкъ: въ томъ бо честь есть отъ инвхъ земль. Леность бо всему мати, еже

умъеть, то забудеть, а его же не умъеть, а тому ся не учить; добръ же творяще, не мозите ся лънити ни на что же доброе. Первое къ церкви: да не застанеть васъ солнце на постели; тако бо отець мой дъяшеть блаженый и вси добріи мужи свершеніи: заутренююотдавше Богови хвалу, и потомъ солнцю въсходящю, и узръвше солнце, и прославити Бога съ радостью, и рече: просвъти очи мои, Христе Боже, и далъ ми еси свътъ твой красный; и еще, Господи, приложи ми льто къ льту, да прокъ гръховъ своихъ покаявъся, оправдивъ животъ, тако похвалю Бога. И съдше думати съ дружиною, или люди оправливати, или на ловъ ъхати, или поъздити, или лечи спати: спанье есть отъ Бога присужено полудне, о тъ чинъ бо почиваеть и звърь и птици и человъци. А се вы повъдаю, дъти моя, трудъ свой, оже ся есмь тружалъ, пути дъя и ловы 13 лътъ. Первое въ Ростову идохъ сквозъ Вятичъ, посла мя отець, а самъ иде Курьску; и пакы 2-е къ Смолиньску со Ставкомь Скордятичемъ, той пакы и отъиде къ Берестію со Изяславомь, а мене посла Смолиньску; то изъ Смолиньска идохъ Вонодимерю. Тое же зимы то и посласта Берестію брата на головив, идв бяху пожгли, то и ту блюдъ городъ тихъ; та идохъ Переяславлю отцю, а по Велицъ дни изъ Переяславля та Володимерю, на Сутейску мира творить съ Ляхы; оттуда пакы на лъто Володимерю опять. Та посла мя Святославъ въ Ляхы: ходивъ за Глоговы до Чешьскаго лъса, ходивъ въ земли ихъ 4 мъсяци; и въ то же лъто и дътя ся роди старъйшее Новгородьское; та оттуда Турову, а на весну та Переяславлю, таже Турову. И Святославъ умре, и язъпакы Смолиньску, а изъ Смолиньска той же зимъ та къ

Новугороду, на весну Глъбови въ помочь; а на лътосо отцемь подъ Полтескъ, а на другую зиму съ Святополкомъ подъ Полтескъ, ожгоша Полтескъ, онъ пде Новугороду, а я съ Половци на Одрьскъ, воюя, та Черпигову. И пакы изъ Смолиньска къ отцю придохъ Чернигову; и Олегъ приде изъ Володимеря выведенъ, и возвахъ и къ собъ на объдъ со отцемь въ Черниговъ, на Краснъмь дворъ, и вдахъ отцю 300 гривенъ золота. И пакы изъ Смолиньска же пришедъ, и проидохъ сквозъ Половечьскый вои бъяся до Переяславля, и отца: нальзохъ съ полку пришедше; то и накы ходихомъ, томь же дътъ, со отцемь и со Изяславомь биться Чернигову съ Борисомь, и побъдихомъ Бориса и Олга. И пакы идохомъ Переяславлю, и стахомъ во Обровъ; и Всеславъ Смолнескъ ожьже, и азъ всъдъ съ Черниговци о двою коню, и не застахомъ въ Смолиньскъ; тъмъ же путемъ по Всеславъ пожегъ землю и повоевавъ до Лукамия и до Логожьска, та на Дрьютьскъ воюя, та Чернигову. А на ту зиму повоеваща Половци Стародубъ весь, и азъ шедъ съ Черниговци и съ Половци, на Деснъ изъимахомъ князи Асадука и Саука, й дружину ихъ избиша; и назаутрев за Новымъ городомъ разгнахомъ силны вои Белкатгина, а се мечи и полонъ весь отяхомъ. А въ Вятичи ходихомъ по двъ зимъ, на Ходоту и на сына его, и ко Корьдну ходихъ 1-ю зиму, и пакы по Изяславичихъ за Микулинъ, и не постигохомъ ихъ; и на ту весну къ Ярополку совкупляться на Броды. Томъ же лѣтѣ гонихомъ по Половьцихъ за Хоролъ, иже Горошинъ взяша. И на ту осень идохомъ съ Черниговци и съ Половци, съ Читвевичи, къ Меньску: изъехахомъ городъ и не оставихомъ у него ни челядина, ни скотины. На ту

зиму идохомъ къ Ярополку совокуплятися на Броды, и любовь велику створихомъ. И на весну посади мя отець въ Переяславли передъ братьею, и ходихомъ за Супой; и ъдучи къ Прилуку городу, и срътоша ны внезапу Половечьскый князи 8 тысячь, и хотйхомъ съ ними ради битися, но оружье бяхомъ услали напередъ на повозъхъ, и внидохомъ въ городъ: толко Семцю яша одиного живого, ти смердъ нъколико, а наши онъхъ болъ избиша и изъимаша, и пе смъща ни коня пояти въ руцъ, и бъжаща на Сулу тое ночи; и заутра, на Госпожинъ день, идохомъ къ Бѣлѣ вежи, и Богъ ны поможе и святая Богородица: избиша 900 Половець, и два князя яша Багубарсова брата Асиня и Сакзя, а два мужа толко утекоста; и потомь на Святославль гонихомъ по Половцихъ, и потомь на Торческый городъ, и потомь на Гюргевъ по Половцихъ; и паки на той же сторонъ у Красна Половци побъдихомъ, и потомь съ Ростиславомъ же у Варина вежъ взяхомъ. И потомь ходивъ Володимерю, паки Ярополка посадихъ, и Ярополкъ умре. И пакы по отни смерти и по Святополцъ на Суль бившеся съ Половци, до вечера, быхомъ у Хальна, и потомь миръ створихомъ съ Тугорканомъ и со инъми князи Половечьскими; и у Глъбови чади пояхомъ дружину свою всю. И потомь Олегъ на мя приде съ Половьчьскою землею къ Чернигову, и бишася дружина моя съ нимь 8 дній о малу греблю\*), и не вдадуче имъ въ острогъ; съжаливъси хрестьяныхъ душь и селъ горящихъ и манастырь, и ръхъ: «не хвалитися поганымъ», и вдахъ

<sup>\*)</sup> Миклошичь читаеть «гроблю». Въ рукописи туть пергаменъ прорванъ, и уцёлёль только слогь лю, а въ словё съжаливиси недостаеть предлога съ.

брату отца своего мъсто, а самъ идохъ на отця своего мъсто Переяславлю, и внидохомъ на святаго Бориса день изъ Чернигова, и жхахомъ сквозъ полкы Половьчскій не \*) въ 100 дружинй, и съ дітми и съ женами; и облизахутся на насъ акы волци стояще, и отъ перевоза и съ горъ; Богъ и святый Борисъ не да имъ мене въ користь, певрежени доидохомъ Переяславлю. И съдъхъ въ Переяславли 3 лъта и 3 зимы, и съ дружиною своею, и многы бъды пріяхомъ отъ рати и отъ голода; и идохомъ на вои ихъ за Римовъ, и Богъ ны поможе, избиша и, а другія поимаша; и пакы Итлареву чадь избиша, и вежи ихъ взяхомъ шедше за Голтавомь. И Стародубу идохомъ на Олга, зане ся бяше приложиль къ Половцемъ, и на Бъ \*\*) идохомъ, съ Святополкомъ на Боняка за Рось; и Смолиньску идохомъ, съ Давыдомь смирившеся; паки идохомъ другое съ Вороницъ; тогда же и Торци придоша ко мнъ, изъ Половець и съ Читъевичи, идохомъ противу имъ на Сулу. И потомь паки идохомъ къ Ростову на зиму, и по 3 зимы ходихомъ Смолинску; и се нынъ иду Ростову. И пакы съ Святополкомъ гонихомъ по Воняцѣ; но ди оли убиша\*\*\*), и не постигохомъ ихъ; и потомъ по Боняцъ же гонихомъ за Рось, и не постигохомъ его. И на зиму Смолинску идохъ, изъ Смоленска по Велицъ дни выидохъ; и Гюргева мати умре. Переяславлю пришедъ на лъто, собрахъ братью; и Бонякъ приде со всъми Половци къ Кснятиню, идохомъ

<sup>\*)</sup> Арх. Ком. читаетъ «нъ», т. е. около.

<sup>\*\*)</sup> Миклошить читаетъ «Бугг».

<sup>\*\*\*)</sup> А. Бъловскій (Monum. hist. polon:) читаеть: «но ли 70 ли убиша» принимая букву о за число 70.— Г. Эрбенъ предлагаеть читать: но они ны убыща.

за не изъ Переяславля за Сулу; и Богъ ны поможе, и полькы ихъ побъдихомъ, и князи изъимахомъ лъпшін; и по Рожествъ створихомъ миръ съ Апою, и поимъ у него дчерь, идохомъ Смоленьску; и потомъ идохъ Ростову. Пришедъ изъ Ростова, паки идохъ на Половци на Урубу съ Святополкомь, и Богъ ны поможе, и потомь паки на Боняка къ Лубьну, и Богъ ны поможе; и потомь ходихомъ въ войну съ Святополкомъ и потомь пакы на Донъ идохомъ съ Святополкомъ и съ Давыдомъ, и Богъ ны поможе; и къ Выреви бяху пришли Аепа и Бонякъ, хотъща взяти и: ко Ромну идохъ со Олгомь и съ дътми на нь, и они очитивше бъжаща. И потомь къ Мъньску ходихомъ на Глъба, оже ны бяще люди заялъ: и Богъ ны поможе и створихомъ свое мышленое. И потомь дихомъ къ Володимерю на Ярославця, не терпяче злобъ его. А изъ Черьнигова до Кыева иестишь \*) эздихъ ко отцю, днемъ есмъ перевздилъ до вечерни; а всвхъ путій 80 и 3 великихъ, а прока не испомню шихъ. И мировъ есмъ створилъ съ Половечьскыми князи безъ одиного 20, и при отци и кромъ отца, а дая скота много и многы порты свов; и пустиль есмъ-Половечскыхъ князь леншихъ изъ оковъ толико: Шаруканя 2 брата, Багубарсовы 3, Овчины брать 4, а всъхъ лъпшихъ князій инъхъ 100; а самы князи Богъ живы въ руцъ дава: Коксусь съ сыномь, Акланъ, Бурчевичь, Таревьскый князь Азгулуй, и инъхъ кметій молодыхъ 15, то твхъ живы ведь, исвкъ, вметахъ въ ту ръчку въ Славліи, по чередамъ избьено-

<sup>\*)</sup> Микл. читаетъ «нестижь», т. е. «такъ скоро, что никто не могъ насъ настигнуть».

не съ 200 въ то время лъпшихъ. А се тружахъся ловы дъя, понеже съдохъ въ Черниговъ, а изъ Чернигова вышедъ, и д ... го\*) лъта по сту уганива... ... иимь даромъ, всею силою, кромъ иного лова, кромъ Турова, \*\*) иже со отцемь ловиль есмъ всякъ звърь. А се въ Черниговъ дъялъ есмъ: конь дикихъ своима рукама связалъ есмь, въ пущахъ\*\*\*) 10 и 20 живыхъ конь, а кромъ того иже по рови \*\*\*\*) ъздя ималъ есмъ своима рукама тъ же кони дикіъ. Тура мя 2 метала. на розвить и съ конемъ, олень мя одинъ болъ, а 2 лоси, одинъ ногами топталъ, а другый рогома болъ, вепрь ми на бедръ мечь отяль, медвъдь ми у колъна подъклада укусилъ, лютый звёрь скочилъ ко мнё на бедры, и конь со мною поверже: и Богъ неврежена мя съблюде; и съ коня много падахъ, голову си розбихъ дважды, и руцъ и нозъ свои вередихъ, въ уности своей вередихъ, не блюда живота своего, ни щадя головы своея. Еже было творити отроку моему, то самъесмь створиль дела, на войне и на ловехъ, ночь и день, на зною и на зимъ, не дая собъ упокоя; на посадники не зря, ни на биричи, самъ творилъ что было надобъ, весь нарядъ и въ дому своемь, то я творилъ есмь; и въ ловчихъ ловчій нарядъ самъ есмь. держаль, и въ конюсъхь, и о соколъхь и о ястрябъхъ. Тоже и худаго смерда и убогыт вдовицт недаль есмъ силнымъ обидъти, и церковнаго наряда и

<sup>\*)</sup> Здъсь на срединъ листа прорвано.

<sup>\*\*)</sup> Микл. предлагаетъ писать это слово какъ прилагат... отъ сл. тург (дикій воль): турова (т. е. лова).

<sup>\*\*\*)</sup> Въ пущахъ.

<sup>\*\*\*\*)</sup> Можетъ быть, собственное имя. Миклошичъ читаетъ «по Роси».

службы самъ есмъ призиралъ. Да не зазрите ми, дъти мои, ни инъ кто прочетъ: не хвалю бо ся ни дерзости своея, но хвалю Бога и прославьляю милость его, иже мя гръшнаго и худаго селико лътъ сблюдъ тъхъ часъ смертныхъ, и не лънива мя былъ створплъ худаго на вся дъла человъчьская потребна. Да сю грамотицю прочитаючи, потъснътеся на вся дъла добрая, славяще Бога съ святыми его. Смерти бо ся, дъти, не боячи, ни рати, ни отъ звъри, но мужьское дъло творите, како вы Богъ подасть: оже бо язъ отъ рати и отъ звъри и отъ воды, отъ коня спадаяся, то никтоже васъ не можеть вредитися и убити, понеже не будеть отъ Бога повельно; а иже отъ Бога будеть смерть, то ни отець, ни мати, ни братья не могуть отьяти; но осче \*) добро есть блюсти, Божіе блюденье лѣплѣе есть человъчьскаго. О многострастный и печалны азъ! много борешися сердцемь, и одолъвши, \*\*) душе, сердцю моему, зане тлъньнъ сущи, помышляю, како стати предъ страшнымъ Судьею, каянья и смъренья не пріимшимъ межю собою. Молвить бо иже Бога люблю, а брата своего не люблю, ложь есть; и пакы: аще не отпустите прегръщеній брату, ни вамь отпустить ващь небесный. Пророкъ глаголеть: не ревнуй лукавнующимъ, ни завиди творящимъ безаконье; что есть добро и красно, братья, вкупъ! \*\*\*) Но все дьяволе на-

<sup>\*)</sup> Въ рукописи оче подъ титломъ.

<sup>\*\*)</sup> Должно быть «одолъваеши». Примъч. Арх. Ком.

<sup>\*\*\*)</sup> Примич. Археогр. Ком. «Отсюда слёдуеть «Посланіе Владиміра Мономаха къ Олегу Святославичу», смёшанное сочинителемъ Лётописи, или писцомъ, съ «Поученіемъ его дётямъ»; оно писано въ 1098 г., послё Муромскаго сраженія, въ которомъ убить сынъ Владиміровъ Изяславъ».

ученье! то бо были рати при умныхъ дъдъхъ нашихъ, при добрыхъ и при блаженыхъ отцихъ нашихъ; дьяволь бо не хоче добра роду человъчскому, сваживаеть ны. Да се ти написахъ, зане принуди мя сынъ твой, его же еси хрстиль, иже то съдить близь тобе, прислаль ко мнъ мужь свой и грамоту, река: ладимъся и смъримся; а братцю моему судъ пришель; а въ ему не будевъ местника, но възложивъ на Бога; а стануть си предъ Богомь; а Русьскы земли не погубимъ. И азъ видъхъ смъренье сына своего, сжадихся и Бога устрашихся, рекохъ: онъ въ уности своей и въ безумын сице смъряеться, на Бога укладаеть; азъ человъкъ гръшенъ есмь паче всъхъ человъкъ. Послушахъ сына своего, написахъ ти грамоту: аще ю пріимеши съ добромь, ли съ поруганьемь, свое же узрюна твоемъ писаныи. Сими бо словесы варихъ тя переди, его же почаяхъ отъ тебе смъреньемъ и покаяньемъ, хотя отъ Бога ветхыхъ своихъ гръховъ. Господь бо нашь не человъкъ есть, но Богъ всей вселенъ, иже хощеть, въ мегновеньи ока вся створити хощеть, то самъ претериъ хуленье и оплеванье и ударенье, и на смерть вдася, животомъ владъя и смертью; а мы что есмы человъци гръшніи, лиси? дньсь живи, а утромертви, дньсь въ славъ и въ чти, а заутра въ гробъ и безъ памяти, ини собранье наше раздълять. Зри. брать, отца наю: что взяста, или чимъ има по роть? но токмо оже еста створила души свои. Но да сими словесы, пославше бяше переди, брать, ко мнъ варити мене. Егда же убища дътя мое и твое предъ тобою, и бяше тебъ узръвше кровь его и тъло увянувшю, яко цвъту нову процвътшю, якоже агньцю заколену, и рещи бяще, стояще надъ нимъ, вникнущи помыслы

души своей: увы мнв! что створихъ? и пождавъ его безумья, свъта сего мечетнаго кривости ради нальзохъ гръхъ собъ, отцю и матери слезы; и рещи бяще Давыдскы: азъ знаю гръхъ мой, предо мною есть воину. Не крове дёля пролитья, помазаникъ Божій Давыдъ прелюбодъянье створи, посыпа главу свою и плакася горко въ отъ часъ: отда ему согръшенья его Богъ. А къ Богу бяше покаятися, а ко мнъ бяше грамоту утъшеную, а сноху мою послати ко мнв, зане нъсть въ ней ни зла, ни добра, да быхъ обуимъ \*) оплакалъ мужа ея и оны сватбы ею, въ пъсній мъсто: не видъхъ бо ею первъе радости, ни вънчанья ею, за гръхы своя; а Бога дъля пусти ю ко мнъ вборзъ съ первымъ словомь, да не съ нею кончавъ слезы посажю на мъстъ, и сядеть акы горлица на сусъ древъ, желъючи, а язъ утъшюся о Бозъ. Тънъ бо путемъ шли дъти отци нашихъ: судъ отъ Бога ему пришелъ, а (не) отъ тебе. Аще бы тогда свою волю створиль, и Муромъ налъзлъ, а Ростова бы не заималь, а послаль ко мнъ, отсюда ся быхомъ уладили: но самъ разумъй, мнъ ли бы послати къ тебъ достойно, ци ли тобъ ко мнъ? да же еси вельль дътяти: «слися къ отцю», десятья есмъ послаль. Дивно ли, оже мужь умерль въ полку ти? лъпше суть измерли и роди наши: да не выискывати было чюжего, ни мене въ соромъ, ни въ печаль ввести; научиша бо и паропци, да быша собъ надъзли, но оному нальзоша зло. Да же начнеши каятися Богу, и мнъ добро сердце створиши: пославъ солъ свой, или епископа, и грамоту напиши съ правдою, то и волость възмешь съ добромъ, и наю сердце обратиши къ собъ,

<sup>\*)</sup> Миклошичь читаеть «обимъ ю».

и лъпше будемъ яко и прежъ; нъсмъ ти ворожбитъ, ни местьникъ. Не хотъхъ бо крови твоея видъти у Стародуба: но не дай ми Богъ крови отъ руку твоею видъти, ни отъ повельныя своего, ни котораго же брата. Аще ли лжю, а Богъ мя въдаеть и крестъ честный. Оли то буду гръхъ створиль, оже на тя шедъ къ Чернигову, поганыхъ дъля: ли того ся каю да то языкомъ братьи пожадовахъ, и пакы е повъдахъ, зане человъкъ есмь; аще ти добро, да съ тъмь, али ти лихое, да то ти съдпть сынъ твой хрестьный съ малымъ братомъ своимь, хлъбъ ъдучи дъдень, а ты съдиши въ своемъ; а о се ся ряди; али хочеши тою убити, а то ти еста, понеже не хочю я лиха, но добра хочю братьи и Русьскъй земли; а его же то и хощеши насильемъ, тако видаяла у Стародуба и милкусяюча по тебъ отчину твою \*): али Богъ послухъ тому, съ братомъ твоимъ рядилися есвъ, а не поможеть рядитися безъ тебе; и не створила есвълиха ничтоже, ни рекла есвъ: сли къ брату, дондеже уладимся; оже ли кто васъ не хочеть добра, ни мира хрестьяномъ, а не буди ему отъ Бога мира узръти на ономъ свътъ души его. Не по нужи ти молвлю, ни бъда ми которая, по Бозъ самъ услышишь: но душа ми своя лутши всего свъта сего; на страшнъй при безъ суперникъ обличаюся, и прочее \*\*).

<sup>\*)</sup> Миклошичь читаеть это мѣсто такъ: «а его же ты хощеши насильемь, то вы даяла у Стародуба, мила ся дыюща по тебѣ, отчину свою». Г. Соловьевъ (И. Р. т. II, прим. 115) читаетъ: «милующеся».

<sup>\*\*)</sup> Здёсь оканчивается выписка изъ Посланія Владиміра Мономаха къ Олегу, и далёе слёдуетъ Отрывокъ молитвеннаго содержанія: «Премудрости наставниче и змыслу давче, несмы-

Се же хощю сказати, яже слышахъ преже сихъ 4льть, яже сказа ми Гюрятя Роговичь Новгородець, глаголя сице: яко послахъ отрокъ свой въ Печеру, люди, яже суть дань дающе Новугороду; и пришедшю отроку моему къ нимъ, и оттуду иде въ Югру. Югра же дюдье есть языкъ нѣмъ, и сѣдять съ Самоядью на полунощныхъ странахъ. Югра же рекоша отроку моему: «дивьно мы находихомъ чюдо, его же нъесмы слышали преже сихъ лътъ; се же третьее дъто поча быти: суть горы зайдуче дуку моря, имъ же высота ако до небесе, и въ горахъ тъхъ кличь великъ и говоръ, и съкуть гору, хотяще высъчися; и въ горъ той просъчено оконце мало, и тудъ молвять, и есть не разумъти языку ихъ, но кажють на жельзо и помавають рукою, просяще жельза; и аще кто дасть имъ ножь ли, ли съкиру, дають скорою противу. Есть же путь до горъ тъхъ непроходимъ пропастьми, снътомъ и лъсомъ; тъмже не доходимъ ихъ всегда; ееть же и подаль на полунощіи». Мнъ же рекшю къ Гюрятъ: «си суть людье заклепеніи Александромь Македоньскымь царемь». Якоже сказаеть о нихъ Меоодій Патарійскъ: \*) и взиде на всточныя страны до моря, наричемое Солнче мъсто, и видъ ту человъкы нечистыя, отъ племене Афетова: ихъ же нечистоту видъвъ: ядяху скверну всяку, комары и мухы, коткы, змів, и мертвець не погребаху, но ядяху, и скоты вся нечистыя; то видъвъ Александръ убояся, еда како (умножаться и И.) осквернять землю, и (загна ихъ на) по-

сленымъ казателю и нищимъ заступниче, утверди въ разумъ мое сердце, Владыко»! и проч. Этотъ отрывокъ, занимающій 2 столбца, мы пропускаемъ.

<sup>\*)</sup> Такъ въ Инат. спискъ. Въ Лавр. «папа римскый».

лунощныя страны и (въ) горы высокія; Богу повелѣвшю, ступишася о нихъ (горы полунощьныя), токмо не ступишася о нихъ горы на 12 локотъ; и ту створишася врата мѣдяна, и помазашася сунклитомъ \*), и аще хотять огнемъ взяти, не възмогутъ ижещи; вещь бо сунклитова сица есть: ни огнь можеть вжещи его, ни желѣзо его приметь; въ послѣдняя же дни по сихъ изидуть 8 колѣнъ отъ пустыня Тривьскыя, изидуть и си скверніи языкы, яже суть въгорахъ полунощныхъ, по повелѣнью Божію. Но мы на предняя взвратимся, якоже бяхомъ преже глаголади.

Олгови объщавшюся ити къ брату своему Давыдови Смолиньску, и прити съ братомъ своимъ Кыеву, и обрядъ положити, и не всхотъ сего Олегъ створити, но пришедъ Смолинску и поимъ вои, поиде къ Мурому, въ Муромъ тогда сущю Изяславу Володимеричю; бысть же въсть Изяславу, яко Олегъ идеть къ Мурому, посла Изяславъ по воъ Суздалю и Ростову, и по Бълоозерци, и собра вои многы. И посла Олегъ слы своъ къ Изяславу, глаголя: «иди въ волость отца своего Ростову, а то есть волость отца моего; да хочю ту съдя порядъ створити со отцемь твоимь, се бо мя выгналь пзъ города отца моего; а ты ли ми здѣ хлѣба моего же не хощеши дати?» и не послуша Изяславъ словесъ сихъ, надъяся на множьство вой. Олегъ же надъяся на правду, яко правъ бъ въ семь Олегъ, и поиде къ граду съ вои; Изяславъ же исполчися предъ градомъ, на поли. Олегъ же поиде къ нему полкомъ, и ссту-

<sup>\*)</sup> Въ Ипат. «суньклитомь». У Меводія Патарскаго: «асинхитомъ» (Кар. И. Г. Р. П. Прим. 64), и потомъ прибавлено: «естьство же асингитово ни желѣзнаго разсѣченія боится, ни огньнаго растопленія».

пишася обой, бысть брань люта: и убиша Изяслава, сына Володимеря, внука Всеволожа, мъсяця семтября въ 6 день; прочін же вон побътоша, ови черезъ лъсъ, друзіи въ городъ. Олегь же вниде въ городъ, и пріяша и горожане; Изяслава же вземше, положиша и въ манастыри святаго Спаса, и оттуду перенесоша и Новугороду, и положиша и у святыт Софьт, на лъвъй сторонъ. Олегъ же, по пріятьи града, изъима Ростовци, и Бълоозерци, и Суздалцъ, (и скова И.) и устремися на Суждаль: п шедъ Суждалю, п Суждалци дашася ему; Олегъ же омиривъ городъ, овы изъима, а другыя расточи, и имънья ихъ отъя. Иде Ростову: и Ростовци вдашася ему. И перея всю землю Муромску и Ростовьску, и посажа посадникы по городомъ, и дани поча брати. И посла къ нему Мьстиславъ солъ свой изъ Новагорода, глаголя: «Иди изъ Суждаля Мурому, а въ чюжей волости не съди; и азъ пошлю молится съ дружиною своею къ отцю своему, и смирю тя со отцемь моимь; аще и брата моего убиль, то есть не дивьно, въ ратехъ бо и цари и мужи погыбають». Олегъ же не всхотъ сего, но паче помышляше и Новъгородъ переяти; и посла Олегъ Ярослава, брата своего, въ сторожъ, а самъ стояше на поли у Ростова. Мьстиславъ же сдумавъ съ Новъгородци, и послаша Добрыню Рагуиловича передъ собою въ сторожъ; Добрыня же первое изъима даньникы. Увъдавъ же Ярославъ се, яко изъимани данници, Ярославъ же стояще на Медвъдици въ сторожихъ, и побъже той нощи, и прибъже къ Олгови и повъда ему, яко идеть Мстиславъ, а сторожъ изъимани. И поиде къ Ростову, а Мстиславъ же приде на Волгу, и повъдаща ему, яко Олегъ вспятился къ Ростову; и Мстиславъ поиде

12\*

по немъ. Олегъ же приде къ Суждалю, и слышавъ, яко идеть по немъ Мстиславъ, Олегъ же повелъ зажещи Суждаль городъ, токмо остася дворъ манастырьскый Печерьскаго монастыря и церкы, яже тамо есть святаго Динтрея, юже бъ далъ Ефремъ и съ селы. Олегъ же побъже въ Мурому, а Мстиславъ приде Суждалю, и съдя ту посылаше въ Олгови, мира прося, глаголя: «азъ есмъ мній тебе, слися къ отцю моему, а дружину, юже еси заядь, вороти; а язъ тебе во всемъ послушаю». Олегъ же посла къ нему, съ лестью хотя мира; Мстиславъ же имы лсти въры, и распусти дружину по селомъ. И наста Өеодорова недъля поста, и приспъ Өеодорова субота, а Мстиславу съдящю на объдъ, приде ему въсть, яко Олегъ на Клязмъ, близь бо бъ пришелъ безъ въсти; Мстиславъ же ему имъ въру, не постави сторожовъ: но Богъ въсть избавляти благочестивыя своя отъ льсти. Олегъ же установився на Клязив, мня, яко Мстиславъ побътнеть; къ Мстиславу же собращася дружина въ тъ день и въ другый, Новгородци, и Ростовци, и Бълозерци, Мстиславъ же ста предъ градомъ, исполчивъ дружину; и не поступи ни Олегъ на Мстислава, ни Мстиславъ на Олга, и стояста противу собъ 4 дни. И приде Мстиславу въсть, яко «послаль ти отець брата Вячеслава съ Половци»; и приде Вячеславъ въ четвергъ Өеодоровы недъли, въ постъ. И въ пятокъ приде Олегъ, исполчивъся, къ городу, а Мстиславъ поиде противу ему съ Новгородци и съ Ростовци. И вдасть Мстиславъ стягъ Володимерь Половчину, именемь Кунуй, и вдавъ ему пъшьцъ, и постави и на правымь криль, и заведь Кунуй пышьць напя стягь Володимерь; и узръ Олегь стягь Володимерь, и убоя-

ся, и ужасъ нападе на нь и на вов его; и поидоша къ боеви противу собъ, Олегъ противу Мстиславу, а Ярославъ поиде противу Вячеславу. Мстиславъ же перешедъ пожаръ \*) съ Новгородци, и сступишася на Кулачьцъ, \*\*) и бысть брань кръпка, и нача одалати Мстиславъ; и видъ Олегъ, яко поиде стягъ Володимерь, нача заходити въ тыль его, и убоявъся побъже Олегь, и одоль Мстиславь. Олегь же прибъже къ Мурому, и затвори Ярослава Муромъ, а самъзиде Рязаню; Мстиславъ же приде Мурому, и створи миръ (съ Муромци И.) и поя своя люди Ростовци и Суждалци; и поиде въ Рязаню по Олзъ. \*\*\*) Олегъ же выбъже изъ Рязаня, а Мстиславъ пришедъ створи миръ съ Рязанци, и поя люди своя, яже бъ заточиль Олегь. И посла къ Олгови, глаголя: «не бъгай никаможе, но пошлися къ братьи своей съ молбою, не лишать тя Русьскыть земін; и азъ пошлю къ отцю молится о тобъ». Олегъ же объщася тако створити. Мстиславъ же възвративъся вспять Суждалю, оттуду поиде Новугороду въ свой градъ, молитвами преподобнаго епископа Никыты. Се же бысть исходящю лъту 6604, индикта 4, наполы.

Въ лъто 6605. Придоша Святополкъ, Володимеръ, Давыдъ Игоревичь, и Василко Ростиславичь, и Давыдъ Святославичь, и братъ его Олегъ, и сняшася Любячи на устроенье мира, и глаголаша къ собъ, рекуще: «почто губимъ Русьскую землю, сами на ся котору дъюще? а Половци землю нашю несуть розно, и ради суть, оже межю нами рати; да нонъ отселъ

<sup>\*)</sup> Т. е. выжженныя Олегомъ мъста. (Кар. И. Г. Р. П. Прим. 178).

<sup>\*\*)</sup> Ипат. «на Колачьць».

<sup>\*\*\*)</sup> Въ Лавр. спискъ «по Волзъ».

чиемся въ едино сердце и блюдемъ Рускыт земли, кождо да держить отчину свою: Святополкъ Изяславлю, Володимеръ Всеволожю, Давыдъ и Олегъ и Ярославъ Святославлю; а имъ же роздаялъ Всеволодъ городы, Давыду Володимерь, Ростиславичема Перемышьль Володареви, Теребовль Василкови». И на томъ цъловаща крестъ, «да аще кто отсель на кого будеть, то на того будемъ вси и крыстъ честный»; рекоша вси: «да будеть (на нь хрестъ честный И.) \*) и вся земля Русьская»; и цъловавшеся поидоша всвояси. И приде Святополкъ съ Давыдомь Кыеву, и ради быша людье вси; но токмо дьяволь печалень бяше о любви сей; и влъзе сотона въ сердце нъкоторымъ мужемъ, и почаша глаголати къ Давыдови Игоревичю, рекуще сице: «яко Володимеръ сложился есть съ Василкомъ на Святополка и на тя». Давыдъ же емъ въру лживымъ словомъ, нача молвити на Василка, глаголя: «кто есть убилъ брата твоего Ярополка? а нынъ мыслить на мя и на тя, и сложился есть съ Володимеромъ; да промышляй о своей головъ». Святополкъ же сиятеся умомъ, река: «еда се право будеть, или лжа, не въдъ»; и рече Святополкъ къ Давыдови: «да еще право глаголеши, Богъ ти буди послухъ; да ащели завистью молвишь, Богь будеть за тъмъ». Святополкъ же сжалиси по братъ своемь и о собъ, нача помышляти, еда се право будеть? и я въру Давыдови, и предсти Давыдъ Святополка, и начаста думати о Василкъ; а Василко сего не въдяще и Володимеръ. И нача Давыдъ глаголати: «аще не имевъ Василка, то ни тобъ княженья Кыевъ, ни мнъ Володимери»; и послуша его Свято-

<sup>\*)</sup> Въ Лавр. «да будетъ нашь».

полкъ. И приде Василко въ 4 ноямьбря, и перевезеся на Выдобычь, и иде поклонится къ святому Михаилу въ манастырь, и ужина ту, а товары своя (постави) на Рудици; вечеру же бывшю приде въ товаръ свой. И наутрія же бывшю, присла Святополкъ, река: «неходи отъ именинъ моихъ». Василко же отпръся, река: «не могу ждати; еда будеть рать дома». И присла къ нему Давыдъ: «не ходи, брате, не ослушайся брата старъйшаго»; и не всхотъ Василко послушати. И рече Давыдъ Святополку: «видиши ли, не помнить тебе, ходя въ твоею руку; аще ти отъидеть въ свою волость, да узришь, аще ти не займеть градъ твоихъ Турова и Пиньска, и прочихъ градъ твоихъ, да помянешь мене; но призвавъ Кіяны и емъ, и дажь мнъ». И послуша его Святополкъ, и посла по Василка, глаголя: «да аще не хощешь остати до именинъ моихъ, да приди нынъ, цълуеши мя, и посъдимъ вси съ Давыдомь». Василко же объщася прити, не въдый лсти, юже имяше на нь Давыдъ. Василко же всъдъ на конь поъха, и устръте и дътьскый \*) его и повъда ему, глагодя: «не ходи, княже, хотять тя яти»; и не послуша его, помышляя, «како мя хотять яти? а ономнь \*\*) цыловавше крысть, рекуще: аще кто на кого будеть, то на того будеть крестъ и мы вси»; и помысливъ си прекрестися, рекъ: «воля Господня да будеть». И прівха въ маль дружинь на княжь дворь; и выльзе противу его Святополкъ, и идоша въистобку, и приде Давыдъ, и съдоша. И нача глагола-Святополкъ: «останися на святокъ». \*\*\*) И ре-

<sup>\*)</sup> Въ др. сп. «отрокъ».

<sup>. \*\*)</sup> Въ др. сп. «оногды цъловали».

<sup>\*\*\*)</sup> Праздникъ. (Сол. И. Р. II, гл. IV).

че Василко: «не могу остати, брате; уже есмъ повельль товаромь поити переди». Давыдь же съдяше акы нъмъ, и рече Святополкъ: «да заутрокай, брате!» и объщася Василко заутрокати. И рече Святополкъ: «посъдита вы сдъ, а язъ льзу, наряжю»; и лъзе вонъ, а Давыдъ съ Василкомъ съдоста. И нача Василко глаголати къ Давыдови, и не бъ въ Давыдъ гласа, ни послушанья; бъ бо ужаслъся, и лесть имъя въ сердци. И посъдъвъ Давыдъ мало, рече: «кдъ есть брать?» Они же ръша ему: «стоить на сънехъ». И вставъ Давыдъ, рече: «азъ иду по нь; а ты, брате, посъди». И вставъ иде вонъ. И яко выступи Давыдъ, и запроща Василка въ 5-й ноямьбря, и оковаща и въ двои оковы, и приставиша къ нему сторожъ на ночь. Наутрія же Святополкъ созва боляръ и Кыянъ, и повъда имъ, еже бъ ему повъдалъ Давыдъ: яко «брата ти убилъ, а на тя свъчался съ Володинеромъ, и хотять тя убити и грады твоя заяти». И рѣша боляре и людье: «тобъ, княже, достоить блюсти головы своее; да аще есть право молвиль Давыдь, да пріиметь Василко казнь; аще ли неправо глагола Давыдъ, да пріиметь (месть) отъ Бога и отвъчаеть предъ Богомь». И увъдъща игумени, и начаща молитися о Василкъ Святополку; и рече имъ Святополкъ: «ото Давыдъ». Увъдъвъ же Давыдъ, нача поущати на ослѣпленье: «аще ли сего не створишь, а пустишь и, то ни тобъ княжити, ни мнъ». Святополкъ же хотяше пустити и, но Давыдъ не хотяше, блюдася его. И на ту ночь ведоша и Бълугороду, иже градъ малъ у Кіева яко 10 верстъ вдале, и привезоша и на колъхъ, окована суща, ссадиша и съ колъ, и ведоша и въ истобку малу. И съдящю ему, узръ Василко

Торчина остря ножь, и разумъ, яко хотять и слъпити, възпи къ Богу плачемь великимь и стенаньемь. И се влъзоша посланіи Святополкомь и Давыдомь, Сновидъ Изечевичь конюхъ Святополчь, и Дьмитръ конюхъ Давыдовъ, и почаста простирати коверъ, и простерше яста Василка и хотяща и поврещи; и боряшется съ нима кръпко, и не можаста его поврещи; и се влъзше друзіи повергоша и, и связаща и, и снемше доску съ печи, и възложища на перси его; и съдоста обаполы Сновидъ Изечевичь и Дмитръ, и не можаста удержати; и приступиста ина два, и сняста другую дску съ печи, и съдоста, и удавиша и рамяно, яко персемъ троскотати. И приступи Торчинъ, именемъ Беренди, овчюхъ Святополчь, держа ножь и хотя ударити въ ока, и гръшися ока и переръза ему лице, и есть рана та Василкъ и нынъ; и посемь удари и въ око, и изя зъницю, и посемь въ другое око, и изя другую зѣницю; и томъ часѣ бысть яко и мертвъ. И вземше и на коврѣ, взложиша на кола яко мертва, повезоша и Володимерю. И бысть везому ему, сташа съ нимъ перешедше мостъ Здвиженьскый, на торговищи, и сволокоша съ него сорочку кроваву сущю, и вдаша попадыи опрати; попадыя же оправши взложи на нь, онъмъ объдующимъ, и плакатися нача попадья, яко мертву сущю оному. И очюти плачь и рече: «кдъ се есмъ»? Они же рекоша ему: «въ Звиждени городъ». И впроси воды, они же даша ему, и испи воды, и вступи въ онь душа, и упомянуся, и пощюпа сорочкы и рече: «чему есте сняли съ мене? да быхъ въ той сорочкъ кровавъ смерть пріяль и сталь предъ Богомь». Онъмъ же объдавшимъ, поидоша съ нимъ вскоръ на колъхъ, а по грудну пути, бъ

бо тогда мъсяць груденъ, рекше ноябрь; и придоша съ нимъ Володимерю въ 6 день. Приде же и Давыдъ съ нимъ, акы нѣкакъ уловъ уловивъ; и посадища и въ дворъ Вакъевъ, и приставиша 30 мужь стеречи и 2 отрока княжа, Уланъ и Колчко. Володимеръ же слышавъ, яко ять бысть Василко и слъпленъ, ужасеся, и всплакавъ и рече: «сего не бывало есть въ Русьскъй земьли ни при дъдъхъ нашихъ, ни при отцихъ нашихъ, сякого зла». И ту абье посла къ Давыду и къ Олгови Святославичема, глаголя: «поидъта къ Городцю, да поправимъ сего зла, еже ся створи се въ Русьскъй земьли и въ насъ въ братьи, оже вверже въ ны ножь: да аще сего не правимъ, то болшее зло встанеть въ насъ, и начнеть братъ брата закалати, и погыбнеть земля Руская, и врази наши Половци пришедше возмуть земьлю Русьскую». Се слышавъ Давыдъ и Олегъ печална быста велми и плакастася, рекуще: «яко сего не было въ родъ нашемь»; и ту абье сбиша \*) вов, придоста къ Володимеру. Володимеру же съ вои стоящю въ бору, Володимеръ же, и Давыдъ, и Олегъ послаша мужъ свои, глаголюще въ Святополку: «что се зло створилъ еси въ Русьстви земли, и вверглъ еси ножь въ ны? чему еси слъпиль брать свой? аще ти бы вина кая была на нь, обличиль бы и предъ нами, и упръвый и \*\*) створилъ ему; а нонъ яви вину его, оже ему се створиль еси?» И рече Святополкъ: яко «повъда ми Давыдъ Игоревичь, яко Василко брата ти убилъ Ярополка, и тебе хоче убити и заяти волость твою,

<sup>\*)</sup> Въ др. сп. «собравше».

<sup>\*\*)</sup> Доказавъ его вину. (Сол. И. Р. П. Гл. І).

Туровъ, и Пинескъ, и Берестіе, и Погорину, а заходиль роть съ Володимеромь, яко състи Володимеру Кыевъ, а Василкови Володимери; а неволя ми своее головы блюсти, и не язъ его слъпилъ, но Давыдъ, и вель и къ собъ». И ръша мужи Володимери, и Давыдови, и Олгови: «извъта о семь не имъй, яко Давыдъ есть слёпиль и: не въ Давыдовъ городъ ять, ни слъпленъ, но въ твоемь градъ ятъ и слъпленъ»; и се имъ глаголющимъ разидошася разно. Наутрія же хотящимъ чрезъ Днъпръ на Святополка, Святополкъ же хотъ побъгнути изъ Кіева; не даша ему Кыяне, но послаша Всеволожюю и митрополита Николу къ Володимеру, глаголюще: «молимся, княже, тобъ и братома твоима, не мозъте погубити Русьскый земли; аще бо възмете рать межю собою, поганіи имуть радоватися и возмуть землю нашю, иже бъща стяжали отци ваши и дъди ваши, трудомь великимь и храбрьствомь побарающа по Русьскъй земли, ины земли пріискываху, а вы хочете погубити землю Русьскую». Всеволожая же и митрополить придоста къ Володимеру, и молистася ему, и повъдаста молбу Кыянъ, яко творити миръ, и блюсти землъ Русьскіъ, и брань имъти съ погаными. Се слышавъ Володимеръ, росплакавъся и рече: «по истинъ отди наши и дъди наши сблюди землю Русьскую, а мы хочемъ погубити»; и преклонися на молбу княгинину, чтящеть ю акы матерь, отца ради своего, бъ бо любимъ отцю своему повелику, и въ животъ и по смерти не ослушаяся его нивъ чемъ же; тъмже и послуша ея, акы матере, и митрополита, такоже чтяше санъ святительскый, не преслуша молбы его. Володимерь бо такъ бяше любезнивъ: любовь имън къ митрополитомъ и къ епископомъ п къ игуменомъ, паче же и чернечьскый чинъ любя, и черници любя, приходящая къ нему напиташе и напаяше, акы мати дъти своя; аще кого видяше ли шюмна, ли въ коемъ зазоръ, не осудяще, но вся на любовь прекладаше. Но мы на свое възвратимся. Княгини же бывши у Володимера, приде Кыеву и повъда вся ръчи Святополку, яко «се Давыдова сколота; то иди ты, Святополче, на Давыда, любо ими, любо прожени и»; Святополкъ же емъся посе, и цъловаща крестъ межю собою, миръ створше. Василкови же сущю Володимери, на прежеръченъмь мъстъ, и яко приближися постъ великый, и мнъ ту сущю Володимери, въ едину нощь присла по мя князь Давыдъ. И придохъ къ нему, и съдяху около его дружина, и посадивъ мя и рече ми: «се молвилъ Василко си ночи къ Уланови и Колчи, реклъ тако: се слышю, оже идеть Володимеръ и Святополкъ на Давыда; да же бы мене Давыдъ послушаль, да бы послальмужь свой къ Володимеру воротиться, въдъ бо ся съ нимъ что молвивъ, (не поидеть И.); да се, Василю, шлю тя, иди къ Василкови, тезу своему, съ сима отрокома, и молви ему тако: оже хощеши послати мужь свой, и воротится Володимеръ, то вдамъ ти которой ти городъ любь, любо Всеволожь, любо Шеполь, любо Перемиль». Азъ же идохъ къ Василкови, и повъдахъ ему вся ръчи Давыдовы. Онъ же рече: «сего есмъ не молвиль; но надъюся на Богь, пошлю, да быша непрольяли мене ради крови; но сему ми дивно, даетъ ми городъ свой, а мой Теребовль, моя власть и нынъ, и пождавше», \*\*) якоже и бысть; вскоръ бо прія

<sup>\*)</sup> Въ Ипат. «або и Теребовль моя волость пождавши и нынъ».

власть свою. Мнъ же рече: «иди къ Давыдови и рци ему: пришли ми Кульмъя, то пошлю и къ Володимеру». И не послуша его Давыдъ, и посла мя пакы река: «нъту Кулмъя». И рече ми Василко: «посъди мало», и повелъ слузъ своему ити вонъ, и съде со мною, и нача ми глаголати: «се слышю, оже мя хоче дати Ляхомъ Давыдъ; то се мало ся насытилъ крове моея, а се хочеть боль насытитися, оже мя вдасть имъ, азъ бо Ляхомъ много зда творихъ, и хотълъ е \*) створити и мстити Русьскъй земли; и аще мя вдасть Ляхомъ, не боюся смерти; но се повъдаю ти по истинъ, яко на мя Богъ наведе за мое възвышенье, яко приде ми въсть, яко «идуть къ тобъ Берендичи, и Печенъзи, и Торци», и рекохъ въ умъ своемь: оже ми будуть Берендичи и Печенъзи и Торци, реку брату своему Володареви и Давыдови: дайта ми дружину свою молодшюю, а сама пійта и веселитася; и помыслихъ: на землю Лядьскую наступлю на зиму и на лъто, п возму землю Лядьскую, и мьщю Русьскую землю; и посемь хотыль есмъ переяти Болгары Дунайскый, и посадити я у собъ; и посемь хотяхъ проситися у Святополка и у Володимера ити на Половци, да любо налъзу собъ славу, а любо голову свою сложю за Русскую землю: ино помышленье въ сердци моемь не было ни на Святополка, ни на Давыда, п се кленуся Богомь и его пришествіемь, яко не помыслиль есмъ зда братьи своей ни въ чемъ же, но за мое възнесенье низложи мя Богь и смири». Посемь же приходящю Велику дни, поиде Давыдъ, хотя переяти Василкову волость; и усръте и Володарь, брать Ва-

<sup>\*)</sup> Въ Ипат. «и еще есмь хотълъ».

силковъ, у Божьска, и не смъ Давыдъ стати противу Василкову брату Володарю, и затворися въ Бужьскъ, а Володарь оступи и въ городъ. И нача Володарь молвити: «почто здо створивъ и не каешися его? да уже помянися, колико еси зла створиль». Давыдъ же на Святополка нача извътъ имъти, глаголя: «ци я се створиль, ли въ моемь городъ? я ся самъ бояль, аще быша и мене яли и створили такоже; неволя ми былопристати въ свътъ, ходяче въ руку». И рече Володарь: «Богь свъдътель тому; а нынъ пусти братъ мой, и створю съ тобою миръ». И радъ бывъ Давыдъпосла по Василка, и приведъ и дасть Володарю, и створися миръ, и разидостася. И съде Василко Теребовли, а Давыдъ приде Володимерю. И наставши веснъ, приде Володарь и Василко на Давыда, и придоста ко Всеволожю, а Давыдъ затворися Володимери. Онъма же ставшима около Всеволожа, и взяста коньемь градъ и зажгоста огнемь и бъгоша людье огня; и повелъ Василко исъчи вся, и створи мщенье на людехъ неповинныхъ, и пролья кровь неповинну. Посемь же придоста къ Володимерю, и затворися Давыдъ въ Володимери, и си оступиша градъ. И послаша въ Володимерцемъ, глаголя: «въ не пріидоховъ на городъ вашъ, ни на васъ,\*) но на врагы своя, Туряка, и на Лазаря, и на Василя, ти бо суть намолвили Давыда, и тъхъ есть послушаль Давыдъ и створилъ се зло: да аще хощете за сихъ битися, да се мы готови; а любо дайте врагы наша». Гражане же се слышавъ, созваща вѣче, и рѣша Давыдови людье: «выдай мужи сія, не быемыся за сихы, а за тя битися можемы; аще

<sup>\*)</sup> Такъ въ Ипат. спискъ. А въ Лавр.: «не въ ли придохомъ на градъ вашь, не на васъ».

то отворимъ врата граду, а самъ промышляй собъ»; и неволя бысть выдати я. И рече Давыдъ: «нъту ихъ здъ», бъ бо я послаль Лучьску; онъмъ же пошедшимъ Лучьску, Турякъ бъжа Кыеву, а Лазарь и Василь воротистася Турійску. И слышаша людье, яко Турійскъ суть, кликнуша людье на Давыда и рекоша: «выдай, кого ти хотять; аще ли, то предаемыся». Давыдъ же пославъ приведе Василя и Лазаря, и дасть я; и створиша миръ въ недълю, а заутра, по зори, повъсиша Василя и Лазаря и растръляща стрълами Василковичи, и идоша отъ града. Се же 2-е мщенье створи, его же не бяше лъпо створити, дабы Богъ отместникъ былъ, и взложити было на Бога мщенье свое; якоже рече Пророкъ: и вздамъ месть врагомъ, и ненавидящимъ мя вздамъ, яко кровь сыновъ своихъ мщаеть и мстить; и вдасть месть врагомъ и ненавидящимъ его. Симъ же отъ града отшедшимъ, сею же снемши погребоша я. Святополку же объщавшюся прогнати Давыда, поиде къ Берестью къ Ляхомъ; се слышавъ Давыдъ, иде въ Ляхы къ Володиславу, ища помощи. Ляхове же объщашася ему помагати, и взяша у него здата 50 гривенъ, рекуще ему: «поиди съ нами Берестью, яко се вабитъ ны Святополкъ на снемъ; и ту умиримъ тя съ Святополкомъ»; и послушавъ ихъ Давыдъ, иде Берестью съ Володиславомъ. И ста Святонолкъ въ градъ, а Ляхове на Бугу, и сослася ръчьми Святополкъ съ Ляхы, и вдасть дары великы на Давыда; и рече Володиславъ Давыдови: «не послушаеть мене Святополкъ; да иди опять». И приде Давыдъ Володимерю, и Святополкъ свъть створи съ Ляхы, поиде въ Пиньску, пославъ по воъ; и приде Дорогобужю, и дожда ту вой своихъ

и поиде на Давыда къ граду, и Давыдъ затворися въ градъ, чая помощи въ Лясъхъ; бъща бо ему рекли: «яко аще придуть на тя Русскый князи, то мы ти будемъ помощници», и солгаша ему, емлюще злато у Давыда и у Святополка. Святополкъ же оступи градъ, и стоя Святополкъ около града 7 недёль; и поча Давыдъ молитися: «пусти мя изъ града», Святополкъ же объщася ему, и цъловаше крестъ межи собою, и изиде изъ града, и приде въ Червенъ; а Святополкъ вниде въ градъ въ великую суботу, а Давыдъ бъжа въ Ляхы. Святополкъ же прогнавъ Давыда, нача думати на Володаря и на Василка, глаголя: «яко се есть волость отца моего (п) брата»; и поиде на ня. Се слышавъ Володарь и Василко, поидоста противу, вземше крьсть, его же бъ цъловаль къ нина на семъ, яко «на Давыда пришель есмъ, а съ вама хочю имъти миръ и любовь»; и преступи Святополкъ крестъ, надъяся на множьство вой. И срътошася на поли на Рожни; исполчившимся обоимъ, и Василко възвыси крестъ, глаголя: «яко сего еси цъловалъ, се перывъе взяль еси зракъ очью моею, а се нынъ хощеши взяти душю мою; да буди межи нами крестъ сь»; и поидоша къ собъ къ боеви, и сступишася полци, и мнози человъци благовърніи видъша крестъ надъ Василковы вои, възвышься велми. Брани же велицъ бывши и мнозъмъ падающимъ отъ обою полку, и видъвъ Святополкъ, яко люта брань, и побъже, и прибъже Володимерю; Володарь же и Василко побъдивша, стаста ту, (рекуща): «довлъеть нама на межи своей стати», и не идоста никаможе. Святополкъ же прибъже Володимерю, и съ нимь сына его 2, и Ярополчича 2, и Святоша сынъ Давыдовъ Святославича, и прочая дру-

жина. Святополкъ же посади въ Володимери Мстислава, а Ярослава посла въ Угры, вабя Угры на Володаря, а самъ иде Кыеву. Ярославъ же, сынъ Святополчь, приде съ Угры, и король Колманъ и 2 пископа, и сташа около Перемышля по Вагру, а Володарь затворися въ градъ. Давыдъ бо въ то чинъ же пришедъ изъ Ляховъ, и посади жену свою у Володаря, а самъ иде въ Половцъ; и усръте и Бонякъ, и воротися Давыдъ, и поидоста на Угры. Идущема же има, сташа ночлъту, и яко бысть полунощи и вставъ Бонякъ отъвха отъ вой, и поча выти волчьскы, и волкъ отвыся ему, и начаша волци выти мнози; Бонякъ же прівхавъ повъда Давыдови, яко «побъда ны есть на Угры заутра». И наутрія Бонякъ исполчи вои свов, и бысть Давыдовъ вой 100, а у самого 300; и раздъли на 3 полкы, и поиде въ Угромъ; и пусти на воропъ Алтунапу въ 50 чади, а Давыда постави подъ стягомъ, а самъ раздълися на 2 части, по 50 на сторонъ. Угри же исполчишася на заступы, бъ бо Угръ числомъ 100 тысящь. Алтунопа же пригна къ 1-му заступу, и стръливше побъгнуша предъ Угры, Угри же погнаша по нихъ; яко бъжаще минуша Боняка, и Бонякъ погнаше съка въ тылъ, а Алтунопа възвратяшеться вспять, и не допустяху Угръ опять, и тако множицею убивая сбиша в въ мячь; Бонякъ же раздвлися на 3 полкы, и сбиша Угры акы въ мячь, яко се соколъ сбиваеть галицъ. И побътоша Угри, и мнози истопоша въ Вягру, а друзіи въ Сану; (и бъжаще возлъ Санъ у гору, и спихаху другъ друга И.) и гнаша по нихъ 2 дни, съкуще; туже убиша и пископа ихъ Купана, и оть болярь многы; глаголаху бо, яко погыбло ихъ 40 тысящь. Ярославъ же бъжа на Ляхы, и приде Берестью,

а Давыдъ заимъ Сутъску, Червенъ, приде внезапу п зая Володимерцъ, а Мстиславъ затворися въ градъ съ засадою, иже бъша у него Берестьяне, Пиняне, Выгошевци: и ста Давыдъ, оступивъ градъ, и часто приступаше. Единою поступиша къ граду подъ вежами, овъмъ же быющимъ съ града, и стръляющимъ межи собою, идяху стрълы акы дождь; Мстиславу же хотящю стрълити, внезапу ударенъ бысть подъ пазуху стрълою, на заборолъхъ, сквозъдску скважнею, и сведоша и, и на ту нощь умре, и тапша и 3 дни, и въ 4-й день повъдаша на въчи. И ръша людье: «се князь убьень; да аще ся вдамы, Святополкъ погубить ны вся»; и послаша къ Святополку, глаголя: «се сынъ твой убьень, а мы изнемогаемъ гладомь; да аще не придеши, хотять ся людье предати, не могуще глада терпъти». Святополкъ посла Путяту, воеводу своего; Путята же съ вои пришедъ къ Бучьску къ Святоши, сыну Давыдову, и ту бяху мужи Давыдови у Святошъ, заходиль бо бъ ротъ Святоша къ Давыдови: «аще поидеть на тя Святополкъ, то повъмьти». И не створи сего Святоша, но изъима мужи Давыдовы, а самъ поиде на Давыда. И приде Святоша и Путята августа въ 5 день, Давыдовымъ воемъ облежащимъ градъ, въ полуденье Давыдови спящю, и нападоша на нь и почаша съчи; и горожане скочиша съ града, и почаша свчи вов Давыдовы, и побъже Давыдъ и Мстиславъ, сыновець его. Святоша же и Путята пріяста градъ, и посадиста посадника Святонодча Василя; и приде Святоша Лучьску, а Путята Кыеву. Давыдъ побъже въ Половцъ, и усръте и Бонякъ; и поиде Давыдъ и Бонякъ на Святошю къ Лучьску, и оступиша Святошю въ градъ, и створища миръ. И изиде Святоша изъ

града, и приде къ отцю своему Чернигову; а Давыдъ перея Лучьскъ, и оттуду приде Володимерю, посадникъ же Василь выбъже, а Давыдъ перея Володимерь и съде въ немъ. А на 2-е лъто Святополкъ, Володимеръ, Давыдъ и Олегъ привабита Давыда Игоревича, и не даша ему Володимеря, но даша ему Дорогобужь, въ немъ же и умре; а Святополкъ перея Володимерь, и посади въ немъ сына своего Ярослава.

Въ лѣто 6606. Приде Володимеръ, и Давыдъ, и Олегъ на Святополка, и сташа у Городца, и створиша миръ, якоже и въ прежнее лѣто сказахъ. (Въ се же лѣто заложи Володимеръ церковь камяну святоѣ Богородицѣ, Переяславли, на княжѣ дворѣ. Того же лѣта заложи Володимеръ Мономахъ городъ на Въстри. И. Х.).

Въ лѣто 6607. Изиде Святополкъ на Давыда къ Володимерю, и прогна Давыда въ Ляхы. Въ се же лѣто побъени Угри у Перемышля. Въ се же лѣто убъенъ Мстиславъ, сынъ Святополчь, въ Володимери, мѣсяца іюня въ 12 день.

Въ лѣто 6608. Выиде Мстиславъ отъ Давыда на море, мѣсяця іюня въ 10. Томъ же мѣсяци братья створиша миръ межи собою, Святополкъ, Володимеръ, Давыдъ, Олегъ, въ Увѣтичихъ, мѣсяца августа во 10 день. Того же мѣсяца въ 30, томъ же мѣстѣ, братья вся (сняшася), Святополкъ, Володимеръ, Давыдъ, Олегъ, и приде къ нимъ Игоревичь Давыдъ, и рече къ нимъ: «начто мя есте привабили? осе есмъ; кому до мене обида»? И отвѣща ему Володимеръ: «ты еси прислалъ къ намъ: хочю, братья, прити къ вамъ и пожаловатися своея обиды; да се еси пришелъ и сѣдишь съ братьею своею на одиномъ коврѣ: то чему не жалу-

ешься, до кого ти насъ жалоба»? и не отвъща Давыдъ ничтоже. И сташа вся братья на конихъ; и ста Святополкъ съ своею дружиною, а Давыдъ и Олегъ съ своею, разно, кромъ собе, а Давыдъ Игоревичь съдяше кромъ, и не припустяху его къ собъ, но особь думаху о Давыдъ. И сдумавше послаша къ Давыду мужи свов, Святополкъ Путяту, Володимеръ Орогостя и Ратибора, Давыдъ и Олегъ Торчина; посланіи же придоша къ Давыдови и рекоша ему: «се ти модвять братья: не хочемъ ти дати стола Володимерьскаго, зане вверглъ еси ножь въ ны, его же не было въ Русскъй земли; да се мы тебе не имемъ, ни иного ти зла не створимъ, но се ти даемъ, шедъ сяди въ Бужьскымь, въ Остромы; \*) а Дубень и Черторыескъ, то ти даеть Святополкъ, а се ти даеть Володимеръ 200 гривенъ, а Давыдъ и Олегъ 200 гривенъ». И тогда послаша слы своя къ Володареви и къ Василкови: «поими брата своего Василка къ собъ, и буди вамъ едина власть, Перемышль; да аще любо, да съдита, аще ли ни, да пусти Василка съмо, да его кормимъ сдѣ; а холопы наша выдайта и смерды»; и не послуша сего Володарь, ни Василко. А Давыдъ съде Божьскымь, и посемь вдасть Святополкъ Давыдови Дорогобужь, въ немъ же умре; а Володимеръ вда сынови своему Ярославу.

Въ дъто 6609. Преставися Всеславъ, Полотьскый князь, мъсяца априля въ 14 день, въ 9 часъ дне, въ среду. Въ то же дъто заратися Ярославъ Ярополчичь Берестьи, и иде на нь Святополкъ, и заста и въ градъ, и емъ и, и окова, и приведе и Кыеву; и

<sup>\*)</sup> Ипат.: «въ Острозъ».

модися о немь митрополить и игумени, и умолиша Святополка, и заводиша и у раку святою Бориса и Гльба, и сняша съ него оковы и пустиша и. Томь же льть совокупишася вся братья: Святополкъ, Володимеръ, и Давыдъ, и Олегъ, Ярославъ братъ ею, на Золотьчи; и прислаша Половци слы отъ всъхъ князій ко всей братьи, просяще мира; и рыша имъ Русскый князи: «да еще хощете мира, да совокупимся у Сакова»; и послаша по Половць, и сняшася у Сакова, и створиша миръ съ Половци, и пояща тали межи собою, мъсяця семтября въ 15 день, и разидошася разно. (Въ се же льто Володимеръ заложи церковь у Смоленьскъ святоъ Богородицъ камяну, епискупью. И. Х.).

Въ лѣто 6610. Выбѣже Ярославъ Ярополчичь изъ Кыева, мъсяца октября въ 1. Того же мъсяца на исходъ, предстивъ Ярославъ Святоподчичь Ярослава Ярополчича, и ятъ и на Нуръ, и приведе и къ отцю Святополку, и оковаша и. Томь же лътъ, мъсяца декабря въ 20, приде Мстиславъ, сынъ Володимерь, съ Новгородци, бъ бо Святополкъ съ Володимеромь рядъ имълъ, яко Новугороду быти Святополчю и посадити сынь свой въ немь, а Володимеру посадити сынь свой въ Володимери; и приде Мстиславъ Кыеву, и съдоша въ избъ \*\*), и ръша мужи Володимери: «се прислалъ Володимеръ сына своего, да се съдять Новгородци; да поимше сына твоего и идуть Новугороду, а Мьстиславъ да идеть Володимерю». И ръша Новгородци Святополку: «се мы, княже, прислани къ тобъ, и ркли ны тако: не хочемъ Святополка, ни сына его; аще

<sup>\*)</sup> Въ И. и Х. «въ истобцъ». Въ Р. и Т. «въ истьбъ».

ли 2 главъ имъеть сынъ твой, то пошли и; сего ны далъ Всеволодъ, а въскормили есмы собъ князь, а ты еси шель отъ насъ». И Святополкъ же многу прю имъвъ съ ними, онъмъ же не хотъвшимъ, поимше Мстислава придоша Новугороду. Въ то же лъто бысть знаменье на небесп, мъсяца генваря въ 29 день, по З дни: акы пожарная заря отъ въстока и уга и запада и съвера, и бысть тако свъть всю нощь, акы отъ луны полны свътящься. Въ то же лъто бысть знаменье въ лунъ, мъсяца февраля въ 5 день. Того же мъсяца въ 7 день бысть знаменье въ солнци: огородилося бяше солнце въ три дугы, и быша другыя дугъ хребты къ собъ. И сія видяще знаменья, благовърніи черньци со въздыханьемь моляхуся къ Богу и со слезами, дабы Богъ обратилъ знаменья си на добро: знаменья бо бывають ова на зло, ова ли на добро. На придущее лъто вложи Богъ мысль добру въ Русьскыт князи, умыслиша дерзнути на Половцт и поити въ землю ихъ, еже и бысть, якоже скажемъ послъже въ пришедшее лъто. Въ се же лъто преставися Ярославъ Ярополчичь, мъсяца августа въ 11 день. Въ се же лъто ведена бысть дщи Святополча Сбыслава въ Ляхы за Болеслава, мъсяца ноября въ 16 день. (Въ то же лъто родися у Володимера сынъ Андръй. И. Х.)

Въ лъто 6611. Богъ вложи въ сердце княземъ Рускымъ (мысль благу И.) Святополку и Володимеру, и снястася думати на Долобьскъ; и съде Святополкъ съ своею дружиною, а Володимеръ съ своею въ единомь шатръ. И почаша думати и глаголати дружина Святополча: «яко негодно нынъ, веснъ, ити, хочемъ на смерды и погубити ъ и ролью ихъ». И рече Володимеръ: «дивно ми, дружино, оже дошади жалуете, ею же то

ореть; а сего чему не промыслите, оже то начнеть орати смердъ, и прівхавъ Половчинъ ударить и стрвлою, а лошадь его поиметь, а въ село его жхавъ иметь жену его, и дъти его, и все его имънье? то лошади жаль, а самого не жаль ли»? И не могоша отвъщати дружина Святополча, и рече Святополкъ: «се язъ готовъ уже», и вста Святополкъ; и рече ему Володимеръ: «то ти, брате, велико добро створиши землъ Русскъй». И посласта ко Олгови и Давыдови, глаголюща: «поидита на Половци, да любо будемъ живи, любо мертви»; и послуша Давыдъ, а Олегъ не всхотъ сего, вину река: «не сдравьлю». Володимеръ же цъловавъ брата своего, и поиде Переяславлю, а Святополкъ по немь, и Давыдъ Святославичь, и Давыдъ Всеславичь, и Мстиславъ Игоревъ внукъ, Вячеславъ Ярополчичь, Ярополкъ Володимеричь; и поидоша на конихъ и въ лодьяхъ, и придоша ниже порогъ, и сташа въ протолчехъ въ Хортичемъ островъ; и всъдоша на конъ, и пъши изъ лодей вышедъ идоша въ полъ 4 дни, и придоша на Сутънь. Половци же слышавше, яко идеть Русь, собрашася безъ числа и начаша думати; и рече Урусоба: «просимъ мира у Руси, яко кръпко имуть битися съ нами, мы бо много зла створихомъ Русскъй земли». И ръща унъйшіи Урособъ: «аще ты боишися Руси, но мы ся не боимъ; сія бо избивше, пойдемъ въ землю ихъ и пріимемъ грады ихъ, и кто избавить и отъ насъ»? Руссків же князи и вои вси моляхуть Бога, и объты вздаяху Богу и Матери его, овъ кутьею, овъ же милостынею убогымъ, иніи же манастыремъ требованья. И сице модящимся, поидоша Половци и послаша предъ собою (въ) сторожъ Алтунопу, иже словяще въ нихъ мужствомъ; такоже

Руссків князи послаша сторожь свов; и устерегоша Русків сторожеве Олтунопу, и обиступивъше и, и убища Алтунопу и сущая съ нимь; и не избысть ни единъ, но вся избиша. И поидоша полкове аки борове, и не бъ презръти ихъ; и Русь попдоша противу имъ. И Богъ великый вложи ужасть велику въ Половцъ, м страхъ нападе на ня и трепеть отъ лица Русскыхъ вой, и дремаху сами, и конемъ ихъ не бъ спъха въ ногахъ; наши же съ весельемь на конъхъ и пъши поидоша къ нимъ. Половци же видъвше устремленье Руское на ся, не доступивше бо побътоша предъ Русскими полки; наши же погнаша, съкуща я, дни 4 априля мъсяца, велико спасенье Богъ створи, а на врагы наша дасть побъду велику. И убиша ту въ полку князій 20: Урусобу, Кчія, Аръсданапу, Китамопу, Кумана, Асупа, Куртка, Ченегрепу, Сурьбаря, и прочая князій ихъ; а Белдюзя яша. Посемь же съдоша братья, побъдивше врагы своя; приведоша Белдюзя къ Святополку, и нача Белдюзь даяти на собъ злато и сребро, и конъ и скотъ; Святополкъ же посла и къ Володимеру. И пришедшю ему, нача впрашати его Володимеръ: «то въдъ яла вы рота; мнотажды бо ходивше роть, воевасте Русскую землю; то чему ты не казаше сыновъ своихъ и роду своего не преступати роты, но продивашете кровь хрестьяньску? да се буди кровь твоя на главъ твоей»; и повелъ убити и, и тако расъкоша и на уды. И посемь сняшася братья вся, и рече Володимеръ: «сь день, створи Господь, възрадуемся и възвеселимся въ онь; яко Господь избавиль ны есть отъ врагъ нашихъ, и покори врагы наша, и скруши главы зміевыя, и далъ «еси сихъ брашно людемъ Русьскымъ»: взяща бо тогда

скоты и овцё и конё и вельблуды, и вежё съ добыткомь и съ челядью, и заяша Печенёгы и Торкы съ вежами. И придоша въ Русь съ полономь великымь, и съ славою и съ побёдою великою. Семь же лётё придоша прузи, августа въ 1 день. Того же мёсяца въ 18 день иде Святополкъ и сруби городъ Гюргевъ, его же бёша пожгли Половци. Того же лёта бися Ярославъ съ Мордвою, иёсяца марта въ 4 день, и побёженъ бысть Ярославъ.

Въ лъто 6612. Ведена дщи Володарева за царевичь за Олексиничь, Царюгороду, мъсяца іулія, въ 20. Томь же лътъ ведена Передъслава, дщи Святополча, въ Угры, за королевичь, августа въ 21 день. Темь же лътъ приде митрополить Никифоръ въ Русь, мъсяца декабря въ 6 день. Того же мъсяца преставися Вячеславъ Ярополчичь, въ 13 день. Того же итсяца въ 18 Никифоръ митроподитъ на столъ посаженъ. Се же скажемъ: сего же лъта исходяща, посла Святополкъ Путяту на Мънескъ, а Володимеръ сына своего Ярополка, а Олегъ самъ иде на Глъба, поемше Давыда Всеславича; и не успѣща ничтоже, и възвратишася опять. И родися у Святополка сынъ, и нарекоша имя ему Брячиславъ. Въ се же лъто бысть знаменье: стояше солнце въ крузъ, а посредъ круга крестъ, а посредъ креста солнце, а внъ круга обаполы два солнца, а надъ солнцемь кромъ круга дуга, рогома на съверъ; такоже знаменье и въ лунъ тъмь же образомь, мъсяца февраля въ 4 и 5 и 6 день, въ дне по 3 дни, а въ нощь въ лунъ по 3 нощи.

Въ лъто 6613. (Увалися верхъ святаго Андръя. П. Х.). Постави митрополить епископа Анфилофія Володимерю, мёсяца августа въ 27 день. Томь же лёть постави Лазаря въ Переяславль, ноября въ 12. Томь же лёть постави Мину Полотьску, декабря въ 13 день. (Томъ же лёть явися звёзда съ хвостомъ, на западъ, и стоя мъсяць. Того же лъта пришедъ Бонякъ зимъ на Зарубъ, и побъди Торкы и Береньдъв: И. Х.).

Въ лъто 6614. Воеваща Половци сколо Заръчьска, и посла по нихъ Святополкъ Яня (Вышатича, и брата его Путату И.), и Иванка Захарьича, Козарина; и угониша Половцъ и полонъ отяша. Въ се же лъто преставися Янь, старець добрый, живъ лътъ 90, въ старости мастить; живъ по закону Божью, не хужій бъ первыхъ праведникъ, отъ него же и азъ многа словеса слышахъ, еже и вписахъ въ лътописаньи семь отъ него же слышахъ; бъ бо мужь благъ, и кротокъ, и смърепъ, огребаяся всякоя вещи, его же и гробъ есть въ Печерьскомъ монастыри, въ притворъ, идъже лежить тъло его положено мъсяца іуня въ 24. Въ се же лъто пострижеся Еупракси, Всеволожа дщи, мъсяця декабря въ 6. Въ то же лъто прибъже Избыгнъвъ къ Святополку. Въ то же лъто пострижеся Святославъ, сынъ Давыдовъ, внукъ Святославль, мъсяца февраля въ 17 день. Томь же лътъ побъдища Зимъгода Всеславичь, всю братью, и дружины убиша 9 тысящь.

Въ лъто 6615, индикта, кругъ луны 4 лъто, а солнечнаго круга 8 лъто. Въ се же лъто преставися Володимеряя, мъсяця мая въ 7 день. Того же мъсяця воева Бонякъ и зая конъ у Переяславля. Томь же лътъ приде Бонякъ, и Шаруканъ старый, и ини князи мнози, и сташа около Лубьна; Святополкъ же, и

Володимеръ, и Олегъ, Святославъ, Мстиславъ, Вячеславъ, Ярополкъ идоша на Половци къ Лубну, и въ 5 часъ дне бродишася чрезъ Сулу, и кликнуша на нихъ. Половци же ужасошася, отъ страха не възмогоша ни стяга поставити, но побътоша хватающе кони, а друзіи пъши побътоша; наши же почаша съчи, женущи я, а другыт руками имати, и гнаша ноли \*) до Хорола. Убиша же Таза Бонякова брата, а Сугра яша и брата его, а Шаруканъ едва утече; отбътоша же товара своего, еже взяша Русскій вой, мъсяца августа въ 12, и възвратишася всвояси съ побъдою великою. Святополкъ же приде въ Печерьскый манастырь, на заутреню, на Успенье святыя Богородица, и братья цъловаща и съ радостью великою, яко врази наша побъжени быша молитвами святыя Богородица и святаго отца нашего Өеодосья. Такъ бо обычай имънше Святополкъ: коли идяще на войну, или инамо, ноли поклонивъся у гроба Өеодосьева и молитву вземъ у игумена, ту сущаго, тоже идяше на путь свой. Въ то же лъто преставися княгини, Святополча мати, мъсяца генваря въ 4 день. Томь же льть, мьсяца того же, иде Володимерь, и Давыдь, и Олегъ къ Аепъ и другому Аепъ, и створиша миръ; и поя Володимеръ за Юргя Аепину дщерь, Осеневу внуку, а Олегъ поя за сына Аепину дчерь, Гиргеневу внуку, мъсяца генваря 12 день.

Въ лъто 6616. Заложена бысть церкы святаго Михаила, Золотоверхая, Святополкомь княземь, въ 11 іулія мъсяца; и кончаша тряпезницю Печерьскаго манастыря, при Өеоклистъ игуменъ, иже ю и заложи пове-

<sup>\*)</sup> Въ др. сп. «оле (оли)».

лъньемь Глъбовымъ, иже ю и стяжа. Въ се же лъто вода бысть велика въ Днъпръ, и въ Деснъ, и въ Припетъ. Въ семь же лътъ вложи Богъ въ сердце Феоклисту игумену Печерьскому, и нача възвъщати князю Святополку, дабы вписаль Феодосья въ сънаникъ \*);
и радъ бывъ, объщася и створи, повелъ митрополиту
вписати въ синодикъ, и новелъ вписывати по всъмъ
еписконьямъ, и вси же епископи съ радостью вписаша, и поминати и на всъхъ Сборъхъ. Въ се же лъто
преставися Катерина, Всеволожа дщи, мъсяца іулія
въ 11. Въ се же лъто кончаша верхъ святыя Богородица на Кловъ, заложенъй Стефаномь игуменомь
Печерьскымь.

Въ лѣто 6617. Преставися Евпракси, дщи Всеволожа, мѣсяца іулія въ 10 день, и положена бысть въ
Печерскомъ манастырѣ у дверій, яже ко угу; и сдѣлаша надъ нею божонку \*\*\*), идѣже лежить тѣло ея.
Въ то же лѣто, мѣсяца декабря въ 2 день, Дмитръ
Мворовичь взя вежѣ Половечскыѣ у Дону.

Въ лъто 6618. Идоша веснъ на Половцъ Святополкъ, и Володимеръ, Давыдъ; и дошедше Воиня, и воротишася. Томъ же лътъ бысть знаменье въ Печерьстъмъ монастыръ, въ 11 день февраля мъсяца: явися столиъ огненъ отъ земли до небеси, а молнья освътиша всю землю, и въ небеси погремъ въ часъ 1 нощи; и весь миръ видъ; се же столпъ первъе ста на трапезници каменъй, яко не видъти бысть креста, и постоявъ мало, съступи на церковь и ста надъ гробомъ Феодосьевымъ, и потомъ ступи на верхъ, акы ко встоку

<sup>\*)</sup> Синодикъ.

<sup>\*\*)</sup> Въ И. «божницю».

лиць, и потомъ невидимъ бысть. Се же бъаше не огненый столиъ, но видъ ангелескъ: ангелъ бо является, ово столпомъ огненымъ, ово же пламенемъ; якоже рече Давыдъ: творя ангелы своя духы и слугы своя огнь полящь: и шлеми суть повельныемь Божьимь, аможе хощеть Владыка и Творець всёхъ; ангелъ бо проходить кдъ благая мъста и молитвении домове, и ту показають нъчто мало видънья своего, яко мощно видъти человъкомъ; не мощно бо зръти человъкомъ естьства ангельскаго, яко и Монси великый не взможе видъти ангельскаго естьства, водящеть бо день столиъ облаченъ, а въ нощи столиъ огненъ; то се не столпъ водяще ихъ, но ангелъ идяще предъ ними въ нощи и въ дне. Тако и се явленье нъкоторое показываще, ему же бо быти, и бысть: на 2-е болъто не се ли ангелъ вожь бысть на иноплеменникы и супостаты, якоже рече: ангель предъ тобою предъидеть, и ангель твой буди съ тобою?

' Игуменъ силивестръ стамиханла : написа кингы сильтописейр, начися о ехмутрибным, понкнухн вохочитери, кнужащю емукыевъ ампъвто время нгуменящю оустамихаїла. въ д. х. ка. ниднита. б. лв. анжечтеть кингы сий то кудими

BE MATBANE ...



# СЛОВАРЬ.

#### A.

Абье. Абіе. *Дерк*. Тотчасъ, немедленно.

Атъ. Ать. Стар. Да, пусть.

Анн. Стар. А ежели. Анс. Стар. Тоже, что аще-

# Б.

Биричь. Стар. Глашатай, публичный чтець, обнародывавшій указы и постановленія правительства на площадяхь и др. открытыхъ мѣстахъ.

Бо. Церк. Цбо.

**Божонка.** Стар. Церковь или часовня.

Бодма Дерк. Напболъе, весьма.

Болонье. Стар. Пространство между двумя валами, окружающими городъ; предмъстье, форштатъ.

Болъ. Вм. бодалъ.

Борове. Мн. ч. отъ Боръ. Стар. Сосновый неловый лёсъ.

Вохинтъ. Магометъ.

Вохъмичь. Магометанскій.

Бранити. Церк. Запрещать.

Бчелка. Южно-русск. уменьшит. форма отъ сущ. бочка (Ср. польское бочулка, уменьшит. отъ бочка). Боченокъ.

Бъла. Стар. Бълка.

Бъль. Старинныя деньги изъбъличьихъ шкуръ. (Ср. куны.)

# **B.**

Вабить. Стар. Призывать, приглашать; приманивать.

Варити. *Дерк*. Упредить, ускорить приходомъ; предувъдомить. Вборзъ. Дерк. Быстро, скоро. Вгажающе. Дерк. Прич. наст. отъ гл. вгажати. Угождать, нравиться.

Вдадуче. Прич. усъч. отъ

тл. вдати. Вручать, выдавать.

Вдаша на щиты. Отдали въ плънъ ратникамъ. (Соловьева И. Р. т. II, стр. 14.)

Велю. *Церк*. Зной, жаръ, засуха.

Вежа. Стар. 1) Шатеръ, палатка; башня.—2) Чердакъ, вышка. (Сол. И. Р. I, 272).

Ветъхъ. Стар. Трянка.

Взорати. Дерк. вспахать.

Вида. Прич. усъч. оконч. отъ гл. видъти.

▼ Вира. Стар. Денежная пеня за смертоубійство.

возма. Прич. усвч. отъ гл. взяти.

Вонну. Выну. Церк. На-всегда.

Волшьство. Колдовство. (Отъ стар. волшити, колдовать).

**Волъшвеніе**. *Церк*. Волхвованіе.

Ворожбитъ. Стар. Врагъ.

Воронъ. Стар. Нападеніе, натискъ.

Вотола. Стар. Ткань, имѣ-ющая основу посконную, а утокъ толстый, изъльняныхъ хлопьевъ.

Вотолянъ. Сшитый изъ во-толы.

Винти. Вънити. Дерк. Вопить.

Възяста. Прош. сов. дв. ч. отъ гл. възяти, поднять.

Въсияща. Прощ. сов. мн. ч. отъ стар. въспяти, поднять.

Въстягнутися. Стар. Удерживаться, воздерживаться.

Въсхонивъся. Дерк. Прич. прош. усъч. отъ гл. въсхопитися, вскочить.

Въверица. Стар. Ласка, гор-

Въвъ. Дв. ч. отъ гл. епдъти, знать.

Въно. *Перк*. Плата отъ жениха за невъсту; выводное.

### Γ.

Галица. Дерк. Галка.

Гобино. Стар. Обиліе, довольство.

У Година. *Дерк*. Часъ, пора, время.

Годъ. *Церк*. Время, пора. Гребля. Стар. Насыпь.

Гридь. Стар. Тълохранители, составлявшіе дружину древ-

нихъ русскихъ князей.

Гридьица. Стар. Комната, или особое строеніе при древнихъ княжескихъ дворцахъ, гдъ содержали стражу гридни. Пріемная комната.

Гробля. Стар. Ровъ.

**Груденъ.** *Стар*. Названіе мъсяца ноября.

Грудный, ая, ое. Стар. отъ слова груда, распутица.

Гугианьс. Дерк. Косноязычіе, медленноязычіе, заикливость.

Гугинвый. *Др*. Косноязычный, медленноязычный, заикливый.

Гугиявый. *Церк*. Говорящій въ носъ, гнусливый.

Дебель. Церк. Полный. Деместникъ. Церк. Пъвчій. Дивій. Дерк. Дикій, лесной, пустынный.

Диу. *Стар*. Внутрь.

Дънъшній. Стар. Внутренній. (Ср. «див и вив». Волын. Imm.).

Дружена. Тоже, что дру-

жина.

Дъля. Стар. Для, ради. Дътескъ. Стар. Малъ, молодъ.

Дътьский. Стар. въ видъ сущ. муж. р. Въ періодъ удъловъ такъ назывался отрокъ, служившій при княжескомъдворъ и находившійся при особъ князя, въ родъ царедворца или тълохранителя.

# E.

Единець. Карамзинъ (И. Г. Р. ІІ, примъч. 133) переводить: монахиня. Но этому толкованію противится родъ этого существительнаго. — Миклошичъ переводить кабанг, дикая свинья п сближаеть название единець съ пиенами этого звъря-греческинь μονιος (οть μονος одинъ) и лат. singularis (откуда Франц. sanglier и итал. рый.

cinguiale BM. singuiale). кое толкованіе подтверждается тымь, что взрослые кабаны пасутся обыкновенно по-одиначкв.

Еже. Ср. р. отъ мъст. церков. иже.

Елико. Церк. Сколько. Елма. Дерк. Когда уже. Етеръ. Церк. Иной, нъкото-

30ЛЬ.

женуть. Мн. ч. наст. вр. отъ щерк. женути, гнать.

Желвь. Церк. Желвакъ, мо- Жито. Стар. Поле. (См. Сол. И. Р. И, 41).

> жряху. Прош. отъ жрьти, жрети, приносить жертвы:

Забороло. Стар. Забрало.

Церк. Стъна, ограда. Забральный. Принадлежащій къ забралу.

Заводивше кресту. Приведя ко кресту, къ присягъ.

Закыханье. Чиханье.

Зане. Церк. Потому что.

Заратиться. Стар. Начать войну.

Запона. Церк. Завъса, по-

кровъ.

Засобь. Нар. Особо.

Заходивше ротъ. Принявъ присягу.

Заступа. Стар. Уступъ,

эшелонъ.

Зая. Прош. отъ Заяти. *Церк*. Занять, захватить.

Зелье. Стар. Быліе или злакъ, всякое произрастеніе, употребляемое въ пищу или лѣкарство.

Знамянья. Памятники. (Кар. И. Р. І. Прим. 377). Приготовленное мѣсто для ловли птицъ въ лѣсу. (Р. Правда: «аже будеть разсѣчена земля, или на земли знаменіе» и проч.)

# И.

и. Винит. и. отъ древняго указат. й, онъ.

• ида. *Стар*. Прич. наст. усъч. Идя.

Иждену. (вм. изжену). Церк. Изгоню.

иже, яже, еже. *Церк. Ко-*торый, ая, ое.

**Изънимати**. Стар. Брать

въ пленъ.

Имемся по дань. Беремся

платить дань.

индиктъ. Дерк. 1) 15-лътнее продолжение времени, начиная съ 1 сентября. 2) Число сего періода, соотвътствующее данному году.

Ирій. Стар. Свётлое заоблачное пространство, жилище солнца; страна вёчнаго лёта, куда скрывается зимою вся жизнь природы и улетають птицы (См. Котляревскаго «Погребал. обычаи Славянь». стр. 199).

**Исполчитися.** Стар. Построиться въ боевой порядокъ.

исткань, а, о. Церк. Вытканный.

Истопка. Истобка. Истьба. Изба.

**Псходище.** Дерк. Распутіе, истокъ, мѣсто, откуда выходитъ рѣка или ручей.

### K.

Кажай. прич. наст. отъ *церк*. казати, кажу. Наказывать, казнить.

Кало. Пометъ.

Кальный. Нечистый, гряз-

Квасъ (усніяный. См. усніе). Ускорняковъ дѣлается изъ пшеничныхъ отрубей съ солью.

Клада. Древнее крада. Костеръ. Срубъ. Колода. (Ср. Котляр. «Погреб. обычаи Слав.» стр. 129).

Клъть. *Нар*. Холодная изба, гдъ хранится имущество; кладовая. *Дерк*. Покой, храмина.

Ключитися. *Перк*. Случиться, приключиться. Отличный воинъ, витязь.

Кобь. Стар. Гаданье по примътамъ или по встръчъ.

кола. Телъга. (Сол. И. Р. І, 206). Дроги или дровни. (ibid.,

273).

колода. 1) Большой и толстый обрубокъ бревна. 2) Тоже, что Клада.

Колодинкъ. Содержимый подъ

стражею, узникъ.

Комонь. Стар. Конь.

Корзно. Стар. Верхняя одежда, епанча.

Кормилент. Стар. Дядька,

пъстунъ.

Корста. Стар. Гробница; гробъ.

Котка. Стар. Кошка.

Котора. Стар. Распря, смута, раздоръ.

Кметье. Мн. ч. отъ кметь. Которатися. Стар. Имъть съ къмъ распрю; спорить; ссориться.

Кремъ. Стар Внъ. (Отъ

слова крома, край).

Кропіниный, Кронинный. Полотняный. (Сол. И. Р. І, 112. — Кар. И. Г. Р. І, прим. 315: «ибо изъ крапивы дълается особый родъ полотна».)

Крынеть. Это слово встрычается только въ Лаврентьевскомъ депискъ дътописи; во всьхъ другихъ спискахъ: куnumo.

Кресити. Кръсити. Стар. Воскрешать.

Кубара: Греч.Корабль, ладья.

Куна. Лоскутъ шкурки куньей, представлявшій извъстную MOHETY.

Лагодить. Стар. Предаваться чему съ сильнымъ желаньемъ.

Латка. Глиняная глубокая

сковорода.

Лимень (лимана). Заливъ. Ловище. Стар. Мъсто, гдъ

ловять звтрей и рыбу.

Луда. (Слово англо-сакс. происхожденія). Стар. Верхняя одежда, плащъ.

Лука. Морской излучистый

берегъ. Стар. Лукавство, обманъ, кривда.

Лукно. Стар. Мъра сыпучихъ или вязкихъ веществъ.

Лыскарь. Стар. Лопата.

Лъзу. Стар. Иду.

Лъпокъ. Названіе цвътка.

Лядь. То же, что олядія, или олядь. (Срав. подъ г. 6551).

Лядьный. Стар. Корабельный. (Говорится о «греческом» OTHTOD).

Медуша. Стар. Погребъ для храненія меда и другихъ напитковъ..

Мовь. Баня. Тоже, что мовня. Могила. Стар. Холмъ, который насыпали надъ мертвецомъ. (Отъ корня индо-евр. мог, маг — рости. Срав. Diefenbach, Lexicon comparativum linguar. indo-germanicar.).

Мотыка. Церк. Заступъ, же-

льзная лопатка.

Мъска. Ж. р. отъ Мъскъ, мулъ. Мыто. Стар. Пошлина за пробъдъ черезъ установленное мъсто или за провозъ товаровъ.

# H.

набдя. Прич. усёч. оть стар. набдъвать, набдъти. Снабжать,

наделять.

Навье. Стар. Мертвецъ. По мнѣнію Боппа, Потта и др., происходить оть санскр. корня нас-нак, виднаго въ лат. песате-убивать. Гаттала производить это сл. оть корня ну. Оно родственно корню паva, лат. па-vis—корабль—и указываеть на прибытіе откуда-то по морю. Наконецъ оно близко и къ корню пиb-із, облако—пребываніе тѣней. (Ср. Котляр. «Погреб. обычаи Слав.» стр. 199).

Налъзти. Стар. Найти.

Намъню. Буд. вр. отъ *церк*. Намънити. Упомянуть.

Наполы. Стар. Пополамъ.

**Напрасный**. *Дерк*. Внезапный, нечанный.

**Напя.** Отъ **Напяти**. *Церк*. Натянуть.

Нарочитый. Весьма значительный, отличный, знаменитый.

**Парубати**. Стар. Набирать насильно, сгонать.

насадъ. Стар. Водоходное

плоскодонное судно.

Населникъ. (Насельникъ). Церк. Природный житель земли или страны.

Насмисатися. Стар. Насмъ-

хаться.

Находинкъ. *Церк*. Пришлецъ. Невъголосъ. *Церк*. Невъжда, не ученый.

Пепріязнь. Стар. Врагь че-

ловека, дьяволъ.

**Нети.** Мн. ч. отъ **Петій**. *Стар*. **Племянникъ** по сестръ.

Поли. Стар. Даже.

нъ. Наръчіе, показывающее неопредъленность.

0.

Обаполь (Лавр. ополь). Дерк. Съ объихъ сторонъ.

Обой. Стар. Боемъ; въ бой. Оброщени. Отъ церк. оброщити, красить, пятнать. (Ми-клошичъ переводить tingere).

Обручъ. Стар. Кольца. Ово, Церк. Ли, или.

ово, дерк. ми, или. Овогда. Дерк. Иногда.

Овый, ая, ое. Дерк. Иной, нъкій.

Овчюхъ. Стар. Овчаръ.

огребатися. Дерк. Удаляться, уклопяться.

Одалати. Стар. Одолъвать.

Одва. Стар. Едва.

Одобывть. Стар. Одебельть, ожесточиться.

Одрина. Стар. 1) Спальня. 2) Жилой покой, изба.

Оже. Стар. Ежели, когда;

что; потому что.

Оканьнін. Древняя форма вм. окаянный, отъ гл. ка-ти (вм. ка-я-ти) съ предя. о (поносить), откуда и каз-нь, др. цс. ка-я-знь, какъ отъ больти-бользнь. (Бусл. Истор. Грам. I, § 50, прим. 2).

Оксансалма (вм. эксапсалма). Греч. Шестинсалміе, читаемое

утромъ.

**Оле.** Стар. Еле.

Оли. Стар. Даже; а; пока. Олядія, пли Олядь. Стар. Ладья, мореходное судно.

Оправливати. Стар. Давать

правду, судъ; судить.

Опрати. Отъ церк. прати съ предл. о. 1) Выдавливать. 2) Выжимать, ударять валькомъ (откуда прачка). 3). Попирать ногами; 4) Противоборствовать.

Опрочъ. Стар. Сверхъ того.

Орудье. Стар. Дъло.

освъть. Стар. На разсвътъ.

Остоя. Стар. Осада.

Острогъ. Укръпленіе изъ заостренныхъ сверху бревенъ, плотно одно подлѣ другаго стоймя вкопанныхъ въ землю.

Отень. Стар. Отчій, отече-

criñ.

Отиръся. Прош. вр. отъ Отирътися. Стар. отказаться.

Отрокъ. 1) Царедворецъ. 2)

Служитель.

Оцъпъвъ. Оцъпенъвъ.

очитивые. Прич. отъ стар. очитить. Послышать, ощупать.

Охабиться. Стар. Удаляться, устраняться, оберегаться, охраняться.

# $\prod$

**Паволока**. Шелковая или бумажная ткань.

Паволочитый. Сдёланный изъ паволоки.

Пардусъ. Барсъ.

Паропци (паробци) отъ стар. Паробокъ. Мальчикъ, отрокъ,

прислужникъ.

Перевъсище. Стар. Мъсто, гдъ развъщивались съти («перевъсы») и разставлялись силки для ловли звърей и птицъ. Г. Срезневскій («Чтенія», 42) объясняеть это слово, какъмъсто, въ которомъ хранились казенные въсы.

Перегъбъхъ... Сустугахъ. Мнѣніе Карамзина: « Перегибами

назывались, кажется, некоторыя особенныя лодки. стуги могуть значить кривлянье». (И. Г. Р I. Прим. 370).Мнтніе г. Соловьева: «Но въ лѣтописи нѣсколько разъ повторено, что Древляне пріжхали въ одной лодкъ; что сустуг можеть значить кривлянье, нельзя заключить ни изъ чего. Гораздо скорће оба слова могуть означать одежду, отъ перегибаю и стягиваю. (И. Р. І. Прим. 206) Г. Эрбенъ, въ примъч. 27 къ своему переводу Нестора, объясняетъ «перегьбы» какь перегибы на одежды, складки, а «сустугир-застежки.

**Инти на** «кого либо. « Стар. 1) Пить за чье-либо здоровье. 2) Справлять погребальную тризну еще при жизни умирающаго. (Ср. Котляр. «Погреб., обычаи Слав.» стр. 106 и др.).

Илищъ. Дерк. Шумъ, крикъ. : Поверзывати., Стар. Привя-

зывать.

Повозъ. Стар. Повинность, состоявшая въ возкъ казенной клади.

Повозникъ. Стар. Везущій кого-либо; возница, кучеръ.

Новость (вм. погость). Стар. Округа или нъсколько деревень, принадлежащихъ къ одной волости. Г. Эрбенъ производитъ это слово отъ По и Гость и полагаетъ, что оно означало гостиные дворы.

Новрещи. Церк. Повергать. Погребъ. Стар. Темница,

тюрьма.

Нодъклада. Потникъ подъ съдломъ.

Нодиадше, прич. усвч. отъ Подпасть. Стар. Подкрасть-CA.

Подътокие. Прич. отъ подтыкать. Стар. Подущать, подстрекать.

Пожаръ. Стар. Выжженное

мъсто.

Пожерли. Прош прич. нескл. отъ Пожрети. См. Жряху.

**Покормъ.** Стар. Прокормка,

продовольствіе.

Покосный. Дерк. Удобный, благопріятный, попутный.

Поохритатися. Стар. Погнъваться, подосадовать.

Попинъ. Стар. Попъ.

Поприще. Церк. Опредъленная мъра путевой длины.

Попріяти. Стар Помочь: (Ср. Сол. И. Р. І, гл. VI).

Поречеть отъ порещи. Дерк.

Упрекнуть, охудить.

- Породный. Стар. Природный. Церк Заставляющій спородитися,», т. е; повоспріять новую жизнь, возродиться.

Порты. Дерк. и стар. Платье,

одежда.

Порубъ. Стар. Мъсто заключенія, темница, острогъ:

Послухъ. Церк. Свидътель. Пострегтать. Церк. То же, что поскрежетать.

Потнемъ. Буд. вр. отъ По-

тяти. Стар. Убить.

Потъснися. Отъ стар. тъснути съ пред. по. Поспъшить, постараться. («Корень тъск, срав. тъщати, тщиться». Миклошичь).

Потягнемъ. Отъ стар. Потягнути: Сдёлать напряженье, устремиться съ ревностью.

Превабити. Стар. Перема-

нить.

При. Пред. пад. отъ пря. Церк. 1) Споръ, состязаніе, ссора, тяжба. 2) Прекословіе.

Привабити: Стар.: Пригла-

сить; призвать, привлечь.

Припловить. Вм. Преполовить. Дерк. Достигать до половины чего-либо.

Принлу. Прич. усвч. отъ при-

плытн.

Принолъ. Стар. Пола.

Присна. Стар. Насыпь, наметанная земля.

Пристряпати. Стар. Устремиться, напереть; приступить. Притча. Стар. Поговорка.

Притяскии бяху. Лежали плотно. (См. Карам. И. Г. Р. ІІ, Прим. 151).

Пробъгли суть. Пропали. (Aufugere. Миклош.).

Пробъгоша. То же, что про-

были суть.

Проваръ. То же, что варъ, стар. варя—напитокъ, приго-товленный однимъ заторомъ, пріемомъ и вареніемъ.

Продажа. Стар. Убытовь; самовольный, незаконный по-

боръ.

Проказа. Стар. Преступле-

ніе. Бѣда.

Прокъ. Стар. Остатовъ.

Проскъпъ. Стар. Тиски, родъ клещей.

Протолча. Стар. Протокъ, рукавъ ръки, статое русло или фарватеръ, между узкими берегами, островами, выдавшимися изъ-подъ воды камнями и проч.

Прузи. Отъ Пругъ. Церк. Са-

ранча.

Прв. Отъ Пря. Стар. Парусъ.

Псати. Стар. Писать.

Пуша (вм. пуща). Стар. Густой лъсъ; чаща.

# Ρ.

**Разсваритися.** Стар. Поссориться.

. Рало. Дерк. Соха, плугъ.

Рамено (рамяно). Стар. Очень, сильно. (Отъ стар. прилагат. рамяный, сильный, обильный).

Рамо. Дерк. Плечо.

Растинати. (Растяти). Стар. Разсъкать, разрубать на части.

Река. Прич. прош. усвч. отъ

рещи, сказать.

Рекше. Стар. То-есть.

Рогаліе. Стар. Орудіе земле-

Родинъ. Стар. Родственникъ. Роженье. Стар. Дитя.

Ролья. Стар. Пашня.

Ронать. Стар. Капище, кумирница. . Ростя. Прош. отъ ростяти то же, что растяти. См. растинати.

Ресулися. Прич. нескл. отъ гл. росути — роз(раз)сути — разсыпать, разсъять (Ср. съсути).

Рота. Церк. Божба, клятва,

присяга.

Рубль. Стар. Отрубокъ, клинъ. (См. Кар. И. Г. Р. II. Прим. 141). Часть старинной гривпы, разрубленной на четыре равные куска, изъ которыхъ каждый назывался рублемъ.

Рухло. Стар. То же, что уухлядь — всякая домашняя утварь.

Рънь. Отмель; коса, приплеса.

C.

Сани. Стар. Родъ особой повозки, покойной и небольшой, въ которой вывозили покойника къ мъсту погребенія. (См. въ лътописи подъ годами 6523, 6562.6580, 6586.—Ср. Успенскаго «Опытъ повъствованія о древностяхъ русскихъ»).

Отсюда выраженіе: съдя на санъхъ (Поуч. М.) — приблиэкаясь къ могиль.

Сваживать. Стар. Смущать, ссорить.

Сваритися. *Церк*. Ссориться, браниться.

Сватиться. Стар. Сближаться, дружиться, входить въ единомысліе съ къмъ-либо.

Свъвъ. 1 л. двойст. ч. отъ гл. свъдъти. Дерк. Знать.

Се. Церк. Вотъ.

Селько. Стар. Столько. (Ср. церк. селико).

Сице. Дерк. Такъ.

Скважия. То же, что сква-.

Скедія. Лодка.

Сколота. Стар. Смута.

Скора. Стар. Необдъланная шкура; мягкая рухлядь.

. Скотъ. Стар. Деньги.

Скотица. Стар. Казна, каз-

нохранилище.

Скупити. Совкупити. Отъ сл. купа—куча, толна. Стар. Совкупить, соединить.

Скупъ. Скупь. Стар. Сборъ,

(См. скупити).

Скуть. Стар. Пола у одежды; мъсто, гдъ можно спрятать что-нибудь.

Смердь. Стар. Человъкъ низкаго званія, принадлежащій

къ черни.

сеймъ. Стар. Собраніе, сеймъ, сонмъ, съйздъ.

Сиятися. Стар. Собираться. Солба. Стар. Посольство.

Сомжаривъ. Отъ гл. сомжарити. *Церк*. Зажмурить, смежить. Сирятати. Стар. Убирать; облекать.

Средовъчь. Стар. Человъкъ.

среднихъ лътъ.

Становище. Стар. Хуторы и домы, гдъ можно было приставать.

Столиье. Ограда.

Странь. Стар. Цёль, мёта, мишень.

Строй землень. Стар. Рас-порядокъ, устройство.

Стрый. Стар. Дядя по ма-

тери.

Стрълище. Стар. Пространство, какое можетъ пролетъть стръла. (См. Буслаева. Ист. Грам. I. § 59, 12).

Стръха. Стар. Крышка,

кровля.

Стужати. *Церк*. Докучать, быть въ тягость; тёснить, стёснять.

Стыдънье. *Перк*. Чувствованіе стыда, происходящее отъ сознанія вины.

Стягъ. Стар. Знамя.

Стяжати. Стар. Дълать чтонибудь на свое иждивение.

Судина. Стар. Сосудъ.

Суперникъ. Стар. Соперникъ, соискатель, состязатель, противникъ.

Сустугъ. См. Перегъбъхъ.

Съмъшемъся (сымшемся). Стар. прич. Въ другихъ спискахъ, кромъ Лавр., сънемъшемъся.

Съсудъ. Сосудъ. Дерк. Ору-, діе.

Съсути. Стар. Ссыпать.

сынь, племянникъ.

Съмо. Церк. Сюда.

Та. Союзъ отъ указат. корня т. (Буслаева Ист. Гр. I. § 77). Cmap. M.

Таже. Тажде. Церк. Потомъ. Таль. Стар. Заложникъ.

Стар. То же, что Таче. -также.

Тезъ. Др. цс. тьзъ — тот эке. Стар. Имъющій одинакое съ другимъ имя, тезка.

Темьянъ. Оиміамъ.

Тепенома. Прич. отъ гл. тети. Тепи. Тепу, еши (Ср. топто и тыптати). Стар. Бить; бичевать. (См. Миклош. Lexic. palaeo-slov.).

Ти. См. Та.

Тивунъ. Стар. Судья нисшей инстанцій; прикащикъ, управитель.

Товаръ. Стар. То же, что таборъ-укръпленный станъ, воинскій и вообще всякій обозъ.

Толи. Стар. Тогда.

Тольстина. Холстина. (Сол. И. Р. І, 112. Кар. И. Г. Р. І. Прим. 115).

Торгъ. Стар. Ярмарка.

Торговище. Стар. Рыновъ.

Тощь. Церк. Тщетный, напрасный, безполезный.

**Требить путь.** Стар. Исправлять, очищать, уравнивать.

Трусъ. Стар. Трепетъ. Буря, сильное колебание. Страшное воздушное явленіе, сильная

буря.

Трызна. Стар. Веннскія ристанія или игры въ честь усопшаго. (Г. Соловьевъ объясняетъ это слово литовскимъ triesina—скачка, ристалище, отъ лит. гл. trîsti—pистать. П.Р. I, Прим. 70).

Тръска. Стар. Жердь, колъ. Тутънъ. (Тутенъ). Стар.

Шумъ, гулъ, зыкъ.

Тънже. Церк. Потому.

Уводы. уведеніе **Умишленное** ROTOлибо.

Увозъ, Стар. Мъсто пере- дядя по матери. правы черезъ ръку, перевозъ. Спускъ съ берега къ пристани, при которой находится нереправа; въ старину «иссадъ».

Удъяся. Сдълалось.

Ужикъ. Дерк. Родственникъ. Ужь. Стар. Канать. (Сол. И. Р. І, гл. ІІІ).

Узорочье. Стар. Драгоцинныя вещи и ткани съ литыми

Стар. Похищение, или ръзными, съ шитыми или ткаными узорами.

Уй. Стар. Материнъ братъ;

Уклады. Г. Соловьевъ переводитъ «уклады на города, потому что въ тъхъ городахъ сицъли Олеговы мужи». (И. Р. I, гл. III). Карамзинъ: Дань, налого (И. Г. Р. І, Прим. 310).

Умыкивать. Стар. Похищать или уводить насильст-

венно.

уненнъ. Г. Соловьевъ переводитъ «бъднякъ». (И. Р. II, 41). — Шевыревъ переводитъ: «хозяинъ». Карамзинъ: «Унеина — хозяина. Унна значитъ домъ на языкъ Кабардинскомъ». (И. Г. Р. II, Прим. 232). Г. Эрбенъ переводитъ просящаю (милостыню), производя это слово отъ древняго цсл. оунити, проситъ. (См. Прим. 76 къ его переводу Нестора).

Уньшій. Церк. Лучшій.

Унци. Множ. ч. отъ Унецъ (юнецъ). Дерк. Молодой быкъ или оленв:

Упругъ. Стар. Мачта. (Кар. II, прим. 141).

**Упръти**. Переспорить, доказать вину.

Уранити. *Церк*. Рано встать, пли рано идти куда-нибудь.

Урокъ. Стар. Окладъ, опредъленный доходъ. Перк. Оброкъ, подать.

**Услъти.** Стар. Сдълать пользу.

Усніе. Стар. Сыромятныя кожи.

Успіяный (квась). Стар. Вода, въ которой кинятилась трава ушица или купальница, и которою мылись въ банъ для истребленія накожныхъ нечистоть. (Слов. Церк. и р. яз. Акад. Наукъ). Щелокъ. (Кар. І, прим 66). Квасъ, въ которомъ отмачиваются кожи и овчины. (Аристова, промышл. др. Руси, стр. 150).

Успяща. То же, что въсня-

ша.

Усръсти. *Церк*. Встръчать. Уставъ. Всякое опредъленіе, какъ что нибудь дълать.

Утль, а, о. Инфющій сква-

жины, дырявый.

Утлизна. *Церк*. Скважина, дира, утлое мъсто.

Утолочити. Стар. Прими-

нать, притаптывать.

# Φ.

Фофудья. Греч. Карамзинь (И. Г. Р. Прим. 330) и г. Соловьевь (И. Р. І.) переводять словомь кафтань, сближая сы греч. фосфосостос — носимый съ поясомъ кафтанъ. —Микло-шичь читаеть «ефудія» оты греч. гробгоу, вещи необходи-

мыя вт дорога (viaticum).— Слово фуфудотт первоначально означало златотканную восточную (вавилонскую) матерію, а потомъ вообще одежду и золотое царственное облаченіе.

# X

**Харатья.** Стар. Папиръ; пергаменъ п все, на чемъ древніе писали.

Хвощеватися. Тереть что-нибудь хвощеми (equisetum, колънчатое, жесткое растеніе). Хлъбное. Съъстные припасы.

(Сол. И. Р. І, 110).

Холонъ. Стар. Свободный человъкъ, который за долгъ обязался служить другому, или по смерть его, или до уплаты долга, и котораго ни продать, ни заложить, ни въ приданое отдать было невозможно.

Хрустове. Мн. ч. отъ хрустъ-(хрущъ). Tenebrio molitor, насъкомое.

Хъза. Кожа.

отъ вопросительнаго корня к и смягченія его въ и. (Бусл. Ист. Гр. I. § 77). Стар. Ли. **Цъжь**. (Отъ гл. *индить*). напитанная сърою; фитиль.

Ци. Союзь вопросительный, | Стар. Жидкій растворь изъ овсяной муки. Кисельный растворъ.

Цврь. Стар. Стра или вещь,

лядь.

Челядь. Невольники. Русскіе купцы сбывали невольниковъ въ Греціп; въ Константинополѣ была особая торгоплощадь, «пдеже рустіи вая

Чадь. Стар. Дружина, че- купцы приходяще челядь продають». (Описаніе чудесь св. Николая).

Череви. Стар. Обувь.

Чи. См. Ци.

Чинъ. Церк. Пора, время.

Шибе имъ. То же, что удари (см. подъ г. 6509).

Щьлягь. Названіе монеты (отъ др. нъм. skilling. Бусл. Ист. Гр. I, §. 37, прим. 1).

Ядръ. Род. мн. ч. отъ ядро, нъдро.

Яже. Жен. р. отъ мъст. от-

носит. иже.

Язвено. Язва.

Ясн. Прош. З л. ед. отъ гл. Arnen.

Ятися. Церк. Взяться; достаться.

Манаубнияний абодилент Московской обл. библиотеки

